

UNIV. OF
TORONTO
LIBRARY

Q. CURTII RUFI

DE

G E S T I S

ALEXANDRI MAGNI

REGIS MACEDONUM


LIBRI QUI SUPERSUNT OCTO.



AD FIDEM CODICUM MANUSCRIPTORUM

R E C E N S U I T

CAR. TIMOTH. ZUMPTIUS.



ADIECTA SUNT NOVA LIBRORUM ARGUMENTA ET DIVERSITAS
LECTIONIS FREINSHEMIANAE.

BEROLINI, 1826.

SUMPTIBUS FERD. DÜMMLERI.

THE UNIVERSITY OF

CHICAGO

OF THE EAST

LIBRARY

OF THE UNIVERSITY OF CHICAGO

CHICAGO, ILL.

LIBRARY OF THE UNIVERSITY OF CHICAGO

CHICAGO, ILL.

LIBRARY OF THE UNIVERSITY OF CHICAGO

23230
116192

6

FRATRIBUS UNANIMIS

**CLARITATE GENERIS, FORTITUDINE, PIETATE,
HUMANITATE EXCELLENTISSIMIS,**

WILHELMO,

PRIMO TRIBUNO MILITUM LEGIONIS XIX.

FERDINANDO,

ALAE EQUIT. PRAETOR. LORICATORUM PRAEFECTO,

BOGISLAO,

VLADISLAO,

SERENISSIMIS PRINCIPIBUS

DE RADZIWILL

CET. CET.

S. D. P.

CAR. TIMOTH. ZUMPTIUS.

ingenii vires omni doctrina excolerent, animique pariter bonis ac fortunae excellerent. Itaque in Vobis imaginem quandam non modo veterum ducum, quorum res gestas cognoscebamus, sed nostrorum principum, avorum Vestrorum, conspiciere mihi videbar, omnemque operam adhibebam, ut disciplina mea illorum exemplis responderet. Nec frustra spem laboremque nostrum fuisse mox eventus docuit. Nam etsi nequaquam quae Tu, illustrissime Princeps Wilhelme, in bello fortiter prudenterque gessisti, litteris Latinis vindicare velim: existimare tamen licet, cum, qui in disciplina puerili Tacitum, gravissimum scriptorem, magna cum delectatione cognoverit, et postea inter negotia rei militaris Caesarem studiose legerit, invenisse in his litteris, quod vitae, non scholae, prodesset. Nec Te, Ferdinande Princeps, cuius insignem animi candorem et sapientiam admirantur omnes, quibus propius nosse Te contigit, hae litterae sine fru-

ctu reliquerunt: hinc enim natum et alitam esse illam stili elegantiam verisimile est, quae iam olim nos, magistros Tuos, non mediocriter delectabat. Vos denique, Bogislæ et Vladislæ Principes, quorum aetas adhuc a republica gerenda remotior fuit, ingenium summa omnia promittit, quanta alacritate difficillima sermonis Latini elementa didiceritis, quanta virium contentione certaveritis, ut industriam mihi Vestram probaretis, libentissime recordor, ac si nunc quidem longe a Vobis absum, in omni tamen commemoratione eruditionis Vestrae gaudio me perfundi sentio. Itaque Vobis, Principes nobilissimi, veterem hunc Alexandri rerum gestarum auctorem meliore veste indutum dedicavi, ut alteri pristinum institutionis orbem animo recolentes legendo delectarentini, alteri ad historiam et linguae Latinae cognitionem proficerent. Nec dubito, quin Vos quoque, Bogislæ et Vladislæ Principes, fratrum clarissimorum exemplo adiuti, aliquando com-

munī patriae Regique comprobaturi sitis, non sine idonea causa maiores ab his litteris iuvenilem institutionem ordiendam esse censuisse. Valete, Optimi Principes, meque, ut totus Vestro clarissimo nomini addictus sum, ita in numero Vestrorum habere ne dedignemini,

Dab. Berolini a. d. VII. Id. April. 1826.

PRAEFATIO.

Q. Curtii Rufi librorum de gestis Alexandri Magni post inventam artem typographicam haec fuit fortuna, ut cum e malo codice negligenter editi et insequenti tempore prout cuique editorum libuerat, correcti essent, ne postea quidem, melioribus emendandi praesidiis repertis, ita ad fidem codicum manuscriptorum exigenterentur, uti veritas ipsa et ratio Latinitatis postulare videbatur. Sic huius scriptoris integritati orationis obfuit eadem illa, quae aliis et poëtis imprimis profuit, religio quaedam principum editionum et vulgatae lectionis. Nam a *Vindelino Spirensi*, qui primus anno 1471 Venetiis Curtianos historiarum libros typis descripsisse vulgo existimatur (quamquam eum principatum Ebertus in Lexico bibliographico ad editorem Romanum Georgium Lauerum nescio quam vere detulit: certe Veneta, non Romana, editio insequentium fons fuit) a Vindelino igitur usque ad Franciscum Modium boni libri, e quibus manus veteris auctoris restitui posset, aut ignorabantur, aut negligebantur, multoque plus editorum coniecturis quam librorum veterum auctoritati dabatur: postquam Modius a. 1579 Curtium ad membranas Colonienses et Siegebergenses accurate recensitum Antwerpiae edidit, ipsa scripturae diversitas ef-

*

fecit, ut homines novam quasi lucem admirarentur potius, quam sequerentur, adeoque omnes veteribus glandibus, quas vetustas quasi sacraverat, quam novis frugibus uti maluerunt, ut ne Freinshemius quidem et Snakenburgius, etsi utrique et huic quidem praecipue contigerat, ut praesidia ad verum inveniendum etiam Modianis praestantiora nanciscerentur, sapere auderent.

Sed sentio, ut intelligatur, quid res sit, inde mihi ordiendum esse, unde tota haec opera nostra processit. Codices igitur manuscriptos, quibus haec fragmenta historiarum continentur, ex uno olim fonte fluxisse facile intelligitur, quod in omnibus eadem lacunae inveniuntur. Verum inter ipsos maximum discrimen esse facile animadvertas, si variantium lectionum indicem apud Snakenburgium examines, nec id eiusmodi, quod ad sollertiam, vel negligentiam scribarum referatur. Neque enim haec est res, ut in aliis libris eadem verba accuratius, in aliis negligentius exarata legantur, in his per incuriam omissa sint, quae in illis appareant, repetantur quae abesse debeant, quaeque alia negligentiae solent argumenta haberi; sed ut in eodem orationis tenore alia verba aliis quasi substituantur, difficiliora et insolentiora tritis et communibus permutentur, alia explicandi causa adiiciantur, constructionum proprietates eludatur, multa denique, quae germanum Latinitatis auctorem sapiant, expellantur, inductis vulgaribus. Itaque vere nobis videmur suspicari, idem accidisse in Q. Curtio, quod in aliis imprimis poetis et Graecis et Romanis accidisse constat: fuisse olim scholasticum hominem, qui cum aut ipse hunc scriptorem studiose legeret, aut aliis explicaret,

quaecunque minus trita viderentur, vulgaribus verbis explanaret, eaque aut postea ex margine libri in ipsam orationem transisse, aut statim, quae maiorum in ea re facilitas et rerum, non verborum, cura fuit, in ipso libro correctae esse. Nec est quod existimemus, doctum illum aliquem grammaticum fuisse, qualis aut Demetrius Triclinius aut Acro et Porphyrio fuit: mihi quidem seculo XIV, aut XV etiam, Curtius interpolatus esse et ex interpolato exemplari, qua aetate res gestae veterum populorum studiose cognosci coeperunt, certatim descriptus videtur, quandoquidem omnes huius generis codices quintidecimi seculi esse constat. Ita fit, ut duplex quasi familia codicum mss. qui hodie inveniuntur, sit, altera interpolatorum sive recensitorum, altera integrorum sive quod ad eandem fere rem hoc quidem in genere redit, antiquiorum. In numero interpolatorum tres Palatini sunt, quorum scripturae varietates Freinshemius in libello variationum lectionum editioni suae subiecit, unus Petri Pythoei, cuius excerpta nescio unde nactus ibidem collegit, Vossianus secundus, quem Snakenburgius accurate contulit, Theocrenianus, cuius variae lectiones in margine editt. Gryphianarum a. 1588 et 1597 notatae sunt, duo manuscripti Oxonienses, alter Coll. Corp. Christi, alter Bodleianus, quorum varians scriptura excerpta est in Musei Oxoniensis litterarii conspectu, Oxon. 1792. 8. alii denique multi, veluti quibus Raderus se usum scribit, qui eam ob causam minus accurate cum editis videntur esse collati, quod parum ab illis discederent. Nam eiusdem familiae fuerunt etiam illi libri, quibus et principes editores in textu typis describendo, et reliqui usque ad Modium

in emaculando usi sunt; quamquam, ut supra significavi, antiqui editores non fere operam in continua oratione ad vetera exemplaria exigenda posuerunt, sed omne negotium suum in eo continuerunt, ut scribarum et typographorum creberrimos errores emendarent, et ulcera, quae leniorem medicinam respuerent, coniecturis partim felicibus, plerumque audacioribus, certe ad externam speciem sanarent. In quo genere nulla nec laude, nec reprehensione dignus est *Bartholomaeus Merula*, quem ridicule Casp. Barthius (apud Freinshemium in catalogo editionum ad a. 1494) scribit primum optimo auctori corrumpendo audaciae signum sustulisse. Ille vero, quamvis, qui mos fuit eius aetatis, operam suam in dedicatione valde praedicaret, nihil tamen aliud fecit, quam quod hodie vel ignavi correctores in emendandis typographorum plagulis faciunt, ut errores aliquot nimis conspicuos ex principe editione tolleret, multo plures relinqueret. Sed laudandus est *Franciscus Asulanus*, qui cum Aldinam curaret, non mendas solum graviores sustulit, sed quaedam etiam difficiliora sollerter restituit. Postea vero imprimis qui *Frobenianam* et *Gryphianam*, utramque anni 1545, curarunt, multo plus sibi licere videntur arbitrati esse; nec amplius cum librariorum ignorantia, sed cum ipso scriptore rem sibi esse rati, etiam ea, quae utcunque ferri possent, corrigere et elegantiora scilicet reddere coeperunt. Veruntamen, quod initio dixi, omnes hi antiquiores ex principe editione et ea, quam descripsi, codicum manuscriptorum familia sic pendebant, ut aliam normam, ad quam operam suam dirigerent, haberent nullam. Quantum tamen etiam intra hos fines accurata veteris exemplaris collatione

ad emendandum textum profici posset, primus ostendit *Hadrianus Iunius*, qui cum Brugis apud Schoenhovium Canonicum veterem librum manuscriptum invenisset, non illum quidem ex optimis, sed tamen ad optimorum familiam prope accedentem, multis locis Curtium emendatorem reddidit in edit. Antwerp. a. 1546, quam est in Freinshemiana. Itaque miror, qui factum sit, ut insequentibus editores illius opera parum usi fuerint, nisi haec est causa, quod editio Iuniana mox inter rarissimas haberi coepit.

Haec sic erant, cum *Franciscus Modius* in editione Coloniensi a. 1579 novam viam emendandi Curtii aperuit. Devenimus enim ad eum locum, quem antea omiseramus, cum de duplici codicum mss. familia exponere orsi essemus. Nam in altera integriorum codicum classe agmen ducunt hi libri, quibus Modius ad recensendum Curtium usus est, Siegebergensis et Coloniensis. Sed dolendum magnopere, quod nec ipse accuratiorem eorum descriptionem dedit, nec quid illis postea factum sit, vel quo delati sint cognovimus; fuisse et inter se similes et a vulgaribus diversos facile patet, cf. ut unum alterumque locum pro pluribus laudem, quae Modius ad VIII, 5, 10 et 6, 18 annotavit. Varias eorum lectiones Modius non excerpserit, sed totum opus ad eorum auctoritatem recensuit, id quod facile fuit intellectu ex comparatione eorum codicum, qui postea latebris protracti et cum editis collati penitus cognoscuntur. Hi sunt ex Freinshemiano apparatu libri Bongarsiani, nunc Bernates, quorum duplex instituta est collatio, altera a Iano Grutero, qui duos se Bongarsii codices tractasse et meliorem ex nomine prioris possessoris Petri Danielis librum appellasse scripsit, altera

ab ipso Bongarsio in margine Aldinae, qui libros suos modo numeris 1. 2. distinxit, modo nihil nisi variantem scripturam posuit. Inde factum est, ut in farragine Freinshemiana plerumque simul utraque nota et Dan. et Bong. appareat, ac prorsus incertum sit, utrum unum librum an duos auctores habeas, praesertim cum idem Freinshemius in indice praesidorum criticorum tres fuisse Bongarsianos codices tradiderit. Equidem in hac dubitatione unum esse arbitror, Bongarsianum secundum, eundem Danielianum, qui optimis accenseri debeat. Praeter hunc inveniuntur apud Freinshemium variantes ex libro Claudii Faucheti negligenter nec satis constanter excerptae, sed est quod hunc quoque librum antiquum et integrum existimemus. Diligentiam, quam in his desideravimus, cumulatam praestitit Henr. Snakenburgius, effecitque ut de recensione Mediana certum verumque iudicium facere possemus. Nam antiquissimos duos codices bibliothecae Leidensis, quorum unum Vossianum priorem, alterum Leidensem appellavit, tam religiose cum textu Freinshemiano contulit, ut nihil amplius latere videatur. Huc accesserunt excerpta Nic. Heinsii ex codice Florentino, ut videbatur, neque enim certum quicquam constabat, cum illis duobus libris maximam partem congruentia. Haec igitur altera et potior familia codicum Curtianorum est, quos ubi cum recensione Modiana comparaveris, illud, quod supra significavi, perspicies, Modium, ubi nihil ipse annotaverit, tam fideliter codices suos secutum esse, ut, eius editio omnium, quae hucusque prodierunt, proxime in hoc quidem genere ad veritatem accedere videatur.

Qui igitur factum esse dicemus, ut, cum

de praestantia horum codicum nemo fere sit qui dubitet, insequentes tamen editores eorum lectionibus aut nihil aut parum constanter ad restituendam textus integritatem usi fuerint, Modianae autem recensiois rationem prorsus ignoraverint? Nam quod plerique omnes Modii ingenium laudant, fidem desiderant, prorsus invertendum est: ingenio enim, quod praecipue in coniecturis felicibus suaeque vi persuadentibus cernitur, nulli praestitit, multum certe *Valenti Acidalio*, adversario suo, cessit, nec animi quaedam importunitas, qua hominum more felici aliquo reperto famam nactorum elatus, fungos ac stipites quicunque ipsi diffidere viderentur, nominavit, pro ingenio habenda fuit. Ipsa haec hominis in coniecturis suis venditandis superbia totam eius recensioem infamavit. Nam cum permulti loci superessent hodieque supersint, in quibus emendandis ingenio et acri mentis intentione opus est, hos male plerumque aggressus et ab aliis convictus effecit, ut homines de omni potius recensione dubitare mallent, quam distinguere, quid ex veterum librorum auctoritate tacitus correxisset, et quid illo auxilio destitutus ipse excogitasset. Reliquis autem codicibus bonis, Bongarsianis dico, Fauchetiano, Leidensi, Vossiano, quominus ita ut par fuit uterentur, obstitit illa inveterata vulgatae scripturae religio, nec alioquin *Raderus*, *Freinshemius*, *Snakenburgius* critica facultate satis instructi videntur fuisse. Itaque post tot emendandi praesidia reperta et laboriose congesta vetus honos vulgatae mansit, paucaque in ea mutavit Freinshemius, multo etiam pauciora in Freinshemiana Snakenburgius. Nuper demum *Frid. Schmiederus* (Gotting. 1803) non caecus fuit adversus

praestantiam Leidensium librorum, verum ne is quidem rectam inisse viam videtur. Nam cum nihil aliud in hac re et exigi et praestari debeat, nisi ut editor quae exemplaria vetera ratione usuque proba invenerit, ea constanter sequatur, nec ab iis discedat, nisi ubi eadem ratio mendosa esse evicerit, Schmiederus, cum vulgarium librorum condicionem parum perspexisset, contentus fuit hic illic, nec nimis raro nec satis frequenter, quae ipsi videbantur meliores lectiones recepisse, saepe computatione codicum inita, quo nihil potest esse magis a veritate alienum. Verum haec ratio veterum scriptorum interpolandorum, (nam hoc est interpolare, diversis confundendis novum aliquid efficere) quam imperiti emendationem vocant, etiam nunc in plerisque veteris elegantiae monumentis sic obtinet, ut Schmiedero facile ignoscas, cui cum historica interpretatio proposita esset, recensendi hoc negotium minus curae fuit. Alioquin fatendum est, textum, qui dicitur, Curtii in Schmiederiana editione multo integriorem esse, quam in Freinshemiana, quamquam minus sibi constantem quam in Modiana.

Itaque ego quoque, cum ante hos ferme duodecim annos Curtium explicare optimis adolescentulis in schola Fridericiana, quae in hac urbe est, coepissem, Schmiederiana editione utebar, sed cum accuratius privatis quasi studiis fontes vulgariae scripturae investigarem, eaque quae modo exposui invenissem, intelligebam bene me de litteris Latinis meritum, si relictæ vulgari via elegantissimum opus ad codices Leidensem et Vossianum I, assumptis in auxilium ceteris eiusdem familiae libris et editione Modiana, exegissem. Veruntamen confirma-

firmato consilio, cum de Bongarsianis codicibus maxima dubitatio orta esset, parumque de Heinsiana nota *Fl.* constaret, nova rei bene gerendae praesidia conquirenda mihi esse statui; et imprimis de Florentinis codicibus cogitare coepi, quos octo esse numero Bandinius in catalogo codd. Latt. Tom. II. pag. 702 sqq. docet, et unum quidem insignis vetustatis, quem eundem esse atque Heinsianum illum iam tum suspicabar. Voti compotem me reddidit singularis humanitas Ben. Friedlaenderi, civis mei, honestissimum otium honestissimarum artium tractatione terentis, qui simulatque per familiares sermones quae cuperem intellexit, statim ad eam rem operam suam prolixissime detulit, mihiq[ue] per Sestinium Florentinum, amicum suum, aditum paravit ad Franciscum de Furia, doctissimum bibliothecae Laurentianae praefectum. Nec spes nos felicit. Dedit hoc ille precibus nostris suaeque voluntati de litteris bene merendi, ut non solum octo illos codices, sed etiam nonnum aliquem, nuper demum e conventu patrum Dominicanorum, vulgo sanctae Mariae Novellae dicto, in Laurentianam translatus, cum Frëinshemiana editione conferendos curaret, tanta tamque laboriosa etiam in minimis rebus diligentia, vix ut quod addi posset superesse videretur. Intellexi tum, quod suspicatus eram antea, longe maiorem codicum mancriptorum, qui hodie extarent, partem ex interpolatione illa, de qua in principio dixi, fluxisse, sed superesse etiam aliquos antiquiores, quorum auxilio non integra quidem manus auctoris restitui, sed oratio tamen a levioribus istis et per totum opus pervagatis vulneribus liberari posset. Nam e novem Florentinis duo

tantum interpolationem nullam passi videntur, propterea quod antiquiores sunt, unus qui in pluteo 64 numero 35 notatur, seculo undecimo ineunte scriptus in quarto, ut dicunt, quadrato, quem eundem ab Heinsio tractatum esse certo expertus sum, quamquam haud ita raro, ut fieri solet, illius excerpta a nostris differunt, alter, quem modo dixi olim patrum Dominicanorum fuisse, nr. 391 insignitus, seculo quattodecimo in folio verbis perquam compendiosis exaratus. Reliqui, quamquam non pari ratione, propius ad editiones principes textumque vulgarem accedunt, sed ne sic quidem sine magno fructu nobis fuerunt, quandoquidem et illi principes editores multis in locis codicum suorum auctoritatem neglexerunt, quod diligentiam praesertim in verborum colloca-tione tanti non aestimarent, et insequentes ae-que multa pro arbitrio mutarunt, quae non opus fuit. Etiam qui loci sanari non possunt, nisi audaciore coniectura, rectius temptantur, si quam plurimorum manuscriptorum lectiones in promptu sunt, quam si ad unius et alterius saepe male repetitam scripturam emendandi periculum instituere cogaris. Quo in genere memorabilis est codex membranaceus trigesimus eiusdem plutei 64, a me littera G notatus, quem manifestum est ab erudito quondam homine interpolatum esse, sed ita interpolatum, ut eius coniecturae persaepe eam verisimilitudinem habeant, quam hodie sequi solemus. Quominus Parisinis copiis uter, ad quas Car. Bened. Hasii amicitia, Viri et doctrinae et humanitatis laudibus eximii, aditum mihi paraverat, fecerunt excerpta trium codicum nr. 5716. 5717. 5718 duorum capitum, quinti et sexti, libri VII, per Michaë-

Iem Beerium, oilium discipulum meum, nunc poëticis studiis inclarescentem, mecum communicata, e quibus cognovi, nihil in illis libris esse, de quo non abunde ex Florentinis constaret. Sed hoc in transitu monere non alienum erit, videri codicem 5718 eundem esse, quem olim Petrus Pythoeus possidebat, cuius variantes lectiones non admodum diligenter excerptae in collectione Freinshemiana insunt, si quis forte aliquando eo indicio uti volet ad purgandum illum variantium lectionum libellum.

His igitur novis praesidiis adiutus cum intellexissem, nimium saepe errare, qui veterem scriptorem se legere rati ludibriis imperitorum vexarentur, totum opus denuo recensitum edere operae pretium videbatur. Quem ad finem commentarium conscripsi, in quo de singulis locis accuratius agerem, codicum mss. et veterum editionum scripturas recenserem, quid verum, quid falsum esset ex sermonis Latini rerumque ipsarum natura diiudicaret, locorum denique gravioris remedii indigentium emendandi vias et ab aliis initas et a me ipso inventas proponerem. Nunc autem, quoniam ita videtur ratio plurimorum lectorum et adolescentium imprimis antiquitatis studiosorum postulare, necdum eo mihi contigit frui otio, ut quae scripsissem percolerem et forensi quasi veste induerem, ipsum Curtium sine apparatu illo edidi, sperans interim me, dum commentarium typographis describendum darem, et sententias hominum doctorum de difficilioribus aliquot locis cogniturum, et bonas voluntates in augendis copiis nostris experturum. Nam aegre desidero eas editiones, quae inter Aldinam et Modianam interiäcent, imprimis Frobenianam et Gryphianam a 1545, ne-

que Iunianam cognovi, nisi ex variantium lectionum libello, quem ex hereditate avi sui, philologi quondam Erlangensis, nactus benevole mecum communicavit, curante Godofredo Seebodio, H. Harlesius, Graecarum Latinarumque litterarum in gymnasio Herfordensi professor. Veruntamen ne sic quidem nuda haec editio vel doctioribus inutilis erit: nam operam dedimus, ne quid locum inter verba veteris scriptoris obtineret, nisi quod liquido in codicibus manuscriptis inventum esset, et si quid invitis illis emendandum fuit, praeter vulgarem scripturam etiam quid in optimis codicibus legerebatur, indicavimus, ut iam qui ingenium in emaculandis his vetustatis reliquiis exercere velint, habeant quo securi utantur.

Tironum causa nova librorum argumenta, quibus temporum quoque notationes continebantur, confecimus, et immensa illa capita, quibus oratio parum distinguitur, contraximus, ut et hac in re Curtiani hi libri reliquis scriptoribus, qui in scholis legi solent, similiores essent, et vero etiam ipse intellectus adjuvaretur, dum, quae diversa essent argumento, etiam oculis discernerentur. Veterem tamen distinctionem in margine interiore servavimus. Adituri etiam fuimus mappam geographicam, Bocagianâ illa apud Santacrucium et Lemarium, novissimum Curtii apud Gallos editorem, veriore, ni et redemptoris festinatione et artificis tarditate exclusi essemus. Itaque eam maiori, quam paramus, editioni adiiciemus. Interim tironibus magnopere commendamus, ut, si quem historiae fructum praeter Latinitatem ex hoc libro petant, ne omittant uti tabula geographica orbis terrarum ad aetatem Alexandri Magni accommodata, quae in regio instituto

lithographico Berolinensi confecta est, quippe quae et minimo constet, et omnium, quas noverim, ad hunc usum aptissima sit.

Orthographia Latinorum verborum usi sumus ea, quae, quamvis haud raro a vulgari usuque recepta differret, in codicibus tamen manuscriptis aliisque vetustatis monumentis obtinere videbatur. De qua re difficile est et dicere, et non dicere. Constat enim veteres Romanos ipsos in nulla re magis inconstantes fuisse, quam in hac scribendi ratione, praesertim quod ad litterarum, quam vocant, assimilationem pertinet. Equidem aurium iudicium, quod etiam plerisque veterum grammaticorum maxime probabatur, et quod perpetuo fere usu in iis manuscriptis, quos ipse perlustravi, confirmatur, secutus sum: nec tamen non potui propter eundem illum usum in quibusdam vocabulis inconstans esse. Itaque scripsi *adscribere, adstringere, adstruere, et exsanguis*: et grammaticorum placitis obsecutus *circumire* cum scripserim, usui tamen obediens *circuitus* praetuli. *Beneficus* et *maleficus* Velius Longus pag. 2235 Putsch. recte videtur defendisse, sed perpetuus usus manuscriptorum, quin etiam grammaticorum paene consensus *benivolentiam* postulat. Facilius defenditur *coniunx, quotiens, anulus, contio, quicquid, accersere*, item scriptura vocis *dicionis*, alia, sed utrum *temptare* an *tentare, recipere* an *recuperare* probes, vix ex usu scribendi certe constitueris. Difficillima res est de duplici vocali *i*. Codices enim et *di, dis* et *idem, isdem* tantum non ubique, sed obstant tamen, quominus necessario sic etiam hodie scribendum esse putes, alii loci. Itaque in his quidem vocibus vulgarem scribendi consuetudinem retinui, etsi pronuntiando velim

contrahi. Sed pro *ii* et *iis* codices fere semper *hi* et *his*, nec ego eorum constantiae refragandum putavi, quandoquidem de usu horum pronominum inter eruditos constat non esse ex ea, quae hodie obtinet, consuetudine iudicandum. Consonantem *j* non expressimus, quod in edendis veterum libris etiam usum veterum, quoad licet, sequi maluimus: nec tamen, sicut in omnibus codicibus manuscriptis fieri vidimus, verba composita ex eo, quod est *iacere*, simplici *i* scripsimus, quoniam hoc in prosa oratione non tam pronuntiandi ratione, quam breviter scribendi more videtur factum esse. Omnem vero constantiae laudem, quamvis expetam, in Accusativis nominum Graecorum omisi. Vidi enim Snakenburgium, cum *en* et *an* et *in* terminationes ubique obtruderet, a fide, quae etiam his in rebus libris manuscriptis debetur, ita discessisse, ut ne illam quidem constantiam teneret. Nam, ut pauca, quae nunc incurrunt, afferam, *Cyropolim* edidit VI, 6, 16 et *Leonidam* VII, 2, 35 et *Bucephalam* VI, 5, 18. Equidem igitur, cum corrigendi nullus videretur finis esse, singulis locis optimos libros secutus, id quod mihi licuit per admirabilem diligentiam, qua libros Florentinos contulit quisquis illos contulit, modo Graecam, modo Latinam terminationem induxi, neque non est verisimile variasse etiam in his auctorem, qui Macedones et Parmenionem totiens appellaverit *Macedonas* et *Parmeniona*. Sed ne omnem inconstantiam in nostra editione veteri auctori imputemus, sunt etiam loci, ubi nos ipsi peccavimus. Sic contra institutum nostrum p. 24 *dis* irrepsit p. 67 *submitti*, p. 157 *evulsa*, p. 262 *astrinxerat*, pluribusque locis *conditio*, quae aequi laboris nostri aestimatores nobis condona-

bunt, sicut typographo, quod pag. 9, nr. 15. *parent* pro *parant* peccavit, et si forte quod aliud *σφάλμα* oculos nostros quamvis curiosos effugit.

Et haec quidem hactenus. Sed erunt fortasse, qui cum de nova Curtii recensione audiverint, et frustra num lacunae expletae et errores geographici, propter quos acriter hic auctor accusari solet, codicum ope sublatis sint, quaesiverint, omnem hunc laborem contemnunt, et pueris, non viris, utilem censeant. His non equidem me defendam: satis mihi erit elegantissimo operi pristinum nitorem magna ex parte restituisse, et Latinitatis verae ac germanae studiosis tradidisse, quo legendo delectentur et in ea, quam expetant, scientia proficiant. Quamquam ne ad historiae quidem cognitionem aut ipse Curtius aut haec cura nostra inutilis erit. Sentio enim me eum ad locum delatum esse, quem non debeo intactum praeterire, ut exponam, qua aetate vixisse Curtium, quemque locum inter rerum auctores tenere existimem. Ea de re valde discrepare hominum doctorum opiniones abunde constat. Velut in hac ipsa urbe nuperrime tres viri, in suo quisque genere excellentes, doctrinae vero et ingenii laude pariter florentes, diversissimas ea de re sententias tulerunt, dum Curtium A. Hirtius ad Augusti, Phil. Buttmannus ad Vespasiani, Barth. Niebuhrius ad Severi aetatem revocarunt *). Itaque, omissis refellendi contentionibus, simpliciter quid mihi videatur exponam. Omnis autem haec quaestio procedere fere solet e contemplatione duorum loco-

*) *Hirtii* et *Buttmanni* libelli de vita Q. Curtii Rufi historici prodierunt Berol. 1820. *Niebuhrii* commentatio de Curtii et Petronii aetate legitur in *Commentationibus Academiae Berol. annorum 1822 et 1823.*

rum, IV, 20 et X, 28 nostrae editionis, quibus auctor suam aetatem significasse videatur. In his equidem nihil invenio, quod non ad Octavianum Augustum referri possit, nonnulla, quae ad illum solum pertineant. Imprimis me movet illa significatio *invidiae* in altero loco, (nam priore nihil magnopere ad causam diiudicandam proficias,) quae in principatu recens instituto, compressis libertatis recuperandae conatibus, locum habet, non habet in inveterata principibus parendi consuetudine. Et moderationem quandam laudis invenies in his verbis: *Proinde iure meritoque populus Rom. salutem se principi suo debere profitetur*, ab ingenio posterioris aetatis alienam, ac ne tum quidem satis idoneam, ni et ipsa *principis* appellatio nova fuisset, et Octavianus ea maxime re gloriatus esset, quod pacato orbe terrarum populum Rom. conservasset, eique salutem attulisset. Esse autem gloriatum nummi testantur, quibus inscriptum est: *Salus generis humani*, et *S. P. Q. R. Parenti Conservatori suo*. Vide Eckhel. doctr. num. vett. Tom. VI. p. 108 et 113. Et aptissime sane Hirtium, quae eius est recondita doctrina, admonuisse puto, *noctis* commemoratione Curtium videri ad obfuscatum solis nitorem et caliginem nebulosam, toto illo anno, quo Caesar est occisus, terrae incubantem, allusisse, id quod ne poëtae quidem omiserint, Virgilius Georg. I. 466 sqq., Tibullus Eleg., II, 5, 75, Ovidius Metamorph. XV, 785; quamquam nollem doctum hominem nimis tenaciter illi rei inhaesisse, ut singula quaeque ad eam rationem exigeret. Unum illud minus in Augustum convenit, quod auctor tempestatem renascentium bellorum principis ortu *subito* conquievisse tradit, quandoquidem
ferax

ferax bellorum civilium tempus secutum est, priusquam fessa omnia Augustus principis nova auctoritate et nomine complecteretur. Verum hoc ipsum adulatoris esse dico, cuius proprium est ingrata tegere, ad feliciora propere, contrahere tristia, in laetioribus immorari. . . . Itaque non video quid impediat, quominus, sicut multi ante nos censuerunt et nuper Frid. Aug. Wolfius in notis ad Suetonium et in praef. ad Cic. Marcellinam pag. XXXIII, et idem A. Hirtius, Q. Curtium Rufum historiae auctorem eundem esse statuamus atque rhetorem, cuius vita a Suetonio descripta cum pluribus aliis intercidit, sed nomen in indice clarorum eloquentiae professorum, inter M. Porcium Latronem et L. Valerium Primanum legitur. Neque enim ab ea professione et aetate dissentit, cuius imprimis velim rationem haberi, Latini sermonis in hoc opere condicio. Nam orationum scribendarum imprimis studiosum fuisse auctorem facile intelligas, earum autem tanta vis est, tanta efficacia, vix ut in hoc genere quicquam praestantius inveniri posse non mihi solum videatur, sed Lipsio et Perizonio, quorum hic in Curtio vindicato p. 9. *disertissimas*, ille in notis ad lib. I. Politic. c. 9. *supra quam dicere possit facundas* appellat. Elegantiam autem sermonis universi maiores nostri, non dico turbam istorum, qui quicquid ex antiquitate superest in coelum quasi evahunt, sed ipsi principes harum litterarum tantopere admirati sunt, ut non multum ab integritate Ciceroniana abesse censerent. Nam quibus rebus imminentem Latinitatis labem agnoscimus, poëticae voces in prosam orationem inductae, particularum vis neglecta, verbi modorum temporumque usus minus accuratus, in

omni re exprimenda argute dicendi studium et brevitatis quaedam falsa species, etiam omit- tendis orationis particulis verbique substantivi formis sese prodens, haec omnia apud Cur- tium, si in universum iudices, non reperiri, si singula accuratius explores, iam appropinquare et quasi protendi censebis. Pertinere huc vide- tur omissio praepositionum *in* et *ab*, et fre- quens imprimis accusativi apud infinitivum, da- tivi et accusativi usus ad Graeci sermonis pro- prietatem accommodatus, poëticae voces sed admodum parce et modeste usurpatae, quales sunt *iuventā*, *saevus*, alia, quae quia sunt subti- liora, minus bene verbis explicari quam sensu percipi possunt. Praecipue in describendis lo- cis et regionibus orationem poëticis coloribus distinguit, sed ubi ad rerum gestarum narra- tionem procedit, antiqua simplicitas elucet, ne- que eam non prodit, ubi de admirabili regis ingenio exponit, quem locum non dubito quin posteriorum quivis argutius et ambitiosius tra- ctaturus fuisset.

Itaque quemadmodum Curtium ipso ora- tionis genere paulo antiquiorem fuisse censeo Velleio, quamquam non sane multum interest, sic aetate anteisse invenio. Nam Porcium La- tronem, qui Curtium in indice Suetonii proxime antecedit, semetipsum inedia interemisse constat ex Eusebii chronico quadragesimo im- perii Augusti anno, id est u. c. 751, ante Chr. nat. tertio, aetatis anno ferme quinto et quin- quagesimo. Fuit enim L. Senecae rhetoris so- dalis, quem ex prooemio libri primi Contro- versiarum intelligimus, anno u. c. 711. ea ae- tate fuisse, ut Ciceronem domi declamantem audire potuerit. Sic enim ille: *Nec Ciceronem quidem aetas mihi eripuerat, sed bellorum civi-*

*lium furor, qui tunc orbem pervagabatur, intra coloniam meam me continuit. Alioquin in illo atrio, in quo duos grandes praetextatos (Hirtium et Pansam Consules) ait secum declamare solitos, potui illud ingenium, quod solum populus Rom. par imperio suo habuit, cognoscere. Quindecim annos tum natum fuisse ponamus, sic adiectis quadraginta annis, qui inter illos Consules et annum 751. intersunt, numerum, quem supra posui habebimus. Quodsi tale discrimen aetatis inter illos rhetores apud Suetonium putamus interfuisse, ut alter iuvenis alterum virum et senem viderit, Curtium non multo post Christum natum, vel, ut certius dicam, ipso illo tempore, quo nova lux generi humano orta est, iuvenem triginta ferme et paulo amplius annorum scripsisse statuendum erit. Nolim enim post obitum Gaii et Lucii Caesarum (a. 755. u.c.) propterea quod Tiberius Nero, ab Augusto adoptatus, vir domi militiaeque clarus, videtur accuratius appellari debuisse, quam auctor uno verbo posteritatis fecit: *Excipiet huius seculi tempora eiusdem domus, utinam perpetua, certe diuturna posteritas.* Immo nihil impedit, quominus Curtium vel ante Latronis mortem historiam conscripsisse putemus, ut pueros Caesares, ne si adulari quidem vellet, aliter appellare potuisset.*

Num autem hic Q. Curtius Rufus rhetor et historicus idem fuerit, quem Tacitus Annal. libro XI, 20 sqq. admodum senem Consulem factum, et anno 800. in Germania triumphu insignia meruisse, postremo in Africa Proconsulem obisse tradidit, quam sententiam acriter nuperrime Hirtius defendit, equidem non diiudico. In aetate nihil magnopere est quod obstet, nam qui Christo nascente triginta an-

norum fuisset, potuit is septem et quadraginta annis post, senex, quae tum fuit reip. gerendae condicio, exercitui praeesse: sed alia multa sunt in ea opinione parum verisimilia. Nemo enim videtur in censum clarorum rhetorum, i. e. eloquentiae magistrorum, tam cito pervenire potuisse, ut integra adhuc aetate, commutato studio, ad remp. administrandam et honores petendos animum liceret convertere; certe id tam inauditum est, ut non modo alios, sed Tacitum, qui multa et singularia de homine tradit, etiam ea de re dicturum fuisse certo credam. Mihi vero, si hariolari in re incerta licet, senex Consularis ancilla vel impudica muliere natus, et a rhetore pro filio habitus aut adoptatus videtur. Flagitium certe aliquod latuisse verisimile est, quoniam Tacitus *pudere se* scribit, *vera de illius origine exequi*, et Tiberius Caesar tamquam terrae filium, qui iustos parentes ciere nequiret, eum *videri sibi ex se natum esse* dixit.

Ipsam rhetoricam stili exercendi causa historiam Alexandri sibi pertractandam sumpsisse, in eoque argumento Graecum aliquem scriptorem pressius secutum esse, et per se verisimile est, et ex tota ratione operis intelligitur. Etenim communem ei cum Diodoro Siculo in libro XVII *βιβλιοθήκης* fontem fuisse, ex comparatione utriusque adeo neminem fugit, ut fuerint qui hac similitudine abusi eum vertisse Diodorum opinarentur. Sed hoc falsum esse ex eo intelligitur, quod easdem res ubique aliquanto uberius narrat, multaque addit, quae Diodorus brevitati studens neglexerat. Illum autem Graecum scriptorem, ab utroque expressum, fuisse Clitarchum, Dinonis filium

filium, Aeolensem in historia Alexandri (αἱ περὶ Ἀλέξανδρον ἱστορίαι, sive τὰ περὶ Ἀλέξανδρον, utroque enim modo Athenaeus) inde patet, quod haud pauca, quae scriptores Clitarchi nomine adiecto proferunt, paene disertis verbis apud Diodorum inveniuntur: vide Wes-seling. ad libr. 17, cap. 14. 75. 77. 90. 108. ipse autem Diodorus nullum in hac quidem operis parte auctorem laudat, Clitarchi mentionem facit lib. II. c. 7 in describendis Babylo-niorum muris, translata in alium operis locum huius rei tractatione, quam Curtius eodem quo Clitarchus habet lib. V, c. 4. Accedit huc, quod Curtius non alios nominat auctores, nisi Clitarchum et Timagenem, IX, 24, quibus illic Ptolemaei auctoritatem opponit. Timage-nem supparem suum Romaeque viventem non videtur cum laude imitari potuisse, a Ptole-maeo discrepare Arriani historia, quae ex illo pendet, demonstrat, relinquitur unus Clitarchus, quem data occasione, scilicet ut sui iudicii videretur esse, etiam reprehendere ausus est. Et eundem iterum laudat IX, 32 *octoginta milia Indorum in ea regione caesa Clitarchus est auctor*, consentiente Diodoro cap. 102: *κατέκοψε τῶν βαρβάρων ὑπὲρ τὰς ὀκτὼ μυριάδας*. Ingenium Clitarchi apud veteres in honore erat, fides in-primis in rebus naturalibus infamabatur. Vide Quintilianum Inst. Orat. X, 1, 74 et quae ad eum locum Spaldingius annotavit, hausta ex Vossii libro I de historicis Graecis et Santacru-cii Examine historicorum Alexandri Magni pag. 41 sq. Hinc pleraque fluxerunt, quae in Cur-tio reprehenduntur, nam homo Romanus et rhetor vix emendare quicquam, quod ad Asiae remotissimas regiones pertinebat, poterat, ali-qua etiam propter rerum ignorantiam et ser-

monem peregrinum corrumpere debebat, id quod non semel etiam doctioribus, quae veterum in hoc genere fuit ingeniosa quaedam levitas, accidisse constat. Veruntamen hoc equidem contenderim, universam rerum imaginem multo luculentiorē ab hoc nobis expressam esse, quam a Diodoro, arido scriptore et unice ad facta, quae dicunt, excerpēda et in horrea sua constipanda, quamvis videri nolit, intento. Quodsi utrumque coniunxeris, a Diodoro ossa sumpseris, carnem, quibus ea quasi vestias, a Curtio petiveris, non dubito, quin ambo scriptores Clitarchum tibi repraesentare possint, *celebratum olim auctorem*, teste Plinio Hist. natur. X, 70.

Scrib. Berolini pridie Cal. April. 1826.

Q. CURTII RUFII

DE

GESTIS

ALEXANDRI MAGNI

REGIS MACEDONUM

LIBRI DECEM,

QUORUM PRIMUS ET SECUNDUS PERIERUNT.

Q. COURT REPORT

WILLIAM C. CORTLANDT

NEW YORK

1881

PRINTED BY J. B. LIPPINCOTT & CO.

Q. CURTII RUFI

DE

GESTIS

ALEXANDRI MAGNI

REGIS MACEDONUM

LIBER III.

ARGUMENTUM.

(1) Alexander, postquam plerasque urbes Graecas, in ora maritima Mysiae, Lydiae, Cariae sitas, partim conditionibus, partim vi in potestatem suam redegit, anno a. Chr. nat. 333 ineunte ex Caria in Phrygiam movet exercitum, urbem arcemque Celaenarum capit. (2) Iam vere omnes copias ad bellum persequendum contrahit: Gordium, caput olim Phrygiae, venit, et celebris vehiculi nodum fatalem gladio solvit. (3) Hinc navalibus copiis adversus Memnonem classis Persicae praefectum (interea demortuum) parari iussis, ipse Ancyram petit, Paphlagones in deditionem accipit, Cappadociam intrat.

(4) Contra Darius, cum ipse proelio decernere statuisset; castris ad Babylonem positis, numerum copiarum iniit. (Re censet Curtius 309200 armatos.) (5) Charidemus, exul Atheniensis, regem, certa victoriae spe elatum, linguae consiliique libertate offendit et capite poenam luit. (6) Somnia tamen illum curis distrahunt, quorum terrore a vatibus prudenti interpretatione sublato, castra moveri iubet. (7) (8) Agminis ordo describitur, longe diversa facie Macedonici exercitus.

(9) Alexander Cappadocia, quae cis Halyn est, in dicionem accepta, ad angustias montis Tauri, quibus Cilicia aditur, pervenit, Persis retro concedentibus. (10) Ciliciae situs ac

natura describitur, (11) Pylas Ciliciae caute intrat, Tarson a Persis incendi coeptam propero adventu servat. (12) In Cydno frigidissimo anne lavans gravi morbo corripitur, quae res Macedonum animos ingenti terrore percellit. (13) Ipse rex celere remedium poscit, quamvis periculosum, frustra dehortantibus amicis. (14) Philippo Acarnani medico id pollicenti, contempta Parmenionis admonitione, fidem habens, (15) medicamentum praebitum haurit. (16) Mox convalescit cum gratulatione Macedonum regis amore flagrantium.

(17) Solos progreditur, per otium ibi ludos votivos celebrat, inde Isson petit, locum pugnae aptissimum. (18) Sisenes Persa, inter amicos Alex. receptus, ob inanem suspicionem perfidiae in itinere interficitur. (19) Darius auctus Graecorum mercenariorum copiis et consilio retro abeundi dividendique exercitus spreto (20) per pylas Amanicas exercitum in Ciliciam immittit: Isso post Alexandri terga capta, ubi relictos de exercitu Macedonum, iam per pylas Syriae in Syriam progressorum, excepit, ad Pinarum amnem, tamquam persecuturus hostes, procedit. (21) Alexander, comperto Darium cum omni exercitu in Ciliciam diverso itinere descendisse, converso agmine et ipse per angustias (pylas Syriae) in Ciliciam ad proelium paratus redit. (22) Etiam Darius cum cognovisset non fugere Macedones, sed in Syriam progressos iam adversus ipsum reverti, pugnandi consilium expedit. (23) Describitur Persarum acies, item (24) Macedonum. (25) Alexander proelium ingressurus varia adhortatione animos militum suorum firmat, (26) tum equestrem pugnam in dextro cornu suo committit, immobilem et ancipitem. (27) Tandem multa strage facta delectos Darii equites ipsumque regem in fugam vertit, et postquam in sinistro quoque cornu Thessali equites vicerunt, (28) iam utrimque victos hostes persequitur, diversa fuga salutem petentes. Castra opulentissima capiuntur, (29) et in iis mater coniunxque Darii cum liberis. Caesarum ab utraque parte numerus. (30) Alexander a persequendis hostibus in castra reversus lamentantes Darii vicem uxorem matremque consolatur, misso Leonnato, (31) ac sepultis caesorum corporibus ipse quoque cum Hephaestione reginas visitat, (32) laudabilique clementia et abstinence adversus eas sese gerit. (33) Exercitu in Syriam moto, Parmenio praemissus quarto

die Damascus penetrat, a proditore accersitus, (34) et regionem pecuniam cum omnibus impediementis victi exercitus, proiecram praedam, capit, (35) quodque in tali tempore non minimi aestimandum fuit, uxores liberosque summorum ducum legatosque Graecarum civitatum.

INTER haec Alexander, ad conducendum ex Peloponneso militem Cleandro cum pecunia misso, Lyciae Pamphyliaeque rebus compositis, ad urbem Celaenas exercitum admovit. Media ¹ illa tempestate moenia ² interfluebat Marsyas amnis, fabulosis Graecorum carminibus inclitus. Fons eius ex summo montis cacumine excurrrens in subiectam petram magno strepitu aquarum cadit: inde diffusus circumiectos rigat campos, liquidus et suas dumtaxat undas trahens. Itaque color eius placido mari similis locum poetarum mendacio fecit: quippe traditum est, Nymphas amore amnis retentas in illa rupe considerare. Ceterum quamdiu intra muros fluit, nomen suum retinet: at cum extra munimenta se evolvit, maiore vi ac mole agentem undas Lycum appellant.

Alexander quidem urbem destitutam a suis intrat, arcem vero, in quam confugerant, oppugnare adortus, caduceatorem praemisit, qui denuntiaret, ni dederent, ipsos ultima esse passuros. Illi caduceatorem in turrem, ³ et situ et opere multum editam, perductum, quanta esset altitudo, intueri iubent, ac nuntiare Alexandro, non eadem ipsum et incolas aestimatione munimenta metiri: se scire inexpugnabiles esse; ad ultimum, pro fide morituros. Ceterum ut circumconsideri arcem et omnia sibi in dies artiora esse viderunt, ⁴ sexaginta dierum inducias pacti, ut, nisi

¹ mediam.² abest.³ turrim.⁴ viderunt esse.

intra eos auxilium Dareus ipse¹ misisset, dederent urbem: postquam nihil inde praesidii mittebatur, ad praestitutam diem permisere se regi.

Superveniunt deinde legati Atheniensium, petentes, ut capti apud Granicum amnem redderentur sibi. Ille non hos modo, sed etiam ceteros Graecos restitui suis iussurum respondit, finito Persico bello.

2 Ceterum Dareo imminens, quem nondum Euphraten² superasse cognoverat, undique omnes copias contrahit, totis viribus tanti belli discrimen aditurus. Phrygia erat, per quam ducebatur exercitus; pluribus vicis, quam urbibus frequens. Tunc habebat nobilem quondam³ Midae regiam: Gordium nomen est urbi, quam Sangarius amnis interfluit, pari intervallo Pontico et Cilicio mari distantem. Inter haec maria angustissimum Asiae spatium esse comperimus, utroque in artas fauces compellente terram. Quae quia continenti adhaeret, sed magna ex parte cingitur fluctibus, speciem insulae praebet, ac nisi tenue discrimen obiceret, maria, quae nunc dividit, committeret.

Alexander, urbe in dicionem suam⁴ redacta, Iovis templum intrat. Vehiculum, quo Gordium Midae patrem vectum esse constabat, aspexit, cultu haud sane a vilioribus vulgatisque usu abhorrens. Notabile erat iugum astrictum compluribus nodis in semetipsos implicatis, et celantibus nexus. Incolis deinde affirmantibus, editam esse oraculo sortem, Asiae potiturum, qui inexplicabile vinculum solvisset, cupido incessit animo sortis eius implendae. Circa regem erat et Phrygum turba et Macedonum, illa expectatione suspensa, haec sollicita ex temeraria regis fiducia:

¹ ipsis.

² bitem.

³ Euphratem, sic ubique.

⁴ suam ditionem.

⁵ quondam no-

quippe series vinculorum ita astricta erat,¹ ut unde
nexus inciperet, quoque se conderet, nec ratione, nec
visu perspicere² posset: solvere aggressus³ iniecerat cu-
19 ram, ne in omen verteretur irritum inceptum. Ille
nequicquam⁴ diu luctatus cum latentibus nodis, *nihil*,
inquit, *interest, quomodo solvantur*: gladioque ruptis
omnibus loris, oraculi sortem vel elusit, vel implevit.

20 Cum deinde Dareum, ubicunque esset, occupare⁵
statuisset, ut a tergo tuta relinqueret, Amphoterum
classi ad oram Hellesponti, copiis autem praefecit He-
gelochum, Lesbum et Chium. Cuiusque⁶ praesidiis
21 hostium liberaturos. His talenta ad belli usum quin-
genta attributa: ad Antipatrum et eos, qui Graecas
urbes tuebantur, sexcenta missa: ex foedere naves so-
22 ciiis imperatae, quae Hellesponto praesiderent. Non-
dum enim Memnonem vita excessisse cognoverat: in
quem omnes intenderat curas, satis gnarus cuncta in
expedito fore, si nihil ab eo moveretur.

23 Iamque ad urbem Ancyram ventum erat, ubi nu-
mero copiarum inito, Paphlagoniam intrat; huic
iuncti erant Heneti,⁷ unde quidam Venetos trahere
24 originem credunt. Omnis⁸ haec regio paruit regi,
datisque obsidibus tributum, quod ne Persis quidem
tulissent, pendere ne cogerentur, impetraverunt. Ca-
las huic regioni praepositus est: ipse, assumptis qui
ex Macedonia nuper advenerant, Cappadociam petiit.

II. At Dareus, nuntiata Memnonis morte, haud secus⁹
quam par erat motus, omissa omni alia spe, statuit
ipse decernere: quippe quae per duces suos acta
erant, cuncta damnabat, ratus, pluribus curam, omni-
2 bus abfuisse fortunam. Igitur castris ad Babylona¹⁰

¹ erat *abest.*⁵ et Con.² percipi.⁶ Eneti.³ aggresso.⁷ omnisque.⁴ nequaquam.⁸ Babylonem.

positis, quo maiorei animo capessèrent bellum, universas vires in conspectum dedit: et circumdato vallo, quod decem milium armatorum multitudinem caperet, Xerxis exemplo numerum copiarum iniit. Or-
 3 to sole ad noctem agmina, sicut descripta erant, intravere vallum. Inde occupaverunt emissa Mesopotamiae campos, equitum peditumque propemodum innumerabilis turba, maiorem quam pro numero speciem gerens. Persarum erant centum milia, in quibus
 4 eques triginta milia implebat. Medi decem equitum, quinquaginta milia peditum habebant. Barcanorum 5 equitum duo milia fuere, armati bipennibus levibusque scutis cœtræ maxime speciem reddentibus: peditum decem milia pari armatu sequebantur. Armenii 6 quadraginta milia miserant peditum, additis septem milibus equitum. Hyrcani egregii, ut inter illas gentes, sex milia expleverant, additis equitibus 1 militatura. Derbices quadraginta milia peditum armave-
 7 rant: pluribus aere aut 2 ferro praefixæ hastæ, quidam lignum igni duraverant. Hos quoque duo milia equitum ex eadem gente comitata sunt. A Caspio 3 mari octo milium pedester exercitus venerat, ducenti equites. Cum his erant ignobiles aliae 3 gentes: duo milia peditum, equitum duplicem paraverant numerum. His copiis triginta milia Graecorum mercede 9 conductæ, egregiæ iuventutis, adiectæ. 4 Nam Bactrianos et Sogdianos et Indos ceterosque rubri maris accolæ, ignota etiam ipsi gentium nomina, festinatio prohibebat acciri. Nec quicquam illi minus, quam 10 multitudo militum defuit.

5 Cuius tum universæ aspectu admodum lætus,

1 expleverant, equis militatura.
 ribus hætebant.

3 Asiae.

2 de coniect. vulg. pluribus hætebant.
 4 adiectæ sunt.

purpuratis solita vanitate spem eius infantibus, conversus ad Charidemum Atheniensem, belli peritum, et ob exilium infestum Alexandro, quippe Athenis iubente eo fuerat expulsus, percontari coepit, satisne
¹¹ ei videretur instructus ad obterendum hostem? At ille, et suae sortis et regiae superbiae oblitus, *Verum*, inquit, *et tu forsitan* ² *audire nolis, et ego, nisi nunc*
¹² *dixero, alias nequicquam confitebor. Hic tanti apparatus exercitus, haec tot gentium et totius Orientis excita sedibus suis moles, finitinis potest esse terribilis: nitet purpura auroque, fulget armis et opulentia, quantam qui oculis non subiecere, animis concipere non possunt. Sed Macedonum acies, torva sane et inculta, clipeis hastisque immobiles cuneos et conserta roborum virorum tegit. Ipsi phalangem vocant, peditum stabile agmen: vir viro, armis arma conserta sunt: ad nutum monentis intenti, sequi signa, ordines*
¹⁴ *servare didicere. Quod imperatur omnes exaudiunt: obsistere, circumire, discurrere in cornu, mutare pugnam, non duces magis, quam milites callent. Ac*² *ne auri argentique studio teneri putes, adhuc illa disciplina paupertate magistra stetit. Fatigatis humus cubile est: cibis, quem occupati parent* ³, *satiatur tempora*
¹⁶ *somni artiora, quam noctis sunt. Iam Thessali equites et Acarnanes Aetolique, invicta bello manus, fundis, credo, et hastis igne duratis repellentur? Pari robore opus est. In illa terra, quae hos genuit, auxilia quaerenda sunt: argentum istud atque aurum ad*
¹⁷ *conducendum militem mitte. Erat Dareo mite ac tractabile ingenium, nisi suam naturam plerumque fortuna corrumpere. Itaque veritatis impatiens, ho-*

¹ forsitan.² et.³ vulgo de coniect. occupant.

spitem ac supplicem, tunc cum maxime ¹ utilia suadentem, abstrahi iussit ad capitale supplicium. Ille ¹³ ne tum quidem libertatis oblitus, *habeo*, inquit, *paratum mortis meae ultorem: expetet poenas consilii mei* ² *spreti is ipse, contra quem tibi suasi. Tu quidem licentia regni tam subito mutatus, documentum eris posteris, homines, cum se permisere fortunae, etiam naturam dediscere.* Haec vociferantem, quibus ¹⁹ imperatum erat, ³ iugulant. Sera deinde poenitentia subiit regem, ac vera dixisse confessus, sepeliri eum ⁴ iussit.

6 Thymodes erat, Mentoris filius, impiger iuvenis: ¹¹¹ cui praeceptum est a rege, ut omnes peregrinos milites, in quis plurimum habebat spei, a Pharnabazo acciperet, opera eorum usurus in bello: ipsi Pharnabazo tradit imperium, quod antea ⁵ Memnoni dederat.

Anxium de instantibus curis, agitabant etiam per ² somnum species imminentium rerum; sive illas aegritudo, sive divinatio animi praesagientis accersit. Ca- ³ stra Alexandri magno ignis fulgore collucere ei visa sunt, et paulo post Alexander adduci ad ipsum in eo vestis habitu, quo ipse fuisset, equo deinde per Babylona ⁶ vectus, subito cum ipso equo oculis esse subductus. Ad haec vates varia interpretatione cu- ⁴ ram distrinxerant: alii laetum id regi somnium esse dicebant, quod castra hostium arsissent, quod Alexandrum, deposita regia veste, in Persico et vulgari habitu perductum esse vidisset. Quidam vera ⁷ augura- ⁵ bantur: quippe illustria Macedonum castra visa fulgorem Alexandro portendere: quem regnum Asiae oc-

¹ tunc maxime.² mei consilii.³ erat imperatum.⁴ eum sepeliri.⁵ ante.⁶ Babylonem.⁷ contra.

cupaturum esse, haud ambigere, ¹ quoniam in eodem habitu Darëus fuisset, cum appellatus esset ² rex.
 6 Vetera quoque omina, ut fert, ³ sollicitudo revocaverat: recensebant enim Darëum in principio ⁴ imperii vaginam acinacis Persicam iussisse mutari in eam formam, qua Graeci uterentur, protinusque Chaldaeos interpretatos, imperium Persarum ad eos trans-
 7 iturum, quorum arma esset imitatus. Ceterum ipse et vatum responso, quod edebatur in vulgus, et specie, quae per somnum oblata erat, admodum laetus, castra ad Euphraten moveri iubet.
 8 Patrio more Persarum traditum est, orto sole de- 7 mum procedere. Die iam illustri, signum e tabernaculo regis buccina dabatur. Super tabernaculum, unde ab omnibus conspici posset, imago solis crystallo inclusa fulgebat. Ordo autem agminis erat talis.
 9 Ignis, quem ipsi sacrum et aeternum vocabant, argenteis altaribus praeferebatur. Magi proximi patrium carmen canebant. Magos trecenti et sexaginta
 10 quinque iuvenes sequebantur, puniceis ⁵ amiculis velati, diebus totius anni pares numero; quippe Persis quo-
 11 que in totidem dies descriptus est annus. Currum deinde Iovi sacratum albentes vehabant equi: hos eximiae magnitudinis equus, quem Solis appellabant, sequebatur. Aureae virgae et albae vestes regentes
 12 equos adornabant. Haud procul erant vehicula de-
 13 cem multo auro argentoque caelata. Sequebatur haec equitatus duodecim gentium variis armis et moribus. Proximi ibant quos Persae Immortales vocant, ad decem milia. Cultus opulentiae barbarae non alios ma-

¹ de coniect., Codd. quodve regnum Asiae occupare habuisset haud ambigue rei. ² est. ³ fit. ⁴ Darium enim in principio, sine recensebant. ⁵ puniceis.

gis, honestabat: illi aureos torques, illi vestem auro distinctam habebant, manicatasque tunicas, gemmis etiam adornatas. Exiguo intervallo, quos cognatos¹⁴ regis appellant, decem et quinque milia hominum. Haec vero turba muliebriter propemodum culta, luxu magis quam decoris armis conspicua erat, Doryphori¹⁵ vocabantur proximum his agmen, soliti vestem excipere regalem. Hi currum regis anteibant, quo ipse eminens vehebatur. Utrumque currus latus deorum¹⁶ simulacra ex auro argentoque expressa decorabant: distinguebant internitentes gemmae iugum, ex quo eminebant duo aurea simulacra cubitalia, quorum alterum Nini, alterum Beli.¹ Inter haec auream aquilam pinnas extendenti similem sacraverant.

8 Cultus regis inter omnia luxuria notabatur. Purpureae tunicae medium album intextum erat: pallam auro distinctam aurei accipitres, velut rostris inter se concurrerent,² adornabant; et zona aurea muliebriter¹⁸ cinctus acinacem suspenderat, cui ex gemina vagina erat.³ Cidarim Persae vocabant regium capi-¹⁹ tis⁴ insigne: hoc caerulea fascia albo distincta circumibat. Currum decem milia hastatorum sequebantur²⁰: hastas argento exornatas, spicula auro praefixa gestabant. Dextra laevaquo regem ducenti ferme nobilissimi²¹ propinquorum comitabantur. Horum agmen claudebatur triginta milibus peditum, quos equi regis quadringenti sequebantur. Intervallo deinde unius²² stadii matrem Darei Sisygambim currus vehebat, et in alio erat coniunx. Turba seminarum reginas comitantium equis vectabatur. Quindecim deinde,⁵²³ quas armamaxas appellant, sequebantur. In his erant

¹ additur gerebat effigiem.
vagina.

² corruerent.

³ erat

⁴ regium capitis vocabant.

⁵ inde.

liberi regis, et qui educabant eos, spadonumque grex,
 24 hand sane illis gentibus vilis. Tum regiæ pellices
 trecentae sexaginta vehebantur, et ipsae regali cultu
 ornataeque. Post quas pecuniam regis sexcenti muli
 et trecenti cameli vehebant, praesidio sagittariorum
 25 prosequente. Propinquorum amicorumque coniuges
 huic agmini proximae, lixarumque et calorum greges
 vehebantur. Ultimi erant cum suis quisque ducibus,
 26 qui cogerent agmen, leviter armati. Contra si quis
 aciem Macedonum intueretur, dispar facies¹ erat,
 equis virisque non auro, non discolori veste, sed ferro
 27 atque aere fulgentibus. Agmen et stare paratum et
 sequi, nec turba nec sarcinis praegrave, intentum ad
 ducis non signum modo, sed etiam nutum. Et ca-
 28 stris locus, et exercitui commeatus suppetebant. Er-
 go Alexandro in acie miles non defuit: Dareus, tantae
 multitudinis rex, loci, in quo pugnavit, angustiis re-
 ductus est ad paucitatem, quam in hoste contem-
 pserat.

IV. Interea Alexander, Abistamene Cappadociae prae- 9
 posito, Ciliciam petens cum omnibus copiis, regio-
 nem, quae castra Cyri appellatur, pervenerat. Stati-
 va illic² habuerat Cyrus, cum adversus³ Croesum
 2 in Lydian duceret. Aberat ea regio quinquaginta
 stadia ab aditu, quo Ciliciam intramus: Pylas inco-
 lae dicunt artissimas fauces, munimenta, quae manu
 3 ponimus, naturali situ imitante. Igitur Arsames⁴, qui
 Ciliciae praeerat, reputans quid initio belli Memnon
 suasisset, quondam salubre consilium sero exequi sta-
 tuit: igni ferroque Ciliciam vastat, ut hosti solitudi-
 nem faciat: quicquid usui potest⁵ esse corrumpit,

¹ de coniectura, vulg. acies.

² ibi.

³ adversum.

⁴ Arsanes.

⁵ esse potest.

sterile ac nudum solum, quod tueri nequibat, relicturus. Sed longe utilius fuit angustias aditus, qui Ciliciam aperit, valido occupare praesidio, iugumque opportune itineri imminens obtinere, unde inultus subeuntem hostem ¹ aut prohibere, aut opprimere potuisset: tunc ² paucis, qui callibus praesiderent, relictis, retro ipse concessit, populator terrae, quam a populationibus vindicare debebat. ³ Ergo qui relictii erant, proditos se rati, ne conspectum quidem hostis sustinere valuerunt, cum vel pauciores locum obtinere potuissent.

- 10 Namque perpetuo iugo montis asperi ac praerupti Ciliciā includitur; quod cum a mari assurgat, ⁴ velut sinu quodam flexuque curvatum, rursus altero cornu in diversum litus excurrit. Per hoc dorsum, ⁷ qua maxime introrsus ⁵ mari cedit, asperi tres aditus et perangusti sunt, quorum uno Cilicia intranda est. Campestris eadem, qua vergit ad mare, planitiem eius crebris distinguuntibus rivis: Pyramus et Cydnus incliti amnes fluunt. Cydnus non spatio aquarum, sed liquore memorabilis, quippe leni tractu e fontibus labens, puro solo excipitur, nec torrentes incurrunt, qui placide manantis alveum turbent: itaque ⁹ incorruptus, idemque frigidissimus, quippe multa riparum amoenitate inumbratus, ubique fontibus suis similis in mare evadit. Multa in ea regione monu- ¹⁰menta, vulgata carminibus, vetustas exederat. Monstrabantur urbiuin sedes, Lyrnessi et Thebes, Typhonis quoque specus, et Corycium nemus, ubi crocum gignitur, ceteraque, in quibus nihil praeter famam duraverat.

¹ subeuntem aut: *Post opprimere inseritur hostem.* ² nunc.
³ debuerat. ⁴ surgat. ⁵ introrsum.

11 Alexander fauces iugi, quae Pylae appellantur, in-
 travit. Contemplatus locorum situm, ¹ non alias
 magis dicitur admiratus esse felicitatem suam: ob-
 rui potuisse vel saxis confitebatur, si fuissent, qui in ²
 12 subeuntes propellerent. Iter vix quaternos capiebat
 armatos: dorsum montis imminebat viae, non an-
 gustae modo, sed plerumque praeruptae, crebris ober-
 rantibus rivis, qui ex radicibus montium manant.
 13 Thracas tamen leviter armatos praecedere iusserat,
 scrutarique calles, ne occultus hostis in subeuntes
 erumperet. Sagittariorum quoque manus occupave-
 rat iugum: intentos arcus habebant, moniti, non iter
 14 ipsos inire, sed proelium. Hoc modo agmen perve-
 nit ad urbem Tarson, cui tum maxime Persae subii-
 ciebant ignem, ne opulentum oppidum hostis inva-
 15 deret. At ille, Parmenione ad inhibendum incendium
 cum expedita manu praemisso, postquam barbaros
 adventu suorum fugatos esse cognovit, urbem a se
 conservatam intrat.

v. Mediam Cydnus amnis, de quo paulo ante dictum ¹²
 est, interfluit, et tunc aestas erat, cuius calor non
 aliam magis quam Ciliciae oram vaporem solis accen-
 2 dit, et diei fervidissimum tempus exceperat. ³ Pul-
 vere simul ac sudore ⁴ perfusum regem invitavit li-
 quor fluminis, ut calidum adhuc corpus ablueret.
 Itaque veste deposita in conspectu agminis, (decorum
 quoque futurum ratus, si ostendisset suis, levi et ⁵ pa-
 rabili cultu corporis se esse contentum,) descendit in
 3 flumen. Vixque ingressi subito horrore artus rigere
 coeperunt, pallor deinde suffusus est, et totum pro-
 4 pmodum corpus vitalis calor reliquit. Expiranti si-

¹ situs.² Abest a libris mss.³ coeperat.⁴ pulvere ac sudore simul.⁵ ac.

milem ministri manu excipiunt, nec satis compotem mentis in tabernaculum deferunt. Ingens sollicitudo et paene iam luctus in castris erat. Flentes querebantur, in tanto impetu cursuque rerum omnis actatis ac memoriae clarissimum regem non in acie saltem, non ab hoste deiectum, sed abluentem aqua corpus ereptum esse et extinctum. Instare Dareum, victorem antequam vidisset hostem. Sibi easdem terras, quas victoria ¹ peragrassent, repetendas: omnia aut ipsos, aut hostes populos: per vastas solitudines, etiamsi nemo insequi velit, euntes, fame atque inopia debellari posse. Quem signum daturum fugientibus? ⁷ quem ausurum Alexandro succedere? Iam ut ad Hellespontum fuga penetrarent, classem, qua transeant, quem praeparaturum? Rursus in ipsum regem misericordia versa, illum florem iuventae, illam vim animi, eundem regem et commilitonem, divelli a se et abrumpi ² inmemores sui querebantur.

- 13 Inter haec liberius meare spiritus coeperat, allevabatque rex oculos, et paulatim redeunte animo circumstantes amicos agnoverat, laxataque vis morbi ob hoc solum videbatur, quia magnitudinem mali sentiebat. Animi ³ autem aegritudo corpus ⁴ urgebat, ¹⁰ quippe Dareum quinto die in Cilicia ⁵ fore nuntiabatur. Vinctum ergo se tradi, et tantam victoriam eripi sibi ex manibus, obscuraque et ignobili morte in tabernaculo ⁶ extingui se, querebatur. Admissisque ¹¹ amicis pariter ac ⁷ medicis, *in quo me, inquit, articulo rerum mearum fortuna deprehenderit, cernitis. Strepitum hostilium armorum exaudire mihi videor, et qui ultro intuli bellum, iam provocor. Dareus ergo* ¹² cum

¹ victores.² abripi.³ animum.⁴ corporis.⁵ Ciliciam.⁶ additur suo.⁷ et.

cum tam superbas litteras scriberet, fortunam meam in consilio habuit: sed nequiequam, si mihi arbitrio
*meo curari licet. Lenta remedia et segnes medicos non expectant*¹ *tempora mea: vel mori strenue, quam tarde convalescere mihi melius est. Proinde, si quid opis, si quid artis in medicis est, sciant, me non tam*
mortis, quam belli remedium quaerere. Ingentem omnibus incusserat curam tam praeceps temeritas eius. Ergo pro se quisque precari coepere, ne festinatione periculum augeret, sed esset in potestate medentium: in experta remedia haud iniuria ipsis esse suspecta, cum ad perniciem eius etiam a latere ipsius pecunia sollicitaret hostis. Quippe Dareus mille talenta interfectori Alexandri daturum se pronuntiari iusserat. Itaque ne ausurum quidem quemquam arbitrabantur experiri remedium, quod propter novitatem posset esse suspectum.

VI. *Erat inter nobiles medicos ex*² *Macedonia regem*¹⁴ *secutus Philippus, natione Acarnan, fidus admodum regi: puero comes et custos salutis datus, non ut regem modo, sed etiam ut alumnum, eximia caritate diligebat. Is non praeceps se, sed strenuum remedium afferre, tantamque vim morbi potione medicata levaturum esse promisit. Nulli promissum eius placebat*
praeter ipsum, cuius periculo pollicebatur. Omnia quippe facilius, quam moram, perpeti poterat: arma et acies in oculis erant, et victoriam in eo positam esse arbitrabatur, si tantum ante signa stare potuisset, id ipsum, quod post diem tertium medicamentum sumpturus esset (ita enim medicus praedixerat) aegre
ferens. Inter haec a Parmenione, fidissimo purpuratorum, litteras accipit, quibus ei denuntiabat, ne sa-

¹ expetunt.² c.

lutem suam Philippo committeret. Mille talentis a Dareo et spe nuptiarum sororis eius esse corruptum. Ingentem animo sollicitudinem litterae incusserant, et quicquid in utramque partem aut metus aut spes subiecerat, secreta aestimatione pensaba *Bibere perseverem? ut, si venenum datum fuerit, ne immerito quidem, quicquid acciderit, evenisse videatur? Dannem medici fidem? in tabernaculo¹ me opprimi patiar? At satius est alieno me mori scelere, quam metu meo.* Diu animo in diversa versato, nulli quid scriptum esset enuntiat, epistolamque sigillo anuli sui impressam pulvino, cui incumbibat, subiecit.

- 15 Inter has cogitationes biduo absumpto, illuxit a medico destinatus dies, et ille cum poculo, in quo medicamentum diluerat, intravit. Quo viso Alexander levato corpore in cubitum, epistolam a Parmenione missam sinistra manu tenens, accipit poculum, et haurit interritus: tum epistolam Philippum legere iubet, nec a vultu legentis movit oculos, ratus, aliquas conscientiae notas in ipso ore posse deprehendere. Ille, epistola perlecta, plus indignationis quam pavoris ostendit: proiectisque amiculo et litteris ante lectum, *Rex, inquit, semper quidem spiritus meus ex te pendit, sed nunc vere, arbitror, sacro et venerabili ore trahitur. Crimen parricidii, quod mihi obiectum est, tua salus diluet. Servatus a me vitam mihi dederis: oro quaesoque, amisso² metu patere medicamentum concipi venis: laxa paulisper animum, quem intempestiva sollicitudine amici sane fideles, sed moleste seduli turbant.* Non securum modo haec vox, sed etiam laetum regem ac plenum bonae spei fecit. Itaque, si *Dii, inquit, Philippe, tibi permisissent, quo*

¹ additur ergo.

² oro quaesoque; amissoque.

modo maxime velles animum ¹ experiri meum, alio profecto voluisses, sed certiore ² quam expertus es, ne optasses quidem. Hac epistola accepta, tamen quod dilueras bibi: et nunc crede, me ³ non minus pro tua fide, quam pro mea salute esse sollicitum. Haec locutus ⁴ dextram Philippo offert.

³ Ceterum tanta vis medicamenti ⁵ fuit, ut quae se-
¹⁴ cuta sunt criminationem Parmenionis adiuverint. Interclusus spiritus arte meabat. Nec Philippus quicquam inexpertum omisit. Ille fomenta corpori admovit; ille torpentem nunc cibi, nunc vini odore excitavit. Atque ut primum mentis compotem esse sensit, modo matris sororumque, modo tantae victoriae appropinquantis admonere non destitit. Ut vero medicamentum se diffudit in venas, et sensim toto corpore salubritas percipi potuit, primum ⁶ animus vigorem suum, deinde corpus quoque expectatione maturius recuperavit: quippe post tertium diem, quam in hoc statu fuerat, in conspectum militum venit.
⁷ Nec avidius ipsum regem, quam Philippum, intuebatur exercitus: pro se quisque dextram eius amplexi grates habebant velut praesenti deo. Namque haud facile dictu est, praeter ingenitam illi genti erga reges suos venerationem, quantum huius utique ⁷ regis vel admirationi dediti fuerint, vel caritate flagraverint.
⁸ Iam primum nihil sine ⁸ divina ope aggredi videbatur; nam cum praesto esset ubique fortuna, temeritas in gloriam cesserat. Aetas quoque vix tantis matura rebus, sed abunde sufficiens, omnia ⁹ eius opera honestabat. Et quae leviora haberi solent, plerum-

¹ quo maxime modo animum velles.

² certiozem.

³ credo te.

⁴ elocutus.

⁵ medicaminis.

⁶ primo.

⁷ quoque.

⁸ nisi.

⁹ additur etiam.

que in re militari gratiora vulgo sunt, exercitatio corporis inter ipsos, cultus habitusque paulum ¹ a privato abhorrens, militaris vigor; quis ille vel ingenii ² dotibus, vel animi artibus, ut pariter carus ac venerandus esset, effecerat.

- 17 At Dareus, nuntio de adversa valetudine eius ² vi
 accepto, celeritate, quantam capere tam grave agmen poterat, ad Euphraten contendit, iunctoque eo pontibus, quinque tamen diebus traiecit exercitum, Cili-
 ciam occupare festinans. Iam ³ Alexander, viribus ²
 corporis receptis, ad urbem Solos pervenerat: cuius potitus, ducentis talentis multae nomine ⁴ exactis, ar-
 ci praesidium militum imposuit. Vota deinde pro sa- ³
 lute suscepta per ludum atque otium reddens, ostendit, quanta fiducia barbaros sperneret: quippe ⁵ Aesculapio et Minervae ludos celebravit. Spectanti ⁴
 nuntius laetus affertur Halicarnasso ⁶, Persas acie a suis esse superatos, Myndios quoque et Caunios et pleraque tractus eius suae facta dicionis. Igitur edi- ⁵
 to spectaculo ludicro, castrisque motis, et Pyramo amne ponte iuncto, ad urbem Mallon pervenit: inde alteris castris ad oppidum Castabulum. Ibi Parme- ⁶
 nio regi occurrit, quem praemiserat ad explorandum iter saltus, per quem ad urbem Isson nomine penetrandum erat. Atque ille angustiiis eius occupa- ⁷
 tis, et praesidio modico relicto, Isson quoque desertam a barbaris ceperat. Inde progressus, deturbatis qui interiora montium obsidebant, praesidiis cuncta firmavit, occupatoque itinere, sicut paulo ante dictum est, idem et auctor et nuntius venit. Isson deinde ⁷ ⁸
 rex copias admovit: ubi consilio habito, utrumne ul-

¹ paululum.
 multae.

² *abest*
⁵ *abest*.

³ iamque.
⁶ affertur ex Halic.

⁴ nomine
⁷ inde.

tra progrediendum foret, an ibi opperiendi essent novi milites, ¹ quos ex Macedonia adventare constabat, Parmenio non alium locum proelio aptiorem esse censebat. Quippe illic utriusque regis copias numero futuras pares, cum angustiae multitudinem non caperent: planitiem ipsis camposque esse vitandos, ubi circumiri, ubi ancipiti acie opprimi possent. Timere, ne non virtute hostium, sed lassitudine sua vincerentur. Persas recentes subinde successuros, si laxius ostare potuissent. Facile ratio tam salubris consilii accepta est. Itaque inter angustias saltus hostem opperiri statuit.

Erat in exercitu regis Sisenus ² Perses: quondam ¹⁸ a praetore Aegypti missus ad Philippum, donisque et omni honore cultus, exilium patria sede mutaverat: secutus deinde in Asiam Alexandrum, inter fideles socios habebatur. Huic epistolam Cretensis miles ob-signatam anulo, cuius signum haud sane notum erat, tradidit. Nabarzanes praetor Darei miserat eam, hortabaturque Sisenem, ut dignum aliquid nobilitate atque ³ moribus suis ederet, magno id ei apud regem honori fore. Has litteras Sisenus, utpote innoxius, ad Alexandrum saepe deferre temptavit; sed cum tot curis apparatuque belli regem videret urgeri, aptius subinde tempus expectans, suspicionem initi scelesti consilii prae-buit. Namque epistola, priusquam ei redderetur, in manus Alexandri pervenerat, lectamque eam, ignoti anuli sigillo impresso, Siseni dari iusserat, ad aestimandam fidem barbari. Qui quia per complures dies non adierat regem, scelesto consilio eam visus est suppressisse, et in agmine a Cretensibus, haud dubie iussu regis, occisus est.

¹ milites novi.

² Sisenus, *item post.*

³ ac.

19 Iamque ¹ Graeci milites, quos Thymodesa Pharnabazo v.
 acceperat, praecipua spes et propemodum unica, ad
 Dareum pervenerant. Hi magnopere suadebant, ut ²
 retro abiret, spatiososque Mesopotamiae campos re-
 peteret: si id consilium damnaret, at ille divideret sal-
 tem copias innumerabiles, neu sub unum fortunae ³
 ictum totas vires regni cadere pateretur. Minus hoc ⁴
 regi, ⁵ quam purpuratis eius displicebat: ancipitem
 fidem, et mercede venalem proditionem imminere,
 et dividi non ob aliud copias velle, quam ut ipsi in
 diversa digressi, si quid commissum esset, traderent
 Alexandro. Nihil tutius fore, ⁶ quam circumdatos ⁷
 eos exercitu toto obrui telis, documentum non inul-
 tae perfidiae futuros. At Dareus, ut erat sanctus ac ⁸
 mitis, se vero tantum facinus negat esse facturum, ut
 suam secutos fidem, suos milites, iubeat trucidari.
 Quem deinde amplius nationum exterarum salutem
 suam crediturum sibi, si tot militum sanguine imbuisset
 manus? Neminem stolidum consilium capite luere ⁹
 debere. Defuturos enim, qui suaderent, si suasisse
 periculosum ¹⁰ esset. Denique ipsos cotidie ad se ad-
 vocari ¹¹ in consilium, variasque sententias dicere, nec
 tamen melioris fidei haberi, qui prudentius suaserit. ¹²
 Itaque Graecis nuntiare ¹³ iubet, ipsum quidem beni-
 volentiae illorum gratias agere, ceterum, si retro ire
 pergat, haud dubie regnum hostibus traditurum. Fa-
 ma bella stare, et cum, qui recedat, fugere credi.
 Trahendi vero belli vix ullam esse rationem. Tan-
 ta enim multitudini, utique cum iam hienis instaret,
 in regione vasta, et invicem a suis atque hoste vexa-
 ta, non suffectura alimenta. Ne dividi quidem copias ¹⁴

¹ iam.² hoc consilium regi.³ esse.⁴ ei.⁵ periculum.⁶ vocari⁷ suaserint.⁸ nuntiar.

posse servato more maiorum, qui universas vires discrimini bellorum semper¹ obtulerint. Et hercule terribilem antea regem, et absentia sua ad vanam fiduciam elatum, postquam² adventare se senserit, cautum pro temerario factum, delituisse inter angustias saltus ritu ignobilium ferarum, quae strepitu praetereuntium audito, silvarum latebris se occultuerint.³ Iam etiam valetudinis simulatione frustrari suos milites. Sed non amplius ipsum esse passurum detrectare certamen. In illo specu, in quem pavidi recessissent, oppressurum esse cunctantes. Haec magnificentius iactata, quam verius.

Ceterum pecunia omni rerumque⁴ pretiosissimis Damascus Syriae cum modico praesidio militum missis, reliquas copias in Ciliciam duxit, insequentibus more patrio agmen coniuge ac⁵ matre. Virgines quoque cum parvo filio comitabantur patrem.¹³ Forte eadem nocte et Alexander ad fauces, quibus Syria aditur, et Dareus ad eum locum, quem Amanicas Pylas vocant, pervenit. Nec dubitavere Persae, quin Isso relicta, quam ceperant, Macedones fugerent. Nam etiam saucii quidem et invalidi, qui¹⁴ agmen non poterant persequi, excepti erant. Quos omnes, instinctu purpuratorum, barbara feritate saevientium, praecisis adustisque manibus circumduci, ut copias suas noscerent, satisque omnibus spectatis¹⁵ nuntiare quae vidissent regi suo, iussit. Motis ergo castris, superat Pinarum amnem, in tergis, ut credebat, fugientium haesurus.

At illi, quorum amputaverat manus, ad castra Macedonum penetrant, Dareum quanto⁶ maximo cursu

¹ semper discrimini bellorum.
culuerunt.

⁴ rebusque.

² posteaquam.

⁵ et.

³ oc-

⁶ quam.

posset, sequi nuntiantes. Vix fides habebatur. Ita-¹⁷
 que speculatores in ¹ maritimas regiones praemissos
 explorare iubet, ipse ² adesset, an praefectorum aliquis
 speciem praebuisset universi venientis exercitus. Sed ¹⁸
 cum speculatores reverterentur, procul ingens multi-
 tudo conspecta est. Ignes deinde totis campis col-
 lucere coeperunt, omniaque velut continenti incendio
 ardere visa: cum incondita multitudo maxime pro-
 pter iumenta laxius tenderet. Itaque eo ipso loco ¹⁹
 metari suos castra iusserat, latus, quod omni expe-
 tierat ³ voto, in illis potissimum angustiis decernen-
 dum fore. ⁴ Ceterum, ut solet fieri, cum ultimi dis-²⁰
 criminis tempus adventat, in sollicitudinem versa
 fiducia est. Illam ipsam fortunam, qua aspirante
 res tam prospere gesserat, verebatur, nec iniuria ex
 his, quae tribuisset sibi, quam mutabilis esset, repu-
 tabat: unam superesse noctem, quae tanti discriminis
 moraretur eventum. Rursus occurrebat, maiora pe-²¹
 riculis praemia, et sicut dubium esset, an vinceret, ita
 illud utique certum esse, honeste et cum magna lau-
 de moriturum. Itaque corpora milites curare iussit, ²²
 ac deinde tertia vigilia instructos et armatos esse.
 Ipse in iugum editi montis ascendit, multisque col-
 lucentibus facibus patrio more sacrificium dis prae-
 sidibus loci fecit. Iamque tertium, sicut praeceptum ²³
 erat, signum tuba miles acceperat, itineri simul para-
 tus ac ⁵ proelio: strenueque iussi procedere, oriente
 luce pervenerunt ad angustias, quas occupare decre-
 verant. Dareum triginta inde stadia abesse praemissi ²⁴
 indicabant. Tunc consistere agmen iubet, armisque
 ipse sumptis, aciem ordinat. ⁶

¹ desideratur in libris mss.
 tulerat.

⁴ esse.

² ipsene.
⁵ et.

³ expe-
⁶ ordinabat.

Dareo adventum hostium pavidi agrestes nuntia 22
 verunt, vix credenti occurrere etiam, quos ut fugien-
 25 tes sequebatur. Ergo non mediocris omnium animos
 formido [incesserat: ¹] quippe itineri quam proelio
 aptiores erant: raptimque arma capiebant. Sed ipsa
 festinatio discurrentium suosque ad arma vocantium
 26 maiorem metum incussit. Alii in iugum montis eva-
 serant, ut hostium agmen inde prospicerent: equos
 plerique frenabant. Discors exercitus, nec ad unum
 intentus imperium, vario tumultu cuncta turbaverat.
 27 Dareus initio iugum montis ² cum parte copiarum
 occupare statuit, et a fronte et a tergo circumiturus
 hostem, a mari quoque, quo dextrum eius cornu te-
 28 gebatur, alios obiecturus, ut undique urgeret. Prae-
 ter haec viginti milia praemissa cum sagittariorum
 manu, Pinarum amnem, qui duo agmina interfluebat,
 transire, et obicere sese Macedonum copiis iusserat:
 si id praestare non possent, retrocedere in montes,
 29 et occulte circumire ultimos hostium. Ceterum de-
 destinata salubriter omni ratione potentior fortuna dis-
 cussit: quippe alii prae metu imperium exequi non
 30 audebant, alii frustra exequabantur, quia, ubi partes
 labant, summa turbatur.

ix. Acies autem hoc modo stetit. Nabarzanes equi-23
 tatu dextrum cornu tuebatur, additis funditorum sa-
 2 gittariorumque viginti fere milibus. In eodem Thy-
 modes erat, Graecis peditibus mercede conductis tri-
 ginta milibus praepositus. Hoc erat haud dubie ³ ro-
 3 bur exercitus, par Macedonicae phalangi acies. In
 laevo cornu Aristomedes Thessalus viginti milia bar-
 barorum peditum habebat. In subsidiis pugnacissi-

¹ non est hoc verbum in codd. mss.

³ dubium.

² montis iugum.

mas locaverat gentes. Ipsum regem in eodem cornu ⁴
 dimicaturum tria milia delectorum equitum, assueta
 corporis custodia, ¹ et pedestris acies quadraginta mi-
 lia sequebantur. Hyrcani deinde, Medique equites: ⁵
 his proximi ceterarum gentium, ultra eos ² dextra
 laevaque dispositi. Hoc agmen, sicut dictum est, in-
 structum, sex milia iaculatorum funditorumque ante-
 cedebant. Quicquid in illis angustiis adiri poterat, ⁶
 impleverant copiae, cornuaque hinc ab ³ iugo, illinc a
 mari stabant, uxorem matremque regis et alium fe-
 minarum gregem in medium agmen acceperant.

24 Alexander phalangem, qua nihil apud Macedonas ⁷
 validius erat, in fronte constituit. Dextrum cornu
 Nicanor; Parmenionis filius, tuebatur: huic proximi
 stabant Coenos, et Perdicas, et Meleager, et Ptole-
 maeus, et Amyntas, sui quisque agminis duces. In ⁸
 laevo, quod ad mare pertinebat, Craterus et Parme-
 nio erant, sed Craterus Parmenioni parere iussus.
 Equites ab utroque cornu locati: dextrum Macedones
 Thessalis adiuncti, ⁴ laevum Peloponnesii ⁵ tuebantur.
 Ante hanc aciem posuerat funditorum manum, sagit- ⁹
 tariis admixtis. Thraces quoque et Cretenses ante
 agmen ibant, et ipsi leviter armati. At his, ⁶ qui ¹⁰
 praemissi a Dareo iugum montis insederant, Agrianos
 opposuit, ex Graecia nuper advectos. Parmenioni
 autem praeceperat, ut quantum posset, agmen ad ma-
 re extenderet; quo longius abesset acies ⁷ montibus,
 quos occupaverant barbari. At illi neque ob stare ve- ¹¹
 nientibus, nec circumire praetergressos ausi, funditorum
 maxime aspectu territi profugerant: ⁸ eaque res Alexan-
 dro tutum ⁹ agminis latus, quod ne superne incesse-

¹ custodiae.

² absunt verba ultra eos.

³ a.

⁴ adiunctis.

⁵ Peloponnesenses.

⁶ iis.

⁷ abest.

⁸ profugerant territi.

⁹ tutum Alexandro.

12 retur timuerat, praestitit. Triginta et duo armato-
 rum ordines ibant; neque enim latius extendi aciem
 patiebantur angustiae. Paulatim deinde laxare se ¹
 sinus montium, et maius spatium aperire coeperant,
 ita ut non pedes solum pluribus ordinibus incedere,
 sed etiam lateribus ² circumfundi posset equitatus.

x. Iam in conspectu, sed extra teli iactum utraque ²⁵
 acies erat, cum priores Persae inconditum et trucem
² sustulere clamorem. Redditur et a Macedonibus, ma-
 ior exercitus numero, iugis ³ montium vastisque sal-
 tibus percussus: quippe semper circumiecta ne-
 mora petraeque, quantameunque accepere vocem,
³ multiplicato sono referunt. Alexander ante prima
 signa ibat, identidem manu suos inhibens, ne suspensi,
 acrius ob nimiam festinationem concitato spiritu, ca-
⁴ pesserent proelium ⁴. Cumque agmini ⁵ obequitaret,
 varia oratione, ut cuiusque animis aptum erat, milites
 alloquebatur. Macedones, tot bellorum in Europa
 victores, ad subigendam Asiam atque ultima Orientis,
⁵ taе virtutis admonebantur. Illos terrarum orbis libe-
 ratores, emensosque olim Herculis et Liberi patris
 terminos, non Persis modo, sed etiam omnibus gen-
 tibus imposituros iugum: Macedonum provincias ⁶
 Bactra et Indos fore. Minima esse, quae nunc in-
⁶ tuerentur; sed omnia victoria aperiri. ⁷ Non in ⁸
 praeruptis petris Illyriorum et Thraciae saxis sterilem
 laborem fore, spolia totius Orientis offerri. Vix gla-
⁷ dio futurum opus, totam aciem suo pavore fluctuan-
 tem umbonibus posse propelli. Victor ad haec Athe-

¹ se laxare. ² etiam a lateribus. ³ exercitus impar nu-
 mero, sed iugis. *Cum interpunctione post maior.*

⁴ bellum.

⁵ agmen.

⁶ provincias abest.

⁷ parari.

⁸ in abest.

niensium Philippus pater invocabatur, domitaeque nuper Boeotiae et urbis in ea nobilissimae ad solum dirutae species repraesentabatur animis. Iam Granicum amnem, iam tot urbes, aut expugnatas, aut in fidem acceptas, omniaque, quae post tergum erant, strata, et pedibus ipsorum subiecta memorabat. Cum adierat Graecos, admonebat, ab his ¹ gentibus illata Graeciae bella Darei prius, deinde Xerxis insolentia, aquam ipsam terramque poscentium: ² ut neque fontium haustum, nec solitos cibos relinquerent deditis. Ab his ³ templa ruinis et ignibus esse deleta, urbes ⁴ eorum expugnatas, foedera divini humanique iuris violata, referebat. Illyrios vero et Thracas, raptò vivere assuetos, aciem hostium auro purpuraque fulgentem intueri iubebat, praedam, non arma gestantem. Irent, et imbellibus feminis aurum viri eriperent. Aspera montium suorum iuga, nudasque ⁵ calles, et perpetuo rigentes gelu, ditibus Persarum campis agrisque mutarent.

26 Iam ad teli iactum pervenerant, cum Persarum ^{xi}. equites ferociter in laevum cornu hostium invecti sunt: quippe Darius equestri proelio decernere optabat, phalangem Macedonici exercitus robur esse coniectans. Iamque etiam dextrum Alexandri cornu circumibatur. Quod ubi Macedo conspexit, duabus alis ² equitum ad iugum montis iussis subsistere, ceteros in medium belli discrimen strenue transfert. Subductis ³ deinde ex acie Thessalis equitibus, praefectum eorum occulte circumire tergum suorum iubet, Parmenionique coniungi, et quod is imperasset, impigre exequi. Iamque ipsi in medium Persarum undique circum- ⁴

¹ iis.² postulantium.³ De coniectura: *codd.*relinqueret dedita eis templa. *Vulgo* relinquerent. Deinde templa.⁴ humani divinique.⁵ nudosque.

fusi egregie se tuebantur; sed conferti, ¹ et quasi cohaerentes, tela vibrare non poterant: simul erant emissa, in eosdem concurrentia implicabantur, levique et vano ictu pauca in hostem, plura in humum innoxia cadebant. Ergo cominus pugnam coacti consere-
5 serere, gladios impigre stringunt. Tum vero multum sanguinis fusum est. Duae quippe acies ita cohaerebant, ut armis arma pulsarent, mucrones in ora dirigerent. Non timido, non ignavo cessare tum licuit: collato pede, quasi singuli inter se dimicarent, in eodem vestigio stabant, donec vincendo locum sibi face-
6 rent. Tum demum ergo promovebant gradum, cum hostem prostraverant. At illos novus excipiebat adversarius fatigatos; nec vulnerati, ut alias solent, acie poterant excedere, cum hostis instaret a fronte, a tergo sui urgerent.

7 Alexander non ducis magis, quam militis munia ² 27 exequabatur, opimum decus caeso rege expetens. Quippe Dareus curru sublimis eminebat, et suis ad se tuendum, et hostibus ad incessendum ingens incitamentum. Ergo frater eius Oxathres, cum Alexandrum instare ei cerneret, equites, quibus praeerat, ante ipsum currum regis obiecit, armis et robore corporis multum super ceteros eminens, animo vero et pietate in paucissimis. Illo utique proelio clarus, alios
9 improvide instantes prostravit, alios in fugam avertit. At Macedones, (circa ³ regem erant,) mutua adhortatione firmati, cum ipso in equitum agmen irrumpunt. Tum vero similis ruinae strages erat. Circa currum Darei iacebant nobilissimi duces, ante oculos regis egregia morte defuncti, omnes in ora proni, sicut dimicantes procubuerant,
10 adverso corpore vulneribus acceptis. Inter hos Atizyes,

¹ conserti.² munera.³ ut circa, *addita voce ut.*

et Rheomithres, et Sataces ¹ praetor Aegypti, magnorum exercituum praefecti, noscitabantur: circa eos cumulata erat peditum equitumque obscurior turba. Macedonum quoque non quidem multi, sed promptissimi tamen caesi sunt: inter quos Alexandri dextrum femur leviter mucrone perstrictum est. Iamque ¹¹ qui Dareum veliebant equi, confossi hastis et dolore efferati, iugum quaterere et regem curru excutere coeperant: cum ille, veritus ne vivus veniret in hostium potestatem, desilit, et in equum, qui ad hoc ipsum ² sequebatur, imponitur: insignibus quoque imperii, ne fugam proderent, indecore abiectis. Tum vero ce- ¹² teri dissipantur metu, et qua ³ cuique ad fugam patebat ⁴ via, erumpunt, arma iacentes, quae paulo ante ad tutelam corporum sumpserant: adeo pavor etiam auxilia formidat. ⁵ Instabat fugientibus eques a Par- ¹³ mensione missus, et forte in illud ⁶ cornu omnes fuga abstulerat.

At in dextro Persae Thessalos equites vehementer urgebant. Iamque una ala ipso impetu proculcata ¹⁴ erat: cum Thessali, strenue circumnactis equis dilapsi, rursus in proelium redeunt, sparsosque et incompositos victoriae fiducia barbaros ingenti caede prosternunt. Equi pariter equitesque Persarum serie ¹⁵ laminarum ⁷ graves, agmen, quod celeritate maxime constat, aegre moliebantur: quippe in circumagendis equis suis Thessali multos ⁸ occupaverant.

28 Hac tam prospera pugna nuntiata, Alexander, non ¹⁶ ante ausus persequi barbaros, utrimque iam victor in-

¹ Sabaces. ² *omittitur ipsum.* ³ *Codd.* quae. ⁴ patebat ad fugam. ⁵ formidabat. ⁶ *id.* ⁷ *Codd.* laminarum ob id genus graves. ⁸ *Codd.* inulti.

17 stare fugientibus coepit. Haud amplius regem quam
 mille equites sequebantur, cum ingens multitudo ho-
 stium caderet. Sed quis aut in victoria, aut in fuga co-
 pias numerat? Agebantur ergo a tam paucis pecorum
 modo, et idem metus, qui cogebat fugere, fugientes
 18 morabatur. At Graeci, qui in Darei partibus stete-
 rant, Amynta duce (praetor hic Alexandri fuerat ¹,
 tunc ² transfuga) abrupti a ceteris, haud sane fugien-
 19 tibus similes evaserant. Barbari longe diversam fugam
 intenderunt: alii, qua rectum iter in Persidem duce-
 bat, quidam circuitu rupes, ³ saltusque montium oc-
 cultos petivere, pauci castra Darei.

20 Sed iam illa quoque victor ⁴ intraverat, omni qui-
 dem opulentia ditia. Ingens auri argentique pondus,
 non belli, sed luxuriae apparatus, diripuerant milites.
 Cumque plus raperent, passim strata erant itinera vi-
 lioribus sarcinis, quas in comparatione meliorum ava-
 21 ritia contempserat. Iamque ad feminas perventum
 erat: quibus quo cariora ornamenta sunt, violentius
 detrahebantur, nec corporibus quidem vis ac libido
 22 parcebat. Omnia planctu tumultuque, prout cuique
 fortuna erat, repleverant, ⁵ nec ulla facies mali deerat,
 cum per omnes ordines aetatesque victoris crudelitas
 23 ac licentia vagaretur. Tunc vero impotentis fortunae
 species conspici potuit, cum ii, qui cum ⁶ Dareo ta-
 bernaculum exornaverant, omni luxu et opulentia in-
 structum, eadem illa Alexandro, quasi veteri domino
 reservabant. Namque id solum intactum omiserant
 milites, ita tradito more, ut victorem victi regis ta-
 bernaculo exciperent.

24 Sed omnium oculos animosque in semet verterant ⁷ 29

¹ fuit.

² nunc.

³ mss. rupis

⁴ illa

quoque hostis victor.

⁵ *Ex emend.*, erat castra

repleverant.

⁶ tum.

⁷ converterant.

captivæ mater conjunxque Darei: illa non maiestate solum, sed etiam ætate venerabilis, hæc formæ pulchritudine, ne ¹ illa quidem sorte corruptæ. ² Receperat ³ in sinum filium nondum sextum annum ætatis ⁴ egressum, in spem tantæ fortunæ, quantam pater eius paulo ante ⁵ amiserat, genitum. At in gremio anus aviæ iacebant adultæ duæ virgines, ⁶ ²⁵ non suo tantum, sed etiam illius maerore confectæ. Ingens circa eam nobilium feminarum turba constiterat, laceratis crinibus, abscisæque ⁷ veste, pristini decoris immemores, reginas dominasque, veris quondam, tunc alienis nominibus invocantes. Illæ, suæ ²⁶ calamitatis oblitiæ, in ⁸ utro cornu Dæus stetisset quæ fortuna discriminis fuisset, requirebant. Negabant se captas, si viveret rex. Sed illum equos subinde mutantem longius fuga abstulerat.

In acie autem caesa sunt Persarum peditum cen- ²⁷ tum milia, decem equitum. ⁹ At a ¹⁰ parte Alexandri quattuor et quingenti saucii fuere, ex peditibus triginta omnino et duo ¹¹ desiderati sunt, equitum centum quinquaginta interfecti. Tantulo impendio ingens victoria stetit.

30 Rex quidem, ¹² Dæum persequendo fatigatus, XII. postquam ¹³ et nox appetebat, et consequendi ¹⁴ spes non erat, in castra paulo ante a suis capta pervenit. Invitari deinde amicos, quibus maxime assue- ² verat,

¹ nec. ² corrupta. ³ acceperat. ⁴ ætatis annum.
⁵ paulo ante pater eius. ⁶ virgines duæ. ⁷ abscissaque.
⁸ abest. ⁹ decem vero milia interfecta equitum.
¹⁰ ex. ¹¹ trig. omnino et duo ex peditibus.
¹² Ex emend., codd. qui diu, vulgo, omissa altera vocula, diu. ¹³ posteaquam.
¹⁴ et eum assequendi.

verat, iussit, quippe summa duntaxat cutis in femi-
 3 ne ¹ perstricta non prohibebat interesse convivio: cum
 repente e proximo tabernaculo lugubris clamor, bar-
 baro ululatu planctuque permixtus, epulantes conter-
 ruit. Cohors quoque, quae excubabat ad tabernacu-
 lum regis, verita, ne maioris motus principium esset,
 4 armare se coeperat. Causa subiti pavoris ² fuit, quod
 mater uxorque Darei cum captivis nobilibus ³ regem,
 quem interfectum esse credebant, ingenti gemitu eiu-
 5 latuque deflebant. Unus namque e captivis spadoni-
 bus, qui forte ante ipsarum tabernaculum steterat,
 amiculum, quod Dareus, sicut paulo ante dictum est,
 ne cultu proderetur, abiecerat, in manibus eius, qui
 repertum ferebat, agnovit, ratusque interfecto de-
 tractum esse, falsum nuntium mortis eius attulerat.
 6 Hoc mulierum errore comperto, Alexander fortunae
 Darei et pietati earum illacrimasse fertur. Ac primo
 Mithrenem, qui Sardis tradiderat, ⁴ peritum linguae
 7 Persicae, ⁵ ire ad consolandas eas iusserat. Veritus
 deinde, ne proditor captivarum iram doloremque re-
 novaret, ⁶ Leonnatum ex purpuratis suis misit, iussum
 indicare, falso lamentari eas vivum. ⁷ Ille cum pau-
 cis armigeris in tabernaculum, in quo captivae erant,
 8 pervenit, missumque se a rege nuntiare ⁸ iubet. At
 hi, ⁹ qui in vestibulo erant, ut armatos conspexere,
 rati actum esse de dominis, in tabernaculum currunt,
 vociferantes, adesse supremam horam, missosque qui
 9 occiderent captas. Itaque, ut quae nec prohibere
 possent, nec admittere auderent, nullo responso dato
 10 tacitae opperiebantur victoris arbitrium. Leonnatus,

¹ femore.² pavoris subiti.³ cum captivis

mulieribus nobilibus.

⁴ prodiderat.⁵ Persicae

linguae.

⁶ gravaret.⁷ eas Darii vivum.⁸ a rege se nuntiare.⁹ ii.

expectato diu qui se introduceret, ¹ postquam ² nemo procedere ³ audebat, relictis in vestibulo satellitibus, intrat in tabernaculum. Ea ipsa res turbaverat feminas, quod irrupisse, non admissus, videbatur. Ita-¹¹ que mater et coniunx provolutae ad pedes, orare coeperunt, ut, priusquam interficerentur, Darei corpus ipsis patrio more sepelire permetteret: functas supremo in regem officio impigre sese ⁴ morituras. Leon-¹² natus, et vivere Dareum, et ipsas non incolumes modo, sed etiam apparatu pristinae fortunae reginas fore. Tum demum Darei mater ⁵ allevari se passa est.

31 Alexander postero ⁶ die cum cura sepultis militibus, ¹³ quorum corpora invenerat, Persarum quoque nobilissimis eundem honorem haberi iubet, matrique Darei permitti, quos vellet, patrio more sepeliret. Illa pau-¹⁴ cos arta propinquitate, coniunctos pro habitu praesentis fortunae humari iussit, apparatus funerum, quo Persae suprema officia celebrarent, invidiosum fore existimans, cum victores haud pretiose cremarentur.

Iamque iustis defunctorum corporibus solutis, prae-¹⁵ mittit ad captivas, qui nuntiarent, ipsum venire: inhibitaque comitantium turba, tabernaculum cum Hephaestione intrat. Is longe omnium amicorum caris-¹⁶ simus erat regi, cum ipso pariter eductus, ⁷ secretorum omnium arbiter: libertatis quoque in admonendo eo non alius ius habebat, quod tamen ita usurpabat, ut magis a rege permissum, quam vindicatum ab eo videretur; et sicut aetate par erat regi, ita corporis habitu praestabat. Ergo reginae illum esse re-¹⁷ gem ⁸ ratae, suo more veneratae sunt. Inde ex ca-

¹ intromitteret.

vel perducere.

Darii, sine demum.

⁸ regem esse.

² posteaquam.

⁴ se impigre

⁶ postera.

³ Codd. producere

⁵ Tum mater

⁷ educatus.

ptivis spadonibus ¹ quis Alexander esset monstrantibus, Sisygambis advoluta est pedibus eius, ignorationem nunquam antea visi regis excusans. Quam manu allevans rex, *non errasti, inquit, mater, nam et hic Alexander est.*

8 Equidem hac continentia animi, si ² ad ultimum ³² vitae perseverare potuisset, feliciorem fuisse crederem, quam visus est esse, cum Liberi patris imitaretur triumphum, usque ab Hellesponto ³ ad Oceanum omnes gentes victoria emensus. Sic ⁴ vicisset profecto superbiam atque iram, mala invieta: sic ⁴ abstinuisset inter epulas caedibus amicorum, egregiosque bello viros, et tot gentium secus domitores, indicta causa ⁵ veritus esset occidere. Sed nondum fortuna se animo eius superfuderat: ⁵ itaque orientem eam moderate et prudenter tulit, ad ultimum magnitudinem eius non cepit.

1 Tunc ⁶ quidem ita se gessit, ut omnes ante eum reges et continentia et clementia vinceret. ⁷ Virgines reginas ⁸ excellentis formae tam sanete habuit, quam ² si eodem quo ipse parente genitae forent: coniugem eiusdem, quam nulla aetatis suae pulchritudine corporis vicit, adeo ipse non violavit, ut summam adhibuerit curam, ne quis captivo corpori illuderet: omnem cultum reddi feminis iussit, nec quicquam ex pristinae fortunae magnificentia captivis, praeter fiduciam, defuit. Itaque Sisygambis, rex, inquit, *mereris, ut ea precemur tibi, quae Dareo nostro quondam precatæ sumus: et, ut video, dignus es, qui tantum regem non felicitate solum, sed etiam aequitate supe-*

¹ spadonibus captivis.

² Equidem si hac cont. animi.

³ ab Hellesponto usque.

⁴ Ex emend. Codd. si, vulgo

abest. ⁵ infuderat.

⁶ tum.

⁷ vincerentur.

⁸ virgines enim regias.

raveris. Tu quidem matrem me et reginam vocas: 25 sed ego me tuam famulam esse confiteor. Et praeteritae fortunae fastigium capio, et praesentis ingum pati possum: tua interest, quantum in nos licuerit, si id potius clementia, quam saevitia, vis esse testatum. Rex bonum animum habere eas iussit, Darei 26 filium ¹ collo suo admovit: atque nihil ille conspectu tum ² primum a se visi contreritus, cervicem eius manibus amplectitur. Motus ergo rex constantia pueri, Hephæstionem intuens, quam vellem, inquit, Dareus aliquid ex hac indole hausisset!

33 Tum tabernaculo egressus, tribus aris in ripa Pionari amnis, Iovi atque Herculi Minervaeque sacratis, Syriam petit, Damascum, ubi regis gaza erat, Parmenione praemisso.

Atque cum ³ praecessisse Darei satrapam comperisset, veritus ne paucitas suorum sperneretur, accersere maiorem manum statuit. Sed forte in ² exploratores ab eo praemissos incidit nazione Mardus, qui ad Parmenionem ⁴ perductus, litteras ad Alexandrum a praefecto Damasci missas tradit ei, nec dubitare eum, quin omnem regiam supellectilem cum pecunia traderet, adiecit. Parmenio, asservari ³ eo iusso, litteras aperit: in quis erat scriptum, ut mature Alexander aliquem ex ducibus suis mitteret, cum manu exigua. ⁵ Itaque Mardum ⁶ datis comitibus ad proditorem remittit. Ille e manibus custodientium ⁴ lapsus, Damascum ante lucem intrat. Turbaverat ea res Parmenionis animum insidias timentis, et ignotum iter sine duce non audebat ingredi: felicitati tamen

¹ Darei deinde filium.

² tunc.

³ Atque is, cum.

⁴ Parmenionem.

⁵ In libris miss. additur cumque rex tenens ipsum reliquisset.

⁶ Itaque te cognita Mardum.

regis sui confisus, agrestes, qui duces itineris essent, excipi iussit. Quibus celeriter repertis, quarto die ad urbem pervenit, iam metuente praefecto, ne sibi fides
 5 habita non esset. Igitur quasi parum munimentis oppidi fidens, ante solis ortum pecuniam regiam, (gazam¹ Persae vocant,) cum pretiosissimis rerum ef-ferri iubet, fugam simulans, re vera, ut praedam ho-
 sti offerret

6 Multa milia virorum feminarumque excedentem³⁴ oppido sequebantur, omnibus miserabilis turba, prae-ter eum, cuius fidei commissa erat.² Quippe quo maior proditionis merces foret, obiiicere hosti para-
 bat gratiorem omni pecunia praedam, nobiles viros, praetorum Darei coniuges liberosque, praeter hos
 7 Graecarum urbium³ legatos, quos Darius velut in arce tutissima, in proditoris reliquerat manibus. Gan-
 gabas Persae vocant humeris onera portantes: hi cum tolerare⁴ non possent, quippe et procella subito ni-
 vem effuderat, et humus rigeabat gelu, tum astrictas vestes, quas cum pecunia portabant, auro et purpura
 insignes, induunt, nullò prohibere auso, cum fortuna
 regis etiam humillimis in ipsum licentiam faceret.
 8 Praebuere ergo Parmenioni non spernendi agminis speciem: qui intentiore cura suos, quasi ad iu-
 stum proelium paucis adhortatus, equis calcaria iubet subdere,⁵ et acri impetu in hostem evehi.⁶
 9 At illi, qui sub oneribus erant, omissis per metum, capessunt fugam: armati quoque, qui eos prosequen-
 bantur,⁷ eodem metu arma iactare, ac nota diverti-
 10 cula petere coeperunt. Praefectus, quasi et ipse con-
 territus, simulans cuncta pavore compleverat. Iace-

¹ pecun. regiam, quam gazam.

² fuerat.

³ urbium

Graecarum.

⁴ cum frigus tolerare.

⁵ subdere

iubet.

⁶ invehi.

⁷ persequabantur.

bant totis campis opes regiae, illa pecunia stipendio ingenti militum praeparata, ille cultus tot nobilium virorum, tot illustrium seminarum, aurea vasa, aurei freni, tabernacula regali magnificentia ornata, vehicu-¹¹ la quoque a suis destituta, ingentis opulentiae plena, facies etiam praedantibus tristis, si qua res avaritiam moraretur. Quippe tot annorum incredibili et fidem excedente fortuna cumulata, tunc alia stirpibus lacerata, alia in coenum demersa eruebantur: non sufficiebant praedantium manus praedae.

35 Iamque etiam ad eos, qui primi fugerant, ventum¹² erat: feminae pleraeque parvos trahentes liberos ibant. Inter quas fuere ¹ virgines, Ochi, qui ante Dareum regnaverat, filiae, olim quidem ex fastigio paterno rerum mutatione detractae, sed tum sortem earum crudelius aggravante fortuna. In eodem grege uxor quo-¹³ que eiusdem Ochi fuit, Oxathrisque (frater hic erat Darei) filia, et coniunx Artabazi, principis purpuratorum, et filius, cui Ilioneo fuit nomen. Pharnabazi¹⁴ quoque, cui summum imperium maritimae orae rex dederat, uxor cum filio excepta est, Mentoris filiae tres, ac nobilissimi ducis Memnonis coniunx et filius. Vixque ulla domus purpurati expers fuit tantae cladis.² Lacedaemonii et³ Athenienses societatis fide¹⁵ violata Persas secuti: Aristogiton, Dropides et Iphicrates, inter Athenienses genere famaue longe clarissimi, Lacedaemonii Pausippus et Onomastorides, cum Monimo et Callieratide, hi ⁴ quoque domi nobiles. Summa pecuniae signatae fuit talentum ⁵ duo¹⁶ milia et sexcenta, ⁶ facti argenti pondus quingenta aequabat. Praeterea triginta milia hominum, cum

¹ Inter quas tres fuere.

² fuit tantae cladis expers.

³ Lacedaemonii quoque et.
lentorum.

⁴ ii.

⁵ ta-

⁶ sexaginta.

septem milibus iumentorum, dorso onera portantium,
17 capta sunt. Ceterum tantae ¹ fortunae proditorem
superi ultores ² celeriter debita poena persecuti sunt.
Namque unus e consiliis eius, credo, regis vicem etiam
in illa sorte reveritus, interfecti proditoris caput ad
Dareum tulit, opportunum solatium prodito: quippe
et ultus inimicum erat, et nondum in omnium ani-
mis memoriam maiestatis suae exolevisse cernebat.

¹ Ceterum dii tantae.

² *Ex emendat. Codd. sepulturae,*
quod in edd. cancellis circumscribitur.

Q. CURTII RUFI
DE
GESTIS
ALEXANDRI MAGNI
REGIS MACEDONUM
LIBER IV.

ARGUMENTUM.

(1) **D**arius ad Issum victus, collectis copiarum reliquiis, Euphraten superat: Alexander Parmenione Coelesyriae praesidere iusso, Phoenicum urbes Aradum et Marathum in deditionem accipit. (2) Ad Marathum castra habenti afferruntur Darii litterae de reddendis captivis societateque iungenda superbe scriptae. Quibus respondet Alexander magnifice, crimen belli iniuste coepti, in illum reiiciens. (3) Procedenti deinde Byblus et Sidon traduntur. Huius quidem urbis rex Strato dignitate se abdicare iubetur, qua nemo ipsis Sidoniis dignior videtur, quam Abdalonimus quidam, pauper sed e regio genere. (4) Is, diu cunctatus, regem tandem se renuntiari patitur, et ab ipso Alexandro modestiae et continentiae causa ornatur.

(5) Interea Amyntas transfuga cum Graecis mercenariis post pugnam Issicam Tripoli Cyprum, inde in Aegyptum transmiserat, eam terram sibi occupare festinans. Sed cum initio res prospere cecidissent, mox Memphim obsidens una cum suis a praefecto Darii caesus est. (6) Res in Asia minore a praetoribus Persicis infelicitur geritur, classis vero Persarum Andrum Siphnumque insulas tenet, suspensis Graecorum et Cretensium animis ad eventum maioris belli.

(7) Tyrii, opulentissimi Phoenicum, Alexandrum Herculi sacrificaturum, intra moenia recipere recusant, et obsidionem ferre malunt, (8) a continenti satis lato freto dirempti et Carthaginiensium auxilio freti. (9) Belli apparatus expediunt, omnibus ancipitibus confirmantur, caduceatores etiam contra ius gentium interficiunt. (10) Urbs igitur oppugnari coepta est, (*extremo anno ante Chr. nat. 333*) moles, quae insulam continenti adiungeret, iacitur. (11) Id opus, quo longius a litore ducitur, eo difficilius fit. Adversus incessentes Tyrios coria obtenduntur munientibus, turres excitantur. Ipse rex, copiis divisis, agrestes Arabes in Libano (Antilibano) monte aggreditur. (12) Interea Tyrii, nave oneraria aridis sarmentis aliisque rebus igni spargendo idoneis referta et ad molem compulsa, turres incendunt, opus paene totum diruunt. (13) Novam molem orditur Alexander, classem etiam Cypriorum et ipsorum Phoenicum, iam partibus accedentium, colligit, Tyrias naves intra portum compellit. (14) Iam e navibus moenia oppugnantur, iunctis quadriremibus et pontibus constratis, sed tempestas tamen Tyrios adiuvat. (15) Legati Carthaginiensium auxilii spem auferunt, nihilo tamen magis Tyrii desperant, deorum opem superstitione paciscentes. (16) Nova etiam auxilia imminens necessitas docet. (17) Plures naves admovet Alexander, eodem augurio animi et Macedonum et Tyrriorum, ut fere fit, confirmantur. (18) Pugna navalis committitur, cuius ad extremum victores fiunt Macedones, et (19) tertio die post, impetu undique facto, urbs expugnatur, victoribus exacerbatis saevientibus, (20) septimo mense postquam oppugnari coepta est (*medio anno a Chr. nat. 332, mense Attico Hecatombaeone.*)

(21) Afferuntur alterae litterae a Dario, quibus filiae matrimonium et Asiam cis Halyn Alexandro offert: respondet hic irridens muneris vilitatem. (22) Praefecti provinciarum instituuntur. Graeci ludis Isthmiis Alexandro coronam auream decernunt. (23. 24.) Res interim in Asia minore et insulis gestae enarrantur. Chios occupata, Mitylene dedita erat, capti Pharnabazus dux et Aristonicus tyrannus. (25) Darius bellum strenue parat, Besso, Bactrianorum satrapa, accersito, quarum rerum omnium ignarus Alexander (26) Gazam, urbem extremam Aegyptum versus, obsidet. Oppugnatio cum parum procederet, rex corona urbem capere statuit,

sed ab Aristandro vate deterritus, exercitum recipit. (27) Op-
pidani erumpunt, pugna facta Alexander vulneratur. (28)
Tandem urbem, subrito muro, Macedones intrant, Betis
praefectus, egregia pugna edita, captus supplicio crudeli affi-
citur.

(29) Septimo die Gaza profectus ad fines Aegypti pervenit.
Et incolae et praesidia Persica eius fidei sese permittunt.
Nilo subvectus interiora regionis perlustrat, cumque Iovis
Hammonis templum adire statuisset, (30) secundo amne ad
Mareotin descendit et per solitudines molesto itinere (*media
hieme anni incip. 331 a Chr.*) ad sedem dei penetrat. (31)
Describitur ea regio et sacrum nemus. (32) Alexander Iovis
filius ab oraculo appellatur, et divino honore coli se patitur.
(33) In Aegyptum reversus Alexandriam condit, Memphim
petit, res Aegypti componit.

(34) Inde adversus Darium proficiscens (*incipiente vere an-
ni 331*) ob Hectoris mortem dolore afficitur. Samaritas in
Syria male parentes ulciscitur, (*Tyri*) de postulatis sociorum
Graecorum statuit. (35) Darius copias Babylone collectas in-
struit ac diligenter armat, (36) per Mesopotamiam profectus,
Tigri superato, Arbelis impedimenta relinquit, locum trans
Lycum amnem prope alterum amnem Bumadum (*vicumque
Gaugamela*) proelio aptissimum legit, equestres copias ho-
stium agmini obicit. (37) Alexander cum Euphraten ponte
traiecisset (*media aestate*), Mazaeo Persici equitatus praefecto
fugato ad Tigrim pervenit, (38) eumque feliciter audax ne-
mine prohibente vadis superat. (39) Cum ibi stativa haberet,
luna deficiens animos Macedonum terruit, quem metum cum
vatum interpretatione ad tempus apta discussisset, (40) ad-
versus Darium duxit, Persarum equites refugientes et vicos
incendentes persequens. (41) In illo itinere Darii captiva
coniunx mortua est, lugente Alexandro. (42) Spadonum
unus id factum Dario nuntiavit, ac suspensiones regis de male
habita uxore sustulit; (43) eaque opportunitate usus Darius
denuo legatos de pace misit, terras usque ad Euphraten pro
dote filiae offerens. (44) Consuluit ea de re Alexander ami-
cos, sed Parmenionis consilio spreto, bello opus esse respon-
dit. (45) Instruit Darius aciem paulumque progressus hostes
expectat. (46) Macedones subitus pavor invadit; collem op-
portunum occupant, sed a rege intra castra tenentur.

(47) Alexander ipse dubius de eventu pugnae consilium adhibet, nocturnum impetum non probat, proelium decernit. (48) Ambo reges noctem inter suos solliciti agunt, Alexandrum cum diu secum deliberasset (49) somnus usque ad multam lucem oppressum tenuit. A Parmenione excitatus (50. 51.) aciem diligentissime instruit, quae facienda, quae cavenda sint praecipit, (52) duces militesque interequitans alloquitur, vanum metum demit, se intueri iubet, necessitatem vincendi ostendit. (53. 54. 55.) Etiam Darius suorum animos excitat, quo reducti sint, et quam spem boni eventus habeant ostendens, obsecrans denique et obtestans. (56) Pugnae initium (*Calendis Octobr. a. 331*) fit a curribus falcatis, equites Persici impedimenta Macedonum diripiunt, captivos liberant. (57) Curruum pugna improspira, sed apud impedimenta Persae rem feliciter gerunt. (58) Ipse rex in hostes ubi Darius constitit invehitur, acerrima pugna fit circa reges. (59) Omne quoque adiuti vincunt Macedones, Darius falso occisus creditur et fuga suorum abripitur. Strenue insequitur Alexander, (60) sed desistit a persecutione, cum laevum cornu suum in pugna laborare audit. Sed iam ipse Parmenio Mazaeum repulerat. (61) Darius Lycum amnem ponte transgressus Arbela pervenit, ceterorum Persarum praeceps ac miserabilis fuga describitur. (62) Alexander usque ad eundem pontem victos persecutus revertitur, et in ipso reditu gravi periculo defungitur. (63) De numero caesorum et virtute cum ipsius regis tum principum ducum exponitur.

I. **D**AREUS tanti modo exercitus rex, qui triumphantis magis, quam dimicantis modo, curru sublimis inierat proelium, per loca, quae prope immensis agminibus impleverat, ¹ iam inania et ingenti solitudine vasta, fugiebat. Pauci regem sequebantur: nam nec eodem omnes fugam intenderant, et deficientibus equis cursum eorum, quos rex subinde mutabat, aequare non poterant. Onchas ² deinde pervenit, ubi excepere eum Graecorum quattuor milia, quibuscum ³

¹ compleverat. ² Unchas. ³ e coniect. Vulgo cum quibus, sed *codd.* iam regius tum ad Euphr. cont.

ad Euphraten contendit, id demum credens fore ipsius, quod celeritate praecipere ¹ potuisset.

At Alexander Parmenionem, per quem apud Damascum recepta erat praeda, iussum eam ipsam et captivos diligenti asservare custodia, Syriae, quam Coelen vocant, praefecit. Novum imperium Syri, nondum belli cladibus satis domiti, aspernabantur: sed celeriter subacti obedientes imperata fecerunt. Aradus quoque insula deditur regi. Maritimam tum oram ⁶ et pleraque longius etiam a mari recedentia rex eius insulae Strato possidebat: quo in fidem accepto, castra movit ad urbem Marathon.

2 Ibi illi litterae a Dareo redduntur, quibus ut superbe scriptis vehementer offensus est. Praecipue eum movit, quod Dareus sibi regis titulum, nec eundem Alexandri nomini adscripserat. Postulabat autem ⁸ magis quam petebat, ut accepta pecunia, quantamcunque tota Macedonia caperet, matrem sibi et ² coniugem liberosque restitueret: de regno aequo, si vellet, Marte contenderet. Si saniora consilia tandem ⁹ pati potuisset, contentus patrio, cederet alieni imperii finibus: socius amicusque esset. In ea se fidem et dare paratum et accipere.

Contra Alexander in hunc maxime modum ¹⁰ re-
scripsit: *Rex Alexander Dareo. Cuius ³ nomen sum-*
psisti, Dareus Graecos, qui oram Hellesponti tenent,
coloniasque Graecorum Ionias, omni clade vastavit,
cum magno deinde exercitu mare traiecit, illato Ma-
cedoniae et Graeciae bello. Rursus Xerxes ⁴ gentis ¹¹
eiusdem, ad oppugnandos nos cum immanium barba-
rorum copiis venit: qui navali proelio victus, Mardo-

¹ praeripere.

² ac.

³ Dareo. Celes, cuius.

⁴ rursus rex Xerxes.

nium tamen reliquit in Graecia, ut absens quoque po-
 12 pularetur urbes, agros ureret. Philippum vero pa-
 rentem meum quis ignorat ab his interfectum esse,
 quos ingentis pecuniae spe sollicitaverant vestri? Im-
 pia enim bella suscipitis, et cum habeatis arma, lice-
 mini ¹ hostium capita: sicut tu proxime talentis mille,
 13 tanti exercitus rex, percussorem in me emere voluisti.
 Repello igitur bellum, non infero. Et Dii ² quoque
 pro meliore stant ³ causa; magnam partem Asiae in
 dicionem redegi meam, te ipsum acie vici. Quem et-
 si nihil a me impetrare oportebat, utpote qui ne belli
 quidem in me iura servaveris, tamen si veneris sup-
 plex, et matrem et coniugem et liberos sine pretio
 14 recepturum esse ⁴ promitto. Et vincere et consulere
 victis scio. Quod site committere nobis ⁵ times, da-
 bimus fidem, impune venturum. De cetero, cum mihi
 scribes, memento non solum regi te, sed etiam tuo
 scribere. Ad hanc perferendam Thersippus est missus. ⁶

15 Ipse in Phoenicem descendit, ⁷ et oppidum Byblon 3
 traditum recepit. Inde ad Sidonam ventum est, urbem
 16 vetustate famaue conditorum inclitam. Regnabat in
 ea Strato, Darei opibus adiutus, sed quia deditionem
 magis popularium, quam sua sponte fecerat, regno vi-
 sus indignus, Hephaestionique permissum, ut, quem
 17 eo fastigio Sidonis ⁸ dignissimum arbitraretur ⁹ con-
 stitueret regem. Erant Hephaestionis ¹⁰ hospites clari
 inter suos iuvenes: qui facta ipsis potestate regnandi,
 negaverunt, quemquam patrio more in id fastigium
 18 recipi, nisi regia stirpe ortum. Admiratus Hephae-

¹ licitamini.² diis.³ stantibus.⁴ rece-

plurum te esse.

⁵ nobis committere.⁶ abest.⁷ in Phoenicem deinde descendit.⁸ Sidones.⁹ arbitrentur.¹⁰ Hephaestioni.

stion¹ magnitudinem animi spernentis, quod alii per ignes ferrumque peterent, *Vos quidem macti virtute, inquit, estote, qui primi intellexistis, quanto maius esset regnum fastidire, quam accipere. Ceterum date aliquem regiae stirpis, qui meminert, a vobis acceptum habere se regnum.* Atque² illi, cum multos¹⁹ imminere tantae spei cernerent, singulis amicorum Alexandri ob nimiam regni cupiditatem adulantes, statuunt, neminem esse potioem quam Abdalonimum³ quendam, longa quidem cognatione stirpi regiae annexum, sed ob inopiam suburbanum hortum exigua colentem stipe. Causa ei paupertatis, sicut²⁰ plerisque, probitas erat: intentusque operi diurno, strepitum armorum, qui totam Asiam concusserat, non exaudiebat.

4 Subito deinde, de quibus ante dictum est, cum²¹ regiae vestis insignibus hortum intrant, quem forte steriles herbas eligens Abdalonimus repurgabat. Tum⁴²² rege eo salutato, alter ex his: *Habitus, inquit, hic, quem cernis in meis manibus, cum isto squalore permutandus tibi est. Ablue corpus illuvie aeternisque sordibus squalidum: cape regis animum, et in eam fortunam, qua dignus es, istam continentiam perfer.*⁵ *Et cum in regali solio residebis, vitae necisque omnium civium dominus, cave obliviscaris huius [status],*⁶ *in quo accipis regnum, immo hercule, propter quem.* Somnio similis res Abdalonimo vibebatur: interdum,²³ satisne sani essent, qui tam proterve sibi illuderent, percontabatur. Sed ut cunctanti squalor ablutus est, et iniecta vestis purpura auroque distincta, et fides

¹ Hephaestio. ² At. ³ Abdolominum, item sic postea. ⁴ tunc.

⁵ profer. ⁶ sine uncis, qui indicant non constare de fide eius vocis.

a iurantibus facta, serio iam rex, iisdem comitantibus in regiam pervenit.

- 24 Fama deinde, ¹⁾ ut solet, strenue tota urbe discurret: aliorum studium, aliorum indignatio eminebat: ditissimus quisque humilitatem inopiamque eius apud
25 amicos Alexandri criminabatur. Admitti eum rex protinus iussit, diuque contemplatus, *corporis*, inquit, *habitus famae generis non repugnat: sed libet scire, inopiam qua patientia tuleris?* Tum ille, *utinam*, inquit, *eodem animo regnum pati possim! hae manus sufficere desiderio meo: nihil habenti nihil defuit.*
26 Magnae indolis specimen ex hoc sermone Abdalonimi cepit. Itaque non Stratonis modo regiam suppellectilem attribui ei iussit, sed pleraque etiam ex Persica praeda, regionem quoque urbi appositam dicioni eius adiecit.

- 27 Interea Amyntas, quem ad Persas ab Alexandro 5 transfugisse diximus, cum quattuor milibus Graecorum, ipsum ex acie persecutis, fuga Tripolim ² pervenit. Inde in naves militibus impositis Cyprum transmisit, et cum in illo statu rerum id quemque, quod occupasset, habiturum arbitraretur, velut certo iure possessum, Aegyptum petere decrevit: utrique regi hostis, et semper ex ancipiti mutatione temporum
28 pendens. Hortatusque milites ad spem tantae rei, docet, Satacem ³ praetorem Aegypti cecidisse in acie, Persarum praesidium et sine duce esse, et invalidum, Aegyptios, semper praetoribus eorum infestos, ⁴ pro
29 sociis ipsos, non pro hostibus aestimatuos. Omnia experiri necessitas cogebat: quippe cum primas spes fortuna destituit, futura praesentibus videntur esse potiora. Igitur conclamant, duceret quo videretur. At-

¹ *abest.*

² Tripolim.

³ Sabacem.

⁴ infensos.

que ille utendum animis dum spe calerent ratus, ad Pelusii ostium penetrat, simulans a Dareo se esse praemisum. Potitus ergo Pelusii, Memphin¹ copias³⁰ promovit: ad cuius famam Aegyptii, vana gens, et novandis quam gerendis aptior rebus, ex suis quique² vicis urbibusque hoc ipsum,³ concurrunt, ad delenda praesidia Persarum. Qui territi, tamen spem retinendi⁴ Aegyptum non omiserunt.⁵ Sed eos Amyntas,³¹ proelio superatos, in urbem compellit, castrisque positos victores ad populandos agros, velut in medio positos, hostium cuncti agebantur.⁶ Itaque Mazaces,³² quamquam infelici proelio suorum animos territos esse cognoverat, tamen palantes et victoriae fiducia incautos ostentans, perpulit ne dubitarent ex urbe erumpere, et res amissas recuperare. Id consilium³³ non ratione prudentius, quam eventu felicius fuit: ad unum omnes cum ipso duce occisi sunt. Has poenas Amyntas utrique regi dedit, nihilo magis ei, ad quem transfugerat, fidus, quam illi quem deseruerat.

6 Darei praetores, qui proelio apud Isson superfue-³⁴ rant, cum omni manu, quae fugientes secuta erat, assumpta etiam Cappadocum et Paphlagonum iuventute, Lydiam recuperare tentabant. Antigonus, prae-³⁵ tor Alexandri, Lydiae praeerat: qui, quamquam ple-rosque militum ex praesidiis ad regem dimiserat, tamen barbaris spretis, in aciem suos eduxit. Eadem illic quoque fortuna partium fuit: tribus proeliis alia atque alia regione commissis, Persae funduntur. Eo-³⁶ dem

¹ Memphim.

² quisque.

³ ad hoc ipsum.

⁴ obtinendi.

⁵ amiserunt.

⁶ De coniectura,

Codd. positis dis hostium cuncta. *Vulg.* victores ad populandos agros eduxit, ac velut in medio positos omnibus hostium cuncta agebantur.

dem tempore classis Macedonum ex Graecia accita, Aristomenen, qui ad Hellesponti oram recuperandam a Dareo erat missus, captis eius aut mersis navibus
 37 superat. A Milesiis deinde Pharnabazus praefectus Persicae classis pecunia exacta, et praesidio in urbem Chium introducto, centum navibus Andrum, et inde Siphnum petiit. Has ¹ quoque insulas praesidiis occupat, pecunia multat.

38 Magnitudo belli, quod ab opulentissimis Europae Asiaeque regibus in spem totius orbis occupandi gerebatur, Graeciae quoque et Cretae arma commove-
 39 rat. Agis, Lacedaemoniorum rex, octo milibus Graecorum, qui ex Cilicia profugi domos repetierant, contractis, bellum Antipatro Macedoniae praefecto mo-
 40 liebatur. Cretenses has aut illas partes secuti, nunc Spartanorum, nunc Macedonum praesidiis occupabantur. Sed leviora inter illos fuere discrimina, unum certamen, ex quo cetera pendebant, intuentes fortuna.

II. Iam tota Syria, iam Phoenice quoque, excepta Ty- 7
 ro, Macedonum erat ², habebatque rex castra in continenti, a quo urbem angustum fretum dirimit. Tyros, et magnitudine ³ et claritate ante omnes urbes Syriae Phoenicesque memorabilis, facilius societatem Alexandri acceptura videbatur, quam imperium. Coronam igitur auream donum ⁴ legati afferebant, com-
 meatusque large et hospitaliter ex oppido advexerant.⁵ Ille dona, ut ab amicis, accipi iussit, benigneque legatos allocutus, Herculi, quem praecipue Tyrrii colerent, sacrificare velle se dixit: Macedonum reges credere, ab illo deo ipsos genus ducere, se vero ut id faceret
 4 etiam oraculo monitum. Legati respondent, esse tem-

¹ Eas.
 tudine.

² erant.

⁴ legati donum.

³ Tyrus et claritate et magni-
⁵ adduxerant.

plum Herculis extra urbem, in ea sede,¹ quam Pa-
laetyron ipsi vocent:² ibi regem deo sacrum rite fa-
cturum. Non tenuit iram, cuius³ alioqui potens non
erat. Itaque, *vos quidem*, inquit, *fiducia loci, quod*
insulam incolitis, pedestrem hunc exercitum spernitis:
sed brevi ostendam in continenti vos esse. Proinde
sciatis licet, aut intraturum me urbem, aut oppugna-
turum. Cum hoc responso dimissos monere [amici]⁴ coe-
perunt, ut regem, quem Syria, quem Phoenice
recepisset, ipsi quoque urbem intrare paterentur. At
illi, loco satis fisi, obsidionem ferre decreverant.⁵

8 Namque urbem a continenti quattuor stadiorum fre-
tum dividit: Africo maxime obiectum, crebros ex al-
to fluctus in litus evolvit.⁶ Nec accipiendo operi,⁸
quo Macedones continenti insulam iungere parabant,
quicquam magis, quam ille ventus obstabat. Quippe
vix leni et tranquillo mari moles agi possunt, Africus
vero prima quaeque congesta pulsu illisa mari sub-
ruit: nec ulla tam firma moles est, quam non
exedant undae et⁷ per nexus operum manantes, et,
ubi acrior flatus existit,⁸ summi operis fastigio su-
perfusae. Praeter hanc difficultatem haud minor alia
erat: muros turresque urbis praecaltum mare ambie-
bat: non tormenta nisi e navibus procul excussa mit-
ti,⁹ non scalae moenibus applicari poterant: prae-
ceps in salum murus pedestre interceperat iter: naves
nec habebat rex, et, si admovisset, pendentes et in-
stabiles missilibus arceri poterant.

Inter quae parva dictu res Tyrriorum fiduciam ac-
cendit. Carthaginiensium legati ad celebrandum sa-

¹ in eam sedem. ² vocant. ³ iram Alexander, cuius.

⁴ sine uncis, malae fidei indicibus. ⁵ decreverunt.

⁶ evolvens. ⁷ abest. ⁸ extitit. ⁹ emitti.

crum anniversarium ¹ more patrio tunc venerant: quippe Carthaginem Tyrii condiderunt, semper parentum loco culti. Hortari ergo Poeni coeperunt, ut obsidionem forti animo paterentur; brevi Carthagine auxilia ventura. Namque ea tempestate magna ex parte Punicis classibus maria obsidebantur.

Igitur bello decreto, per muros turresque tormenta disponunt, arma iunioribus dividunt, opifices, ² quorum copia urbs abundabat, in officinas distribuunt. Omnia belli apparatu strepunt: ferreae quoque manus, (Harpagonas vocant,) quas operibus hostium iniicerent, corvique et alia tuendis urbibus excogitata praeparabantur. Sed cum fornacibus ferrum, quod excudi oportebat, impositum esset, admotisque follibus ignem flatu accenderent, sanguinis rivi sub ipsis flammis extitisse dicuntur: idque omen in Macedonum metum verterunt Tyrii. Apud Macedonas quoque cum forte panem quidam militum frangeret, ³ manantis sanguinis guttas notaverunt. Territoque rege, Aristander, peritissimus vatum, ⁴ si extrinsecus cruor fluxisset, Macedonibus id triste futurum, ait: ⁵ contra, cum ab interiore parte manaverit, urbi, quam obsidere destinassent, exitium portendere.

Alexander cum et classem procul haberet, et longam obsidionem magno sibi ad cetera impedimento videret fore, caduceatores, qui ad pacem eos compellerent, misit: quos Tyrii contra ius gentium occisos praecipitaverunt in altum. Atque ille suorum tam indigna morte ⁶ commotus, urbem obsidere statuit.

Sed ante iacienda moles erat, quae continenti urbem ⁷ committeret. Ingens ergo animos militum de-

¹ anniversarium sacrum.

⁴ additur respondit.

⁷ urbem continenti.

² opificesque.

⁵ abest.

³ frangeret.

⁶ nece.

speratio incessit, cernentium profundum mare, quod vix divina ope posset impleri: quae saxa tam vasta, quas tam proceras arbores posse reperiri? exhausti-
das esse regiones, ut illud spatium exaggeraretur: ¹ exaestuare semper fretum, quoque artius volutetur inter insulam et continentem, hoc acrius furere. At ¹⁷ ille laudquaquam rudis pertractandi ² militares animos, speciem sibi Herculis in somno oblatam esse pronuntiat, dextram porrigentis: illo duce, illo aperiente in urbem intrare se visum. Inter haec caduceatores interfectos, gentium iura violata referebat: unam esse urbem, quae cursum victoris morari ausa esset. Ducibus deinde negotium datur, ut suos quis- ¹⁸ que castiget: satisque omnibus stimulatis, opus orsus est. Magna vis saxorum ad manum erat, Tyro veterere praebenie: materies ex Libano monte ratibus et turribus faciendis advehabatur. ³ Iamque a fundo ¹⁹ maris in altitudinem modicam ⁴ opus creverat, ⁵ nondum tamen aquae fastigium aequabat: ⁶ cum Tyrii, ²⁰ parvis navigiis admotis, per ludibrium exprobrabant, illos armis inclitos dorso sicut iumenta onera gestare: interrogabant etiam, num maior Neptuno Alexander esset? ⁷ Haec ipsa insectatio alacritatem militum accendit.

¹¹ Iamque paulum ⁸ moles aqua ⁹ eminebat, et simul ²¹ aggeris latitudo crescebat, urbiq̃ue admovebatur: cum Tyrii magnitudine molis, cuius incrementum eos antea ¹⁰ fefellerat, conspecta, levibus navigiis nondum

¹ aggeraretur, tum additur et. ² tractandi. ³ vehabatur.

⁴ montis.

⁵ excreverat.

⁶ Huc adicitur, quod nos codicibus obsecuti aliquanto post collocavimus et quo longius moles agebatur a litore, hoc magis quicquid in gerebatur, praealtum absorbere mare.

⁷ esset Alex.

⁸ paululum.

⁹ aquam.

¹⁰ ante.

commissum opus circumire coeperunt, missilibus quo-
 22 que eos, ¹ qui pro opere stabant, incessere. Multis
 ergo impune vulneratis, cum et remove et appelle-
 re scaphas in expedito esset, ad curam semet ipsos
 tuendi ab opere converterant: et quo longius moles
 agebatur a litore, hoc magis quicquid ingerebatur
 23 praealtum absorbebat mare. ² Igitur rex munienti-
 bus coria velaque iussit obtendi, ut extra teli iactum ³
 essent: duasque turres ex capite molis erexit, e quibus
 24 in subeuntes scaphas tela ingeri possent. Contra Ty-
 rii navigia procul a conspectu hostium litori appel-
 lunt, expositisque militibus, eos, qui saxa gestabant,
 obtruncant. In Libano quoque Arabum agrestes in-
 compositos Macedonas adorti ⁴, triginta fere interfici-
 unt, paucioribus captis. Ea res Alexandrum dividere
 copias coëgit: et ne segniter assidere uni urbi videre-
 tur, operi Perdiccan ⁵ Craterumque praefecit, ipse
 cum expedita manu Arabiam petiit.

2 Inter haec Tyrii navem magnitudine eximia, saxis ¹²
 arenaque a puppi oneratam, ita ut multum prora emi-
 neret, bitumine ac sulphure illitam remis concitave-
 runt; et cum magnam vim venti vela quoque conce-
 pissent, celeriter ad molem successit: tum ⁶ prora
 3 eius accensa, remiges desiluere ⁷ in scaphas, quae ad
 hoc ipsum praeparatae sequebantur. Navis autem
 igne concepto latius fundere incendium coepit, quod,
 priusquam posset occurri, turres et cetera opera in
 capite molis posita comprehendit. At qui desiluerant
 4 in parva navigia, faces, et quicquid alendo igni aptum
 erat, in eadem opera ingerunt. Iamque non modo

¹ eos quoque.² totum hoc colon hinc abest.³ ictum.⁴ aggressi.⁵ Perdiccam.⁶ tunc.⁷ desiliere,

item paulo post.

Macedonum turres, sed etiam summa tabulata conceperant ignem: cum hi, qui in turribus erant, partim haurirentur incendio, partim armis omissis, in mare semet ipsi immitterent. At Tyrii, qui capere eos, 5 quam interficere mallent, natantium manus stipitibus saxisque lacerabant, donec debilitati impune navigiis excipi possent. Nec incendio solum opera consum- 6 pta, sed forte eodem die vehementior ventus totum ¹ ex profundo mare illisit in molem, crebrisque fluctibus compages operis verberatae laxavere, ² saxaque interfluens ³ unda medium opus rupit. Prorutis igitur lapidum cumulis, quibus iniecta terra sustinebatur, praeceps in profundum ruit, tantaeque molis vix ulla vestigia invenit Arabia rediens Alexander.

- 13 Hic, quod in adversis rebus solet fieri, alius in aliam culpam referebant, ⁴ cum omnes verius de saevitia maris queri possent. Rex novi operis molem or- 8 sus, in adversum ventum non latere, sed recta fronte direxit: ea ⁵ cetera opera, velut sub ipsa ⁶ latentia, tuebatur: latitudinem quoque aggeri adiecit, ut turres in medio excitatae ⁷ procul teli iactu abessent. Totas 9 autem arbores cum ingentibus ramis in altum iaciebant, deinde saxis onerabant, rursusque ⁸ cumulo eorum alias arbores iniiciebant, tum humus aggerabatur, ⁹ superque alia strue saxorum arborumque cumulata, velut quodam nexu continens opus iunxerant.

Nec Tyrii, quicquid ad impediendam molem excogitari poterat, segniter exequabantur. Praecipuum au- 10

¹ motum, quod de coni. fuerat.

² verberatae se

laxavere. ³ interluens. ⁴ referebat. ⁵ quod. ⁶ ipso.

⁷ erectae.

⁸ rursus.

⁹ aggerabatur.

xilium erat, qui procul hostium conspectu subibant aquam, occultoque lapsu ad molem usque penetrabant, falcibus palmites arborum eminentium ad se trahentes, quae ubi secutae erant, pleraque secum in profundum dabant: tum levatos onere stipites truncosque arborum haud aegre moliebantur: deinde totum opus, quod stipitibus fuerat innixum, fundamento lapso sequebatur.

11 Aegro animi Alexandro, nec ¹ perseveraret, an abiret satis certo, ² classis Cypro advenit, eodemque tempore Cleander cum Graecis militibus in Asiam nuper advectus. Centum et octoginta navigia ³ in duo dividit cornua: laevum Pnytagoras, rex Cypriorum, cum Cratero tuebatur, Alexandrum in dextro
12 quinquereimis regia vehebat. Nec Tyrii, quamquam classem habebant, ausi navale inire certamen: tris omnino ⁴ ante ipsa moenia opposuerunt, quibus rex invectus, ipsas demersit.

13 Postera die classe ad moenia admota, undique tormentis et maxime arietum pulsu muros quatit: quos Tyrii raptim obstructis saxis refecerunt, interiorum quoque murum, ut, si prior fefellisset, illo se tuerentur,
14 undique orsi. Sed undique vis mali urgebat: moles intra teli iactum erat, classis moenia circumibat, terrestri simul navalique clade obruebantur. Quippe binas quadriremes Macedones inter se ita iunxerant, ut prorae cohaererent, puppes intervallo,
15 quantum capere poterant, distarent. Hoc puppium intervallum antennis asseribusque validis deligatis, superque eos pontibus stratis, qui militem sustinerent, impleverant: sic instructas quadriremes ad urbem

¹ et utrum. ² incerto.
vulgo navium classem.

³ De con. Codd. navigium,
⁴ triremes omnes.

agebant: inde missilia in propugnantes ingerebantur tuto, quia proris miles tegebatur. Media nox erat,¹⁶ cum classem, sicuti dictum est paratam, circumire muros iubet, iamque naves urbi undique admovebantur, et Tyrii desperatione torpebant: cum subito spissae nubes intendere se coelo, et quicquid lucis internitebat effusa caligine extinctum est. Tum inhor-¹⁷ rescens mare paulatim levare, deinde, acriore ¹ vento concitatum, fluctus cingere, et inter se navigia collidere. Iamque scindi coeperunt ² vincula, quibus connexae quadriremes erant, ruere tabulata, et cum ingenti fragore in profundum secum milites trahere. Neque¹⁸ enim conserta navigia ulla ope in turbido regi poterant: miles ministeria nautarum, remex ³ militis officia turbabat; ⁴ et, quod in eiusmodi ⁵ casu accidit, periti ignaris parebant: quippe gubernatores, alias imperare soliti, tum metu mortis iussa exequiebantur. Tandem remis pertinacius everberatum mare veluti eripientibus navigia classicis cessit, appulsaque sunt litori, lacerata pleraque.

15 Iisdem forte diebus ⁶ Carthaginiensium legati tri-¹⁹ ginta superveniunt, magis obsessis solatium, quam auxilium: quippe domestico bello Poenos impediri, nec de imperio, sed pro salute dimicare, nuntiabant. Sy-²⁰ racusani tum ⁷ Africam urebant, et haud procul Carthaginis muris locaverant castra. Non tamen defecere animis Tyrii, quamquam ab ingenti spe destituti erant; sed coniuges liberosque devehendos Carthaginem tradiderunt, fortius quicquid accideret laturo, si carissimam sui partem extra sortem periculi communis ⁸ habuissent. Cumque unus e civibus in contione ⁹ ²¹

¹ acriori.² coeperant.³ remiges.⁴ turbabant.⁵ huiusmodi.⁶ diebus forte.⁷ tunc.⁸ communis periculi sortem.⁹ civib. concioni.

indicaſſet, oblatam eſſe per ſomnum ſibi ſpeciem Apollinis, quem eximia religione colerent, urbem deſerentis, molemq; a Macedonibus in ſalo iactam ¹ 22 in ſilveſtrem ſaltum eſſe mutatam: quamquam auctor levis erat, tamen ad deteriora credenda proni metu, aurea catena devinxere ſimulacrum, araeque Herculis, cuius numini urbem dicaverant, inſeruere vinculum, quaſi illo deo Apollinem retenturo. ² Syracuſis id ſimulacrum devexerant Poeni, et in maiore locaverant patria, multisque aliis ſpoliis urbium a ſemet captarum non Carthaginem magis, quam Tyrum or- 23 naverant. Sacrum quoque, quod equidem ³ diis minime cordi eſſe crediderim, multis ſaeculis intermiſſum repetendi auctores quidam erant, ut ingenuus puer Saturno immolaretur: quod ſacrilegium verius quam ſacrum Carthaginienſes, a conditoribus traditum, uſque ad excidium urbis ſuae feciſſe dicuntur. Ac niſi ſeniores obſtiſſent, quorum conſilio cuncta agebantur, humanitatem dira ſuperſtitio viciſſet.

24 Ceterum efficacior omni arte neceſſitas ⁴ non uſi-16 tata modo praesidia, ſed quaedam etiam nova admo- nuit. Namque ad implicanda navigia, quae muros ſubibant, validis aſſeribus [corvos et ferreas manus] ⁵ illigaverant, ut, cum tormento aſſeres promoviſſent, 25 ſubito laxatis funibus iniicerent. Unci quoque et falces, ex iisdem aſſeribus dependentes, aut propugnatores aut ipſa navigia lacerabant. Clypeos vero aereos ⁶ multo igne torrebant, quos repletos fervida arena coenoque decocto e muris ſubito devolvebant.

¹ iactam in ſalo.² retenturi.³ quidem.⁴ imminens neceſſitas.⁵ corvos et ferreas manus cum uncis ac falcibus illigaverant, et ſine cancellis indicantibus ea verba in codicibus non eſſe inventa.⁶ aeneos.

Nec ulla pestis magis timebatur: quippe ubi lorice²⁶ corpusque fervens arena penetraverat, nec ulla vi exenti poterat, et quicquid attigerat perurebat, iacentesque arma, laceratis omnibus, quis protegi poterant, vulneribus inulti patebant: corvi vero et ferreae inanus tormento remissae¹ plerosque rapiebant.

17 Hic rex fatigatus¹ statuerat soluta obsidione Aegy-iv. ptum petere. Quippe cum Asiam ingenti velocitate² percurrisset, circa muros unius urbis haerebat, tot maximarum rerum opportunitate dimissa. Ceterum² tam discedere irritum, quam morari pudebat; famam quoque, qua plura quam armis everterat, ratus levio-rem fore, si Tyrum, quasi testem se posse vinci, reliquisset. Igitur ne quid inexpertum omitteret, plures naves admoveri iubet, delectosque militum imponi. Et forte belua inusitata³ magnitudinis, super ipsos flu-³ ctus dorso eminens, ad molem, quam Macedones iecerant, ingens corpus applicuit, diverberatisque fluctibus allevans semet, utrimque conspecta est: deinde a capite molis rursus alto se immersit, ac modo super⁴ undas eminens magna sui parte, inodo superfusis fluctibus condita, haud procul munimentis urbis emer-sit. Utrisque laetus fuit beluae aspectus: Macedones⁵ iter iaciendo operi monstrasse eam augurabantur, Tyrii Neptunum, occupati maris vindicem, abripuisse³ beluam, ac molem brevi profecto ruituram. Laeti-que omine eo ad epulas dilapsi oneravere se vino, quo graves orto sole navigia conscendunt, redimita floribus coronisque:⁴ adeo victoriae non omen inodo, sed etiam gratulationem praeceperant.

18 Forte rex classem in diversam partem agi iusse-⁶

¹ tormentis emissae.

² celeritate.

³ arripuisse.

⁴ coronis floribusque.

rat, triginta minoribus navigiis relictis in litore: e quibus Tyrîi duobus captis, cetera ingenti terruerunt¹ metu, donec, suorum clamore audito, Alexander classem litori, a² quo fremitus acciderat, admovit. Prima e³ Macedonum navibus quinquereimis velocitate inter ceteras eminens occurrit, quam ut conspexere Tyriae⁴, duae ex⁵ diverso in latera eius, invectae sunt, in quarum alteram quinquereimis, eadem concitata et ipsa rostro icta est, et illam invicem tenuit, 8 Iamque ea, quae non cohaerebat, libero impetu evecta, in aliud quinquereimis latius invehebatur, cum opportunitate mira triremis e classe Alexandri in eam ipsam, quae quinquereimi imminebat, tanta vi impulsata est, ut Tyrius gubernator in mare excuteretur 9 e puppi. Plures deinde Macedonum naves superveniunt, et rex quoque aderat: cum Tyrîi inhibentes remis aegre evellere navem, quae haerebat, portumque omnia simul navigia repetunt. Confestim rex insecutus portum quidem intrare non potuit, cum procul e muris missilibus summovertetur, naves autem omnes fere aut demersit, aut cepit.

10 Biduo deinde ad quietem dato militibus, iussisque 19 et classem et machinas pariter admovere, ut undique⁶ territis instaret, ipse in altissimam turrem ascendit, ingenti animo, periculo maiore. Quippe regio insigni et armis fulgentibus conspicuus, unus praecipue telis petebatur. Et digna prorsus spectaculo edidit: multos e muris propugnantes hasta transfixit, quosdam etiam cominus gladio clypeoque impulsos praecipitavit, quippe turris, ex qua dimicabat, muris 12 hostium propemodum cohaerebat. Iamque crebris

¹ terruerant.² e.³ a.⁴ Tyrîi.⁵ e.⁶ utrimque.

arietibus saxorum compage laxata, munimenta defecerant, et classis intraverat portum, et quidam Macedonum in turres hostium desertas evaserant: cum Tyrii, tot simul malis victi, alii supplices in templa confugiunt, alii foribus aedium obseratis occupant liberum mortis arbitrium, nonnulli ruunt in hostem, haud inulti tamen perituri, magna pars summa tectorum obtinebat, saxa et quicquid fors manibus ¹ dederat, ingerentes subeuntibus. Alexander, exceptis ¹³ qui in templa confugerant, omnes interfici, ignemque tectis iniici iubet. His per praecones pronuntiatis, ¹⁴ nemo tamen armatus opem a diis petere sustinuit: pueri virginesque templa compleverant, viri in vestibulo suarum quisque aedium stabant, parata saevientibus turba. Multis tamen saluti fuere Sidonii, qui in ¹⁵ tra Macedonum praesidia erant. Hi urbem quidem inter victores intraverant, sed cognationis cum Tyriis memores, (quippe utramque urbem Agenorem condidisse credebant,) multos Tyrriorum, etiam protegentes, ad sua perduxere navigia, quibus occultati Sidona devecti sunt. Quindecim milia hoc furto subducta saevitiae sunt. Quantumque sanguinis fustum ¹⁶ sit, vel ex hoc aestimari ² potest, quod intra munimenta urbis sex milia armatorum trucidata sunt. Triste deinde spectaculum victoribus ira praebuit re- ¹⁷ gis. Duo milia, in quibus occidendis ³ defecerat rabies, crucibus affixi per ingens litoris spatium pependerunt. Carthaginiensium legatis pepercit, addita de- ¹⁸ nuntiatione belli, quod praesentium rerum necessitas moraretur.

20 Tyros ⁴ septimo mense, quam oppugnari coepta ¹⁹ erat, capta est, urbs et vetustate originis et crebra

¹ manibus fors.

² existimari.

³ occidendi.

⁴ Tyrus.

fortunae varietate ad memoriam posteritatis insignis.
 Condita ab Agenore diu mare, non vicinum modo,
 sed quodcunque classes eius adierunt, dicionis suae
 fecit. Et si famae libet credere, haec gens litteras
 prima aut docuit, aut didicit. Coloniae certe eius
 20 paene orbe toto diffusae sunt: Carthago in Africa, in
 Boeotia Thebae, Gadis ¹ ad Oceanum. Credo libe-
 ro commeantes mari saepiusque adeundo ceteris in-
 cognitae terras, elegisse sedes iuventuti, qua tunc abun-
 dabant: ² sive ³ quia crebris motibus terrae, nam hoc
 quoque traditur, cultores eius fatigati, nova et ex-
 terna domicilia armis sibimet quaerere cogeantur.
 21 Multis ergo casibus defuncta, et post excidium rena-
 ta, nunc tamen longa pace cuncta refovente, sub tu-
 tela Romanae mansuetudinis acquiescit.

v. Iisdem ferme diebus Darei litterae allatae sunt, ²¹
 tandem ut regi scriptae. Petebat, uti filiam suam,
 (Statirae erat nomen,) nuptiis Alexander sibi adiun-
 geret: dotem fore omnem regionem inter Hellespon-
 tum et Halyn amnem sitam, inde Orientem spectan-
 2 tibus terris contentum (se fore.) ⁴ Si forte dubitaret
 quod offerretur accipere: nunquam diu eodem vestigio
 stare fortunam, semperque homines, quantamcunque
 felicitatem habeant, invidiam tamen sentire maiorem.
 3 Vereri se, ne avium modo, quas naturalis levitas age-
 ret ad sidera, inani ac puerili mentis affectu efferre-
 tur. ⁵ Nihil difficilius esse, quam in illa aetate tan-
 4 tam capere fortunam. Multas se adhuc reliquias ha-
 bere, nec semper inter angustias ⁶ posse deprehendi:
 transeundum esse Alexandro Euphraten, Tigrinque

¹ Gades. ² *Codd.* abundabat. ³ seu. ⁴ *verba se fore*
desunt in codd. mss. ⁵ *De coni. codd.* efferret.
Uulgo vereri, ne se — efferret. ⁶ in angustiiis.

et Araxen, et Hydaspem,¹ magna munimenta regni sui. Veniendum in campos, ubi paucitate suorum erubescendum sit. Mediam, Hyrcaniam, Bactra, et ⁵ Indos Oceani accolas quando aditurum? ne ² Sogdianos et Arachosios nominem, ³ ceterasque gentes ad Caucasum et Tanaim pertinentes? Senescendum fore tantum terrarum vel sine proelio obeunti. Se vero ⁶ ad ipsum vocare desineret, namque illius exitio se ⁴ esse venturum. Alexander his, ⁵ qui litteras attulerant, respondit, Dareum sibi aliena promittere, et ⁶ quod totum amiserit velle partiri. Doti sibi dari Lydiam, Ionas, ⁷ Aeolidem, Hellesponti oram, victoriae suae praemia. Leges autem a victoribus dici, accipi a victis. In utro statu ambo essent, si solus ignoraret, quamprimum Marte decerneret. Se quoque, cum ⁸ transiret ⁹ mare, non Ciliciam, aut Lydiam, (quippe tanti belli exiguam hanc esse mercedem,) sed Persepolim. caput regni eius, Bactra deinde, et Ecbatana, ultimique Orientis oram imperio suo destinasse. Quocumque ille fugere potuisset, ipsum sequi posse: desineret terrere fluminibus, quem sciret maria transisse.

22 Reges quidem haec invicem ⁹ scripserant. Sed ⁹ Rhodii urbem suam portusque dedebant Alexandro. Ille Ciliciam Socrati tradiderat, Philota regioni circa Tyrum iusso praesidere. Syriam, quae Coele appellatur, Andromacho Parmenio tradiderat, bello quod supererat interfuturus. Rex, Hephaestione Phoenices ¹⁰ ¹⁰ oram classe praetervehi iusso, ad urbem Gazam cum omnibus copiis venit.

¹ Euphratem, Araxem, Hydaspem.

² vel.

³ nomine

addito tantum notos. ⁴ abest.

⁵ iis illis. ⁶ abest.

⁷ Ioniam.

⁸ transisset.

⁹ invicem haec.

¹⁰ *Ex emend.*, Phoenicis.

Iisdem fere diebus sollemne erat ludicrum Isthmiorum, quod conventu totius Graeciae celebratur. In eo concilio Graeci, ¹ ut sunt temporaria ingenia, decernunt, ut quindecim ² legarentur ad regem, qui ob res pro salute ac libertate Graeciae ³ gestas coronam auream donum victoriae ferrent. Idem paulo ante incertae famae captaverant auram, ut quocunque pendentes animos tulisset fortuna, ⁴ sequerentur.

¹³ Ceterum non ipse modo rex obibat urbes, adhuc ²³ iugum imperii ⁵ recusantes, sed praetores quoque ipsius, egregii duces, pleraque invaserant. Calas Paphlagoniam, Antigonus Lycaoniam; Balacrus, Idarne

¹⁴ Darei praetore ⁶ superato Miletum, cepit: Amphoterus et Hegelochus centum sexaginta navium classe insulas inter Achaïam atque Asiam in dicionem Alexandri redegerunt. Tenedo quoque recepta, Chium, ⁷

¹⁵ incolis ultro vocantibus, statuerant occupare: sed Pharnabazus, Darei praetor, comprehensis qui res ad Macedonas trahebant, rursus Apollonidi et Athanagorae, suarum partium viris, urbem cum modico praesidio

¹⁶ militum tradit. Praefecti Alexandri in obsidione urbis perseverabant, non tam suis viribus, quam ipsorum, qui obsidebantur, voluntate. Nec fefellit opinio. Namque inter Apolloniden ⁸ et duces militum orta

¹⁷ seditio irrumpendi in urbem occasionem dedit. Cumque porta effracta cohors Macedonum intrasset, oppidani, olim consilio proditoris agitato, aggregant se Amphotero et Hegelochi: Persarumque praesidio caeso, Pharnabazus cum Apollonide et Athanagora

¹ concilio, ut sunt Graecorum temp.

² duodecim.

³ Graeciae ac libertate. ⁴ *Ex emend. haec: codd. mss.* quocunque pendentes animus tulisset, fortunam seq.

⁵ imp. iug. adhuc: ⁶ praet. Dar. ⁷ *Ex emend. Codd.* Tenedon quoque receptaculum. ⁸ Apollonidem.

vincti traduntur, duodecim triremes cum suo milite¹⁸ ac remige, praeter eas triginta inanes,¹ et piratici lembi, Graecorumque tria milia a Persis mercede conducta. His in supplementum copiarum suarum distributis, piratisque supplicio affectis, captivos remiges adiecere classi suae.

- 24 Forte Aristonicus, Methymnaeorum tyrannus, cum¹⁹ piraticis navibus, ignarus omnium quae apud² Chium acta erant, prima vigilia ad portus claustra successit, interrogatusque a custodibus quis esset? Aristonicum ad Pharnabazum venire respondit. Illi Pharnabazum²⁰ quidem iam quiescere, et non posse tum adiri, ceterum patere socio atque hospiti portum, et postera³ die Pharnabazi copiam fore, affirmant. Nec dubita-²¹ vit Aristonicus primus intrare, secuti sunt ducem piratici lembi, ac dum applicant navigia crepidini portus, obiicitur a vigilibus claustrum, et qui promixi excubabant, ab iisdem excitantur: nullo⁴ ex his auso repugnare, omnibus catenae iniectae sunt, Amphotero deinde Hegelochoque traduntur. Hinc Macedones²² transiere Mitylenen, quam Chares Atheniensis nuper occupatam duorum milium Persarum praesidio tenebat: sed cum obsidionem tolerare non posset, urbe tradita, pactus ut incolumi abire liceret, Imbrum petit. Deditis Macedones pepercerunt.

- 25 Dareus desperata pace, quam per litteras legatos-^{vi.} que impetrari posse crediderat, ad reparandas vires bellumque impigre renouandum intendit animum. Duces ergo copiarum Babyloniam convenire, Bessum² quoque, Bactrianorum praetorem,⁵ quam maximo posset

¹ naves.² ad.³ postero.⁴ nulloque.⁵ *Ex emend. Codd.* Bactrianorum perquam: *vulg.* Bactr. ducem perquam.

3 set exercitu coacto, descendere ad se iubet. Sunt autem Bactriani inter illas gentes promptissimi, horridis ingeniis, multumque a Persarum luxu abhorrentibus: siti haud procul Scytharum bellicosissima gente
4 et raptò vivere assueta semper in armis erant.¹ Sed Bessus suspecta perfidia, haud sane aequo animo in secundo se continens gradu, regem terrebat. Nam cum regnum affectaret, proditio, qua sola id assequi poterat, timebatur.

5 Ceterum Alexander, quam regionem Dareus petisset, omni cura vestigans, tamen explorare non poterat, more quodam Persarum, arcana regum miracelantium fide. Non metus, non spes elicit vocem, qua prodantur occulta. Vetus disciplina regum silentium vitae periculo sanxerat. Lingua gravius castigatur, quam ullum probum: nec magnam rem² sustineri posse credunt ab eo, cui tacere grave sit, quod homini facillimum voluerit esse natura.

7 Ob hanc causam Alexander omnium, quae apud²⁶ hostem gererentur, ignarus, urbem Gazam obsidebat. Praeerat urbi³ Betis, eximiae in regem suum fidei, modicoque praesidio muros ingentis operis tuebatur.
8 Alexander, aestimato locorum situ, agi cuniculos iussit, facili ac levi humo acceptante occultum opus, quippe multam arenam vicinum mare evomit,⁴ nec saxa cotesque, quae interpellent specus, obstant.⁵ Igitur ab ea parte, quam oppidani conspicerenon possent, opus orsus, ut a sensu eius averteret, turres muris admoventur iubet. Sed eadem humus movendis⁶ inutilis turribus, desidente sabulo agilitatem

¹ semperque in armis errant.

magis.

³ ei.

⁴ Codd. evomens.

² Additur in libris mss.

⁵ obstabant,

⁶ admovendis.

rotarum morabatur, et tabulata turrium perfringebat, multique vulnerabantur impune, cum idem recipiendis qui admovendis turribus labor eos fatigaret. Ergo receptui signo dato, postero die muros corona circumdari iussit. Ortoque sole, priusquam admove-
ret exercitum, opem deum exposcens, sacrum patrio more faciebat. Forte praetervolans corvus glebam, quam unguibus ferebat, subito amisit: quae cum regis capiti incidisset, resoluta defluxit, ipsa autem avis in proxima turre consedit. Illita erat turris bitumine ac sulphure, in qua alis haerentibus, frustra se allevare conatus, a circumstantibus capitur. Digna res visa, de qua vates consuleret: ¹ et erat non intactus ² ea superstitione mentis. Ergo Aristander, cui maxima fides habebatur, urbis quidem excidium augurio illo portendi, ceterum periculum esse, ³ ne rex vulnus acciperet: itaque monuit, ne quid eo die inciperet. Ille, quamquam unam urbem sibi, quo minus securus Aegyptum intraret, obstare aegre ferebat, tamen paruit vati, signumque receptui dedit.

- 27 Hinc animus crevit obsessis, egressique porta recedentibus inferunt signa, cunctationem hostium suam fore ⁴ occasionem rati. Sed acrius quam constantius proelium inierunt: quippe ut Macedonum signa circumagi videre, repente sistunt gradum. Iamque ad regem proeliantium clamor pervenerat, cum denuntiati periculi haud sane memor, loricam tamen, quam raro induebat, amicis orantibus sumpsit, et ad prima signa pervenit. Quo conspecto Arabs quidam Darei miles, maius fortuna sua facinus ausus, gladium clypeo ⁵ tegens, quasi transfuga genibus regis advol-

¹ consulerentur.

² Codd. intacta.

³ esse, inquit, ne.

⁴ fore suam.

⁵ clypeo gladium.

vitur. Ille assurgere supplicem, recipique inter suos
 iussit. At barbarus gladio ¹ strenue in dextram transla-
 to, cervicem appetit regis: qui exigua corporis decli-
 natione evitato ictu, in vanum manum barbari lapsam
 amputat gladio, denuntiato in illum diem periculo,
 ut arbitrabatur ipse, defunctus. Sed, ut opinor, ine-
 vitabile est fatum. Quippe dum inter primores prom-
 ptius dimicat, sagitta ictus est: quam per lorica
 adactam, stantem in humero medicus eius Philippus
 evellit. Plurimus deinde sanguis manare coepit, omni-
 bus territis, quia non, quam alte penetrasset ² telum,
 lorica obstante, cognoverant. Ipse, ne ³ oris quidem
 colore mutato, suppressi sanguinem et vulnus obligari
 iussit. Diu ante ipsa signa vel dissimulato, vel victo
 dolore perstiterat; cum suppressus paulo ante san-
 guis medicamento, quo retentus erat, ⁴ manare lon-
 gius ⁵ coepit, et vulnus, quod stupens ⁶ adhuc dolo-
 rem non moverat, frigente sanguine intumuit. Lin-
 qui deinde animo, et submitti genu coepit: cum ⁷
 proximi exceptum in castra receperunt. Et Betis in-
 terfectum ratus urbem ovans victoria repetit.

At Alexander, nondum percurato vulnere, agge-28
 rem, quo moenium altitudinem aequaret, extruxit,
 pluribusque ⁸ cuniculis muros subruere iussit. Oppidani
 ad pristinum fastigium moenium novum extruxere
 munimentum, sed ne id quidem turres aggeri impo-
 sitas poterat aequare. ⁹ Itaque interiora quoque ur-
 bis infesta telis erant. Ultima pestis urbis fuit cuni-
 culo subrutus murus, per cuius ruinas hostis intravit.
 Ducebat ipse rex antesignanos, et dum incautius subit,

¹ gladio barbarus. ² quia numquam tam alte penetrasse.

³ nec. ⁴ *absunt haec tria verba.* ⁵ latius. ⁶ recens.

⁷ quem.

⁸ et pluribus.

⁹ aequare poterat.

saxo crus eius affligitur. Innixus tamen telo, nondum ²⁴ prioris vulneris obducta cicatrice, inter primores dimicat, ira quoque accensus, quod duo in obsidione urbis eius vulnera acceperat. ¹ Betim, egregia edita ²⁵ pugna, multisque vulneribus confectum, deseruerunt ² sui, nec tamen segnius proelium capessebat, lubricis armis suo pariter atque hostium sanguine. Sed cum ² undique telis ³

[peteretur, ad postremum exhaustis viribus vivus in potestatem hostium pervenit:]

*** quo ⁴ adducto, insolenti gaudio iuvenis elatus, alias virtutis etiam in hoste mirator, *non ut voluisti, inquit, morieris, ⁵ sed quicquid ⁶ in captivum inveniri potest, passurum esse te cogita.* Ille non inter-
rito modo, sed contumaci quoque vultu intuens regem, nullam ad minas eius reddidit vocem. Tum Alexander, *videtisne obstinatum ad tacendum? inquit. Num genu posuit? num vocem supplicem ⁷ misit? Vincam tamen silentium, et si nihil aliud, certe gemitu interpellabo. ⁸* Ira ⁹ deinde vertit in rabiem, iam tum peregrinos ritus nova subeunte fortuna. Per talos enim spirantis lora traiecta sunt, religatumque ad currum traxere circa urbem equi: gloriante rege, Achillen, ¹⁰ a quo genus ipse deduceret, imitatum se esse poena in hostem capienda. Cecidere Persarum Arabumque circa decem milia: nec Macedonibus incruenta victoria fuit. Obsidio certe non tam claritate urbis nobilitata est, quam geminato periculo regis.

Qui Aegyptum adire festinans, Amyntan ¹¹ cum de-

¹ acceperat vulnera. ² deseruerant. ³ abest. ⁴ abest.

⁵ additur Beti. ⁶ additur tormentorum. ⁷ supplicem vocem. ⁸ interpolabo. ⁹ Codd. iram. ¹⁰ Achillem.

¹¹ Amyntam.

cem triremibus in Macedoniam ad inquisitionem novorum militum misit. Namque etiam secundis¹ atterebantur copiae, devictarumque gentium militi minor quam domestico fides habebatur.

11. Aegyptii, olim Persarum opibus infensi, quippe²⁹ avare et superbe imperitatum sibi esse credebant, ad spem adventus eius crexerant animos, utpote qui Amyntam quoque transfugam, et cum precario imperio² venientem, laeti recepissent. Igitur ingens multitudo Pelusium, qua intraturus² videbatur, convenerat. Atque ille septimo die, postquam³ a Gaza copias moverat, in regionem Aegypti, quam nunc Castra Alexandri vocant, pervenit. Deinde, pedestribus copiis Pelusium petere iussis, ipse cum expedita delectorum manu Nilo amne vectus est: nec sustinere adventum eius Persae, defectione quoque perterriti. Iamque haud procul Memphi erat; in cuius praesidio Sataces⁴ praetor Darei relictus, Oron⁵ amne superato, octingenta talenta Alexandro omnemque regiam suppellectilem tradidit. A Memphi eodem flumine vectus, ad interiora Aegypti penetrat; compositisque rebus ita, ut nihil ex patrio Aegyptiorum more mutaret, adire Iovis Hammonis oraculum statuit. Iter expeditis quoque et paucis vix tolerabile ingredendum erat: terra coeloque aquarum penuria est, steriles arenae iacent, quas ubi vapor solis accendit, fervido solo exurente⁶ vestigia, intolerabilis aestus existit. Luctandumque est non solum⁷ cum ardore et siccitate regionis, sed etiam cum tenacissimo sabulo, quod praecaltum et vestigio cedens aegre moliuntur pedes. Haec Aegyptii vero maiora iactabant. Sed in-

¹ proeliis etiam secundis. ² additur rex. ³ posteaquam.

⁴ Mazaces. ⁵ Orio. ⁶ Codd. et urente. ⁷ tantum.

gens cupido animum stimulabat adeundi Iovem, quem generis sui auctorem, haud contentus mortali fastigio, aut credebat esse, aut credi volebat.

30 Ergo cum his, quos ducere secum statuerat, secundo amne descendit ad Mareotin¹ paludem. Eo legati Cyrenensium dona attulere, pacem, et ut adiret urbes suas, petentes. Ille, donis acceptis, amicitiaque coniuncta, destinata exequi pergit. Ac primo quidem¹⁰ et sequente² die tolerabilis labor visus, nondum tam vastis nudisque solitudinibus aditis, iam tamen sterili et emoriente terra. Sed ut aperuere se campi alto¹¹ obruti sabulo, haud secus quam profundum aequor ingressi, terram oculis requirebant. Nulla arbor, nul-¹² lum culti soli occurrebat vestigium. Aqua etiam defecerat, quam utribus cameli vexerant,³ et in arido solo ac fervido sabulo nulla erat. Ad hoc⁴ sol¹³ omnia incenderat, siccaque et adusta erant ora:⁵ cum repente, sive illud deorum munus, sive casus fuit, obductae coelo nubes condidere solem, ingens aestu fatigatis, etiamsi aqua deficeret, auxilium. Enimve-¹⁴ ro, ut largum quoque imbrem excusserunt procellae, pro se quisque excipere eum, quidam ob sitim impotentes sui, ore quoque hianti captare coeperunt. Qua-¹⁵ triduum per vastas solitudines absumptum est. Iamque haud procul oraculi sede aberant, cum complures corvi agmini occurrunt, modico volatu prima signa antecedentes, et modo humi residebant, cum lentius agmen incederet, modo se pennis levabant, antecessentium⁶ iterque monstrantium ritu.

31 Tandem ad sedem consecratam deo ventum est.¹⁶ Incredibile dictu, inter vastas solitudines sita, undi-

¹ Mareotim.

⁴ haec.

² sequenti.

⁵ omnia.

³ advexerant.

⁶ Codd. cedentium.

que ambientibus ramis, vix in densam umbram cadente sole, conlecta est, multique fontes, dulcibus aquis passim manantibus, alunt silvas. Coeli quoque mira temperies, verno tepori ¹ maxime similis, omnes anni partes pari salubritate percurrit. Accolae sedis sunt ab oriente proximi Aethiopum. In meridiem versum ² Arabes spectant, Troglodytis cognomen est: horum ³ regio usque ad rubrum mare excurrit. At qua vergit ad occidentem, alii Aethiopes colunt, quos Scenitas ⁴ vocant. A septemtrione Nasamones sunt, gens Syrtica, navigiorum spoliis quaestuososa; quippe obsident litora, et aestu destituta navigia notis sibi vadis occupant. Incolae nemoris, quos Hammonios vocant, dispersis tuguriis habitant, medium nemus pro arce habent, triplici muro circumdatum. Prima munitio tyrannorum veterem regiam clausit: in proxima coniuges eorum cum liberis et pellicibus habitant; hic quoque dei oraculum est: ultima munimenta satellitum armigerorumque sedes erant. Est et ⁵ aliud Hammonis nemus: in medio habet fontem, (Solis aquam ⁶ vocant:) sub lucis ortum tepida manat, medio die, cuius ⁷ vehementissimus est calor, frigida eadem fluit, inclinato in vespere calescit, media nocte fervida exaestuat, quoque nox propius ⁸ vergit ad lucem, multum ex nocturno calore decrescit, donec sub ipsum diei ortum assueto tepore languescat. Id, quod ⁹ pro deo colitur, non eandem effigiem habet, quam vulgo diis artifices accommodaverunt: umbilico maxime similis est habitus, smaragdo et gemmis coagmentatus. Hunc, cum re-

¹ tempori. ² versus. ³ quorum. ⁴ De coniectura: eodd.

Simuos.

⁵ etiam.

⁶ aquam solis.

⁷ cum.

⁸ propius nox.

⁹ desideratur quod in libris mis.

sponsum petitur, navigio aurato gestant sacerdotes; multis argenteis pateris ab utroque navigii latere pendentibus: sequuntur matronae virginesque, patrio more inconditum quoddam carmen canentes, quo propitiari Iovem credunt, ut certum edat oraculum.

32 Ac ¹ tum quidem regem propius adeuntem maximus ²³ natu e sacerdotibus filium appellat, hoc nomen illi parentem Iovem reddere affirmans. Ille se vero et accipere ait, ² et agnoscere, humanae sortis oblitus. Con- ²⁶ sultuit deinde, an totius orbis imperium fatis sibi destinaret pater? Aequae ³ in adulationem compositus, terrarum omnium rectorem fore ostendit. Post haec ²⁷ institit quaerere, an omnes parentis sui interfectores poenas dedissent. Sacerdos parentem eius negat ullius scelere posse violari, Philippi autem omnes ⁴ luisse ²⁸ supplicia: adiecit, invictum fore, donec excederet ad deos. Sacrificio deinde facto, dona et sacerdotibus et deo data sunt, permissumque amicis, ut ipsi quoque consulerent Iovem. Nihil amplius quaesierunt, ⁵ quam an auctor esset sibi divinis honoribus colendi suum regem? Hoc quoque acceptum fore Iovi vates respondet. ⁶ Vera et salubri aestimatione fides ora- ²⁹ culi vana profecto ei videri potuisset: ⁷ sed fortuna, quos uni sibi credere coëgit, magna ex parte avidos gloriae magis, quam capaces facit. Iovis igitur filium ³⁰ se non solum appellari passus est, sed etiam iussit, rerumque gestarum famam, dum augere vult tali ap-

¹ at.

² se vero ait et accipere.

³ Vates aequae.

⁴ adiicitur interfectores. ⁵ quaesiverunt. ⁶ respondit. Tum additur; ut ipsi victorem regem divino honore colerent.

⁷ Vulgo sic: Vere et salubriter aestimanti fidem oraculi vana profecto responsa videri potuissent. Codd. cetera ut edidimus, sed extrema sic: fidem oraculi vana prof. responsa si vid. potuissent.

pellatione, corrumpit.¹ Et Macedones, assueti quidem regio imperio, sed in² maiore libertatis umbra, quam ceterae gentes, immortalitatem affectantem contumacius, quam aut ipsis expediebat, aut regi, aversati³ sunt. Sed haec suo quaeque tempori reserventur: nunc cetera exequi pergam.

VIII. Alexander, ab Hammone rediens, ut Mareotin³ paludem, haud procul insula Pharo sitam, venit, contemplatus loci naturam, primum in ipsa insula statuerat urbem novam condere. Inde, ut apparuit magnae sedis insulam haud capacem esse,⁴ elegit urbi locum; ubi nunc est Alexandria, appellationem trahens ex nomine auctoris. Complexus quicquid soli⁵ est inter paludem ac⁶ mare, octoginta stadiorum muris ambitum destinat; et qui exaedicandae⁷ urbi³ praessent relictis, Memphin petit. Cupido, haud iniusta quidem, ceterum intempestiva, incesserat, non interiora modo Aegypti, sed etiam Aethiopiam invisere: Memnonis Tithonique celebrata regia cognoscendae vetustatis avidum trahebat paene extra terminos solis. Sed imminens bellum, cuius multo maior supererat moles, otiosae peregrinationi tempora exemerat. Itaque Aegypto praefecit Aeschylum Rhodium et Peucesten Macedonem, quattuor milibus militum in praesidium regionis eius datis: claustra Nili fluminis Polemonem tueri iubet; triginta ad hoc triremes datae. Africae deinde, qua Aegypto iuncta est, praepositus Apollonius: vectigalibus eiusdem Africae Aegyptique Cleomenes.⁸ Ex finitimis urbibus commigrare Alexandriam iussis, novam urbem magna

¹ corrumpit.² abest.³ ut a mari ad Mareotim.⁴ abest.⁵ loci.⁶ et,⁷ aedicandae.⁸ Ex emend. Codd. Clemens.

multitudine implevit. Fama est, cum rex urbis futu- 6
rae muros polenta, ¹ ut Macedonum mos est, desti-
nasset, avium greges advolasse, et polenta esse pastas:
cumque id omen pro tristi a plerisque esset acce-
ptum, respondisse vates, magnam illam urbem adve-
narum frequentiam culturam, multisque eam terris
alimenta praebituram.

34 Regem, cum secundo amni ² deflueret, assequi cu- 7
piens Hector, Parmenionis filius, exinio aetatis flore,
in paucis Alexandro carus, parvum navigium conscen-
dit, pluribus, quam capere posset, impositis. Itaque 8
mersa navis omnes destituit: Hector, diu flumini ob-
luctatus, cum madens vestis et adstricti crepidis pe-
des natare prohiberent, in ripam tamen semianimis
evasit, et ut primuni fatigatus spiritum laxavit, quem
metus et periculum intenderat, ³ nullo adiuvante
(quippe in diversum evaserant alii) exanimatus est.
Amis- ⁴ eius desiderio vehementer afflic- ⁵ tus est, re- 9
pertumque corpus magnifico extulit funere.

Oneravit hunc dolorem nuntius mortis Androma-
chi, quem praefecerat Syriae: vivum Samaritae cre-
maverant. Ad cuius interitum vindicandum, quanta 10
maxima celeritate potuit, contendit: advenientique
sunt traditi tanti sceleris auctores. Andromacho dein- 11
de Memnona substituit, affectisque ⁵ supplicio, qui
praetorem interemerant, tyrannos, inter quos ⁶ Me-
thymnacorum Aristonicum et Chrysolaum, populari-
bus suis tradidit: quos illi ⁷ ob iniurias tortos nece-
verunt.

Atheniensium deinde, Rhodiorum ⁸ et Chiorum 12

¹ De coniect. Vulgo futuris muris polentam. Codd. in ter-
minationibus verbis. mirum quantum variant. ² amne.

³ intenderant. ⁴ Rex amissi. ⁵ affectis. ⁶ eos.

⁷ additur 8 muris.

⁸ Rhodiorumque.

legatos audit. Athenienses victoriam gratulabantur, et ut captivi Graecorum suis restituerentur, orabant: 13 Rhodii et Chii de praesidio querebantur. Omnes aequa ¹ desiderare visi, impetraverunt. Mitylenaeis quoque, ob egregiam in partes fidem, ² et pecuniam, quam in bellum impenderant, reddidit, ³ et magnam 14 regionem finibus ⁴ adiecit. Cypriorum quoque regionibus, qui et a Dareo defecerant ad ipsum, et oppugnanti Tyrum miserant classem, pro merito honos habitus est.

15 Amphoterus deinde, classis praefectus, ad liberandam Cretam missus, (namque et Persarum et Spartanorum armis pleraque eius insulae obsidebantur,) ante omnia mare a piraticis classibus vindicare iussus: quippe obnoxium erat praedonibus, ⁵ in bellum utro- 16 que rege converso. His compositis, Herculi Tyrio ex auro crateram cum triginta pateris dicavit: imminensque Dareo, ad Euphraten iter ⁶ pronuntiari iussit.

ix. At Dareus, cum Aegypto devertisse ⁷ in Africam 35 hostem comperisset, dubitaverat, utrumne circa Mesopotamiam subsisteret, an interiora regni sui peteret, haud dubie potentior auctor praesens futurus ultimis gentibus impigre bellum capessendi, quas aegre 2 per praefectos suos moliebatur. Sed ut idoneis auctoribus fama vulgavit, Alexandrum cum omnibus copiis, quaecumque ipse adisset regionem, petiturum: haud ignarus, quam cum strenuo res esset, omnia longinquarum gentium auxilia Babylona ⁸ contrahi iussit. Bactriani Scythaeque et Indi convenerant: nam et ceterarum gentium copiae partibus simul af-

¹ *Ex emend. Codd. ea quae.*

² *in partes suas fidem.*

³ *obsides reddidit.*

⁴ *finibus eorum. Codd. finium*

adiecit.

⁵ *praedonibus erat.*

⁶ *iter ad Euphratem.*

⁷ *ab Aegypto divertisse.*

⁸ *Babyloniam.*

fuerunt. Ceterum, cum dimidio ferme maior esset 3 exercitus, quam in Cilicia fuerat, multis arma deerant, quae summa cura comparabantur. Equitibus equisque tegumenta erant ex ferreis laminis serie inter se connexis: quis antea praeter iacula nihil dederat, scuta gladiique adiciebantur: equorumque domandi gre- 4 ges peditibus distributi sunt, ut maior pristino esset equitatus: ingensque, ut crediderat, hostium terror, 1 ducentae falcatae quadrigae, unicum illarum gentium auxilium, secutae sunt. Ex summo temone hastae 5 praefixae ferro eminebant, utrinque a iugo ternos direxerant gladios, inter 2 radios rotarum plura spicula eminebant in adversum, aliae deinde falces summis rotarum orbibus haerebant, et aliae in terram dimissae, quicquid obvium concitatis equis fuisset, amputaturae.

36 Hoc modo instructo exercitu ac perarmato, Ba- 6 bylone copias movit. A parte dextra erat Tigris, nobilis fluvius, laevam tegebat Euphrates, agmen Mesopotamiae campos impleverat. Tigri deinde superato, 7 cum audisset, haud procul abesse hostem, Satropaten 3 equitum praefectum cum mille delectis praemisit. Mazaeo praetori sex milia data, quibus hostem 4 transitu amnis arceret: eidem mandatum, ut 8 regionem, quam Alexander esset aditurus, popularetur atque ureret; quippe credebat, inopia debellari posse nihil habentem, nisi quod rapiendo occupasset: ipsi autem commeatus alii terra, alii Tigri amne subvehebantur. Iam pervenerat 5 Arbela vicum, nobilem 9 sua clade facturum. Hic commeatum sarcinarumque maiore parte deposita, Lycum amnem ponte iunxit,

1 terror hostium.
item postea.

2 et inter.
4 abest.

3 Satropatem,
5 adicitur ad.

et per dies quinque, sicut ante Euphraten, traiecit
 10 exercitum. Inde octoginta fere stadia progressus, ad
 alterum amnem, (Boumelo ¹ nomen est,) castra po-
 suit. Opportuna explicandis copiis regio erat, equi-
 tabilis et vasta planities. Ne stirpes quidem et bre-
 via virgulta operiunt solum, liberque prospectus ocu-
 lorum etiam ad ea, ² quae procul recessere, permit-
 titur. Itaque si qua campi eminebant, iussit aequari,
 totumque fastigium extendi.

11 Alexandro, qui numerum copiarum eius, quantum 37
 procul coniectari poterat, ³ aestimabant, vix fecerunt
 fidem, tot milibus caesis, maióres copias esse repara-
 12 tas. Ceterum omnis periculi et maxime multitudinis
 contemptor, undecimis castris pervenit ad Euphraten:
 quo pontibus iuncto equites primos ire, phalangem se-
 qui iubet, Mazaeo, qui ad inhibendum transitum eius,
 cum sex milibus equitum occurrerat, non auso peri-
 13 culum sui facere. Paucis deinde, non ad quietem,
 sed ad praeparandos ⁴ animos, diebus datis militi, stre-
 nue hostem insequi coepit, metuens, ne interiora re-
 gni sui peteret, sequendusque esset per loca omni so-
 14 litudine atque inopia vasta. Igitur quarto die praeter
 Arbela penetrat ad Tigrin. Tota regio ultra amnem
 recenti fumabat incendio: quippe Mazaeus, quaecun-
 15 que adierat, haud secus quam hostis urebat. Ac pri-
 mo caligine, quam fumus effuderat, obscurante lucem,
 insidiarum metu substitit: deinde ut speculatores prae-
 missi tuta omnia nuntiaverunt, paucos equitum ad
 temptandum vadum fluminis praemisit: cuius altitudo
 primo summa equorum pectora, mox, ut in medium
 16 alveum ventum est, cervices quoque aequabat. Nec
 sane alius ad Orientis plagam tam violentus invehit

¹ Bumado. ² *absunt verba* ad ea. ³ poterant. ⁴ reparandos.

tur, multorum torrentium non aquas solum, sed etiam saxa secum trahens. Itaque a celeritate, qua defluit, Tigri nomen est inditum, quia Persica lingua Tigrin sagittam appellant.

38 Igitur pedes, velut divisus in cornua, circumdato¹⁷ equitatu, levatis super capita armis, haud aegre ad ipsum alveum penetrat. Primus inter pedites rcx¹⁸ egressus in ripam, vadum militibus manu, quando vox exaudiri non poterat, ostendit. Sed gradum firmare vix poterant, cum modo saxa lubrica vestigium fallerent, modo rapidior unda subduceret. Praecipuus¹⁹ erat labor eorum, qui humeris onera portabant: quippe cum semetipsos regere non possent, in rapidos gurgites incommodo onere auferebantur, et dum sua quisque spolia consequi studet, maior inter ipsos, quam cum amne, orta luctatio est, cumulique sarcinarum passim fluitantes plerosque perculerant. Rex²⁰ monere, ut satis haberent arma retinere, cetera se redditurum. Sed neque consilium, neque imperium accipi poterat: obstrepebat hinc metus, praeter hunc invicem nutantium¹ mutuus clamor. Tandem qua²¹ leniore tractu amnis aperit vadum, emersere, nec quicquam praeter paucas sarcinas desideratum est. Deleri potuit exercitus, si quis vincere ausus esset,²² sed perpetua fortuna regis avertit inde hostem. Sic Granicum, tot milibus equitum peditumque in ulteriore stantibus ripa, superavit, sic angustis in Ciliciae collibus³ tantam multitudinem hostium: audaciae²³ quoque, qua maxime viguit, ratio minui potest, quia nunquam in discrimen venit, an temere fecisset. Mazaeus, qui, si transeuntibus flumen supervenisset, haud dubie oppressurus fuit incompósitos, in ripa demum

¹ natantium.

² ausus esset vincere.

³ callibus.

24 et iam perarmatos adequitare coepit. Mille admodum equites praemiserat. Quorum paucitate Alexander explorata, deinde contempta, praefectum Paeonum ¹ equitum Aristona laxatis habenis invehi iussit.

25 Insignis eo die pugna equitum et praecipue Aristonis fuit: praefectum equitatus Persarum Satropaten directa in gutture hasta transfixit, fugientemque per medios hostes consecutus, ex equo praecipitavit, et obluctanti caput gladio dempsit, quod relatum magna cum laude ante regis pedes posuit.

x. Biduo ibi rex stativa habuit: in proximum deinde ³⁹
 2 pronuntiari iter ² iussit. Sed prima fere vigilia luna deficiens, primum nitorem sideris sui condidit, deinde sanguinis colore suffuso lumen omne foedavit, sollicitisque sub ipsum tanti discriminis casum ingens religio, et ex ea formido quaedam incussa est. Diis invitis in ultimas terras trahi se querebantur: iam nec flumina posse adiri, ³ nec sidera pristinum servare ⁴ fulgorem, vastas terras, deserta omnia occurrere: in unius hominis iactationem tot milium sanguinem impendi: fastidio esse patriam, abdicari Philippum patrem, coelum vanis cogitationibus petere. ⁵ Iam prope ⁴ seditionem res erat, cum ad omnia interritus duces principesque militum frequentes adesse praetorio, ⁶ Aegyptiosque vates, quos coeli ac siderum peritissimos esse credebatur, quid sentirent, expromere iubet.
 5 At illi, qui satis scirent, temporum orbis implere destinatas vices, lunamque deficere, cum aut terram subiret, aut sole premeretur, rationem quidem ipsis
 6 perceptam non edocent vulgus: ceterum affirmant,

¹ *Codd. Penorum.* ² iter pronuntiari. ³ *Ex emend. Codd.* adire. ⁴ praestare. ⁵ peti. ⁶ *In libris mss. additur iubet.*

solem Graecorum, lunam esse Persarum, quotiensque¹ illa deficiat, ruinam stragemque illis gentibus portendi: veteraque exempla percensent Persidis regum, quos adversis diis pugnasse, lunae ostendisset defectio. Nulla res multitudinem efficacius² regit, quam super-

stitio; alioquin³ impotens, saeva, mutabilis, ubi vana religione capta est, melius vatibus, quam ducibus suis paret. Igitur edita in vulgus Aegyptiorum responsa rursus ad spem et fiduciam crexere torpentes.

40 Rex, impetu animorum utendum ratus, secunda⁸ vigilia castra movit: dextra Tigrin habebat, a laeva montes, quos Gordaeos vocant. Hoc ingressis⁴ iter, ⁹ speculatores, qui praemissi erant, sub lucis ortum, Dareum adventare nuntiaverunt. Instructo igitur milite et composito agmine, antecedebat. Sed Persarum¹⁰ moratores⁵ erant, mille ferme, qui speciem agminis magni fecerant: quippe ubi explorari vera non possunt, falsa per metum augentur.⁶ His cognitis, rex¹¹ cum paucis suorum assecutus agmen refugientium ad suos, alios cecidit, alios cepit: equitesque praemisit speculatum,⁷ simul ut ignem, quo barbari cremaverant vicos, extinguerent. Quippe fugientes raptim¹² tectis acervisque frumenti iniecerant flammam, quae cum in summo haesissent, ad inferiora nondum penetraverant. Extincto igitur igne, plurimum frumenti¹³ repertum est: copia aliarum quoque rerum abundare coeperunt. Ea res ipsa militi ad persequendum hostem animum incendit: quippe urente et populante eo terram, festinandum erat, ne incendio cuncta praeciperet.⁸ In rationem ergo necessitas versa est;⁹ ¹⁴ quippe

¹ quoties. ² efficacius multitudinem. ³ alioqui. ⁴ ingresso.
⁵ exploratores. ⁶ augurantur. ⁷ praemisit
⁸ simul speculatum. ⁹ praeciperet. ⁹ abst.

quippe Mazaeus, qui antea per otium vicos incend-
 rat, iam fugere contentus, pleraque inviolata hosti
 15 reliquit. Alexander haud longius centum quinquaginta
 stadiis Dareum a se ¹ abesse compererat. Itaque ad
 satietatem quoque copia commeatum instructus, qua-
 triduo in eodem loco substitit.

16 Interceptae deinde Darei litterae sunt, quibus
 Graeci milites sollicitabantur, ut regem interficerent,
 aut proderent: dubitavitque, an eas pro contione re-
 citaret, satis confisus Graecorum quoque erga se be-
 17 nivolentiae ac fidei. Sed Parmenio deterruit, non
 esse talibus promissis imbuendas aures militum affir-
 mans: ² patere vel unius insidiis regem: nihil nefas
 18 esse avaritiae. Secutus consilii auctorem, castra movit.

19 Iter facienti spado e ³ captivis, qui Darei uxorem 41
 comitabantur, deficere eam nuntiat, et vix spiritum
 ducere. Itineris continui labore animique aegritudine
 fatigata, inter socrus et virginum filiarum manus col-
 lapsa erat, deinde et extincta. Id ipsum nuntians
 20 alius supervenit. Et rex haud secus, quam si paren-
 tis mors ⁴ nuntiata esset, crebros edidit gemitus, la-
 crimisque obortis, quales Dareus profudisset, in ta-
 bernaculum, in quo mater erat Darei, defuncto as-
 21 sidens corpori, venit. Hic vero renovatus est mae-
 ror, ut prostratam humi vidit. Recenti malo prio-
 rum quoque admonita, receperat in gremium adultas
 virgines, magna quidem mutui doloris solatia, sed qui-
 22 bus ipsa deberet esse solatio. In conspectu erat ne-
 pos parvulus, ob id ipsum miserabilis, quod nondum
 sentiebat calamitatem, ex maxima ⁵ parte ad ipsum
 23 redundantem. Crederes, Alexandrum inter suas ne-

¹ *absunt verba* a se.

² *abest.*

³ *unus ex.*

⁴ *parentis suae mors;*

⁵ *maxima ex.*

cessitudines flere, et solatia non adhibere, sed quærere. Cibo certe abstinuit, omnemque honorem funeri, patrio Persarum more, servavit, dignus hercule, qui nunc quoque tantum et ¹ mansuetudinis et continentiae ferat fructum. Semel omnino eam viderat, ²⁴ quo die capta est, nec ut ipsam, sed ut Darei matrem videret, eximiamque pulchritudinem formae eius non libidinis habuerat invitamentum, ² sed gloriae.

42 E spadonibus, qui circa reginam erant, Tyriotes, ²⁵ inter trepidationem lugentium elapsus per eam portam, quae, quia ab hoste aversa erat, levius custodiebatur, ad Darei castra pervenit, exceptusque a vigilibus, in tabernaculum regis perducitur, gemitus et veste lacerata. Quem ut conspexit Dareus, multiplici doloris expectatione commotus, et quid potissimum timeret, incertus, *Vultus*, inquit, *tuis* ³ *nescio quod ingens malum praefert, sed cave miseri hominis auribus parcas: didici* ⁴ *esse infelix, et saepe calami tatis solatium est nosse sortem suam. Num, quod* ²⁷ *maxime suspicor et loqui timeo, ludibria meorum muniturus es, mihi et, ut credo, ipsis quoque omnium tristiora* ⁵ *supplicio?* Ad haec Tyriotes, *Istud quidem* ²⁸ *procul abest*, inquit: *quantuscunque enim reginis honos* ⁶ *ab his qui parent haberi potest, tuis a victore servatus est, sed uxor tua paulo ante excessit e vita. Tum vero non gemitus modo, sed etiam eiulatus totius* ²⁹ *castris exaudiebantur: nec dubitavit Dareus, quin interfecta esset, quia nequisset contumeliam perpeti.* ⁷ Exclamatque amens dolore: *Quod ego tantum nefas commisi, Alexander? quem tuorum propinquorum ne-*

¹ abest.² incitamentum.³ tuus inquit.⁴ additur enim.⁵ graviora.⁶ honor.⁷ pati.

*cavi, ut hanc vicem restitueres saevitiae meae?*¹ *Odisti me, non quidem provocatus: sed finge, iustum intulisse te bellum, cum feminis ergo agere debueras?*
 10 *Tyriotes affirmare per deos patrios, nihil in eam gravius esse consultum: ingemuisse etiam Alexandrum morti, et non parcius flevisse, quam ipse lacrimaret.*
 11 *Ob haec ipsa amantis animus in sollicitudinem suspicionemque revolutus est, desiderium captivae profecto*
 12 *a consuetudine stupri ortum esse coniectans. Sum-*
 13 *motis igitur arbitris, uno dumtaxat Tyriote retento,*
 14 *iam non flens, sed suspirans, Videsne, inquit, Tyriote, locum mendacio non esse? tormenta iam hic*
*erunt: sed ne expectaveris per deos, si quid tibi tui*³
regis reverentiae est: num, quod et scire expeto, et
quaerere pudet, ausus est et dominus, et iuvenis?
 3 *Ille quaestioni corpus offerre, deos testes invocare,*
 4 *caste sancteque habitam esse reginam. Tandem ut*
fides facta est, vera esse quae affirmaret spado, capite
velato diu flevit, manantibusque adhuc lacrimis, veste
ab ore reiecta, ad coelum manus tendens, Dii patrii,
inquit, primum mihi stabilite regnum: deinde, si de
*me iam transactum est, precor, ne quis potius*⁴ *Asiae*
rex sit, quam iste tam iustus hostis, tam misericors
victor.

1. Itaque quamquam, frustra pace⁵ bis petita, omnia⁴³
 in bellum consilia converterat, victus tamen continetia hostis, ad novas pacis condiciones ferendas decem legatos, cognatorum principes, misit: quos Alexander, consilio advocato, introduci iussit. E quibus maximus natu, *Dareum*, inquit, *ut pacem a te*

¹ saevitiae meae reddas.
 et editi in te.

² De coniectura: libri mss.

³ tui tibi.

⁴ abest.

⁵ pace frustra.

iam hoc tertio peteret, nulla vis subegit, sed iustitia et continentia¹ expressit. Matrem, coniungem, liberos² 3 eius, nisi quod sine illo sunt, captos esse non sensimus: 3 pudicitiae earum, quae supersunt, curam haud secus quam parens agens, reginas appellas, speciem pristinae fortunae retinere pateris. Vultum tuum vi- 4 deo, qualis Darei fuit, cum dimitteremur ab eo: et ille tamen uxorem, tu hostem luges. Iam in acie stares, nisi cura te sepulturae eius moraretur. Ecquid mirum est, si tam ab amico animo pacem petit? quid opus est armis, inter quos odia sublata sunt? Antea 5 imperia tuo finem⁴ destinabat Halym amnem, qui Lydiam terminat. Nunc, quicquid inter Hellespontum et Euphratem est, in dotem filiae offert, quam tibi tradit: Ochum filium, quem habes, pacis et fidei 6 obsidem retine, matrem et duas virgines filias redde: pro tribus corporibus triginta milia talentum auri precatur accipias. Nisi moderationem animi tui notam 7 haberem, non dicerem hoc esse tempus, quo pacem non dare solum, sed etiam occupare deberes. Respice, 8 quantum post te reliqueris: intuere, quantum petas. Periculosum est praegrave imperium: difficile est enim⁵ 5 continere, quod capere non possis. Videsne, ut navigia, quae modum excedunt, regi nequeant? Nescio, an Darius ideo tam multa amiserit, quia nimiae opes magnae iacturae locum faciunt. Facilius 9 est quaedam vincere, quam tueri: quam, hercule, expeditius manus nostrae rapiunt, quam continent! Ipsa mors uxoris Darei admonere te⁶ 6 potest, minus iam misericordiae tuae licere, quam licuit.

44 Alexander, legatis excedere tabernaculo iussis, quid¹⁰

¹ additur tua.⁵ abest.² liberosque.⁵ te admonere.³ sensit.⁴ abest.

placeret, ad consilium refert. Diu nemo quid sentiret ausus est dicere, incerta regis voluntate. Tandem Parmenio, ante suasisse, ¹ ait, ut captivos apud Damascum redimentibus redderet: ² ingentem pecuniam potuisse redigi ex his, ³ qui multi vineti virorum fortium occuparent ⁴ manus. Et nunc magnopere censere, ⁵ ut unam anum et duas puellas, itinerum agminumque impedimenta, triginta milibus talentum ⁶ auri permutet. ⁷ Opimum regnum occupare ⁸ posse conditione, non bello, nec quemquam alium inter Istrum et Euphraten possedissee terras ingenti spatio intervalloque discretas. Macedoniam quoque potius respiceret, ⁹ quam Bactra et Indos intueretur. Ingrata oratio regi fuit. Itaque ut finem dicendi fecit, *Et ego, inquit, pecuniam quam gloriam malle, si Parmenio essem. Nunc Alexander, de paupertate securus sum et me non mercatorem memini esse, sed regem. Nihil quidem habeo venale, sed fortunam meam utique non vendo: captivos si placet reddi, honestius dono dabitur, quam pretio remittemus.* Introductis deinde legatis ad hunc modum respondit: *Nuntiate Dareo, ¹⁰ me, quae fecerim clementer et liberaliter, non amicitiae eius tribuisse, sed naturae meae. ¹¹ Bellum cum captivis et feminis gerere non soleo: armatus sit oportet, quem oderim. Quodsi saltem pacem bona fide peteret, deliberarem forsitan, an darem. Verum enimvero, cum modo milites meos litteris ad prodicionem, modo amicos ad perniciem meam pecunia sollicitet, ad*

¹ suasissem. ² redderes. ³ iis. ⁴ occupaverant.
⁵ censerem. ⁶ talentis. ⁷ permutes. ⁸ occupari.
⁹ resp. potius. ¹⁰ additur gratiarum actionem
apud hostem supervacaneam esse et. ¹¹ additur
nec adversus calamitates, sed adversus hostium vires
contendere.

internecionem mihi persequendus est, non ut iustus hostis, sed ut percussor veneficus. Conditiones vero pacis, quas affertis, ¹ si accepero, victorem eum faciunt. Quae post Euphraten sunt, liberaliter donat. Ubi igitur me affamini? nempe ultra Euphraten sum. Summum ergo dotis, quam promittit, terminum castra mea transeunt. Hinc me depellite, ut sciam vestrum esse, quo ² ceditis. Eadem liberalitate dat mihi ²⁰ filiam suam: nempe quam scio alicui servorum eius ³ nupturam. Multum vero mihi praestat, si me Mazaeo generum praeponit! Ite, nuntiate regi vestro, et ²¹ quae amisit, et quae adhuc habet, praemia esse belli: hoc regente utriusque terminos regni, id quemque habiturum, quod proximae lucis assignatura fortuna est. ⁴ Legati respondent, cum bellum in animo sit, facere ²² eum simpliciter, quod spe pacis non frustraretur. Ipsos petere, ut ⁵ quamprimum dimittantur ad regem: eum quoque bellum parare debere. Dimissi nuntiant, adesse certamen.

45 Ille quidem confestim Mazaeum cum tribus equitum milibus ⁶ ad itinera, quae hostis petiturus erat, occupanda praemisit. Alexander, corpori uxoris eius ² iustis persolutis, omnique graviore comitatu intra eadem munimenta eum modico praesidio relicto, ad hostem contendit. Duo ⁷ cornua diviserat pedi- 3

¹ fertis.

² quod.

³ suorum.

⁴ additur

Et me in Asiam non venisse, ut ab aliis acciperem, sed ut aliis darem. Si secundus, et non per mihi vellet haberi, facerem forsitan, quae petit. Ceterum, nec mundus duobus solibus potest regi, nec duo summa regna salvo statu terrarum potest habere. Proinde aut deditionem hodie, aut in crastinum bellum paret: nec aliam sibi, quam expertus est, polliceatur fortunam. ⁵ abest.

⁶ milibus equitum.

⁷ in duo.

tum, ¹ utrique lateri ² equite circumdato: impedi-
⁴ menta sequebantur agmen. Praemissum deinde cum
 citis equitibus ³ Menidan ⁴ iubet explorare, ubi Da-
 reus esset. At ille, cum Mazaëus haud procul con-
 sedisset, non ausus ultra procedere, nihil aliud, quam
⁵ fremitum hominum hinnitumque equorum exaudisse,
 nuntiat. Mazaëus quoque, conspectis procul explo-
 ratoribus, in castra se recepit, ⁵ adventus hostium
 nuntius. Igitur Dareus, qui in patentibus campis de-
 cernere optabat, armari militem iubet, aciemque dis-
⁶ ponit. In laevo cornu Bactriani ibant equites, mille
 admodum, Dahae totidem, et Arachosii Susianique ⁶
 quattuor ⁷ explebant. Hos centum ⁸ falcati currus
 sequebantur. Proximus quadrigis erat Bessus cum
⁷ octo milibus equitum item Bactrianis. Massagetae
 duobus milibus agmen eius claudebant. Pedites his
 plurium gentium non iminixtos, ⁹ sed suae quisque
 nationis iunxerat ¹⁰ copias. Persas deinde cum Mar-
 dis Sogdianisque Ariobarzanes et Orontobates ¹¹ duce-
⁸ bant. Illi partibus copiarum, summae Orsines prae-
 erat, a septem Persis oriundus, ad Cyrum quoque no-
⁹ bilissimum regem originem sui referens. Hos aliae
 gentes, ne sociis quidem satis notae, sequebantur.
 Post quas quinquaginta quadrigas Phradates magno
 Caspiorum ¹² agmine antecedebat. Indi, ceterique
 rubri maris accolae, nomina verius quam auxilia, post
¹⁰ currus erant. Claudebatur hoc agmen aliis falcatis
 curribus: ¹³ quis peregrinum militem adiunxerat.
 Hunc Armenii, quos minores appellant, ¹⁴ Armenios

¹ peditem. ² in utrumque latus. ³ concitis equitibus.
⁴ Menidam. ⁵ recipit. ⁶ Susiique. ⁷ additur milia.
⁸ quinquaginta. ⁹ mixtas. ¹⁰ iunxerant.
¹¹ Orobates. ¹² Caspianorum. ¹³ additur
 quinquaginta. ¹⁴ vocant.

Babylonii, utrosque Belitae, et qui montes Cossaeorum incolebant, sequebantur. Post hos ibant Gortinae, gentis ¹ quidem Euboicae, Medos quondam secuti, sed iam degeneres, et patrii moris ignari. Applicuerat his Phrygas et Cataonas. Parthyaeorum ² deinde gens, incolentium terras, quas nunc Parthi Scythia profecti tenent, claudebant agmen. Haec sinistri cornus ³ acies fuit. Dextrum tenebant ⁴ natio ¹² maioris Armeniae Cadusiique, et ⁵ Cappadoces, et Syri, ac ⁶ Medi. His quoque falcati currus quinquaginta erant. ⁷ Summa totius exercitus, equites quadraginta quinque milia, pedestris acies ducenta milia expleverat. Hoc modo instructi decem stadia procedunt, iussique subsistere, armati hostem expectabant.

46 Alexandri exercitum pavor, cuius causa non suberat, invasit: quippe lymphati trepidare coeperunt, omnium pectora occulto metu percurrente. Coeli fulgor tempore aestivo ardenti similis internitens ignis praebuit speciem, flammisque ex Darei castris splendere, velut illati temere praesidiis, credebant. Quodsi perculsis Mazaeus, qui praesidebat itineri, supervenisset, ingens clades accipi potuit: nunc, dum ⁸ ille segnis in eo quem occupaverat tumultu sedet, contentus non lacessi, Alexander, cognito pavore exercitus, signum ut consisterent dari, ante ⁹ ipsos arma deponere ac levare corpora, iubet, admonens, nullam subiti causam esse terroris, ¹⁰ hostem procul stare. Tandem compotes sui pariter arma et animos recepere: nec quicquam ex praesentibus tutius visum est, quam eodem loco castra munire. Postero die

¹ *Ex emend. codd.* gentes.

² Parthorum.

³ cornu.

⁴ tenebat.

⁵ *abest.*

⁶ et.

⁷ erant quinquaginta.

⁸ *absunt duo verba* nunc dum.

⁹ *abest.*

¹⁰ timoris.

Mazaeus, qui cum delectis equitum in edito colle, ex quo Macedonum prospiciebantur castra, consederat, sive metu, sive quia speculari modo iussus erat, ad
 19 Dareum rediit. Macedones eum ipsum collem, quem deseruerat, occupaverunt: nam et tutior planitie erat, et inde acies hostium, quae in campo explicabatur,
 20 conspici poterat. Sed caligo, quam circa humidi effuderant montes, universae ¹ quidem rei faciem non abstulit, ceterum agminum discrimina atque ordinem prohibuit perspicere. Multitudo inundaverat campos, fremitusque tot milium etiam procul stantium au-
 21 res impleverat. Fluctuari animo rex, et modo suum, modo Parmenionis consilium sera aestimatione perpendere, quippe eo ventum erat, unde recipi exercitus, nisi victor, sine clade non posset. ² Itaque ³ dissimulato metu ⁴ mercenarium equitem ex Paeonia
 23 praecedere iubet. Ipse phalangem, sicut antea dictum est, in duo cornua extenderat: utrumque cornu equites tegebant. Iamque nitidior lux, discussa caligine, aciem hostium ostenderat, et Macedones, sive alacritate, sive taedio expectationis, ingentem pugnantium more edidere clamorem. Redditus et a Persis nemo-
 24 ra vallesque circumiectas terribili sono impleverat. Nec iam contineri Macedones poterant, quin cursu quoque ad hostem contenderent. Melius adhuc ratus in eodem tunulo castra munire, vallum iaci ius-

¹ *De coniectura: codd. universam equidem, edd. universam quidem.* ² *adiicitur* [Movebat etiam eum multitudo hostium, respectu paucitatis suae gentis: sed interdum reputabat, quantas res cum hac gente gessisset, quantosque populos fudisset. Itaque, cum spes metum vinceret, periculosius bellum differre ratus, ne desperatio suis cresceret.] ³ *abest.* ⁴ *De coniectura: codd. et edd. vulg. eo.*

sit: strenueque opere perfecto, in tabernaculum, ex quo tota acies hostium conspiciebatur, secessit.

47 Tum vero universa futuri discriminis facies in xni. oculis erat: armis insignibus equi virique splendebant, et omnia intentiore cura praeparari apud hostem, sollicitudo praetorum agmina sua interequitantium ostendebat, ac pleraque inania, sicut fremitus hominum, 2 equorum hinnitus, armorum internitentium fulgor, sollicita ¹ expectatione mentem turbaverant. Igitur 3 sive dubius animi, sive ut suos experiretur, consilium adhibet, quid optimum factu esset, exquirens. Par- 4 menio, peritissimus inter duces artium belli, furto, non proelio opus esse censebat: intempesta nocte opprimi posse hostes: discordes moribus, linguis, ad hoc ² somno et improvise periculo territos, quando in nocturna trepidatione coituros? At interdiu pri- 5 mum terribiles occursuras facies Scytharum Bactrianorumque: hirta illis ora et intonsas comas esse, praeterea eximiam vastorum magnitudinem corporum. Vanis et inanibus militem magis quam iustis formidinis causis moveri. Deinde tantam multitudinem circumfundi paucioribus posse. Non in Ciliciae angu- 6 stiis et inviis callibus, sed in aperta et lata planitie dimicare. ³ Omnes fere Parmenioni assentiebantur: ⁴ 7 Polypercon haud dubie in eo consilio positam victoriam arbitrabatur. Quem intuens rex, namque Par- 8 menionem, nuper acrius quam vellet increpitum, rursus castigare non sustinebat, *Latrunculorum, inquit, et furum ista sollertia est, quam praecipitis mihi; quippe illorum votum unicum est fallere. Meae vero* 9 *gloriae semper aut absentiam Darei, aut angustias lo-*

¹ sollicitam.

² haec.

³ *Ex emend. Codd.* dimicarent:

vulgo dimicandum fore.

⁴ assentiebant.

corum, aut furtum noctis obstare non patiar: palam luce aggredi certum est: malo me fortunae poeniteat, 10 quam victoriae pudeat. Ad haec illud quoque accedit: vigilias agere barbaros et in armis stare, ut ne decipi quidem possint, compertum habeo. Itaque ad proelium vos parate. Sic incitatos ad corpora curanda dimisit.

11 Dareus id, ¹ quod Parmenio suaserat, hostem fac- 48
cturum esse coniectans, frenatos equos stare, magnam-
que exercitus partem in armis esse, ac vigilias inten-
tiore cura servari iusserat: ergo ignibus tota eius ca-
12 stra fulgebant. Ipse cum ducibus propinquisque
aguina in armis stantium circumibat, Solem et ² Mi-
thren sacrumque et aeternum invocans ignem, ut il-
lis dignam vetere gloria, maiorumque monumentis
13 fortitudinem inspirarent. Et profecto, si qua divinae
opis auguria humana mente concipi possent, deos
stare secum. Illos nuper Macedonum animis subitam
incussisse formidinem: adhuc lymphatos ferri agique,
arma iacentes: expetere praesides Persarum imperii ³
14 debitas e vecordibus poenas. Nec ipsum ducem sa-
niores esse: quippe ritu ferarum praedam modo,
quam expeteret, intuentem, in perniciem, quae ante
praedam posita esset, incurrere.

Similis apud Macedones quoque sollicitudo erat:
noctemque, velut in eam certamine edicto, metu ege-
15 runt. Alexander, non alias magis territus, ad vota et
preces Aristandrum vocari iubet. Ille in candida ve-
ste, verbenas manu praeferens, capite velato praeibat
preces regi, Iovem, Minervam Victoriamque propi-
16 tiant. Tunc quidem sacrificio rite perpetrato, reli-
quum noctis acquieturus in tabernaculum rediit. Sed

¹ illud.² abest.³ adiicitur deos.

nec somnum capere, nec quietem pati poterat. Modo e iugo montis aciem in dextrum Persarum cornu demittere agitabat, modo recta fronte concurrere hosti, interdum haesitare, an potius in laevum detorqueret¹ agmen. Tandem gravatum animi anxietate¹⁷ corpus altior somnus oppressit.

49 Iamque luce orta duces ad accipienda imperia convenerant, insolito circa praetorium silentio attenti: quippe alias accersere ipsos, et interdum mo-¹⁸ rantes castigare assueverat: tunc ne ultimo quidem rerum discrimine excitatum esse mirabantur, et non somno quiescere, sed pavore marcere credebant. Non¹⁹ tamen quisquam ex² custodibus corporis intrare tabernaculum audebat: et iam tempus instabat, nec miles iniussu ducis aut arma capere poterat, aut in ordines ire. Diu Parmenio cunctatus, ci-²⁰ bum ut caperent, ipse pronuntiat. Iamque exire necesse erat: tunc demum intrat tabernaculum, saepiusque nomine compellatum, cum voce non posset, tactu excitavit. *Multa lux, inquit, est: instructam aciem²¹ hostis admovit: tuus miles adhuc inermis expectat imperium. Ubi est vigor ille animi tui? nempe excitare vigiles soles.* Ad haec Alexander: *Credisne, me²² prius somnum capere potuisse, quam exonerarem animum sollicitudine, quae quietem morabatur?* signumque pugnae tuba dari iussit. Et cum in eadem ad-²³ miratione Parmenio perseveraret, quod solutum se curis somnum cepisse dixisset, ³ *Minime, inquit, mirum est: ego enim, cum Dareus terram⁴ ureret, vicinos excinderet,⁵ alimenta corrumperet, potens mei non eram: nunc vero quid metuum, cum acie decer-*²⁴

¹ torqueret.

⁴ terras.

² e.

³ quod securus somnum cepisset.

⁵ excideret.

nere paret? *Hercule votum meum implevit. Sed huius consilii postea quoque ratio*¹ *reddetur: vos ite ad copias, quibus quisque praest. Ego iam adero,*
 25 *et quid fieri velim exponam.* Raro admodum admonitu magis² amicorum, quam metu discriminis adeundi³ thorace⁴ uti solebat, tunc quoque munimento corporis sumpto processit ad milites. Haud alias tam alacrem viderant regem: et vultu eius interrito certam spem victoriae augurabantur.
 26 Atque ille proruto⁵ vallo exire copias iubet, aciem-50
 que disponit. In dextro cornu locati sunt equites, quos agema appellant. Praeerat his Clitus: cui iunxit Philotae turmas, ceterosque praefectos equitum
 27 lateri eius applicuit. Ultima Meleagri ala stabat: quam phalanx sequebatur. Post phalangem Argyraspides erant: his Nicanor, Parmenionis filius, praeerat.
 28 In subsidiis cum manu sua Coenos: post eum Orestae Lyncestaeque⁶ sunt:⁷ post illos Polypercon, dux peregrini militis. Huius agminis princeps Amyntas⁸ erat: Philippus Balacri eos⁹ regebat, in societatem
 29 nuper ascitus.¹⁰ Haec dextri cornus¹¹ facies erat. In laevo Craterus Peloponnensium equites habebat, Achaeorum¹² et Locrensi-
 um, et Maleon turmis sibi adiunctis. Hos Thessali equites claudebant, Philippo
 30 duce. Peditum acies equitatu tegebatur. Frons laevi cornus haec erat. Sed ne circumiri posset a multitudine, ultimum agmen valida manu cinxerat. Cor-

¹ huius quoque consilii ratio postea. ² *De coniect. Codd.* agens. ³ *de coniect. Codd.* adeundum. ⁴ *item de coniect. Codd.* erat. *Totus locus sic vulg. legitur:* Raro admodum admonitu amicorum, cum metus discriminis aderat, uti solebat. ⁵ prorupto. ⁶ Orestes Lyncestesque. ⁷ abest. ⁸ Am. princeps. ⁹ Philagus Balacros. *Codd. optt.* phaligrus Baracri eos regebant. ¹⁰ *De coniect.* ascitos. ¹¹ cornu, et sic paulo post. ¹² Achaeorumque.

nua quoque subsidiis firmavit, non recta fronte, sed a latere positus, ut, si hostis circumvenire aciem temptasset, parata pugnae forent. Hic Agriani erant, quibus Attalus praeerat, adiunctis sagittariis Cretensibus. Ultimos ordines avertit a fronte, ut totam aciem orbe muniret. Illyrii hic erant, adiuncto milite mercede conducto. Thracas quoque simul obiecerat leviter armatos. Adeoque aciem versabilem ¹ posuit, ³² ut, qui ultimi stabant, ne circumirentur, verti tamen, et in frontem circumagi possent. Itaque non prima, quam latera, non latera munitiora fuere, quam terga.

51 Illis ita ordinatis, praecipit, ut, si falcatos currus cum ³³ fremitu barbari emitterent, ipsi laxatis ordinibus impetum incurrentium ² silentio exciperent, haud dubius sine noxa transcurso, si nemo se opponeret: sin autem sine fremitu immisissent, eos ipsi clamore terrerent, pavidosque equos telis utrimque suffoderent. Qui cornibus praeerant, extendere ea iussit, ita ³⁴ ut nec circumvenirentur, si artius starent, nec tamen ultimam ³ aciem exinanirent. Impedimenta cum ³⁵ castris, inter quos mater liberique Darei custodiebantur, haud procul acie in edito colle constituit, modico praesidio relicto. Laevum cornu, sicut alias, Parmenioni tuendum datum: ipse in dextro stabat.

Nondum ad iactum teli ⁴ pervenerant, cum Bion ³⁶ quidam transfuga, quanto maximo cursu potuerat, ad regem pervenit: nuntians, murices ferreos in terram defodisse Dareum, qua hostem equites emissurum esse credebat, notatumque certo signo locum, ut fraus evitari a suis posset. Asservari transfuga iussit, ³⁷ duces convocat: expositoque quod nuntiatum erat, mo-

¹ versatilem.² occurrentium.³ mediam.⁴ teli iactum.

net, ut regionem monstratam declinent, equitemque periculum edoceant.

38 Ceterum hortantem¹ exercitus exaudire non po-52
terat, usum aurium intercipiente fremitu duorum
agminum, sed in conspectu omnium duces et proxi-
IV. mum quemque interequitans alloquebatur: Emensis
tot terras in spem victoriae, de qua dimicandum lo-
ret, hoc unum superesse discrimen. Granicum hic
amnem, Ciliciaeque montes, et Syriam Aegyptumque
praeuntibus raptas, ingentia spei gloriaeque incita-
2 menta, referebat. Reprehensos ex fuga Persas pugna-
turos, quia fugere non possent. Tertium iam diem²
metu exsanguis, armis suis oneratos, in eodem vesti-
gio haerere. Nullum desperationis illorum maius in-
dicium esse, quam quod urbes, quod agros suos ure-
rent, quicquid non corrupissent, hostium esse con-
3 fessi. Nomina modo vana gentium ignotarum ne ex-
timescerent. Neque enim ad belli discrimen perti-
nere, qui ab his Scythae, quive Cadusii appellaren-
tur.³ Ob id ipsum, quod ignoti essent, ignobiles
4 esse. Nunquam ignorari viros fortes: at imbelles, ex
latebris suis erutos, nihil praeter nomina afferre. Ma-
cedonas⁴ virtute assecutos, ne quis toto orbe locus
5 esset, qui tales viros ignoraret. Intuerentur barbaro-
rum inconditum agmen: alium nihil praeter iaculum
habere, alium funda saxa librare, paucis iusta arma
esse. Itaque illinc plures stare: hinc plures dimica-
6 tuos. Nec postulare se, ut fortiter capesserent proe-
lium, ni ipse ceteris fortitudinis fuisset exemplum. Se
ante prima signa dimicaturum. Spondere pro se tot⁵
cicatrices, totidem corporis decora: scire ipsos, unum

¹ *de coniect. vulgo hoc tantus. Codd. hoc tandem.* ² diem
iam. ³ *Ex emend. codd. appellantur, vulgo appellentur.*

⁴ Macedones. ⁵ quot.

paene se praedae communis exsortem, in illis colendis ornandisque usurpare victoriae praemia. Haec se 7 fortibus viris dicere. Si qui dissimiles eorum essent, illa fuisse dicturum: pervenisse eo, unde fugere non possent. Tot terrarum spatia emensis, tot amnibus montibusque post tergum obiectis, iter in patriam et penates manu esse faciendum. Sic duces, sic pro- 8 ximi militum instincti sunt.

53 Dareus in laevo cornu erat, magno suorum agmine, delectis equitum peditumque stipatus: contempseratque paucitatem hostis, vanam aciem esse, extentis cornibus, ratus. Ceterum, sicut curru eminebat, dex- 9 tra laevaque ad circumstantia ¹ agmina oculos manusque circumferens, *Terrarum, inquit, quas Oceanus hinc alluit, illinc claudit Hellespontus, paulo ante domini, iam non de gloria, sed de salute, et, quod saluti praepositis, de libertate pugnandum est. Hic* 10 *dies imperium, quo nullum amplius vidit aetas, aut constituet, aut finiet. Apud Granicum minima virium parte cum hoste certavimus: in Cilicia victos Syria poterat excipere: magna munimenta regni Tigris atque Euphrates erant. Ventum est eo, unde* 11 *pulsis ne fugae quidem locus est. Omnia tam diutino bello exhausta post tergum sunt: non incolas suos urbes, non cultores habent terrae. Coniuges quoque et liberi sequuntur hanc aciem, parata hostibus praeda, nisi pro carissimis pignoribus corpora opponimus. Quod mearum fuit partium, exercitum, quem paene* 12 *immensa planities vix caperet, comparavi: equos, arma distribui: commeatus, ne tantae multitudini deessent, providi: locum, in quo acies explicari posset,*
elegi.

¹ circumstantiur.

13 *elegi. Cetera in vestra potestate sunt: audete modo vincere, famamque, infirmissimum adversus fortes viros telum, contemnite.*

Temeritas est, quam adhuc pro virtute timuistis: 54
quae ubi primum impetum effudit, velut quaedam ani-
 14 *malia emisso¹ aculeo torpet. Illi vero campi depre-*
hendere paucitatem, quam Ciliciae montes absconde-
rant. Videtis ordines raros, cornua extenta, mediam
aciem vanam,² exhaustam? nam ultimi, quos locavit
aversos, terga iam praebent. Obteri mehercule equo-
rum ungulis possunt, etiamsi nil praeter falcatos currus
 15 *emisero. Et bello vicerimus, si vicimus³ proelio: nam*
ne illis quidem ad fugam locus est: hinc Euphrates,
 16 *illinc Tigris prohibet inclusos. Et quae antea pro il-*
lis erant, in contrarium versa⁴ sunt. Nostrum mobile
et expeditum agmen est, illud praeda grave. Impli-
catos ergo spoliis nostris trucidabimus, eademque res
 17 *et causa erit victoriae⁵ et fructus. Quodsi quem e*
vobis nomen gentis movet, cogitet, Macedonum illic
arma esse, non corpora. Multum enim sanguinem⁶
invicem hausimus, et semper gravior in paucitate ia-
 18 *ctura est. Nam Alexander, quantuscunque ignavis et*
timidis videri potest, unum animal est, et si quid mi-
hi creditis, temerarium et vecors, adhuc nostro pavore,
 19 *quam sua virtute felicius. Nihil autem potest, esse*
diuturnum, cui non subest ratio. Licet felicitas
aspirare videatur, tamen ad ultimum temeritati non
sufficit. Praeterea breves et mutabiles vices rerum
 20 *sunt, et fortuna nunquam simpliciter indulget. Forsi-*
tan ita dii fata ordinaverunt, ut Persarum imperium,

¹ amisso.

² vanam et.

³ vincimus

⁴ conversa.

⁵ victoriae erit.

⁶ sanguinis.

quod secundo cursu per ducentos triginta annos ad summum fastigium evexerant, magno motu concuterent magis, quam affligerent, admonerentque nos fragilitatis humanae, cuius nimia in prosperis rebus obli-
vio est. Modo Graecis ultro bellum inferebamus: nunc in sedibus nostris propulsamus illatum. Iactamus in-
vicem varietate fortunae. Videlicet imperium, quia¹ mutuo affectamus, una gens non capit.

55 Ceterum, etiamsi spes non subesset, necessitas ta-
men stimulare deberet: ad extrema perventum est. Matrem meam, duas filias, Ochum in spem huius im-
perii genitum, principes,² illam sobolem regiae stir-
pis, duces vestros regum instar, vinctos habet: nisi
quid in vobis,³ ipse ego maiore mei⁴ parte captivus
sum. Eripite viscera mea ex vinculis: restituite mi-
hi pignora, pro quibus ipsi⁵ mori non recusatis,⁶ pa-
rentem, liberos: nam coniugem in illo carcere amisi.
Credite, nunc omnes hos⁷ tendere ad vos manus, im-
plorare patrios deos, opem vestram, misericordiam,
fidem exposcere, ut compedibus, ut servitute,⁸ ut pre-
cario victu ipsos liberetis. An creditis aequo animo
his⁹ servire, quorum reges esse fastidiunt? Video ad-
moveri hostium aciem: sed quo propius discrimen ac-
cedo, hoc minus his,¹⁰ quae dixi, possum esse conten-
tus. Per ego vos deos¹¹ patrios, aeternumque ignem,
qui praefertur altaribus, fulgoremque solis intra fines
regni mei orientis, per aeternam memoriam Cyri, qui
ademptum Medis Lydisque imperium primus in Per-
sidem intulit: vindicate ab ultimo dedecore nomen
gentemque Persarum. Ite alacres et spe pleni, ut, quam 25

¹ quod. ² illos principes. ³ nisi quod in vobis est.
abest. ⁵ ipse. ⁶ recusato. ⁷ abest. ⁸ ut servitute,
ut compedibus. ⁹ iis. ¹⁰ iis. ¹¹ precor vos per deos.

gloriam accepistis a maioribus vestris, posteris relinquatis. In dextris vestris iam libertatem, opem, spem, futuri temporis geritis. Effugit mortem, quisquis contempserit: timidissimum quemque consequitur. Ipse non patrio more solum, sed etiam ut conspici possim, curru vehor, nec recuso, quo minus imitemini me, sive fortitudinis exemplum, sive ignaviae fuero.

Interim Alexander, ut et demonstratum a transfuga⁵⁶ insidiarum locum circumiret, et Dareo, qui cornu¹ tuebatur, occurreret, agmen obliquum incedere iubet. Dareus quoque eodem suum obvertit, Besso admonito, ut Massagetarum equites in laevum Alexandri cornu² latere invehi iuberet. Ipse ante se falcatos currus habebat, quos signo dato universos in hostem effudit. Ruebant laxatis habenis aurigae, quo plures nondum satis proviso impetu obtererent. Alios ergo hastae multum ultra temonem³ eminentes, alios ab utroque latere dimissae falces laceravere. Nec sensim Macedones cedebant; sed effusa fuga turbaverant⁴ ordines. Mazaeus quoque percussis inctum incussit, mille equitibus ad diripienda hostis impedimenta circumvehi iussis, ratus, captivos quoque, qui simul asservabantur, rupturos vincula, cum suos appropinquantes vidissent. Non fefellerat Parmenionem, qui in laevo⁵ erat: propere igitur Polydamanta, mittit [ad regem],⁶ qui et periculum ostenderet, et quid fieri iuberet consuleret. Ille, audito Polydamante, *Abi, nuntia*, inquit, *Parmenioni, si acie vicerimus, non nostra solum nos recuperaturos, sed etiam⁷ quae hostium sunt, occupaturos. Proinde non est quod quicquam*

¹ laevum cornu.

² abest a codd.

³ temones.

⁴ turbav. fuga.

⁵ additur cornu.

⁶ sine

uncis, suspectae fidei indicibus.

⁷ omnia.

virium subducatur ex acie, sed, ut me et Philippo patre dignum est, contempto sarcinarum damno fortiter dimicet. Interim barbari impedimenta turbaverant, caesisque plerisque custodum, captivi, vinculis ruptis, quicquid obvium erat, quo armari possent, arripiunt¹ et aggregati suorum equitibus Macedonas, ancipiti circumventos malo, invadunt: laetique qui² circa Sisygambim erant,³ vicisse Dareum, ingenti caede prostratos hostes, ad ultimum etiam impedimentis exutos esse, nuntiant, quippe eandem fortunam ubique esse credebant, et victores Persas ad praedam discursisse. Sisygambis, hortantibus captivis, ut animum a maerore allevaret, in eodem, quo antea fuit, perseveravit. Non vox ulla excidit ei, non oris color, vultusve mutatus est: sedit⁴ immobilis, (credo, praecoqui⁵ gaudio verita irritare fortunam,⁶) adeo ut, quid mallet, intuentibus eam⁷ fuerit incertum. Inter haec Menidas,⁸ praefectus equitum Alexandri, cum paucis turmis opem impedimentis laturus advenerat, incertum suone consilio, an regis imperio: sed non sustinuit Caucasiarum⁹ Scytharumque impetum, quippe vix temptato certamine refugit¹⁰ ad regem, amissorum impedimentorum testis magis, quam vindex. Iam consilium Alexandri dolor vicerat:¹¹ et ne cura recuperandi sua militem a proelio averteret, non immerito verebatur. Itaque Areten, ducem hastatorum, (sarissophoros¹² vocabant,) adversus Scythas mittit.

57 Inter haec currus, qui circa signa prima¹³ turbaverant aciem, in phalangem invecti erant. Macedones confirmatis animis in medium agmen accipiunt.

¹ rapiunt.² abest.³ abest.⁴ sed sedit.⁵ praecoce.⁶ fortunam irritare.⁷ abest.⁸ Amyntas.⁹ Cadusiorum.¹⁰ effugit.¹¹ vicerat.

dolor.

¹² quos sarissophoros.¹³ prima signa.

Vallo similis acies erat: iunxerant hastas, et ab utroque latere temere incurrentium ilia suffodiebant. Circumire deinde currus et propugnatores praecipitare coeperunt. Ingens ruina equorum aurigarumque aciem compleverat. Hi territos regere non poterant, hi¹ crebra iactatione cervicum non iugum modo excusserant, sed etiam currus everterant: vulnerati interfectos trahebant, nec consistere territi, nec progredi debiles poterant. Paucae tamen evasere quadrigae in ultimam aciem, iis, quibus inciderunt, miserabili morte consumptis: quippe amputata virorum membra humi iacebant, et quia calidis adhuc vulneribus aberat dolor, trunci quoque et debiles arma non omittebant, donec multo sanguine effuso, exanimati procumberent.

Interim Aretes, Scytharum, qui impedimenta diripiebant, duce occiso, gravius territis instabat. Supervenere deinde a Dareo² Bactriani, pugnaeque vertere fortunam. Multi ergo Macedonum primo impetu obtriti sunt, plures ad Alexandrum refugerunt. Tum Persae, clamore sublato, qualem victores solent edere, ferociter in hostem, quasi ubique profligatum, incurrunt.³ Alexander territos castigare, adhortari, proelium, quod iam elanguerat, solus accendere, confirmatisque tandem animis, ire in hostem iubet.

Rarior acies erat in dextro cornu Persarum, nam-58 que inde Bactriani discesserant⁴ ad opprimenda impedimenta. Itaque Alexander laxatos ordines invadit, et multa caede hostium invehitur. At qui in laevo cornu erant Persae, spe posse eum includi, agmen suum a tergo dimicantis opponunt: ingensque periculum in medio haerens adisset, ni equites Agriani calcaribus subditis circumfusus regi barbaros adorti es-

¹ equi. ² missi a Dario. ³ incurrunt. ⁴ decesserant.

sent, aversosque caedendo in se obverti coëgissent. Turbata erat utraque acies. Alexander et¹ a fronte²² et a tergo hostem habebat: qui averso ei instabant, ab Agrianis equitibus² premebantur: et³ Bactriani, impedimentis hostium direptis, reversi, ordines suos recuperare non poterant: plura simul abrupta a ceteris agmina, ubicunque alium alii fors miscuerat, dimicabant. Duo reges iunctis prope agminibus proelium²³ accenderant.⁴ Plures Persae cadebant: par ferme utrimque numerus vulnerabatur: curru Dareus, Alexander equo vehebatur: utrumque delecti tuebantur,²⁴ sui immemores. Quippe amisso rege nec volebant salvi esse, nec poterant. Ante oculos sui quisque regis mortem occumbere ducebat⁵ egregium. Maxi-²⁵ mum tamen periculum adibant, quos⁶ maxime tuebantur; quippe sibi quisque caesi regis expetebat decus.

59 Ceterum, sive ludibrium oculorum, sive vera spe-²⁶ cies fuit, qui circa Alexandrum erant, vidisse se crediderunt paululum super caput regis placide volantem aquilam, non sono⁷ armorum, non gemitu morientium territam: diuque circa equum Alexandri pendenti magis, quam volanti similis apparuit. Certe va-²⁷ tes Aristander, alba veste indutus, et dextra praeferens lauream, militibus in pugnam intentis avem monstrabat,⁸ haud dubium victoriae auspicium. Ingens²⁸ ergo alacritas et⁹ fiducia paulo ante territos accendit ad pugnam, utique postquam auriga Darei, qui ante ipsum sedens equos regebat, hasta transfixus est. Nec aut Persae, aut Macedones dubitavere, quin ipse rex esset occisus. Ergo lugubri¹⁰ ululatu et incon-²⁹ dito clamore gemituque totam fere aciem adhuc ac-

¹ abest.² militibus,³ abest.⁴ vulgo de coniect.

accendebant.

⁵ ducebant.⁶ qui.⁷ sonitu.⁸ monstravit.⁹ ac.¹⁰ Lugubri ergo.

quo Marte pugnantium turbavere cognati Darei et
 arinigeri: laevunique cornu in fugam effusum desti-
 tuerat¹ currum, quem a dextra parte stipati in me-
 30 dium agmen receperunt. Dicitur acinace stricto Da-
 reus dubitasse, an fugae dedecus honesta morte vita-
 ret. Sed eminens curru nondum omnem suorum
 aciem proelio excedentem destituere erubescibat.
 31 Dumque² inter spem et desperationem haesitat, sen-
 sim Persae cedebant, et laxaverant ordines. Alexan-
 der, mutato equo, quippe plures fatigaverat, resisten-
 32 tium adversa ora fodiebat, fugientium terga. Iam-
 que non pugna, sed caedes erat, cum Dareus quoque
 currum suum in fugam vertit. Haerebat in tergis fu-
 gientium victor: sed prospectum oculorum nubes pul-
 veris, quae ad coelum ferebatur, abstulerat: ergo haud
 secus quam in tenebris errabant, ad sonum³ notae
 33 vocis, ut⁴ signum, subinde coeuntes. Exaudiebant⁵
 tamen⁶ strepitus habenarum, quibus equi currum ve-
 hentes⁷ identidem verberabantur: haec sola fugientis
 vestigia excepta sunt.

XVI. At in laevo Macedonum cornu, quod Parme-60
 nio, sicut ante dictum,⁸ tuebatur, longe alia for-
 tuna utriusque partis res gerebatur. Mazaeus, cum
 omni suorum equitatu vehementer invectus, urge-
 2 bat Macedonum alas. Iamque abundans multitu-
 dine aciem circumvehi coeperat, cum Parmenio equi-
 tes nuntiare iubet Alexandro, in quo discrimine ipsi
 essent: ni⁹ mature subveniretur, non posse sisti fu-
 3 gam. Iam multum viae praeceperat¹⁰ rex, imminens
 fugientium tergis, cum a Parmenione tristis nuntius

¹ laevoque cornu in fugam effuso, destituerant.

² dum.

³ sonitum.

⁴ ex coniect. codd. aut.

⁵ exaudiebantur.

⁶ tantum.

⁷ trahentes.

⁸ dictum est.

⁹ nisi.

¹⁰ processerat.

venit. Refrenare equos iussi, qui vehabantur, agmen-
que constitit, frendente Alexandro, eripi sibi victoriam
e manibus, et Dareum felicius fugere quam se sequi.¹
Interim ad Mazaeum superati regis fama pervenerat.⁴
Itaque, quamquam validior erat, tamen fortuna² par-
tium territus, percussis languidius instabat. Parmenio
ignorabat quidem causam sua sponte pugnae remis-
sae, sed occasione vincendi strenue est usus. Thes-⁵
salos equites ad se vocari iubet. *Ecquid videtis,*³
inquit, *istos, qui ferociter modo instabant, pedem re-*
ferre subito pavore perterritos? Nimirum nobis quo-
*que regis nostri fortuna vicit.*⁴ *Omnia Persarum*
caede strata sunt. Quid cessatis? an ne fugientibus
quidem pares estis? Vera dicere videbatur, et spes⁶
languentes quoque erexerat. Subditis calcaribus pro-
ruere in hostem: et illi iam non sensim, sed citato
gradu recedebant, nec quicquam fugae, nisi quod non-
dum terga⁵ verterant, deerat. Parmenio tamen, igna-
rus quaenam in dextro cornu fortuna regis esset, re-
pressit suos: Mazaeus, dato pugnae⁶ spatio, non recto⁷
itinere, sed maiore et ob id tutiore circumitu Tigrin⁷
superat, et Babylona⁸ cum reliquiis devicti exercitus
intrat.

61 Dareus paucis fugae comitibus ad Lycum amnem⁸
contenderat: quo traiecto dubitavit an solveret pon-
tem, quippe hostem iam affore nuntiabatur. Sed tot
milia suorum, quae nondum ad amnem pervenerant,
ponte reciso videbat hostis praedam fore.⁹ Abcun-⁹
tem, cum intactum sineret pontem, dixisse constat,
malle se¹⁰ sequentibus iter dare, quam auferre fu-

¹ sequi se. ² fortuna tamen. ³ inquit, videtis. ⁴ vincit.

⁵ terga nondum.

⁶ fugae de coni.

⁷ Tigrim.

⁸ Babylonem.

⁹ praedam hostis fore videbat.

¹⁰ abest, sed insequentibus.

gientibus. Ipse ingens spatium fuga emensus, media fere nocte Arbela pervenit.

10 Quis tot ludibria fortunae, ducum, agminum¹ caedem multiplicem, devictorum fugam, clades nunc singulorum, nunc universorum, aut animo assequi queat, aut oratione complecti? Propemodum seculi res in
11 unum illum diem pro!² fortuna cumulavit. Alii quae brevissimum patebat iter, alii diversos saltus et ignotas³ sequentibus calles petebant. Eques pedesque confusi sine duce, armatis inermes, integris debiles
12 implicabantur. Deinde, misericordia in metum versa, qui sequi non poterant, inter mutuos gemitus deserebantur. Sitis praecipue fatigatos et saucios perurebat, passimque omnibus rivis prostraverant corpora, prae-
13 terfluentem aquam hianti ore captantes. Quam cum avide⁴ turbidam hausissent, tendebantur extemplo praecordia premente limo, resolutisque et torpentibus membris, cum supervenisset hostis, novis vulneribus
14 excitabantur. Quidam, occupatis proximis rivis, diverterant⁵ longius, ut quicquid occulti humoris usquam manaret, exciperent, nec ulla adeo avia et sicca
15 lacuna erat, ut⁶ vestigantium sitim falleret. E proximis vero itineri vicis ululatus senum⁷ feminarumque exaudiebantur, barbaro ritu Dareum adhuc regem clamantium.

16 Alexander, ut supra dictum est, inhibito suorum 62 impetu⁸ ad Lycum amnem pervenerat, ubi ingens multitudo fugientium oneraverat pontem, et plerique, cum hostis urgeret, in flumen se praecipitaverant, gravesque armis et proelio ac fuga defatigati gurgitibus hauriebantur. Iamque non pons modo fugientes,

¹ agminumque.

² *abest interiectio.*

³ ignotos.

⁴ cum diu avidi.

⁵ diverterant.

⁶ quae.

⁷ senum ululatus.

⁸ cursu.

sed ne amnis quidem capiebat agmina sua improvide subinde cumulantes: quippe ubi intravit animos pavor, id solum metuunt, quod primum formidare coeperunt. Alexander, instantibus suis, impune abeun-¹⁸ tem hostem permetteret sequi,¹ hebetia esse tela,² et nianus fatigatas, tantoque cursu corpora exhausta, et praeceps in noctem dici tempus causatus est. Revera¹⁹ de laevo cornu, quod adhuc in acie stare credebat, sollicitus, reverti ad ferendam opem suis statuit. Iamque signa converterat, cum equites, a Parmenione missi, illius quoque partis victoriam nuntiant. Sed²⁰ nullum eo die maius periculum adiit, quam dum copias reducit in castra. Pauci eum et incompositi sequiebantur ovantes victoria, quippe omnes hostes aut in fugam effusos, aut in acie cecidisse credebant:³ cum repente ex adverso apparuit agmen equitum,²¹ qui primo inhibuere cursum, deinde Macedonum paucitate conspecta, turmas in obvios concitaverunt. Ante²² signa rex ibat, dissimulato magis periculo, quam spreto. Nec defuit ei perpetua in dubiis rebus felicitas: namque praefectum equitatus avidum certaminis,²³ et ob id ipsum incautius in se ruentem, hasta transfixit, quo ex equo lapso, proximum, ac dein⁴ plures eodem telo confodit. Invasere turbatos amici²⁴ quoque: nec Persae inulti cadebant, quippe non universae acies, quam hae tumultuariae manus, vehementius iniere certamen. Tandem barbari, cum obscura²⁵ luce tutior fuga⁵ videretur esse quam pugna, dispersis⁶ agminibus abiere. Rex, extraordinario periculo defunctus, incolumes suos reduxit in castra.

63 Cecidere Persarum, quorum numerum victores²⁶

¹ sequi permetteret.

⁴ deinde.

² tela esse.

⁵ fuga tutior.

³ credebant cecidisse.

⁶ diversis.

finire potuerunt, milia XL, Macedonum minus quam
 27 CCC desiderati sunt. Ceterum hanc victoriam rex ma-
 iore ex parte virtuti, quam fortunae suae debuit: ani-
 28 mo, non, ut antea, loco vicit. Nam et aciem peri-
 tissime instruxit, et promptissime ipse pugnavit, et
 magno consilio iacturam sarcinarum impedimentorum-
 que contempsit, cum in ipsa acie summæ¹ rei vide-
 ret esse discrimen, dubioque adhuc pugnae eventu
 29 pro victore se gessit, perculosos deinde hostium² fu-
 dit, fugientes, quod in illo ardore animi vix credi
 30 potest, prudentius quam avidius persecutus est. Nam
 si parte exercitus adhuc in acie stante, instare ceden-
 tibus perseverasset, aut culpa sua³ victus esset, aut
 aliena virtute vicisset. Iam si multitudinem equitum
 occurrentium extimuisset, victori aut foede fugiendum,
 31 aut miserabiliter cadendum fuit. Ne duces quidem
 copiarum sua laude fraudandi sunt; quippe vulnera,
 32 quae quisque excepit, indicia virtutis sunt. Hephaestio-
 nis brachium hasta ictum est: Perdiccas, et⁴ Coe-
 33 nos,⁵ et Menidas, sagittis prope occisi. Et, si vere
 aestimare Macedonas, qui tunc erant, volumus, fate-
 bimur, et regem talibus ministris, et illos tanto rege
 fuisse dignissimos.

¹ summum.² hostes.³ sua culpa.⁴ ac.⁵ Coenus.

Q. CURTII RUFI
DE
GESTIS
ALEXANDRI MAGNI
REGIS MACEDONUM
LIBER V.

ARGUMENTUM.

(1) **D**arius proelio superatus apud Arbela opulentissimas regni provincias ad meridiem sitas victori permittit, ipse in Mediam fuga contendit. (2) Alexander, Arbelis captis castrisque motis, per Mesopotamiam, fecundissimam terram, profiscitur. (3) Babylonem procedenti Mazaeus et Bagophanes, praetores Darii, semetipsos et urbem dedunt: ipsi Babylonii regem intrantem magnifice excipiunt. (4. 5) Magnae urbis mirabilia describuntur, imprimis horti pensiles.

(6) Diutius in urbe luxuriosa rex commoratus, quam disciplinae militari conduceret, supplementis militum auctus, constitutisque praetoribus ac magistratibus, (7) castra movit, dumque in Satrapene substitit, complura in re militari utiliter constituit. (8) Procedenti deinde urbem Susa cum thesauris maximis Abulites, eius provinciae praefectus, tradidit. (9) In ea urbe, novorum praefectorum potestatibus definitis, Darii matrem ac liberos reliquit, summa humanitate adversus eas usus. (10) Pasitigri (*hodie Karun*) flumine superato, cum parte exercitus Uxios, imperium detrectantes, eorumque praefectum Madatem aggreditur, sed urbem illorum frustra oppugnat, (11) donec occulto itinere praemissi super capita hostium existunt. Tum oppidani, arce inclusi, per Sisygambium tandem exoratam veniam petunt et consequuntur.

(12) Pervenerat Alexander ad pylas Persicas sive Susidas, artissimas fauces, quas Ariobarzanes cum idoneo praesidio defendebat. Temere ingressi Macedones magno cum detrimento repelluntur. (13) Unus captivorum silvestres calles docet esse, quibus in Persidem perveniri possit. Simul eius terrae situs ac natura describitur. (14) Accepit Alexander pastoris promissum, itineris difficultate minime deterritus, remque cum Cratero prudenter composuit. (15) Ipse cum parte exercitus, victis impedimentis, (16) in summum montis verticem evasit. Tum circumventi Persae, undique urgentibus hostibus, fortiter occubuerunt, Ariobarzanes erupit, sed Persepoli exclusus et ipse caesus est. (17) Monitus a Tiridate, praefecto regiae pecuniae, Alexander Persepolim occupare festinavit. Prope urbem agmen ei obviam venit Graecorum captivorum, a Persis foede mutilatorum, quibus cum rex pollicitus esset, in patriam reditum sese expediturum, (18) illi inter se deliberarunt, quid a rege petendum videretur: et aliis quidem in Asia remanendum, (19) aliis quam primum redeundum in Graeciam consentibus, vicit remanentium sententia. Et horum quidem fortunae Alexander liberaliter consuluit. (20) Tum Persepolim ingressi Macedones iussu regis diripuerunt ac vastarunt. Illic et Persagadis quantum pecuniae captum sit refertur. (21) Interiora Persidis feramque gentem Mardorum unius fere mensis spatio ipse Alexander domuit sibi que parere cœgit. (*Vere anni a. Chr. nat. 330. Olymp. 112, 2.*) (22) Persepolim reversus, auctore Thaide meretrice, regiam incendit, (23) posthac non restitutam. Serrae poenitentia motus Mediam petit, Darium persecuturus.

(24) Qui longioris fugae consilio abiecto, cum iis quas habebat copiis decertare statuit, et oratione habita, postquam suorum virtutem fidemque laudavit, (25) eos adhortatur et orat, ut semel cum mutabili fortuna transigant. (26) Ceterorum assensum Artabazus exprimit, sed Nabarzanes, Hyrcaniae praefectus, consilio ante cum Besso, Bactrianorum praetore, inito, speciosis verbis suadet, ut illi per aliquod tempus Darius imperium tradat. (27) Rex ira exarsit, aegre ab Artabazo mitigatus tabernaculo se inclusit. Exercitus perturbatus in partes dividitur. (28) Bessus et Nabarzanes, quoniam palam consilium exequi non possunt, dolo agere statuunt, ac (29) simulata poenitentia, Artabazi opera etiam cum rege, homine

simplici, in gratiam redeunt. (30) Qua fraude intellecta, Patron, dux Graecorum mercenariorum, regem orat, ut corporis sui custodiam Graecis committat (31) verum Darius, qui humano consilio servari nequiret, negat se a popularibus suis recessurum. (32) Bessus, iam certus consilii nefarii, regem tamen fallere pergit, quamvis parum lateat. (33) Ille nihilominus, etiam Artabazi consilio spreto, iam relictus a custodiis mori mavult, quam unicam salutis viam temptare. (34) Tum eum Bessus Bactrianique vinciunt, ac secum celeri fuga abripiunt, sequentibus Persis, dum Graeci et Artabazus Parthienem diverso itinere petunt.

(35) Alexander Tabis de periculo Darii nuntio accepto, celeriter insequitur, deinde audit, iam captum esse illum. (36) Aliis atque aliis transfugis advenientibus, brevior itinere cum exigua suorum manu Bessum assequitur. (37) Itaque hic cum sociis, regem captivum, postquam permovere, ut equo secum fugeret, nequiverunt, convulneratum (*medio anno a. Chr. nat. 330, Attico mense Hecatombaeone, Olymp. 112, 3. Archonte Aristophonte*) relinquunt, ipsi diversam fugam intendunt. Relicti a multo paucioribus Macedonibus aut caeduntur, aut capiuntur. (38) Via devertens unus Macedonum forte vehiculum conspicit, in quo Darius semivivus fuit * * *.

1 **Q**UAE interim ductu imperioque Alexandri vel in 1. Graecis,¹ vel Illyriis² ac Thracia gesta sunt, si suis quaeque³ temporibus reddere volueró, interrumpendae sunt res Asiae, quas utique ad fugam mortemque² Darei universas in conspectum⁴ dari, et sicut inter se cohaerent,⁵ ita opere ipso coniungi, haud paulo aptius videri potest. Igitur⁶ quae proelio apud Arbela coniuncta sunt, ordiar dicere.

Dareus media fere nocte Arbela pervenerat,⁷ eo-³ demque magnae partis amicorum eius ac militum fu-

1 Graecia.

2 vel in Illyriis.

3 quaeque suis.

4 conspectu.
ante.

5 cohaerent tempore.

6 additur

7 pervenit.

4 gam fortuna compulerat. Quibus convocatis exponit,
 haud dubitare se, quin Alexander celeberrimas urbes,
 agrosque omni copia rerum abundantes petiturus es-
 set: praedam opimam paratamque ipsum et milites
 5 eius spectare. Id suis rebus tali in statu saluti fore,
 quippe se deserta cum expedita manu petiturum. Ul-
 tima regni sui¹ adhuc intacta esse, inde bello vires
 6 haud aegre reparaturum. Occuparet sane gazam avi-
 dissima gens, et ex longa fame satiare se auro, mox
 futura praedae sibi: usu didicisse,² pretiosam supel-
 lectilem pellicesque et spadonum agmina nihil aliud
 fuisse, quam onera et impedimenta; eadem trahentem
 Alexandrum, quibus rebus³ antea vicisset, inferiorem
 7 fore. Plena omnibus desperationis videbatur oratio,
 quippe Babylona,⁴ urbem opulentissimam, dedi cer-
 nentibus: iam Susa, iam cetera ornamenta regni, cau-
 8 samque belli, victorem occupaturum. At ille docere
 pergit, non speciosa dictu, sed usu necessaria in re-
 bus adversis sequenda esse: ferro geri bella, non au-
 ro, viris, non urbium tectis; omnia sequi armatos:
 sic maiores suos percussos in principio rerum, celeri-
 9 ter pristinam reparasse fortunam. Igitur, sive con-
 firmatis eorum animis, sive imperium magis quam
 consilium sequentibus, Mediae fines ingressus est.
 10 Paulo post Alexandro traduntur⁵ Arbela, regia 2
 supellectile⁶ ditique gaza repleta: quattuor milia ta-
 lentum fuere, praeterea pretiosae vestes, totius, ut
 supra dictum est, exercitus opibus in illam sedem
 11 congestis. Ingruentibus deinde morbis, quos odor
 cadaverum totis iacentium campis vulgaverat, matu-
 rius castra movit. Euntibus a parte laeva Arabia,

¹ *abest.*² *didicisse usu.*³ *abest.*⁴ *Babylonem,*⁵ *codd. traditur.*⁶ *supellectili.*

odorum fertilitate nobilis regio, campestre iter, est. Inter Tigrin et Euphraten ¹ iacentia tam uberi et ¹² pingui solo sunt, ut a pastu repelli pecora dicantur, ne satietas perimat. Causa fertilitatis est humor, qui ex utroque amne manat, toto fere solo propter venas aquarum resudante. Ipsi amnes ex Armeniae monti- ¹³ bus profluunt, ac magno deinde aquarum divortio iter, quod coeperunt, ² percurrunt: duo milia et quingenta stadia emensi sunt, qui amplissimum interval- lum circa Armeniae montes notaverunt. Iidem cum ¹⁴ Mediae et Gordiaeorum ³ terras secare coeperunt, paulatim in artius coeunt, et quo longius manant, hoc angustius inter se spatium terrae relinquunt. Vicini ¹⁵ maxime sunt in ⁴ campis, quos incolae Mesopotamiam appellant; mediam namque ab utroque latere concludunt. Iidem per Babyloniorum fines in Rubrum mare irrumpunt. ⁵ Alexander quartis castris ad Mennim ¹⁶ urbem pervenit. Caverna ibi est, ex qua fons ingentem bituminis vim ⁶ effundit, adeo, ut satis constet, Babylonios muros ingentis operis huius fontis bitumine interlitos esse.

- 3 Ceterum Babylona ⁷ procedenti Alexandro Mazaeus, ¹⁷ qui ex acie in eam urbem ⁸ confugerat, cum adultis liberis supplex occurrit, urbem seque dedens. Gratus adventus eius regi fuit, ⁹ quippe magni operis obsidio futura erat ¹⁰ tam munitae urbis. Ad hoc vir illustris, ¹⁸ et manu promptus, fama quoque etiam proximo proelio celebris, et ceteros ad deditionem sui incitaturus exemplo videbatur. Igitur hunc quidem benigne cum liberis excipit: ¹¹ ceterum quadrato agmine, quod ipse ¹⁹ duce-

¹ Tigrim et Euphratem. ² cepere. ³ Gordianorum. ⁴ his. ⁵ prorumpunt. ⁶ vim bituminis. ⁷ Babylonem. ⁸ urbem eam. ⁹ fuit regi. ¹⁰ futura erat obsidio. ¹¹ excepit.

ducebat, velut in aciem irent, ingredi suos iubet. Magna pars Babyloniorum constiterat in muris, avida cognoscendi novum regem, plures obviam egressi sunt. Inter quos Bagophanes, arcis et regiae pecuniae custos, ne studio a Mazaeo vinceretur, totum iter floribus coronisque constraverat, argenteis altaribus utroque latere dispositis, quae non thure modo, sed omnibus¹ odoribus cumulaverat. Dona cum¹ sequebantur, greges pecorum equorumque, leones quoque et pardales² caveis praeferiebantur. Magi deinde, suo more carmen² canentes, post hos Chaldaei, Babyloniorumque non vates modo, sed etiam artifices cum fidibus sui generis ibant. Laudes hi³ regum canere soliti, Chaldaei siderum motus et statutas vices temporum⁴ ostendere. Equites deinde Babylonii, suo equorumque⁵ cultu ad luxuriam magis, quam ad magnificentiam exacto, ultimi ibant. Rex, armatis stipatus, oppidanorum turbam post ultimos pedites ire iussit: ipse cum curru urbem, ac deinde regiam intravit. Postero die suppellectilem Darei, et omnem pecuniam recognovit.

⁴ Ceterum ipsius urbis pulchritudo ac vetustas, non⁴ regis modo, sed etiam omnium oculos in semet haud immerito convertit. Semiramis eam condiderat, non,⁶ ut plerique credidere, Belus, cuius regia ostenditur. Murus instructus laterculo coctili, bitumine interlitus, spatium xxx et duorum pedum in⁷ latitudinem amplectitur: quadrigae inter se occurrentes sine periculo⁶ commeare dicuntur. Altitudo muri L⁸ cubitorum eminet spatio: turres denis pedibus quam murus altiores sunt. Totius operis ambitus ccclxv⁹ stadia

¹ Eum dona. ² patrium carmen. ³ ii. ⁴ statas
temporum vices. ⁵ suo atque equorum. ⁶ vel.
⁷ abest, adiecta de coniectura. ⁸ c. ⁹ numerus
hic de coniectura; vulgo ccclxvii.

complectitur: singulorum stadiorum structuram singulis diebus perfectam esse memoriae proditum est. Aedificia non sunt admota muris, sed fere spatium iugeri unius¹ absunt. Ac ne totam quidem urbem te-²⁷ctis occupaverunt: per LXXX² stadia habitatur, nec omnia continua sunt, credo, quia tutius visum est, pluribus locis spargi. Cetera serunt coluntque, ut, si externa vis ingruat, obsessis alimenta ex ipsius urbis solo subministrentur. Euphrates interfluit, magnae-²⁹que molis crepidinibus coercetur. Sed omnium operum magnitudinem circumveniunt cavernae ingentes, in altitudinem pressae ad accipiendum impetum fluminis, quod ubi appositae crepidinis fastigium excessit, urbis tecta corriperet, nisi essent specus lacusque, qui exciperent. Coctili laterculo structi sunt: totum²⁹opus bitumine adstringitur. Pons lapideus, flumini impositus, iungit urbem. Hic quoque inter mirabilia Orientis opera numeratus est: quippe Euphrates altum limum vehit, quo penitus ad fundamenta iacienda egesto, vix sufficiendo operi firmo³ reperiunt solum; arenae autem subinde cumulatae, et saxis, quis⁴ pons³⁰sustinetur, annexae, morantur amnem, qui retentus
5 acrius, quam si libero cursu mearet, illiditur. Arcem³¹quoque ambitu xx stadia complexam habent.⁵ xxx pedes in terram turrium fundamenta demissa sunt, ad LXXX summum munimenti fastigium pervenit. Su-³²per arcem,⁶ vulgatum Graecorum fabulis miraculum, pensiles horti sunt, summam murorum altitudinem aequantes, multarumque arborum umbra et proceritate amoeni. Saxo pilae, quae totum onus sustinent,³³ instructae sunt, super pilas lapide quadrato solum stra-

¹ unius iugeri.
5 habet.

² xc
⁶ arce.

³ firmum.

⁴ quibus.

tum est, patiens terrae, quam altam iniiciunt, et humoris, quo rigant terras: adeoque validas arbores sustinent moles, ut stipites earum viii cubitorum spatium crassitudine aequent, in x pedum altitudinem emineant: frugiferae aequae sunt,¹ ut si terra sua alerentur. Et cum vetustas non opera solum manu facta, sed etiam ipsam naturam paulatim exedendo perimat: haec moles, quae tot arborum radicibus premitur, tantique nemoris pondere onerata est, inviolata durat; quippe xx lati parietes sustinent, undecim pedum intervallo distantes, ut procul visentibus silvae montibus suis imminere videantur. Syriae regem, Babylone regnantem, hoc opus esse molitum memoriae proditum est, amore coniugis victum, quae desiderio nemorum silvarumque in campestribus locis virum compulit amoenitatem naturae genere huius operis imitari.

Diutius in hac urbe quam usquam constitit rex: 6 nec alio loco² disciplinae militari magis nocuit. Nihil urbis eius corruptius moribus, nec ad irritandas illiciendasque immodicas cupiditates³ instructius. Liberos coniugesque cum hospitibus stupro coire, modo pretium flagitii detur, parentes maritique patiuntur. Convivales ludi tota Perside regibus purpuratisque cordi sunt, Babylonii maxime in vinum, et quae ebrietatem sequuntur, effusi sunt. Feminarum convivia ineuntium in principio modestus est habitus, dein summa quaeque amicula exuunt, paulatimque pudorem profanant, ad ultimum (honos auribus habitus⁴ sit) ima corporum velamenta proiciunt. Nec meretricum hoc dedecus est, sed matronarum virginum-

¹ et frugiferae sint, *sine voce* aequae.

² ullus locus.

³ voluptates.

⁴ abest.

que, apud quas¹ comitas habetur vulgati corporis vilas. Inter haec flagitia exercitus ille domitor Asiae³⁹ per xxxiv dies saginatus, ad ea quae sequebantur discrimina haud dubie debilior futurus fuit, si hostem habuisset.

Ceterum, quo minus damnum sentiret, identidem incremento renovabatur.² Namque Amyntas Andro-⁴⁰meni³ ab Antipatro Macedonum peditum sex milia adduxit: id praeterea eiusdem generis equites. Cum⁴¹ his de Thracas, adiunctis peditibus suae gentis in milibus⁴ quingentis, et ex Peloponneso mercenarius miles ad iv milia advenerat, cum cccclxxx equitibus. Idem Amyntas adduxerat i. principum Macedoniae li-⁴²beros adultos ad custodiam corporis: quippe inter epulas hi sunt regis ministri, iidemque equos incuntibus⁵ proclium admovent, venantesque comitantur, et vigiliarum vices ante cubiculi fores servant: magnorumque praefectorum et ducum haec incrementa sunt et rudimenta.

Igitur arcis Babyloniae rex Agathone praesidere⁴³ iusso cum dcc Macedonum trecentisque mercede conductis, praetores, qui regioni Babyloniae ac Ciliciae⁶ praessent, Menetem et Apollodorum relinquit.⁷ His duo milia militum cum mille talentis dat:⁸ utrique praeceptum, ut in supplementum milites legerent. Mazacum transfugam satrapea⁹ Baby-⁴⁴loniae donat, Bagophanem, qui arcem tradiderat, se sequi iussit; Armenia Mithreni Sardium proditori data est. Ex pecunia deinde Babyloniae tradita¹⁰ Ma-⁴⁵cedonum¹¹ equitibus sexcenti denarii tributuri: peregri-

¹ De coni. Codd. virorumque, apud quos.

² novabatur.

³ Andromenis.

⁴ milibus et n.

⁵ ineunti

et post venantemque.

⁶ et civitati.

⁷ reliquit.

⁸ his duo millia peditum dat cum mille talentis.

⁹ satra-

trapia, item post.

¹⁰ abest.

¹¹ Macedonibus.

nus eques quingenos accepit, ducenos pedes, ceteri stipendium duum mensum.¹

- II. His ita compositis, in regionem, quae Satrapene 7
vocatur, pervenit. Fertilis terra, copia rerum et
2 omni comineatu abundans. Itaque diutius ibi substitit,
ac ne desides otio demitterent animos, iudices dedit,
praemiaque proposuit de virtute militari certantibus.
3 Novem, qui fortissimi iudicati essent, singulis militum
milibus praefuturi erant, Chiliarchas vocabant, tunc²
primum in hunc numerum copiis distributis: namque
antea quingenariae cohortes fuerant,³ nec fortitudi-
4 nis praemia gesserant. Ingens militum turba conve-
nerat, egregio interfutura certamini, testis eadem cu-
iusque factorum, et de iudicibus lata sententiam:
quippe verone an falso honos cuique haberetur, igno-
5 rari non poterat. Primus omnium virtutis causa do-
natus est Atharrias⁴ senior, qui omissum apud Hali-
carnasson a iunioribus proelium unus maxime accen-
derat: proximus ei Antigenes visus est: tertium locum
Philotas Augaeus⁵ obtinuit: quartus Amyntae datus:⁶
post hos Antigonus, et ab eo Lyncestes Amyntas fuit:
septimum locum Theodotus,⁷ ultimum obtinuit Hel-
6 lanicus. In disciplina quoque militaris rei a maiori-
bus pleraque [tradita] summa utilitate mutavit.⁸ Nani-
cum ante equites in suam quisque gentem describe-
rentur seorsus⁹ a ceteris, exempto nationum discrimi-
ne, praefectis, non utique suarum gentium, sed de-
7 lectis, attribuit. Tuba, cum castra movere vellet, si-

¹ De coniectura: Codd. duceni (ducenis) pedestrium stipen-
dium mensum (mensium) Edd. ducenis pedestrium sti-
pendium mensum est. ² tum. ³ erant. ⁴ Adarchias.
⁵ Angeus. ⁶ datus est. ⁷ In edd. fere
post Theodotus lacunae signum est. ⁸ pleraque
a maioribus tradita utiliter mutavit. Tradita de coniect.
additur. ⁹ seorsum.

ignum dabat, cuius sonus plerumque, tumultuantium fremitu exoriente, haud satis exaudiebatur: ergo perficam, quae undique conspici posset, supra praetorium statuit, ex qua signum eminebat pariter omnibus conspicuum: observabatur ignis noctu, fumus interdiu.

- 8 Iamque Susa ei¹ adituro Abulites, regionis eius² praefectus, sive Darei iussu, ut Alexandrum praeda retineret, sive sua³ sponte, filium obviam misit, traditurum se urbem promittens. Benigne iuvenem excepit rex, et eodem⁴ duce ad Choaspen amnem pervenit, delicatam, ut fama est, vehementem aquam. Hic⁵ Abulites cum donis regalis opulentiae occurrit. Dromades cameli inter dona erant velocitatis eximiae, XII elephantum a Dareo ex India acciti, iam non⁶ terror, ut speraverat,⁷ Macedonum, sed auxilium, opes victi ad victorem transferente fortuna. Ut vero urbem⁸ intravit, incredibilem ex thesauris summam pecuniae egressit, L milia talentum argenti non signati forma, sed rudi pondere. Multi reges tantas opes longa aetate⁹ cumulaverant liberis posterisque, ut arbitrabantur, quas una hora in externi regis manus intulit. Consedit deinde in regia sella multo excelsiore quam¹⁰ pro habitu corporis. Itaque cum pedes¹¹ imum gradum non contingerent, unus ex regiis pueris mensam subdidit pedibus. Et cum spadonem, qui Darei fuerat¹², ingemiscentem conspexisset rex, causam maestitiae requisivit. Ille indicat, Dareum vesci in ea solitum, seque sacram eius mensam ad ludibrium recidentem sine lacrimis conspiciere non posse. Subiit¹³ ergo regem verecundia violandi hospitales deos. Iam-

¹ *abest.*² *abest.*³ *eo.*⁴ *non iam.*⁵ *Ex emend. speraverant.*⁶ *pedes cum.*

que subduci iubebat, cum Philotas: *Minime vero haec feceris, rex, sed omen quoque accipe, mensam, ex qua libavit hostis epulas, tuis pedibus esse subiectam.*

16 Rex, Persidis finem¹ aditurus, Susa urbem Arche- 9
lao et praesidium in milium tradidit: Xenophilo arcis
cura mandata est, Macedonum aetate gravibus² prae-
17 sidere arcis custodiae iussis:³ thesaurorum Callicrati
tutela permissa: satrapea regionis Susianae⁴ restituta
Abulitae.⁵ Matrem quoque Darei et liberos in eadem
18 urbe deponit. Ac forte Macedonicas vestes, multam-
que purpuram, dono ex Macedonia sibi missam, cum
his, quae confecerant,⁶ tradi Sisygambi iubet:⁷ om-
ni namque honore eam et filii quoque pietate pro-
19 sequebatur: admonerique iussit, ut si cordi quoque
vestis esset, conficere eam neptes suas assuefaceret,
donoque se⁸ doceret dare. Ad hanc vocem lacrimae
obortae prodidere animum aspernantis id munus;
quippe non aliud magis in contumeliam Persarum fe-
20 minae accipiunt, quam adinovere lanae manus. Nun-
tiant qui dona tulerant, tristem esse Sisygambim, di-
gnaque res et⁹ excusatione et solatio visa. Ipse ergo
pervenit ad eam, et, *Mater*, inquit, *hanc vestem, qua*
*indutus sum, sororum non donum solum,*¹⁰ *sed etiam*
21 *opus vides: nostri decipere me mores. Cave, obsecro,*
*in contumeliam acceperis*¹¹ *ignorationem meam. Quae*
tui moris esse cognovi, ut spero, abunde servata sunt.
22 *Scio, apud vos filio*¹² *in conspectu matris nefas esse*
considerare, nisi cum illa permisit: quotienscunque ad
te veni, donec ut considerem annueres, restiti. Pro-

¹ fines.² graves.³ iussi.⁴ Susiae.⁵ Abuliti.⁶ quae eam confecerant.⁷ iussit.⁸ abest.⁹ abest.¹⁰ solum donum.¹¹ accipias.¹² filium.

cumbens venerari me saepe voluisti: inhibui. Dulcissimae matri Olympiadi nomen debitum tibi reddo.

10 Mitigato animo eius, rex quartis castris pervenit^{III.} ad Tigrin¹ fluvium: Pasitigrin incolae vocant: oritur in montibus Uxiorum, et per ^I stadia silvestribus ripis praeceps inter saxa devolvitur. Accipiunt deinde ² eum campi, quos clementiore alveo praeterit, iam navium patiens. ^{III} sunt stadia² mollioris soli, per quod leni tractu aquarum Persico mari se insinuat. Amne³ ³ superato, cum ^{IX} milibus peditum et Agrianis sagittariisque⁴ et Graecorum mercenariorum tribus milibus,⁵ additis Thracum mille,⁶ in regionem Uxiorum pervenit. Finitima Susis est, et in primam Persidem excurrit, artum inter se et Susianos aditum relinquens. Madates erat regionis⁷ praefectus, haud sane temporum⁸ homo; quippe ultima pro fide experiri decreverat. Sed periti locorum Alexandrum docent, occultum iter esse per callos et aversum ab urbe: si paucos misisset leviter armatos, super capita hostium evasuros. Cum consilium placuisset, iidem itinerum ⁶ fuerunt duces. ^M et ^D mercede conducti et Agriani fere ^M Tauroni praefecto dati, ac post solis occasum iter ingredi iussi. Ipse tertia vigilia castris motis circa lucis ortum superat⁹ angustias, caesaque materia cratibus et pluteis faciundis,¹⁰ ut qui turres admo- verent extra teli iactum¹¹ essent, urbem obsidere coepit. Praerupta erant omnia, saxis et cotibus im- ⁸ pedita. Multis ergo vulneribus depulsi, ut quibus non

¹ abest.

² stadia sunt.

³ Alexander amne.

⁴ abest. Codd. Satrianisque.

⁵ atque Graecorum

mercenariis millibus III.

⁶ Additum hoc verbum

de coniect. Vulgo additis millibus Thracum.

⁷ huius

regionis. ⁸ temporum multorum h. ⁹ superaverat.

¹⁰ faciendis.

¹¹ ictum.

cum hoste solum, sed etiam cum loco dimicandum
 9 esset, subibant tamen, quia rex inter primos consti-
 terat, interrogans tot urbium victores, an erubescer-
 ent haerere in obsidione castelli exigui et ignobilis,
 simul admonens * *

Inter haec eminus petebatur; quem testudine obiecta
 milites, ubi ut discederet perpellere nequierant, tue-
 bantur. ¹

10 Tandem Tauron super arcem urbis se cum suo ¹¹
 agmine ostendit: ad cuius conspectum et hostium ani-
 mi ² labare, et Macedones acrius proelium inire coe-
 11 perunt. Anceps oppidanos malum urgebat, nec sisti
 vis hostium poterat. Paucis ad moriendum, pluribus
 ad fugam animus fuit, magna pars in arcem conces-
 sit. Inde xxx oratoribus missis ad deprecandum, tri-
 ste responsum a rege redditur, non esse veniae lo-
 12 cum. Itaque suppliciorum quoque ³ metu perculsi ad
 Sisygambim, Darei matrem, occulto itinere ignotoque
 hostibus mittunt qui peterent, ut ipsa regem mitiga-
 ret, haud ignari, parentis eam loco diligi colique.
 Et Madates sororis eius ⁴ filiam secum matrimonio
 iunxerat, Dareum propinqua cognatione contingens.
 13 Diu Sisygambis supplicum precibus repugnavit, ab-
 nuens, deprecationem pro illis non ⁵ convenire fortu-
 nae, in qua esset: adiecitque, metuere sese, ne victo-
 ris indulgentiam fatigaret, saepiusque ⁶ cogitare, ca-
 14 ptivam esse se, quam reginam fuisse. Ad ultimum
 victa litteris Alexandrum ita deprecata est: ut ipsam
 excusaret, quod deprecaretur: petere se, ut illis quo-

¹ Totus hic locus vulgo sic legitur: Simul iam inter haec
 eminus petebatur: cum testudine obiecta milites, qui ut
 inde discederet perpellere nequiverant, tuebantur. Nos
 in ceteris codices mss. secuti ubi de coni. addidimus.

² animi hostium.

³ abst.

⁴ abst.

⁵ omittitur

vulgo, sed legitur in libris mss. omnibus.

⁶ saepius.

que; si minus, sibi ignosceret: pro necessario ac propinquo suo, iam non hoste, sed supplice, tantum vitam precari. Moderationem clementiamque regis, ¹⁵ quae tunc fuit, vel una haec res possit ostendere: non Madati modo ignovit, sed omnes et deditos et captivos libertate atque immunitate donavit, urbem reliquit intactam, agros sine tributo colere permisit. A victore Dareo plura mater non impetrasset.

12 Uxiorum deinde gentem subactam Susianorum ¹⁶ satrapae¹ contribuit: divisisque cum Parmenione copiis, illum campestri itinere procedere iubet; ipse cum expedito agmine iugum montium cepit, quorum perpetuum dorsum in Persidem excurrit. Omni hac ¹⁷ regione vastata, tertio die Persidem, quinto angustias, quas illi Susidas pylas vocant, intrat. Ariobarzanes has cum xxv milibus peditum occupaverat rupes, abs-
cisas² et undique praeruptas, in quarum cacuminibus extra teli iactum barbari stabant, de industria quieti et paventibus similes, donec in artissimas fauces penetraret agmen. Quod ubi contemptu sui pergere ¹⁸ vident, tum vero ingentis magnitudinis saxa per montium prona devolvunt, quae incussa saepius subiacentibus petris maiore vi incidebant, nec singulos modo, sed agmina proterebant. Fundis quoque excussi la- ¹⁹ pides et sagittae undique ingerebantur.³ Nec id miserrimum fortibus viris erat, sed quod inulti quidem⁴ ferarum ritu velut in fovea deprehensi caederentur. Ira igitur in rabiem versa, eminentia saxa complexi, ²⁰ ut ad hostem pervenirent,⁵ alius alium levantes conabantur ascendere. Ea ipsa, multorum simul manibus correpta et convulsa, in eos, qui cominoverant,

¹ satrapiae.
que.

² abscissas.
⁴ abest.

³ ingerebantur undi-
⁵ perveniant.

21 recidebant. Nec stare ergo poterant,¹ nec niti, ne²
 testudine quidem protegi, cum tantae molis onera
 propellerent barbari. Regem non dolor modo, sed
 etiam pudor temere in illas angustias eiecti³ exerci-
 22 tus angebat. Invictus ad eam diem fuerat, nihil fru-
 stra ausus; impune Ciliciae fauces intraverat, mare⁴
 quoque novum in Pamphyliam iter⁵ aperuerat: tunc
 haesitabat deprehensa felicitas, nec aliud remedium
 23 erat, quam reverti qua venerat. Itaque signo rece-
 ptui dato, densatis ordinibus,⁶ scutisque super capita
 consertis, retro evadere ex angustiis iubet. xxx fuere
 stadia, quae remensi sunt.

IV. Tum castris undique aperto loco positis, non con-13
 sultare modo quid agendum esset, sed vates quoque
 2 adhibere coepit a superstitione animi. Sed quid
 tum⁷ praedicere Aristander, cui plurimum⁸ crede-
 bat⁹ ex vatibus, poterat? Itaque damnatis intempe-
 stivis sacrificiis, peritos locorum convocari iubet. Per
 3 Mediam iter ostendebant tutum apertumque: sed rex
 deserere¹⁰ milites insepultos erubescibat, ita tradito
 more, ut vix ullum militiae tam sollemne esset mu-
 4 nus, quam humandi suos. Captivos ergo, quos nu-
 per exceperat, vocari iubet; inter quos erat quidam
 Graecae Persicaeque linguae peritus, qui frustra eum
 in Persidem montium dorso exercitum ducere af-
 firmat: silvestres esse calles, vix singulis pervios;
 omnia contegi frondibus, implexosque arborum ramos
 silvas committere.

5 Namque Persis ab altero latere perpetuis montium
 iugis clauditur, quod in longitudinem MDC, in latitu-

¹ non h. l. sed post protegi collocatur. ² nec. ³ coniecti.

⁴ mari.

⁵ iter in Pamphyliam.

⁶ agminibus.

⁷ tunc.

⁸ cui tum plurimum.

⁹ credebatur.

¹⁰ dimittere.

dinem cxxx stadia¹ procurrit. Hoc dorsum a Caucasio monte ad rubrum mare pertinet; quaque deficit mons, aliud munimentum, fretum, obiectum est. Planities deinde sub radicibus montium spatiosa procumbit, fertilis terra, multisque vicis atque urbibus frequens. Araxes amnis per hos campos multorum aquas torrentium evolvit in Medum: Medus ad mare ad meridiem² versus, minor amnis eo quem accepit, evehitur, gignendaeque herbae non alius est aptior, quicquid alluit floribus vestiens. Platani quoque et populi contegunt ripas, ita ut procul visentibus continuata videantur montibus nemora riparum. Quippe obumbratus amnis presso in solum alveo dilabitur,³ imminetque colles, ipsi quoque frondibus laeti, radices eorum humore subeunte. Regio non alia tota Asia salubrior habetur: temperat⁴ coelum hinc perpetuum iugum opacum et unibrosum, quod aestus levat, illinc mare adiunctum, quod modico tepore terras fovet.

14 His captivus expositis⁵ interrogatus a rege, audire tune an oculis comperta haberet, quae diceret? pastorem se fuisse, et omnes eas⁶ calles percurrisse, respondit: bis captum, semel a Persis in Lycia, iterum ab ipso. Subit animum memoria regis oraculo editae sortis: quippe consulenti responsum erat, ducem in Persidem ferentis viae Lycium civem fore. Igitur promissis, quanta et praesens necessitas exigebat, et ipsius fortuna capiebat, oneratum, armari iubet Macedonum more, et, quod bene verteret, monstrare⁷ iter: quamvis arduum et praecipue, evasurum

¹ vulgo post priorem numerum positum.
et ad merid.

² a mari

³ dilabitur alveo, sed codd. amne dilabitur. ⁴ temperatum. ⁵ expositis captivus. ⁶ eos.

⁷ Ex emend. vulg. monstrare.

se esse cum paucis, nisi forte crederet, quo ipse per-
coris causa isset, Alexandrum pro gloria et perpetua
13 laude ire non posse. Etiam atque etiam docere cap-
tivus, quam difficile iter esset, maxime armatis. Tum
rex, *Praedem*, inquit, *me*,¹ *accipe, neminem eorum*,
14 *qui sequuntur, recusaturum ire qua duces*. Cratero
igitur, ad custodiam castrorum relicto cum peditibus,
quis assueverat, et iis copiis, quas Meleager ducebat,
et sagittariis equitibus m, praecipit,² ut castrorum
specie manente, plures de industria ignes fieri impe-
ret, quo magis barbari credant,³ ipsum regem in ca-
15 stris esse. Ceterum, si forte Ariobarzanes cognovis-
set, per callium anfractus intrare,⁴ et ad occupandum
iter suum partem copiarum temptasset opponere,
16 Craterus eum⁵ illato terrore retineret, ad propius pe-
riculum conversurum⁶ agmen: sin autem ipse hostem
fessellisset, et saltum occupasset, cum trepidantium
barbarorum tumultum exaudisset, [persequentium re-
gem,]⁷ id ipsum iter, quo pridie pulsı fuerant, ne
dubitaret ingredi: quippe vacuum fore, hostibus in
semet aversis.

17 Ipse tertia vigilia silenti agmine, ac ne tuba qui-15
dem dato signo, pergıt ad demonstratum iter callium.
Tridui alimenta portare militem iusserat leviter arma-
18 tum. Sed praeter invias rupes ac praerupta saxa, ve-
stigium subinde fallentia, nix cumulata vento ingre-
dientes fatigabat: quippe velut in foveas delati hau-
riebantur, et cum a commilitonibus allevarentur,⁸
19 trahebant magis adiuvantes, quam sequebantur. Nox
quoque, et ignota regio, ac dux incertum an satis fidus,
multiplicabant metum: si custodes fessellisset, quasi

¹ me, inquit.² praecepit.³ crederent.⁴ eum

intrare.

⁵ in eum.⁶ conversum.⁷ sine uncis.⁸ levarentur.

feras bestias ipsos posse deprehendi. Ex unius captivi vel fide vel anima pendere et regis salutem et suam. Tandem venere in iugum. A dextra¹ iter ad²⁰ ipsum Ariobarzanem erat: hic Philotam et Coenon cum Amynta et Polyperconte, expeditam habentes manum, relinquit,² monitos, ut quia eques pediti erat mixtus, qua³ pinguiissimum esset solum et pabuli fertile, sensim procederent: duces erant⁴ itineris de captivis dati. Ipse cum armigeris et ala, quam Age-²¹ma appellabant,⁵ ardua semita, sed longius a stationibus hostium remota, multa cum vexatione processit. Medius erat dies, et fatigalis necessaria quies: quippe²² tantundem itineris supererat, quantum emensi erant, sed minus praecipitis atque ardui. Itaque reſectis²³ cibo somnoque militibus, secunda vigilia surgit. Et cetera quidem haud aegre praeterit;⁶ ceterum, quae se montium iugum⁷ paulatim ad planiora demittit, ingens vorago concursu cavata torrentium iter ruperat. Ad hoc⁸ arborum rami alius alio implicati et²⁴ cohaerentes⁹ ut perpetuam obiecerant sepem. Desperatio igitur ingens, adeo ut vix lacrimis abstinerent, incesserat. Praecipue obscuritas terrori erat:²⁵ nam etiamsi quae sidera internitebant, continenti fronte tectae arbores conspiciere prohibebant. Ne aurium quidem usus supererat, silvas quatiente vento, qui concurrentibus¹⁰ ramis maiorem quam pro flatu sonum edebat.¹¹ Tandem expectata lux omnia, quae²⁶ terribiliora nox fecerat, minuit: circumiri brevi spatio poterat eluvies, et sibi quisque dux itineris coeperat fieri.

¹ dextera.² reliquit.³ Codd. et quam.⁴ abest.⁵ appellant.⁶ praeteriit.⁷ iugum montium.⁸ haec.⁹ coeuntes.¹⁰ quae concutien-

tibus.

¹¹ reddebant.

27 Evadunt ergo in editum verticem: ex quo hostium 16
 statione conspecta, strenue armati, a tergo se osten-
 dunt nihil tale metuentibus; quorum pauci, qui con-
 29 gredi ausi erant, caesi sunt. Itaque hinc morien-
 tium gemitus, hinc ad suos recurrentium miserabilis
 facies, integros quoque, antequam¹ discrimen experi-
 29 rentur, in fugam avertit. Fremitu deinde in castra,
 quis Craterus praesidebat,² illato, ad occupandas an-
 gustias, in quibus pridie haeserant,³ miles educitur.
 30 Simul et Philotas cum Polyperconte Amyntaque et
 Coeno diversum iter ingredi iussus, alium terrorem
 31 intulit barbaris. Undique ergo⁴ Macedonum armis
 fulgentibus, ancipiti malo oppressi, memorabile ta-
 men proelium edunt. Ut opinor, ignaviam quoque
 necessitas acuit, et saepe desperatio spei causa est.
 32 Nudi complectebantur armatos, et ingenti corporum
 mole secum ad terram detrahentes, ipsorum telis ple-
 33 rosque fodiebant. Ariobarzanes tamen, XL ferme
 equitibus et quinque milibus peditum stipatus, per
 mediam aciem Macedonum cum multo suorum at-
 que hostium sanguine erupit, Persepolim urbem, ca-
 34 put regionis, occupare festinans. Sed a custodibus
 urbis exclusus, consecutis strenue hostibus, cum omni-
 bus fugae comitibus renovato proelio cecidit. Cra-
 terus quoque, raptim agmine acto, supervenit.

v. Rex eodem loco, quo hostium copias fuderat, ca-17
 stra communit.⁵ Quamquam enim undique fugati
 hostes victoriam concesserant, tamen praealtae prae-
 cipitesque fossae, pluribus locis obiectae, abruperant
 iter, sensimque et caute progrediendum erat, iam non
 2 hostium, sed locorum fraude suspecta. Procedenti

¹ antea quam.
undique.

² praeerat.

³ haesitarat.

⁴ Ergo

⁵ communivit.

ei litterae redduntur a Tiridate, custode pecuniae regiae,¹ indicantes, eos, qui in urbe essent, audito eius adventu, diripere velle thesauros: properaret occupare:² expeditum iter esse, quamquam Araxes annis interfluat. Nullam virtutem regis istius magis, quam³ celeritatem, laudaverim: relictis³ pedestribus copiis, tota nocte cum equitibus, itineris tanto spatio fatigatis, ad Araxen prima luce pervenit. Vici erant in⁴ propinquo: quibus dirutis,⁴ pontem ex materia eorum, subditis saxis, strenue induxit.

Iamque haud procul urbe erant, cum miserabile⁵ agmen, inter pauca fortunae exempla memorandum, regi occurrit. Captivi erant Graeci ad quattuor milia fere, quos Persae vario suppliciorum modo affecerant. Alios pedibus, quosdam manibus auribusque⁶ amputatis, inustisque barbararum litterarum notis, in longum sui ludibrium reservaverant; et cum se quoque alienae ditionis esse cernerent, volentes regi occurrere non prohibuerant. Invisitata⁵ simulacra, non⁷ homines videbantur, nec quicquam in illis praeter vocem poterat agnosci. Plures igitur lacrimas commovere, quam profuderant ipsi: quippe in tam multiplici variaque fortuna singulorum, intuentibus similes quidem, sed tamen dispares poenas, quis maxime miserabilis esset, liquere non poterat. Ut vero Iovem⁸ illi tandem Graeciae ultorem aperuisse oculos conclamavere, omnes pari supplicio affecti sibi videbantur. Rex abstersis, quas profuderat, lacrimis, bonum habere animum iubet, visuros urbes suas coniugesque: et castra inde duo ab urbe stadia communit.

Graeci

¹ regiae pecuniae.
missos.
ac dirutis.

² additur in codd. thesauros dimissos.
³ relictis enim.
⁴ quibus direptis
⁵ inusitata.

9 Graeci excesserant vallo, deliberaturi, quid potissi-18
 mum a rege peterent: cumque aliis sedem¹ in Asia
 10 rogare, aliis reverti domos placeret, Euctemon² Cy-
 maeus ita locutus ad eos fertur: *Hi*,³ qui modo etiam⁴
 ad opem petendam ex tenebris et carcere procedere
 erubnuimus, ut nunc est, supplicia nostra⁵ (quorum nos
 pudeat magis an poeniteat, incertum est) ostentare
 11 Graeciae velut lactum spectaculum cupimus. Atqui⁶
 optime miseras ferunt, qui abscondunt: nec ulla tum
 familiaris est⁷ infelicibus patria, quam solitudo, et
 status prioris oblivio. Nam qui multum in suorum
 misericordia ponunt, ignorant, quam celeriter lacri-
 12 mae inarescant. Nemo fideliter diligit, quem fastidit;
 nam et calamitas querula est, et superba felicitas.
 Ita suam quisque fortunam in consilio habet, cum de
 aliena deliberat. Nisi⁸ mutuo essemus miseri, olim
 alius alii potuissemus esse fastidio: quid mirum est,
 13 fortunatos semper parem quaerere? Obsecro vos, olim
 vita defuncti quaeramus locum, in quo haec semesa
 membra obruamus, ubi horribiles cicatrices celet exi-
 lium. Grati prorsus coniugibus, quas iuvenes duxi-
 mus, revertemur! Liberi in flore et aetatis et rerum
 14 agnoscent patres⁹ ergastuli detrimenta? Et quota
 pars nostri tot obire terras potest? Procul Europa in
 ultima Orientis relegati, senes, debiles, maiore mem-
 brorum parte multati, tolerabimus scilicet, quae ar-
 15 matos et victores fatigarunt.¹⁰ Coniuges deinde, quas
 captis fors¹¹ et necessitas unicum solatium applicuit,
 parvosque liberos, trahimus nobiscum, an relinquimus?

¹ sedes.⁴ abest.

tam familiaris.

¹⁰ fatigaverunt.² Euthymon, item postea.⁵ abest.⁸ et nisi.¹¹ sors.³ Hi.⁷ est⁹ et fratres.

Cum his venientes nemo agnoscere volet. Relinque-¹⁶ mus ergo extemplo praesentia pignora, cum incertum sit, an visuri simus illa¹ quae petimus? Inter hos latendum est, qui nos miseros nosse coeperunt. Haec Euctemon.

19 Contra Theaetetus Atheniensis orsus est dicere:¹⁷ Neminem pium habitu corporis suos aestimaturum, utique saevitia hostis, non natura, calamitosos. Dignum esse omni malo, qui erubesceret fortuito:² tristem enim de mortalitate ferre sententiam, et desperare misericordiam, quia ipse alteri denegaturus sit. Deos, quod ipsi nunquam optare ausi³ forent, offerre¹⁸ patriam, coniuges, liberos, et quicquid homines vel vita aestimant, vel morte redimunt. Quin illi ex hoc¹⁹ carcere erumperent: alium domi esse coeli haustum, alium lucis aspectum: mores, sacra, linguae commercium etiam a barbaris expeti: quae ingenita ipsi omisuri sint sua sponte, non ob aliud tam calamitosi, quam quod illis carere coacti essent. Se certe redi-²⁰ turum ad penates et in patriam, tantoque beneficio regis usurum: si quos contubernii, liberorumque, quos servitus coëgisset agnoscere, amor detineret, relinquerent, quibus nihil⁴ patria carius esset.⁵

Pauci huius sententiae fuere: ceteros consuetudo,² natura potior,⁶ vicit. Consenserunt, petendum esse a rege, ut aliquam ipsis attribueret sedem. Centum² ad hoc electi sunt: quos Alexander ratus, quod ipse praestare cogitabat, petituros, *Jumenta*, inquit, *assignari quae vos veherent, et singulis vestrum milia⁷ denarium dari iussi. Cum redieritis in Graeciam, praestabo, ut qui⁸ statum suum, si haec calamitas ab-*

1 ea.

5 est.

2 fortuita.

6 potentior.

3 ausi optare.

7 mille.

4 nil.

8 quis.

²³ *sit, vestro credat esse meliorem.* Illi obortis lacrimis terram intuebantur, nec aut erigere vultus, aut loqui audebant: tandem rege tristitiae causam exigente, Euctemon similia iis, quae in consilio dixerat, respon-
²⁴ dit. Atque ille non fortunae solum eorum, sed etiam poenitentiae misertus, terna milia denarium singulis dari iussit: denae vestes adiectae sunt; et armenta cum pecoribus ac frumento data, ut coli serique attributus iis ager posset.

VI. Postero die convocatos duces copiarum docet, nul-
 lam infestiorē urbem Graecis esse, quam regiam veterum Persidis regum. Hinc illa immensa agmina infusa: hinc Dareum prius, dein¹ Xerxem Europae impium intulisse bellum. Excidio illius parentandum
² esse maioribus. Iamque barbari, deserto oppido, quemque metus agebat, diffugerant; cum rex phalangem nihil² cunctatus inducit. Multas urbes, refertas opulentia regia, partim expugnauerat, partim in fidem acceperat, sed urbis huius divitiae vicere praeterita.
³ In hanc totius Persidis opes congesserant barbari: aurum argentumque cumulatum erat, vestis ingens modus, supellex non ad usum,³ sed ad ostentationem
⁴ luxus comparata. Itaque inter ipsos victores ferro dimicabatur: pro hoste erat, qui pretiosorem occupaverat praedam: et cum omnia, quae recipiebant,⁴ capere non possent, iam res non occupabantur,
⁵ sed aestimabantur. Lacerabant regias vestes, ad se quisque⁵ partem trahentes: dolabris pretiosae artis vasa caedebant: nihil neque intactum erat, neque⁶ integrum ferebatur; abrupta simulacrorum membra, ut quisque avellerat, trahebat. Neque avaritia solum,

¹ deinde.² nil.³ non ad usum modo.⁴ reperiebantur.⁵ Codd. quemque.⁶ nec.

sed etiam crudelitas, in capta urbe grassata est: auro argentoque onusti vilia captivorum corpora trucidabant, passimque obvii caedebantur, quos ante ¹ pretium sui miserabiles fecerat. Multi ergo hostium manus voluntaria morte occupaverunt, pretiosissima vestium induti e muris semetipsos cum coniugibus ac liberis in praecipitum iacentes. ² Quidam ignes, quod paulo post facturus hostis videbatur, subiecerant aedibus, ut cum suis vivi cremarentur. Tandem suis rex corporibus et cultu feminarum abstinere iussit. Ingens captivae pecuniae ³ modus traditur, prope ut fidem excedat. Ceterum aut de aliis quoque dubitabimus, aut credemus, ⁴ in huius urbis gaza fuisse cetera et xx milia talentum: ⁵ ad quae vehenda (namque ad usus belli secum portare decreverat) iumenta et camelos a Susis et Babylone contrahi iussit. Accessere ad hanc pecuniae summam, captis Persagadis, sex milia talentum. ⁶ Cyrus Persagadam urbem condiderat, quam Alexandro praefectus eius Gobares tradidit.

- 21 Rex arcem Persepolis, iii milibus Macedonum praesidio relictis, Nicarchidem ⁷ tueri iubet: Tiridati quoque, qui gazam tradiderat, servatus est honos, quem apud Dareum habuerat: magnaue exercitus parte et impedimentis ibi relictis, Parmenionem ⁸ Craterumque praefecit. Ipse cum mille equitibus peditemque expedita manu interiorem Persidis regionem sub ipsum Vergiliarum sidus petiit, multisque imbribus et prope intolerabili tempestate vexatus, procedere tamen, quo intenderat, perseveravit. Ventum erat ad iter perpetuis obsitum nivibus, quas frigoris

¹ antea.

² iactantes.

³ pecuniae captivae.

⁴ dubitamus aut credimus.

⁵ talenta. ⁶ talentorum.

⁷ Nicarchidem.

⁸ Parmenionem.

vis gelu adstrinxerat: locorumque¹ squalor et solitudines inviae fatigatum militem terrebant, humanarum rerum terminos se videre credentem. Omnia vasta atque sine ullo humani cultus vestigio attoniti intuebantur, et, antequam lux quoque et coelum ipsos deficerent, reverti iubebant. Rex castigare territos superpersedit: ceterum ipse equo desiluit,² pedesque per nives³ et concretam glaciem ingredi coepit. Erubuerunt non sequi, primum amici, deinde copiarum duces, ad ultimum milites: primusque rex dolabra glaciem perfringens, iter sibi fecit: exemplum regis ceteri imitati sunt. Tandem propemodum invias silvas emensi, humani cultus rara vestigia et passim errantes pecorum greges repperere: et incolae, qui sparsis tuguriis habitabant, cum se callibus inviis septos esse credidissent, ut conspexere hostium agmen, interfectis qui comitari fugientes non poterant, devios montes et nivibus obsitos⁴ petiverunt. Inde per colloquia captivorum paulatim feritate mitigata, tradidere se regi. Nec in deditos gravius consultum.

Vastatis inde⁵ agris Persidis, vicisque compluribus redactis in potestatem, ventum est in Mardorum gentem bellicosam⁶ et multum a ceteris Persis cultu vitae abhorrentem. Specus in montibus fodiunt, in quos seque ac coniuges et liberos condunt: pecorum aut ferarum carne vescuntur. Ne feminis quidem pro naturae habitu molliora ingenia sunt: comae prominent hirtae, vestis super genua est; funda vinciunt frontem, hoc et ornamentum capitis et telum est. Sed hanc quoque gentem idem fortunae impetus domuit. Itaque trigesimo die, postquam⁷ a Per-

¹ locorum.² desiliit.³ nivem.⁴ obsitos

nivibus.

⁵ deinde.⁶ bellicosissimam.⁷ posteaquam.

sepoli profectus erat, eodem rediit. Dona deinde 20 amicis ceterisque pro cuiusque merito dedit. Prope modum omnia, quae in ea urbe ceperat, distributa.

22 Ceterum ingēntia animi bona, illam indolem, qua VII omnes reges antecessit, illam in subeundis periculis constantiam, in rebus moliendis efficiendisque velocitatem, in deditos¹ fidem, in captivos² clementiam, in voluptatibus permissis quoque et usitatis temperantiam, haud tolerabili vini cupiditate foedavit. Hoste et aemulo regni reparante cum maxime³ bellum, nuper subactis quos vicerat, novumque imperium aspernantibus, de die inibat convivia, quibus feminae intererant, non quidem quas violari nefas esset, quippe pellices, licentius quam decebat cum armato vivere assuetae. Ex his una Thais, et ipsa temulenta, maximam apud omnes Graecos⁴ initurum gratiam affirmat, si regiam Persarum iussisset incendi: expectare hoc eos, quorum urbes barbari delessent. Ebrio scorto de tanta re ferenti⁵ sententiam unus et alter, et ipsi mero onerati, assentiuntur.⁶ Rex quoque avidior fuit,⁷ quam patientior: *Quin igitur ulciscimur Graeciam, et urbi faces subdimus?* Omnes incaluerant mero: itaque surgunt temulenti ad incendendam urbem, cui armati pepercerant. Primus rex ignem regiae iniecit, tum convivae et ministri pellicesque. Multa cedro aedificata erat regia: quae celeriter igne concepto, late fudit incendium. Quod ubi exercitus, qui haud procul urbe⁸ tendebat, conspexit, fortuitum ratus, ad opem ferendam concurrit. Sed ut ad vestibulum regiae ventum est, vident regem

¹ deditis.

² captivis.

³ tum cum maxime.

⁴ Graecorum.

⁵ ferente.

⁶ assentiunt.

⁷ fuit avidior.

⁸ ab urbe.

ipsum adhuc aggerentem faces. Omissa igitur, quam portaverant, aqua,¹ aridam materiem² in incendium iacere coeperunt.

⁸ Hunc exitum habuit regia totius Orientis, unde²³ tot gentes antea³ iura petebant, patria tot regum, unicus quondam Graeciae terror, molita mille navium classem et exercitus, quibus Europa inundata est, contabulato mari molibus, perfossisque montibus, in
⁹ quorum specus fretum immissum est. Ac ne tam⁴ longa quidem aetate, quae excidium eius secuta est, resurrexit. Alias urbes habuere Macedonum reges, quas nunc habent Parthi: huius vestigium non inveniretur, nisi Araxes amnis ostenderet. Haud procul moenibus fluxerat: inde urbem fuisse xx stadiis di-
¹⁰ stantem credunt magis, quam sciunt, accolae. Pudebat Macedones, tam praeclaram urbem a comessabundo rege deletam esse. Itaque res in serium versa est, et imperaverunt sibi, ut crederent illo potissimum
¹¹ modo fuisse delendam. Ipsum, ut primum gravatam ebrietate mentem quies reddidit, poenituisse constat, et dixisse, maiores poenas Graecis Persas⁵ datuos fuisse, si ipsum in solio regiaque Xerxis conspiceret⁶
¹² coacti essent. Postero die Lycio, itineris, quo Persidem intraverat, duci, xxx talenta dono dedit.

Hinc in regionem Mediae transiit, ubi supplementum novorum e Cilicia militum⁷ occurrit. Peditum erant quinque milia, equites mille: utrisque Platon⁸ Atheniensis praeerat. His copiis auctus, Dareum persequi statuit.

VIII. Ille iam Ecbatana pervenerat, caput Mediae urbs²⁴

¹ additur in libris mss. igni.

² materiam.

³ ante.

⁴ abest.

⁵ Persas Graecis.

⁶ respicere.

⁷ militum e Cilicia,

⁸ Plato.

haec: nunc¹ tenent Parthi, eaque aestiva agentibus
 sedes est. Adire deinde Bactra decreverat, sed veri-
 tus, ne celeritate Alexandri occuparetur, consilium
 iterque mutavit. Aberat ab eo Alexander stadia m^p; ²
 sed iam nullum intervallum adversus velocitatem²
 eius satis longum videbatur. Itaque proelio magis,
 quam fugae,¹ se praeparabat. xxx milia peditum se- ³
 quebantur, in quibus Graecorum erant quattuor mi-
 lia; fide³ erga regem ad ultimum invicta. Fundito- ⁴
 rum quoque et sagittariorum manus quattuor milia
 expleverat: praeter hos iii milia et ccc equites erant,
 maxime Parthienorum.⁴ Bessus praecerat, Bactrianae
 regionis⁵ praefectus. Cum hoc agmine paulum⁶ de- ⁵
 clinavit via militari, iussis praecedere laxis impedimen-
 torumque⁷ custodibus. Consilio deinde advocato, ⁶
Si cum⁸ ignavis, inquit, et pluris qualemcunque vi-
tam honesta morte aestimantibus fortuna iunxisset,
tacerem potius, quam frustra verba consumerem. Sed ⁷
maiore, quam vellem, documento et virtutem vestram,
et fidem expertus, magis etiam conuiti debeo, ut di-
gnus talibus amicis sim, quam dubitare, an vestri si-
miles adhuc sitis. Ex tot milibus, quae sub imperio ⁸
fuerunt meo, bis me victum, bis fugientem persecuti
estis. Fides vestra et constantia, ut regem me esse ⁹
credam, facit. Proditores et transfugae in urbibus
meis regnant: non hercule quia tanto honore digni habent-
tur,² sed ut praemiis eorum vestri sollicitentur animi.
Meam fortunam tamen¹⁰ quam victoris maluistis sequi,
dignissimi, quibus, si ego non possim, dii pro me gratiam
referant. Et mehercule referent. Nulla erit tam surda ¹⁰

¹ Urbem hanc nunc.² celeritatem.³ Codd.

fideliter.

⁴ Bactrianorum.⁵ urbis regionisque.⁶ Darius paulum.⁷ impedimentorum.⁸ si

me cum.

⁹ qui — habeantur.¹⁰ tamen fortunam.

posteritas, nulla tam ingrata fama, quae non in coe-
 lum vos debitis laudibus serat. Itaque, etiamsi con-
 silium fugae, a qua multum abhorret animus, agitas-
 sem, vestra tamen virtute fretus obviam issem hosti.
 11 Quousque enim in regno exulabo, et per fines imperii
 mei fugiam externum et advenam regem? cum liceat
 experto belli fortunam aut reparare quae amisi, aut
 12 honesta morte defungi. Ni¹ sorte satius est expecta-
 re victoris arbitrium, et Mazaei et Mithrenis exem-
 plo precarium accipere regnum nationis unius: ut iam
 13 malit ille gloriae suae, quam irae obsequi. Nec dii
 siverint, ut hoc decus mei capitis aut demere mihi
 quisquam aut condonare possit: nec hoc imperium vi-
 rus amittam, idemque erit regni mei, qui spiritus,²
 14 finis. Si hic animus, si haec lex, nulli non par-
 ta libertas est: nemo e vobis fastidium Macedonum,
 nemo vultum superbum ferre cogetur. Sua cuique
 dextra aut ultionem tot malorum pariet, aut finem.
 15 Equidem, quam versabilis fortuna sit, documentum
 ipse sum. Nec immerito mitiores vices eius expecto.
 Sed si iusta ac pia bella dii aversantur, fortibus ta-
 16 men viris licebit honeste mori. Per ego vos decora
 maiorum, qui totius Orientis regna cum memorabili
 laude temerunt, per illos viros, quibus stipendium
 Macedonia quondam tulit, per tot navium classes in
 Graeciam missas, per tot tropaea regum oro et ob-
 testor, ut nobilitate vestra gentisque dignos spiritus
 17 capiatis, ut eadem constantia animorum, qua praete-
 rita tolerastis, experiamini, quicquid deinde fors tu-
 lerit. Me certe in perpetuum aut victoria egregia
 nobilitabit, aut pugna.

¹ nisi.

² qui et spiritus.

26 Haec dicente Dareo, praesentis periculi species ix. omnium simul corda animosque horrore perstrinxerat, nec aut consilium suppetebat, aut vox: cum Artabazus, vetustissimus amicorum, quem hospitem fuisse Philippi saepe diximus, *Nos vero, inquit, pretiosissimam vestem¹ induti, armisque quanto maximo cultu possumus adornati, regem in aciem sequemur, ea quidem mente, ut victoriam² speremus, mortem non recusemus.* Assensu excepere ceteri hanc vocem. Sed ² Nabarzanes, qui in eodem consilio erat cum Besso, inauditi antea facinoris societate inita, regem suum per milites, quibus ambo praeerant, comprehendere et vincere decreverant, ea mente, ut, si Alexander ipsos insecutus foret, tradito rege vivo inirent gratiam victoris, magni profecto cepisse Dareum aestimaturi, sin autem eum effugere potuissent, interfecto Dareo, regnum ipsi³ occuparent, bellumque renovarent. Hoc parricidium cum diu volutassent, Nabarzanes aditum nefariae spei praeparans, *Scio, me, inquit, sententiam esse dicturum, prima specie haudquam auribus tuis gratam. Sed medici quoque graviores morbos asperis remediis curant, et gubernator, ubi naufragium timet, iactura quicquid servari potest redimit. Ego tamen, non ut damnum quidem⁴ facias, suadeo, sed ut te ac regnum tuum salubri ratione conserves. Diis adversis bellum inimus, et pertinax fortuna Persas urgere non desinit. Novis initiis et ominibus opus est. Auspicium et imperium interim alii trade,⁴ qui tamdiu rex appelletur, donec Asia decedat hostis, victor deinde regnum tibi reddat. Hoc autem brevi futurum ratio promittit.* Bactra ⁵

¹ pretiosissima vestium.² victoriam ut.³ sibi.⁴ alii trade interim.

intacta sunt: Indi et Sacae in tua potestate: tot populi, tot exercitus, tot equitum peditumque milia ad renovandum bellum vires paratas habent, ut maior
6 belli moles supersit, quam exhausta sit. Quid ruinus beluarum ritu in perniciem non necessariam? Fortium virorum est, magis mortem contemnere, quam
7 odisse vitam. Saepe taedio laboris ad vilitatem sui compelluntur ignavi: at nihil virtus¹ inexpertum omittit. Itaque ultimum omnium mors est, ad quam
8 non pigre ire satis est. Proinde si Bactra, quod tutissimum receptaculum est, petimus, praefectum regionis eius Bessum regem temporis gratia [statuamus].² Compositis rebus, iusto regi tibi fiduciarium restituet imperium.
9 Haud mirum est, Dareum non temperasse animo, 27 quamquam tam impiae voci quantum nefas esset,³ latebat. Itaque, Pessimum, inquit, mancipium, reppe-
risti exoptatum⁴ tibi tempus, quo parricidium aperires! strictoque acinace interfectorus eum⁵ videba-
10 tur, ni propere Bessus Bactrianique, deprecantium⁶ specie, ceterum, si perseveraret, vincturi, circumste-
11 tissent. Nabarzanes interim elapsus, mox et Bessus consecutus,⁷ copias, quibus praeerant, a cetero exer-
12 citu secedere iubent, secretum inituri consilium. Artabazus convenientem praesenti fortunae sententiam orsus, mitigare Dareum, temporum identidem admo-
nens, coepit: ferret aequo animo qualiumcunque, suorum tamen, vel stultitiam, vel errorem. Instare Alexandrum gravem, etiamsi omnes praesto essent: quid futurum, si persecuti fugam ipsius alienentur?

¹ virtus nihil.² sine uncis, indicantibus id verbum in mss. non legi.³ subesset.⁴ optatum.⁵ abest.⁶ ex emend. Codd. deprecarentur tristium sp. Vulgo tristium.⁷ secutus.

Aegre¹ paruit Artabazo, et quamquam movere ca-¹³
 stra statuerat, turbatis tamen omnium animis, eodem
 in loco substitit. Sed attonitus maestitia simul et
 desperatione tabernaculo se inclusit. Ergo in castris,¹⁴
 quae nullius regebantur imperio, varii animorum mo-
 tus erant, nec in commune, ut antea, consulebatur.
 Dux Graecorum militum Patron arma capere suos¹⁵
 iubet, paratosque esse ad exequendum imperium.
 Persae secesserant: Bessus cum Bactrianis erat, tem-¹⁶
 ptabatque Persas abducere, Bactra et intactae regio-
 nis opulenta,² simulque quae manentibus instarent
 pericula, ostentans. Persarum omnium eadem fere
 fuit vox, nefas esse deserere regem. Inter haec Artabazus omnibus imperatoriis fungebatur officiis: ille
 Persarum tabernacula circumire, hortari, monere nunc
 singulos, nunc universos, non ante destitit, quam satis constaret imperata facturos. Idem aegre a Dareo
 impetravit, ut cibum caperet, animumque rebus ad-
 verteret.³

28 At Bessus et Nabarzanes olim agitata scelus x.
 exequi statuunt, regni cupiditate accensi: Dareo au-
 tem incolumi tantas opes sperare non poterant.
 Quippe in illis gentibus regum eximia maiestas est: 2
 ad nomen quoque barbari conveniunt, et pristinae
 veneratio fortunae sequitur adversam. Inflabat im- 3
 pios animos regio, cui praeerant, armis virisque et
 spatio locorum nulli earum gentium secunda. Ter-
 tiam partem Asiae tenet: multitudo iuniorum exerci-
 tus, quos amiserat Dareus, aequabat. Itaque non il- 4
 lum modo, sed etiam Alexandrum spernebant, inde
 vires imperii repetituri, si regionis potiri contigisset.

¹ De coniectura: vulgo a rege. Ea re. 2 opulentiam.

³ De coniect. Codd. regis adverteret. Vulgo omisso verbo
 adverteret: animumque regis.

5 Diu omnibus cogitatis, placuit per milites Bactrianos,
 ad omne obsequium destinatos, regem comprehende-
 re, mittique nuntium ad Alexandrum, qui indicaret,
 6 vivum asservari eum, si, id quod timebant, proditio-
 nem aspernatus esset, occisuri Dareum, et Bactra
 7 cum suarum gentium manu petitori. Ceterum pro-
 palam comprehendi Dareus non poterat,¹ tot Persa-
 ram milibus laturis opem regi: Graecorum quoque
 8 fides timebatur. Itaque quod vi non poterant,¹ frau-
 de assequi temptant: poenitentiam secessionis simula-
 re decreverant, et excusare apud regem consternatio-
 9 nem suam. Interim qui Persas sollicitarent mittun-
 tur. Hinc spe, hinc metu militares animos² versant:
 ruinae rerum subdere illos² capita, in perniciem tra-
 hi, cum Bactra pateant, exceptura eos donis et opu-
 lentia, animis quam³ concipere non possint.
 10 Haec agitantibus Artabazus supervenit, sive regis²⁹
 iussu, sive sua sponte, affirmans, mitigatum esse Da-
 reum, et eundem illis amicitiae gradum patere apud
 11 regem. Illi lacrimantes nunc purgare se, nunc Artabazum
 orare, ut causam ipsorum tueretur, precesque
 12 perferret. Sic peracta nocte, sub lucis exortum⁴ Na-
 barzanes cum Bactrianis militibus in vestibulo prae-
 torii aderant,⁵ titulum sollemnis officii occulto sce-
 leri praeferentes. Dareus, signo ad eundem dato,
 13 currum pristino more conscendit. Nabarzanes cete-
 rique parricidae procumbentes humi, quem paulo
 post in vinculis habituri erant sustinere venerari,
 lacrimas etiam poenitentiae indices profuderunt:
 14 adeo humanis ingeniis parata simulatio est. Preces
 deinde suppliciter admotae, Dareum, natura simpli-

¹ non poterant vi.
animis.

² illos subdere.
⁴ ortu.

³ quantam

⁵ aderat.

cem et mitem, non credere modo quae affirmabant, sed flere etiam¹ coëgerunt. Ac ne tum quidem cogitati sceleris poenituit, cum intuerentur, qualem et regem et virum fallerent. Ille quidem, securus periculi quod instabat, Alexandri manus, quas solas timebat, effugere properabat.

30 Patron autem, Graecorum dux, praecipit² suis, xi. ut arma, quae in sarcinis antea ferebantur, induerent, ad omne imperium suum parati et intenti. Ipse² currum regis sequebatur, occasione imminens alloquendi eum: quippe Bessi facinus praesenserat. Sed Bessus, id ipsum metuens, custos verius, quam comes, a curru non recedebat. Diu ergo Patron cunctatus, 3 ac saepius sermone revocatus,³ inter fidem timoremque haesitans regem intuebatur. Qui ut tandem advertit oculos, Bubacen spadonem inter proximos cur- 4 rum sequentem percontari iubet, numquid ipsi⁴ velit dicere. Patron, se vero, sed remotis arbitris, loqui velle cum eo respondit. Iussusque propius accedere, sine interprete, nam haud rudis Graecae linguae Dareus erat: *Rex, inquit, ex L milibus Graeco- 5 rum supersumus pauci, omnis fortunae tuae comites, et in hoc tuo statu iidem, qui florente te fuimus, quascunque terras⁵ elegeris, pro patria et domesticis rebus petituri. Secundae adversaeque res tuae copu- 6 lavere nos tecum. Per hanc fidem invictam oro et obtestor, in nostris castris tibi tabernaculum statue: nos corporis tui custodes esse patiaris. Omisimus⁶ Graeciam, nulla Bactra sunt nobis: spes omnis in te, utinam et in ceteris esset. Plura dici non attinet. Custodiam corporis tui externus et alienigena non de- poscerem, si crederem alium posse praestare.*

¹ etiam flere.² praecipit.³ revocato.⁴ ipse.⁵ sedes.⁶ amisimus.

7 Bessus, quamquam erat Graeci sermonis ignarus, 31
tamen stimulante conscientia indicium profecto Pa-
tronem detulisse credebat: et interpretis relato ser-
mone Graeci¹ exempta dubitatio est.² Dareus au-
tem, quantum ex vultu concipi poterat, haud sane
territus, percontari Patrona causam consilii, quod af-
8 ferret, coepit. Ille non ultra differendum ratus, *Bes-*
sus, inquit, et Nabarzanes insidiantur tibi, in ultimo
9 discrimine et fortunae tuae et vitae. Hic dies aut
parricidis, aut tibi futurus ultimus. Et Patron qui-
10 dem egregiam conservati regis gloriam tulerat. Elu-
dant videlicet,³ quibus forte temere⁴ humana nego-
tia volvi agique persuasum est: [equidem aeterna
constitutione crediderim,]⁵ nexuque causarum laten-
tium, ex⁶ multo ante destinatarum, suum quemque
11 ordinem immutabili lege percurrere. Dareus certe
respondit, quamquam sibi Graecorum militum fides
nota sit, nunquam tamen a popularibus suis recessu-
rum. Difficilius sibi esse damnare, quam decipi.
Quicquid fors tulisset inter suos perpeti malle, quam
transfugam fieri. Se perire sero,⁷ si salvum esse mi-
lites sui⁸ nollent. Patron, desperata regis salute,⁹ ad
eos, quibus praeerat, rediit, omnia pro fide experiri
paratus.

XII. At Bessus occidendi protinus regis impetum ce- 32
perat.¹⁰ Sed veritus, ne gratiam Alexandri, nisi¹¹
vivum eum tradidisset, inire non posset, dilato in pro-
ximam noctem sceleris consilio, agere gratias incipit,
quod perfidi hominis insidias, iam Alexandri opes spe-
ctantis, prudenter cauteque vitasset. Donum eum

¹ Graeci relato sermone.

² abest.

³ licet.

⁴ forte a c temere.

⁵ desunt haec verba in codi-

cibus mss. ⁶ et.

⁷ sero se perire.

⁸ sui milites.

⁹ salute regis.

¹⁰ conceperat.

¹¹ ni.

hosti laturum fuisse regis caput. Nec mirari, homi-²
nem mercede conductum omnia habere venalia: sine
pignore, sine lare, terrarum orbis exulem, ancipitem
hostem, ad nutum licentium circumferri. Purganti¹ ³
deinde se, deosque patrios testes fidei suae invocanti
Dareus vultu assentiebatur,² haud dubius, quin vera
deferrentur a Graecis; sed eo rerum ventum erat, ut
tam periculosum esset non credere suis, quam deci-
pi. xxx milia erant, quorum inclinata in scelus levi-⁴
tas timebatur: iv milia Patron habebat; quibus si cre-
didisset salutem suam, damnata popularium fide, par-
ricidio excusationem videbat offerri. Itaque praeopta-⁵
bat immerito, quam iure violari. Besso tamen insi-
diarum consilium purganti respondit, Alexandri sibi
non minus iustitiam, quam virtutem, esse perspectam.
Falli eos, qui proditiōis ab eo praemium expectent:
violatae fidei neminem acriorem fore vindicem ulto-
remque. Iamque nox appetebat, cum Persae more ⁶
solito armis positis ad necessaria ex proximo vico fe-
renda discurrunt. At Bactriani, ut imperatum a
Besso erat,³ armati stabant.

33 Inter haec Dareus Artabazum acciri iubet, exposi-⁷
tisque, quae Patron detulerat, haud dubitare Artaba-
zus, quin transeundum esset in castra Graecorum.
Persas quoque periculo vulgato secuturos. Destinatus ⁸
sorti suae, et iam nullius salubris consilii patiens, uni-
cam in illa fortuna opem Artabazum, ultimum illum
visurus, amplectitur; perfususque mutuis lacrimis, in-
haerentem sibi avelli iubet: capite deinde velato, ne
inter gemitus digredientem velut a rogo⁴ intueretur,
in humum prorum corpus abiecit. Tum vero cu-⁹
sto-

¹ *De coniectura. Codd.* arguenti.

³ erat a Besso.

² assentiebat,

⁴ rege.

stodia ¹ eius assueti, quos regis salutem vel periculis ² vitae tueri oportebat, dilapsi sunt, armatis, ³ quos iam adventare credebant, haud rati se futuros pares. Ingens ergo in tabernaculo solitudo erat, paucis spadonibus, quia quo discederent non habebant, circumstantibus regem. At ille, remotis arbitris, diu aliud atque aliud consilium animo volutabat. Iamque solitudinem, quam paulo ante pro solatio petiverat, periosus, Bubacen vocari iubet. Quem intuens, *Ite, inquit, consulite vobis, ad ultimum regi vestro, ut decebat, fide exhibita. Ego hic legem fati mei expecto. Forsitan mireris, quod vitam non finiam: alieno scelerere, quam meo, mori malo.* Post hanc vocem spado gemitu non tabernaculum modo, ⁴ sed etiam castra complevit. Irrupere deinde alii, laceratisque vestibus lugubri et barbaro ululatu regem deplorare coeperunt. Persae, ad illos clamore perlato, attoniti metu, nec arma capere, ne in Bactrianos inciderent, nec quiescere audebant, ne impie deserere regem viderentur. Varius ac dissonus clamor sine duce ac sine imperio totis castris referebatur.

Besso et Nabarzani nuntiaverant sui, regem a se ³⁴ metipso interemptum esse. Planctus eos deceperat. ¹⁵ Itaque citatis equis advolant, sequentibus quos ad ministerium sceleris delegerant; et cum tabernaculum intrassent, quia regem vivere spadones indicabant, ¹⁶ comprehendi vincirique iusserunt. Rex curru paulo ante vectus et deorum auspiciis ac suis honoribus ⁵ cultus, nulla externa ope admota, captivus servorum suorum, in sordidum vehiculum pellibus undique con- ¹⁷ tectum imponitur. Pecunia regis et supellex quasi

¹ custodiae.² periculo.³ cum armatis.⁴ non modo tabernaculum.⁵ deorum a suis

honoribus.

belli iure ¹ diripitur; onustique praeda, per scelus ultimum parta, fugam intendunt. Artabazus cum his, ² 18 qui imperio parebant Graecisque militibus Parthien petebat, omnia tutiora parricidarum contuitu ratus. Persae, promissis Bessi onerati, maxime quia ne- ¹⁹ mo alius erat, quem sequerentur, coniungere se Bactrianis, agmen eorum tertio assecuti die. Ne tamen ²⁰ honos regi non haberetur, aureis compedibus Dareum vinciunt, nova ludibria subinde excogitante fortuna. Et ne forte cultu regio posset agnosci, sordidis pellibus vehiculum intexerant: ignoti iumenta agebant, ne percontantibus in agmine monstrari posset: custodes procul sequebantur.

- 35 Alexander, audito Dareum movisse ab Ecbatani, ^{xiii} omisso itinere, quod patebat ³ in Mediam, fugientem insequi pergit strenue. Tabas (oppidum est in Pa- ² raetacene ultima) pervenit: ⁴ ibi transfugae nuntiant, praecipitem fuga Bactra petere Dareum. Certiora ³ deinde cognoscit ex Bagistane ⁵ Babylonio: non equidem vinctum regem, sed in periculo esse aut mortis, aut vinculorum affirmabat. ⁶ Rex, ducibus convocat, ⁴ *Maximum, inquit, opus, sed labor brevissimus superest. Dareus haud procul destitutus a suis, aut oppressus. In illo corpore posita est nostra victoria, ⁷ et tanta res celeritatis est praemium.* Omnes pariter ⁵ conclamant, paratos ipsos sequi, nec labori, nec periculo parceret. Igitur raptim agmen cursus magis quam itineris modo ducit, ne nocturna quidem quiete diurnum laborem relaxante. Itaque quingenta stadia ⁶ processit, perventumque erat in vicum, in quo Da-

¹ iure belli.² iis.³ De coniect. Codd. petebat.

abest, mutata interpunctione.

⁵ Bagysthene.⁶ abest.⁷ victoria nostra.

reum Bessus comprehenderat. Ibi Melon Darei interpres excipitur. Corpore aeger non potuerat agmen assequi,¹ et deprehensus celeritate regis, transfugam se esse simulabat. Ex hoc acta cognoscit. Sed fatigatis necessaria quies erat. Itaque delectis equitum sex milibus, trecentos, quos Dimachas appellabant,² adiungit: dorso hi graviora arma portabant, ceterum equis vehebantur; cum res locusque posceret, pedestris acies erat.

Haec agentem Alexandrum adeunt Orsilos et Mi-³⁶ thracenes:³ Bessi parricidium exosi transfugerant, nuntiabantque, stadia n abesse Persas, ipsos brevius iter monstraturos. Gratus regi adventus transfugarum fuit. Itaque prima vespera ducibus iisdem cum expedita equitum manu monstratam viam ingreditur, phalange, quantum festinare posset, sequi iussa. Ipse quadrato agmine incedens, ita cursum regebat, ut primi coniungi ultimis possent. ccc stadia processerant, cum occurrit Brocubelus, Mazaei filius, Syriae quondam praetor. Is quoque transfuga nuntiabat, Bessum haud amplius quam cc stadia abesse. Exercitum, utpote qui nihil praecaveret, incompositum inordinatumque procedere. Hyrcaniam videri peturos. Si festinaret sequi, palantes⁴ superventurum.¹² Dareum adhuc vivere. Strenuo alioquin⁵ cupiditatem consequendi transfuga iniecerat. Itaque calcari-
bus subditis, effuso cursu eunt. Iamque fremitus hostium iter ingredientium exaudiebatur; sed prospectum ademerat pulveris nubes. Paulisper ergo inhibuit cursum,¹³ donec consideret pulvis. Iamque conspecti a barbaris erant, et abeuntium agmen conspexerant, ne-

¹ sequi.² appellant.³ Orsillos et Mythracenes.

Tum additur qui.

⁴ palantibus vulgo de coniect.⁵ alioqui.

quaquam futuri pares, si Besso tantum animi fuisset ad proelium, quantum ad parricidium fuerat. Namque et numero barbari praestabant, et robore: ad hoc refecti cum fatigatis certamen inituri erant. Sed ¹⁴ nomen Alexandri, et fama, maximum in bello utique momentum, pavidos in fugam avertit. ¹

37 Bessus vero ² et ceteri facinoris eius participes, vehiculum Darei assecuti, coeperunt hortari eum, conscenderet ³ equum, et se hosti fuga eriperet. Ille deos ¹⁰ ultores adesse testatur, et Alexandri fidem implorans negat, se parricidas velle comitari. Tum vero ira quoque accensi, tela coniiciunt ⁴ in regem, multisque confossum vulneribus relinquunt. Iumenta quoque, ne ¹ longius prosequi possent, convulnerant, ⁵ duobus servis, qui regem comitabantur, occisis. Hoc edito facinore, ut vestigia fugae spargerent, Nabarzanes Hyrcaniam, Bessus Bactra, paucis equitum comitantibus, petebant: barbari, ducibus destituti, qua quemque aut spes ducebat, aut pavor, dissipabantur: non tantum equites congregaverant se, incerti adhuc, resistere ⁶ melius esset, an fugere. Alexander, hostium trepidatione comperta, Nicanorem cum equitum parte ad inhibendam fugam emittit: ⁷ ipse cum ceteris sequitur. Inter ferme milia resistentia ⁸ occisa sunt; reliquum agmen pecudum more ⁹ intactum agebatur, iubente rege, ut caedibus abstineretur. Nemo captivorum erat, qui monstrare Darei vehiculum posset: singuli, ut quaeque prenderent, ¹⁰ scrutabantur, nec tamen ullum vestigium fugae regis extabat. Festinantem Alexandrum vix tria milia equitum persecuta sunt. At in

¹ convertit.

² abest.

³ ut conscenderet.

⁴ iniiciunt.

⁵ convulnerantur.

⁶ resisterent.

⁷ praemittit.

⁸ resistentium.

⁹ more pecudum.

¹⁰ prehenderant.

eos, qui lentius sequebantur, incidebant universa fu-
 22 gientium agmina. Vix credibile dictu, plures captivi,
 quam qui caperent, erant: adeo omnem sensum terri-
 tis fortuna penitus excusserat, ut nec hostium pauci-
 tatem, nec multitudinem suam satis cernerent.

23 Interim iumenta, quae Dareum vehebant, nullo re-38
 gente decesserant militari via, et errore delata per
 quattuor stadia, in quadam valle constiterant, aestu
 24 simulque vulneribus fatigata. Haud procul erat fons,
 ad quem monstratum a peritis Polystratus Macedo siti
 maceratus accessit; ac dum galea haustam aquam sor-
 bet, tela iumentorum deficientium corporibus infixā
 25 conspexit. Miratusque confossa potius quam abacta
 esse, semivivi * * *

[hominis gemitum percipit. Itaque more ingenii humani cu-
 pidus visendi, quid rei vehiculo isto conderetur, dimotis pel-
 libus, quibus obtectum erat, Darium multis vulneribus confos-
 sum repperit. Regius enim cultus, et aureae catenae, quis a
 parricidis vinctus fuerat, dubitationem eximebant. Non erat
 expers Graeci sermonis Darius; gratiasque agebat diis, qui
 post tanta mala, tamque gravia, hoc tamen indulgissent sola-
 tii, ne omnino in solitudine extremum spiritum effunderet.
Itaque te, inquit, quisquis es mortalium, per communem ho-
minum sortem, a qua nec maximos regum exemptos esse
praesenti spectaculo moneris, rogo quaesoque, ut haec ad
Alexandrum mandata mea perferas: nihil eorum, quae lon-
ge tristissima perpessus sum, ne hunc quidem incomparabi-
lis calamitatis exitum, ita gravem mihi accidisse, ut hoc unum,
quod post tanta in me meosque merita adversus clementissi-
imum victorem inimico vivendum fuit, et nunc ingrato mo-
riendum est. Sed si qua prostremis miserorum votis apud
deos vis est, et cum ipso spiritu profusas preces mitius ali-
quod numen exaudit; ille quidem sospes et incolumis, longe-
que supra contagium meae sortis et invidiam fortunae po-
situs, in solio Cyri gloriosam aetatem exigit: suaeque vir-
tutis minor, eum matri liberisque meis locum apud se esse
patiatur, quem illi fide et obsequio meruerint. At parrici-

das promptum exitium consequatur, quod Alexander irrogabit, si non misericordia infelicis hostis, saltem odio facinorum, et ne impunita in aliorum etiam regum suumque ipsius exitium erumpant. Post haec, cum siti angeretur, allata per Polystratum aqua recreatus, Ergo, ait, hanc etiam tantis calamitatibus extremam accedere oportuit, ut bene merito gratiam referre non possim: at referet Alexander; Alexandro vero dii. Dextram deinde protendit, eamque Alexandro, fidei regiae pignus, ferri iubens, apprehensa Polystrati manu animam efflavit. Alexander an spiranti adhuc supervenerit, incertum est: illud constat, miserabili regis opulentissimi exitu comperto, copiosas lacrimas profudisse, statimque chlamyde sibi detracta corpus operuisse, et magno cum honore ad suos deferri iussisse, ut regio Persarum more curatum monumentis maiorum inferretur. Ingratitudinem hominum, a quis pro summis beneficiis crudele exitium Darius pertulit, quamquam suopte ingenio horrendam et execrabilem, insigniore ad posteritatem infamia damnavit canis cuiusdam mira fides, qui ab omnibus familiaribus derelicto solus adfuit, et quam in vivum prae se tulit benevolentiam, morienti quoque constanter praestitit. Hunc vitae finem sortitus est ille, quem modo contumelia affici putabant, nisi regem regum, et deorum consanguineum salutarerent: magnoque iterum experimento approbatum est, neminem magis patere fortunae, quam qui pluribus eiusdem blanditiis irretitus, iugum illius tota cervice receperit.]

Q. CURTII RUFI
DE
GESTIS
ALEXANDRI MAGNI
REGIS MACEDONUM
LIBER VI.

ARGUMENTUM.

*A*uctor, postquam Alexandri historiam usque ad Darii mortem enarravit, repetitis rebus interim in Graecia gestis, tradiderat de rebellione Lacedaemoniorum, qui anno a. Chr. nat. 331. incipiente aestate, Agide rege suo duce, Peloponnesiorum plerisque in partes perductis, arma adversus Macedones moverant. Et cum initio rem prospere gessissent, ac Megalopolim, sociam Macedonibus urbem, obsidere coepissent, postquam Antipater, praefectus Alexandri, ex Thracia cum exercitu advenit, belli fortuna mutata est. (1) Apud Megalopolim acie congressi Lacedaemonii et Macedones diu ancipiti Marte pugnarunt, neque illi, quamquam vulnerato Agide rege, proelium omiserunt, (2) donec, superante Macedonum multitudine, cedere coacti sunt. Ipse Agis, sic regem Lacedaemoniorum decere ratus, repetito certamine, cecidit, nec incruenta Macedonibus victoria fuit. (3) Ea tamen victoria, fractis hostium animis, pax in Graecia restituta; de Lacedaemoniis res ad ipsum Alexandrum reiecta est.

(4) Verum Alexandri mores post Darii mortem mutari coeperunt, et ad luxuriam Persarum depravari. (5) Conviviales ludos celebrans inter captivas suo ritu canentes neptem Ochi,

olim regis Persarum, invenit, eamque commiseratus in pristinam fortunam restituit. Item ceteros captivos recognovit, suum nobilissimis honorem servans. (6) In urbe Parthienes Hecatompylo tumultus militum fit propter falsum rumorem, velle regem propediem in patriam reverti, quem ut sedaret, iussu praefectorum Alexander ipse orationem habuit, (7) qua docuit, ad certam terrarum, quas cepissent, possessionem opus esse aliquo tempore, (8) neque dum omnes gentes, quae Dario paruissent, ab ipsis subactas esse, quae, si liberae manerent, mox bellum renovaturae essent, (9) superesse denique Bessum, in propinquo sceleris praemiis fruentem, quem ut ulciscerentur et virtutem et fidem postulare.

(10) Tumultu igitur militum sedato, Alexander per Parthienem in Hyrcaniam movet. Natura vallis, qua eam terram adeunt, et amnis Ziobetis describitur. (11) Ibi litterae a Nabarzane allatae sunt, quibus se excusavit, quod necessitate coactus contra Darium coniuraverit, seque deditioni paratum ostendit, si fidem ei rex dederit. Et eam quidem dedit Alexander. (12) Hyrcania, quam tum terram intravit, describitur, pinguissima vallis ad mare Caspium demissa. (13) Procedenti Phrataphernes, Parthyaeorum satrapa, sese dedit, et Phradates, praefectus Tapurorum, (14) porro Artabazus cum Graecis militibus ad ultimum Dario fidelibus. Et ille quidem comiter ab Alexandro excipitur; (15) sed Graeci mille et quingenti cunctanter se regis fidei permittunt, nec tamen praeter Lacedaemoniorum legatos quicquam gravius patiuntur. (16) Tum gentem feram Mardorum propter singulare munitionis genus magna cum molestia aggressus, (17) capti etiam Bucephalae dolore graviter commovetur, equum tamen barbari reddunt, et semet ipsos pertinacia regis victi dedunt. Adiiciuntur praefecturae Phradatis. (18) Tandem Nabarzanes diu expectatus in regia urbe Hyrcaniae (*Zadracarta appellabatur*) sese Alexandri fidei permittit. (19) Ibi Thalestris, regina Amazonum, ad regem venisse fertur, cuius libidinis explendae causa complures dies substitit.

(20) Inde in Parthienem reversus superbiam et luxuriam regum Persicorum aemulari coepit; (21) cumque milites eam rem graviter ferre intellexisset, praeventendum ratus, Bessum, iam Artaxerxis nomine regem salutatum, bello persequi statuit, et sarcinas totius exercitus praeter maxime necessarias

comburī iussit. (22) Iam in Bactrianam proficiscenti nuntiat-
tur Satibarzanes, cui ipse paulo ante Arianae satrapeam re-
stituerat, defecisse ab eo. Itaque, omissio itinere incepto,
hunc prius petit. Satibarzanes cum exigua suorum manu
Bactra fugit. Alexander Craterum Artacacna oppugnare iubet.
(23) Ipse alios barbaros, qui in montibus consederant, igne
expugnat, (24) tum Artacacna redit, dedentes semet in fidem
accipit. Inde supplemento militum auctus Drangas pervenit
quorum satrapes Barzaentes aufugerat.

(25) Ibi commoranti domesticae insidiae parantur, quarum
particeps Dimnus rem cum Nicomacho, deliciis suis, commu-
nicat. (26) Nicomachus fratri Cebalino defert. Is Philotam
adit, rogatque, ut regi nuntiet. Philotas rem procrastinat, ac
suspicionem malae fidei praebet. Itaque Cebalinus per Me-
tronem quendam rem ad Alexandrum defert. (27) Dimnus
comprehensus semet ipse interficit, Cebalinus Philotam pro-
crastinationis accusat. (28) Hic purgat se regi, quod indi-
cium contempserit, et primum tamquam absolutus dimittitur.
(29) Sed postea, consilio amicorum advocato, Craterus, ini-
micus Philotae, regis suspensiones adversus illum patremque
eius Parmenionem acuit, (30) ceterique criminosum Philotae
silentium arguentes quaestionem de eo habendam esse cen-
sent. (31) Itaque rex comiter dimissum nocte proxima cum
ceteris, qui coniurasse dicebantur, vinctum in regiam attrahi
iussit. (32) Luce orta in contione militum de coniuratione
queritur, et auctorem eius Parmenionem, ministros Philotam,
illius filium, cum Peucolao et Demetrio appellat. (33) Indi-
cibus auditis Philotae silentium arguit, (34) reliqua animi
dudum alieni argumenta colligit, aperte denique Macedones
orat, ut suam salutem puniendis inimicis tueantur. (35) Tum
Philotas productus miserabili aspectu animos militum movet.
Verum contra eum cooriuntur et Amyntas, (36) et Coenus,
et ipse rex, invidiam illi ex usu Graeci sermonis excitans. (37)
Tum Philotas defensionem vix orditur: se inter coniuratos
non esse nominatum, (38) unicum et verum crimen silen-
tium esse. Id quamvis rex oranti iam remiserit, excusari tamen
levitate indicis, (39) et innocentiam suam ea ipsa re probari,
quod nihil biduo egerit, probari etiam vita anteacta: nec
posse sibi crimini verti, quod Amyntae regis patrueli (*conso-*
brinum appellat Curtius, vulgarem consuetudinem secutus)

amicus fuerit, et deum esse Alexandrum aegre passus sit. (40) Patris denique senis fortunam miseratur, et de iniqua conditione sive indicandi, sive tacendi, quae ad regis salutem pertineant, queritur. (41) Contio a Bolone quodam incitata et admonita superbiae, quo Philotas olim usus erat, capitis illum condemnat. (42) Verum supplicio in posterum dilato, rex de amicorum sententia Philotam torqueri iubet. Et primum ille fortiter dolorem fert, deinde laceratus omnia se confessurum promittit. Interim nobilissimorum equitum fuga fit, donec Alexander veterem legem de supplicio propinquorum se remittere edixit. (43) Confitetur Philotas, Hegelochum olim tribunum equitum Parmenioni sibi auctorem fuisse, regem divinitatis causa invisum interimendi, eam vero rem, donec Darius in vivis esset, dilatatam esse. Cumque initio nihil se cum Dimuo commune habere dixisset, postea etiam hoc agnoscit, sed patrem Parmenionem culpa eximit. (44) Postero die in contione etiam Demetrio et Cali quodam convictis, supplicium vetusto more de coniuratis sumitur. (*Anno, ut videtur, a Chr. 329. incipiente, Olymp. 112, 3.*)

¶ Dum ea per Asiam geruntur, ne in Graecia quidem Macedoniae tranquillae res fuere. Regnabat apud Lacedaemonios Agis Archidami filius, qui Tarentinis opem ferens ceciderat, eodem die quo Philippus Athenienses ad Chaeroneam vicit. Is Alexandri per virtutem aemulus, cives suos stimulabat, ne Graeciam servitute Macedonum diutius premi paterentur: nisi in tempore providerent, idem iugum ad ipsos transiturum esse. Annitendum igitur, dum aliquae adhuc Persis ad resistendum vires essent: illis oppressis, adversus immanem potentiam frustra avitae libertatis memores futuros. Sic instinctis animis, occasionem belli ex commodo coeptandi circumspiciebant. Igitur felicitate Memnonis invitati, consilia cum ipso miscere aggressi sunt: et postquam ille rerum laetarum initia intempestiva morte destituit, nihilo remissius agebant. Sed ad Tharnabazum et Autophradaten profectus Agis, triginta argenti talenta, decemque triremes impetravit, quas Agesilao fratri misit, ut in Cretam navigaret, cuius insulae cultores inter Lacedaemonios et Macedonas diversis studiis distrahebantur. Legati quoque ad Darium missi sunt, qui in usum belli ampliorem vim pecuniae pluresque naves pete-

rent. Atque haec eorum coepta clades ad Issum (nam ea inter-
 venerat) adeo non interpellavit, ut etiam adjuverit. Quippe
 fugientem insecutus Alexander in longinqua loca magis
 magisque rapiebatur; et ex ipso proelio mercenariorum in-
 gens multitudo in Graeciam fuga penetraverat: quorum octo
 milia Persica pecunia conduxit Agis, eorumque opera pleras-
 que Cretensium urbes recepit. Cum deinceps Menon, in
 Thraciam ab Alexandro missus, barbaros ad defectionem im-
 pulisset, adque eam comprimendam Antipater exercitum ex
 Macedonia in Thraciam duxisset, opportunitate temporis stre-
 nue usi Lacedaemonii totam Peloponnesum, paucis urbibus
 exceptis, in partes traxerunt, confectoque exercitu viginti mi-
 lium peditum, cum equitibus bis mille, Agidi summam im-
 perii detulerunt. Antipater ea re comperta bellum in Thra-
 cia, quibus potest conditionibus, componit; raptimque in Grae-
 ciam regressus, ab amicis sociisque civitatibus auxilia cogit.
 Quibus convenientibus, ad quadraginta pugnatorum milia re-
 censuit. Advenerat et ex Peloponneso valida manus: sed quia
 dubiam ipsorum fidem resciverat, dissimulata suspicione gra-
 tias egit, quod ad defendendam adversus Lacedaemonios Ale-
 xandri dignitatem affuissent: scripturum se id regi, gratiam
 in tempore relaturum. In praesens nihil opus esse maioribus
 copiis: itaque domos redirent, foederis necessitate expleta.
 Nuntios deinde ad Alexandrum mittit, de motu Graeciae cer-
 tiorem facturos. Atque illi regem apud Bactra demum con-
 secuti sunt; cum interim Antipatri victoria, et nece Agidis, in
 Arcadia transactum esset. Sane iam pridem tumultu Lacedae-
 moniorum cognito, quantum tot terrarum spatiis discretus
 potuit, providerat: Amphoterum cum Cypriis et Phoeniciis
 navibus in Peloponnesum navigare, Meneten tria milia talen-
 tum ad mare deferre iusserat, ut ex propinquo pecuniam An-
 tipatro subministraret, quanta illum indigere cognovisset.
 Probe enim perspexerat, quanti ad omnia momenti motus
 istius inclinatio futura esset, quamquam deinceps accepto vi-
 ctoriae nuntio suis operibus id discrimen comparans, murium
 eam pugnam fuisse cavillatus est. Ceterum principia eius
 belli haud improspere Lacedaemoniis fuere. Iuxta Corrha-
 gum Macedoniae castellum cum Antipatri militibus congressi
 victores extiterant: et rei bene gestae fama etiam qui suspen-
 sis mentibus fortunam spectaverant, in societatem eorum per-

tracti sunt. Una ex Eleis Achaeisque urbibus Pellene foedus aspernabatur; et in Arcadia Megalopolis, fida Macedonibus ob Philippi memoriam, a quo beneficiis affecta fuerat. Sed haec arte circumsessa haud procul deditione aberat, nisi tandem Antipater subvenisset. Is postquam castra castris contulit, seque numero militum alioque apparatu superiorem conspexit, quamprimum de summa rerum proelio contendere statuit; neque Lacedaemonii detrectavere certamen. Ita commissa est pugna, quae rem Spartanam maiorem in modum afflixit. Cum enim angustiis locorum, in quibus pugnabatur, confisi, ubi hosti nullum multitudinis usum futurum credebant, animose congressi essent, neque Macedones impigre resisterent, multum sanguinis fusum est. Sed postquam Antipater integram subinde manum laborantibus suis subsidio mittebat, impulsæ Lacedaemoniorum acies gradum paulisper retulit. Quod conspicatus Agis, cum cohorte regia, quae ex fortissimis constabat, se in medium]

- 1 *** pugnae discrimen imminit, obtruncatisque, qui promptius resistebant, magnam partem hostium propulit. Coeperant fugere victores, et donec avidius sequentes in planum deduxere, inulti¹ cadebant: sed ut primum locus, in quo stare possent,² fuit, aequis viribus dimicatum est. Inter omnes tamen Lacedaemonios rex eminebat, non armorum modo et corporis specie, sed etiam magnitudine animi, quo uno vinci non potuit. Undique nunc cominus, nunc eminus⁴ petebatur, diuque arma circumferens, alia tela clipeo excipiebat, corpore alia vitabat: donec hasta femina³ perfossa, plurimo sanguine effuso, destituere pugnantem. Ergo clipeo suo exceptum armigeri raptim in⁵ castra referebant, iactationem vulnerum haud facile tolerantem. Non tamen omisere Lacedaemonii pugnam, et ut primum sibi quam hosti aequiorem locum capere potuerunt, densatis ordinibus effuse fluentem in se aciem exceperunt. Non aliud discrimen ve-

¹ multi.

² posset.

³ femora.

hementius fuisse memoriae proditum est. Duarum nobilissimarum bello gentium exercitus pari Marte pugnabant. Lacedaemonii vetera, Macedones praesentia decora intuebantur: illi pro libertate, hi pro dominatione pugnabant: Lacedaemoniis dux, Macedonibus locus deerat. Dici quoque unius tam multiplex casus modo spem, modo metum utriusque partis augebat, velut de industria inter fortissimos viros certamen ac-

quante fortuna. Ceterum angustiae loci, in quo haeserat pugna, non patiebantur totis ingredi¹ viribus: expectabant² ergo plures quam inierant proelium, et qui extra teli iactum erant clamore invicem suos accendebant.

Tandem Laconum acies languescere, lubrica arma² sudore vix sustinens, pedem deinde referre coepit, et urgente hoste apertius fugere.³ Insequebatur dissipatos victor, et emensus cursu omne spatium, quod acies Laconum obtinuerat, ipsum Agin⁴ persequabatur. Ille, ut fugam suorum et proximos hostium conspexit, deponi se iussit: expertusque membra, an impetum animi sequi possent, postquam deficere sensit,⁵ poplitibus semet excepit, galeaque strenue sumpta, clipeo protegens corpus, hastam dextra vibrabat, ultro vocans hostem, si quis iacenti spolia demere auderet.

Nec quisquam fuit, qui sustineret cominus congrredi. Procul missilibus appetebatur, ea ipsa in hostem retorquens, donec lancea nudo pectori infixata est: qua ex vulnere evulsa, inclinatum ac deficiens caput clipeo paulisper excepit, deinde linquente spiritu pariter ac sanguine, moribundus in arma procubuit. Cecidere Lacedaemoniorum v milia et ccc,⁶ ex Macedonibus

¹ congrredi.² spectabant.³ coepit urgente hoste

a c apertius fugere.

⁴ Agim.⁵ deficere se

sensit.

⁶ CCCLX.

haud amplius mille:¹ ceterum vix quisquam nisi saucius reuertit in castra.

- 3 Haec victoria non Spartam modo sociosque eius, sed etiam omnes, qui fortunam belli spectaverant, fre-
git. Nec fallebat Antipatrum, dissentire ab animis¹⁷
gratulantium vultus; sed bellum finire cupienti opus
erat decipi. Et quamquam fortuna rerum placebat,
invidiam tamen, quia maiores res erant, quam quas
praefecti modus caperet, inctuebat. Quippe Alexan-¹⁸
der hostes vinci voluerat, Antipatrum vicisse, ne ta-
citus quidem indignabatur, suae demptum gloriae exi-
stimans, quicquid cessisset alienae. Itaque Antipater,¹⁹
qui probe nosset spiritus² eius, non est ausus ipse
agere arbitria victoriae, sed concilium Graecorum,
quid fieri placeret, consuluit. A quo Lacedaemonii,²⁰
nihil aliud quam ut oratores mittere ad regem lice-
ret, Tegeatae³ veniam defectionis praeter auctores
impetraverunt. Megalepolitani, quorum urbs obsessa
erat a defectionis sociis, Achaei et Elei⁴ cxx talenta
dare iussi sunt. Hic fuit exitus belli, quod repente²¹
ortum, prius tamen finitum est, quam Dareum Ale-
xander apud Arbela superaret.

- 4 Sed ut primum instantibus curis laxatus est ani-¹¹
mus, militarium rerum quam quietis otiique patien-
tior, excepere cum voluptates, et quem arma Persa-
rum non fregerant, vitia vicerunt: intempestiva con-²
viviva, et perpotandi pervigilandique insana dulcedo,

¹ ccc.

² spiritum.

³ De coniectura: Codd. precati
geatae, vulgo precati, omisso altero vocabulo.

⁴ De
coniectura. Vulgo: Megalopolitanis, quorum urbs erat
obsessa a defectione, Achaeis et Aetolis. Codd. optt. Me-
galepolitani, quorum urbs obsesserat a defectionis eius
achas eteli.

ludique, et greges pellicum, omnia in externum lapsa morem.¹ Quem aemulatus quasi potiorum suo, ita popularium animos oculosque pariter offendit, ut a plerisque amicorum pro hoste haberetur. Tenaces quippe disciplinae suae, solitosque parco ac parabili victu ad implenda naturae desideria defungi, in peregrina et devictarum gentium mala impulerat. Hinc saepius comparatae in caput eius insidiae, secessio militum, et liberior inter mutuas querelas dolor, ipsius deinde nunc ira, nunc suspiciones, quas excitabat inconsultus pavor, ceteraque his similia, quae deinde dicuntur.

Igitur cum intempestivis conviviis dies pariter noctesque consumeret, satietatem epularum ludis interpellabat,² non contentus artificum, quos e Graecia exciverat,³ turba: quippe captivae⁴ iuebantur suo ritu canere, inconditum et abhorrens peregrinis auribus carmen. Inter quas unam rex ipse conspexit maestiores quam ceteras, et producentibus eam verecunde reluctantem. Excellens erat forma, et formam pudor honestabat: deiectis in terram oculis, et, quantum licebat, ore velato, suspicionem praebuit regi, nobiliorem esse, quam ut inter convivales⁵ ludos deberet ostendi. Ergo interrogata, quaenam esset? neptim⁶ se Ochi, qui nuper regnasset in Persis, filio eius genitam esse, respondit; uxorem Hystaspis fuisse. Propinquus hic Darei fuerat, magni et ipse exercitus praetor. Adhuc in animo regis tenues reliquiae pristini moris haerebant. Itaque fortunam regia stirpe genitae et tam celebre nomen reveritus, non dimitti modo captivam, sed etiam restitui ei suas opes iussit, virum quoque requiri, ut reperto coniugem redderet.

¹ lapsa sunt morem.² interpolabat.³ excitaverat.⁴ adiicitur feminarum.⁵ convivales.⁶ neptem.

Postero autem die praecepit Hephæstioni, ut omnes captivos in regiam iuberet adduci. Ibi singulorum nobilitate spectata, secrevit a vulgo, quorum eminebat genus. Mille¹ hi fuerunt: inter quos repertus est Oxathres Darei frater, non illius fortuna, quam indole animi sui clarior. Sex et viginti milia talentum proxima praeda redacta erant: quis e² duodecim milia in congiarium militum absumpta sunt. Par huic pecuniae summa custodum fraude subtracta est. Oxydates erat nobilis Perses, qui a Dareo capitali supplicio destinatus, cohibebatur in vinculis; huic liberato satrapeam Mediae attribuit: fratremque Darei recepit in cohortem amicorum, omni vetustae claritatis honore servato.

6 Hinc in Parthienem³ perventum est, tunc ignobilem gentem, nunc caput omnium, qui post Euphraten et Tigrin amnes siti, rubro mari terminantur. Scythae regionem campestram ac fertilem occupaverunt, graves adhuc accolae. Sedes habent et in Europa, et in Asia: qui super Bosporum colunt, adscribuntur Asiae; at qui in Europa sunt, a laevo Thraciae latere ad Borysthenem, atque inde ad Tanaim, alium amnem, recta plaga attinent. Tanais Europam⁴ et Asiam medius interfluit. Nec dubitatur, quin Scythae, qui Parthos condidere, non a Bosporo, sed ex Europae regione⁴ penetraverint.

Urbs erat ea tempestate clara Hecatompylos, condita a Graecis: ibi stativa rex habuit, commeatibus undique advectis. Itaque rumor, otiosi militis vitium, sine auctore percrebruit, regem contentum rebus, quas gessisset, in Macedoniam protinus redire statuuisse.

Discur-

¹ Decem.

² e quis.

³ Parthienem, *item postea.*

⁴ reg. Europae.

16 Discurrunt lymphatis similes in tabernacula, et itineri
 sarcinas aptant: signum datum crederes, ut vasa col-
 ligerent. Totis castris tumultus hinc contubernales
 suos requirentium, hinc onerantium plaustra, perfer-
 17 tur ad regem. Fecerant fidem rumori temere vulga-
 to Graeci milites, redire iussi domos, quorum equiti-
 bus singulis denarium ¹ sena milia [data. ²] Ipsi quo-
 18 que finem militiae adesse credebant. Haud secus
 quam par erat territus, ³ qui Indos atque ultima Orien-
 tis peragrarare statuisset, praefectos copiarum in prae-
 torium contrahit: obortisque lacrimis, ex medio glo-
 riae spatio revocari se, victi magis quam victoris for-
 19 tunam in patriam relaturum conquestus est, nec sibi
 ignaviam militum obstare, sed deorum invidiam, qui
 fortissimis viris subitum patriae desiderium admovis-
 sent, paulo post in eandem cum maiore laude fama-
 20 que redituris. Tum vero pro se quisque operam suam
 offerre, difficillima quaeque poscere, polliceri militum
 quoque obsequium, si animos eorum leni et apta ora-
 tione permulcere voluisset. Nunquam infractos et ab-
 iectos recessisse, quotiens ipsius alacritatem et tanti
 animi spiritus haurire potuissent. Ita se facturum es-
 se respondit: illi modo ⁴ vulgi aures praepararent ⁵ si-
 bi. Satisque omnibus, quae in rem videbantur esse,
 compositis, vocari ad contionem exercitum iussit, apud
 quem talem orationem habuit:

II. *Magnitudinem rerum, quas gessimus, milites, in- 7*
tuentibus vobis, minime mirum est, et desiderium quie-
2 tis et satietatem gloriae occurrere. Ut omittam Illy-
rios, Triballos, Boeotiam, Thraciam, Spartam, Achaeos,
Peloponnesum, quorum alia ductu meo, alia imperio

¹ denariorum. ² dono dederat: neque tamen constat de fide
 vocis. ³ adiicitur Alexander. ⁴ abest. ⁵ praepararent

auspicioque perdomui, ecce orsum¹ bellum ab Helle- 3
 sponto:² Ionas, Aeolidem servitio barbariae impoten-
 tis exemimus, Cariam, Lydiam, Cappadociam, Phry-
 giam, Paphlagoniam, Pamphyliam, Pisidas, Ciliciam,
 Syriam, Phoenicen, Armeniam, Persidem, Medos, Par- 4
 thienem habemus in potestate: plures provincias com-
 plexus sum, quam alii urbes ceperunt, et nescio an
 enumeranti mihi quaedam ipsarum rerum multitudo
 subduxerit. Itaque si crederem, satis certam esse pos- 5
 sessionem terrarum, quas tanta velocitate domuimus,
 ego vero, milites, ad penatos meos, ad parentem so-
 roresque, et ceteros cives, vel retinentibus³ vobis, erumpe-
 rem, ut ibi potissimum parta vobiscum laude et glo-
 ria fruerer, ubi nos uberrima victoriae praemia ex-
 pectant, liberum,⁴ coniugum, parentumque lactitia,
 pax, quies, rerum per virtutem partarum secunda pos-
 sessio. Sed in novo, et (si verum fateri volumus) 6
 precario imperio, adhuc iugum eius rigida cervice sub-
 euntibus barbaris, tempore, milites, opus est, dum mi-
 tioribus ingeniis imbuuntur,⁵ et efferatos mollior con-
 suetudo permulcet.⁶ Irnges quoque maturitatem statuto 7
 tempore expectant: adeo etiam illa sensus omnis ex-
 pertia, tamen sua lege mitescunt. Quid? creditis tot 8
 gentes, alterius imperio ac nomine assuetas, non sacris,
 non moribus, non commercio linguae nobiscum cohae-
 rentes, eodem proelio domitas esse, quo victae sunt?
 Vestris armis continentur, non suis moribus, et qui
 praesentes metuunt, in absentia hostes erunt. Cum fe-
 ris bestiis res est, quas captas et inclusas, quia ipsa-
 rum natura non potest, longior dies mitigat.

¹ orsi.² ad Hellespontum.³ renitentibus.⁴ liberorum.⁵ imbuantur.⁶ permulceat,

ex ingenio editorum.

9 *Et adhuc sic ago, tanquam omnia subacta sint ar-* 8
mis, quae fuerunt in ditione Darei. Hyrcaniam Na-
barzanes occupavit; Bactra non possidet solum parri-
cida Bessus, sed etiam minatur; Sogdiani, Dahae,
Massagetae, Sacae, Indi sui iuris sunt. Omnes hi, si-
 10 *mul terga nostra viderint, sequentur. Illi enim eius-*
dem nationis sunt, nos alienigenae et externi. Suis
quisque autem placidius paret,¹ etiam cum is praest,
 11 *qui magis timeri potest. Proinde aut quae cepimus*
omittenda sunt, aut quae non habemus occupanda.
Sicut in corporibus aegris, milites, nihil quod nocitu-
rum est, medici relinquunt, sic nos, quicquid obstat
imperio, recidamus. Parva saepe scintilla contempta
magnum excitavit incendium. Nihil tuto in hoste de-
spicitur: quem spreveris, valentiolem negligentia fa-
 2 *cias.² Ne Dareus quidem hereditarium Persarum ac-*
cepit imperium, sed in sedem Cyri, beneficio Bagoae
castrati hominis, admissus: ne vos magno labore cre-
datis Bessum vacuum regnum occupaturum.

3 *Nos vero peccavimus, milites, si Dareum ob hoc* 9
vicinus, ut servo eius traderemus imperium: qui ulti-
mus ausus scelus, regem suum, etiam externae opis
egentem, certe cui nos victores pepercissemus, quasi
captivum in vinculis habuit, ad ultimum, ne a nobis
 4 *conservari posset, occidit. Hunc vos regnare patiemi-*
ni? quem equidem cruci affixum videre festino, omni-
bus regibus gentibusque et³ fidei, quam violavit, me-
 5 *ritas poenas solventem. At hercule, si mox eundem*
Graecorum urbes aut Hellespontum vastare nuntiatum
erit vobis, quo dolore afficiemini, Bessum praemia ve-
strae occupavisse⁴ victoriae? Tunc ad repetendas res

¹ Suis autem quisque parent placidius.

³ abest.

⁴ occupasse.

² facies.

festinabitis, tunc arma capietis. Quanto autem praestat, territum adhuc et vix mentis suae compotem opprimere? Quatridui nobis iter superest, qui tot procucavimus nives, tot annos superavimus, tot montium iuga transcucurrimus.¹ Non mare illud, quod exaestuans iter fluctibus occupat, euntes nos moratur, non Ciliciae fauces et angustiae includunt: plana omnia et prona sunt. In ipso limine victoriae stamus. Pauci nobis fugitivi et domini sui interfectores supersunt. Egregium mehercule opus, et inter prima gloriae vestrae numerandum, posteritati famaeque tradetis, Darei quoque hostis, finito post mortem illius² odio, parricidas esse vos ultos, neminem impium effugisse vestras manus.³ Hoc perpetrato, quanto creditis Persas obsequentiores fore, cum intellexerint vos pia bella suscipere, et Bessi sceleri, non nomini suo, irasci?

- 10 Summa militum alacritate, iubentium, quocunque vellet, duceret, oratio excepta est. Nec rex moratus impetum: tertioque per Parthienem die ad fines Hyrcaniae penetrat, Cratero relicto cum iis copiis, quibus praeerat, et ea manu, quam Amyntas ducebat, additis sexcentis equitibus et totidem sagittariis, ut ab incursione barbarorum Parthienem tueretur. Erigyium impedimenta, modico praesidio dato, campestri itinere ducere iubet. Ipse cum phalange et equitatu CL stadia emensus, castra in valle, qua Hyrcaniam adeunt, communit. Nemus praealtis densisque arboribus umbrosum est, pingue vallis solum rigantibus aquis, quae ex petris imminentibus manant. Ex ipsis radicibus montium Ziobetis⁴ amnis effunditur, qui tria fere stadia in longitudinem universus fluit, deinde

¹ transcurrimus.

² eius.

³ manus vestras.

⁴ Zioberis.

saxo, quod alveolum interpellat, percussus, duo itinera velut dispensatis aquis aperit. Inde torrens, et saxorum, per quae incurrit, asperitate violentior, terram praeceps subit. Per ccc stadia conditus labitur: rursusque velut ex alio fonte conceptus editur, et novum alveum intendit, priore sui parte spatiosior. Quippe in latitudinem decem et trium¹ stadiorum diffunditur, rursusque angustioribus coercitus ripis iter cogit; tandem in alterum amnem cadit. Rhidagno² nomen est. Incolae affirmabant, quicumque demissi³ essent in cavernam, quae propior est fonti, rursus ubi aliud os amnis aperitur,⁴ existere. Itaque Alexander duos,⁵ qua subeunt aquae terram, praecipitari iubet, quorum corpora, ubi rursus erumpit, expulsa videre, qui missi erant, ut exciperent.

Quantum iam diem eodem loco quietem militi de-¹¹ derat, cum litteras Nabarzanis, qui Dareum cum Besso interceperat, accipit, quarum sententia haec erat: se Dareo non fuisse inimicum, immo etiam quae credidisset utilia esse suasisse, et quia fidele consilium regi dedisset, prope occisum ab eo. Agitasse Dareum, custodiam corporis sui contra ius fasque peregrino militi tradere, damnata popularium fide, quam per ducentos et triginta⁶ annos inviolatam regibus suis praestitissent. Se in praecipiti et lubrico stantem consilium a praesenti necessitate repetisse. Dareum quoque, cum occidisset Bagoan, hac excusatione satisfacisse popularibus, quod insidiantem sibi interemisset. Nihil esse miseris mortalibus spiritu carius. Amore eius ad ultima esse propulsum. Sed ea magis esse secutum, quam optasse.⁷ In communi calamitate

¹ XIII. ² cui Rhidago. ³ quaecunque dimissa.

⁴ aperit. ⁵ duos tauros.

⁶ Sic editur

de coniectura. Codd. II et ccc annos.

⁷ De con-

iectura: codd. quae optasset. Editt. adiectis compluri-

suam quemque habere fortunam. Si venire se iuberet, sine metu esse venturum. Non timere, ne fidem datam tantus rex violaret: deos a deo falli non sole-
re. Ceterum si, cui fidem daret, videretur indignus, 13
multa exilia patere fugienti: patriam esse, ubicunque
vir fortis sedem sibi ¹ elegerit. Nec dubitavit Alexan- 14
der, fidem, quo Persae modo accipiebant, dare, in-
violatum, si venisset, fore.

- 12 Quadrato tamen agmine et composito ibat, specu-
latores subinde praemittens, qui explorarent loca. Le- 15
vis armatura ducebat agmen, phalanx eam sequeba-
tur, post pedites erant impedimenta. Et gens belli-
cosa et naturae ² situs difficilis aditu curam regis in-
tenderat. Namque perpetua valles ³ iacet, usque ad 16
mare Caspium patens. Duo terrae eius velut brachia
excurrunt: media flexu modico sinuin faciunt, lunae
maxime similem, cum eminent cornua, nondum totum
orbem sidere implente. Cercetae et ⁴ Mosyni et Cha- 17
lybes a laeva sunt, ab altera parte Leucosyri et Ama-
zonum campi; et illos qua vergit ad Septentrionem,
hos ad occasum conversa prospectat. Mare Caspium, 18
dulcius ceteris, ingentis magnitudinis serpentes alit;
piscium in eo longe diversus ab aliis color est. ⁵ Qui-
dam Caspium, quidam Hyrcanum ⁶ appellant: alii
sunt, qui Maeotiam ⁷ paludem in id cadere putent:
et argumentum afferunt, aquam, quod ⁸ dulcior sit,
quam cetera maria, infuso paludis humore mitescere.
A Septentrione ingens in litus mare incumbit, longe- 19
que agit fluctus, et magna parte exaestuans stagnat.

bus verbis: sed ea magis esse secutum, quae coëgis-
set necessitas, quam quae optasset. 1 abest.

² natura. ³ vallis. ⁴ abest. ⁵ pisces

longe diversi ab aliis coloris. ⁶ Hyrcanum.

⁷ Maeotim. ⁸ quo.

Idem alio coeli statu recipit in se fretum, eodemque impetu, quo effusum est, relabens, terram naturae suae reddit. Et quidam credidere, non Caspium mare esse, sed ex India in Hyrcaniam cadere, cuius fastigium, ut supra dictum est, perpetua valle summittitur.

20 Hinc rex xx stadia processit semita propemodum 13
 invia, cui silva imminabat, torrentesque et eluvies
 iter morabantur. Nullo tamen hoste obvio, penetrat,¹
 21 tandemque ad ulteriora perventum est. Praeter alios
 commeatus, quorum tum copia regio abundabat, po-
 morum quoque ingens modus nascitur, et uberrimum
 22 gignendis uvis solum est. Frequens arbor faciem
 quercus habet, cuius folia multo melle tinguntur, sed
 nisi solis ortum incolae occupaverint, vel modico te-
 pore succus extinguitur.

23 xxx hinc stadia processerat, cum Phrataphernes ei
 occurrit, seque et eos, qui post Darei mortem profu-
 gerant, dedens: quibus benigne exceptis, ad oppidum
 Arvas pervenit. Hic ei Craterus et Erigyus occur-
 24 runt. Praefectum Tapurorum gentis Phradatem ad-
 duxerant. Hic quoque in fidem receptus multis exem-
 25 plo fuit experiendi clementiam regis. Satrapen² de-
 inde Hyrcaniae dedit Manapin:³ exul hic regnante
 Ocho ad Philippum pervenerat: Tapurorum quoque
 gentem Phradati reddidit.

v. Iamque⁴ ultima Hyrcaniae intraverat, cum Arta-14
 bazus, quem Dareo fidissimum fuisse supra diximus,
 cum propinquis Darei ac suis liberis modicaque Grae-
 2 corum militum manu occurrit. Dextram venienti ob-
 tulit rex: quippe et hospes Philippi fuerat, cum Ocho

¹ penetravit.

² Satrapem.

³ Menapim.

⁴ adiicitur rex.

regnante exularet, et hospitii pignora in regem suum ad ultimum fides conservata vincebat. Comiter igitur exceptus, *Tu quidem, inquit, rex, deos quaeso, perpetua felicitate floreas. Ego ceteris laetus, hoc uno torqueor, quod praecipiti senectute diu frui tua bonitate non possum.* Nonagesimum et quintum annum agebat. Novem iuvenes, omnes eadem matre geniti, patrem comitabantur: hos Artabazus dexteræ regis admovit, precatus ut tam diu viverent, donec utiles Alexandro essent. Rex pedibus iter plerumque faciebat: tunc admoventi sibi et Artabazo equos iussit, ne ipso ingrediente pedibus, senex equo vehi erubesceret.

15 Ut deinde castra sunt posita, Graecos, quos Artabazus adduxerat, convocari iubet: at illi, nisi fides Lacedaemoniis quoque et Sinopensibus daretur, respondent, se, quid agendum ipsis foret, deliberaturos. Legati erant Lacedaemoniorum missi ad Dareum, quo victo applicuerant se Graecis mercede apud Persas militantibus. Rex, omissis sponsionum fideique pignoribus, venire eos iussit, fortunam quam ipse dedisset habituros. Diu cunctantes, plerisque consilia variantibus, tandem venturos se pollicentur. At Democra-
tes Atheniensis, qui maxime Macedonum opibus semper obstiterat, venia desperata, gladio se transfigit. Ceteri, sicut constituerant, dicioni Alexandri ipsos se permittunt. Mille et duo milites erant: praeter hos legati ad Dareum missi xc. In supplementum distributus miles, ceteri remissi domum, praeter Lacedaemonios, quos tradi in custodiam iussit.

¹ *absunt haec duo verba.*

⁴ *Deinde ut.*

absunt cetera.

² *abest.*

⁵ *nisi Lacedaemoniis fides daretur,*

⁶ *applicaverant.*

³ *dextrae.*

⁷ *se ipsos.*

11 Mardorum erat gens confinis Hyrcaniae, cultu vi-16
 taë aspera et latrociniis assucta. Haec sola nec lega-
 tos miserat, nec videbatur imperata factura. Itaque
 rex indignatus, si una gens posset efficere, ne invictus
 esset, impedimentis cum praesidio relictis, invicta¹
 12 manu comitante procedit. Noctu iter fecerat, et prima
 luce hostis in conspectu erat: tumultus magis quam
 proelium fuit. Deturbati ex collibus, quos occupave-
 rant, barbari profugerunt:² proximique vici ab incolis
 13 deserti capiuntur. Interiora regionis eius haud sane
 adiri³ sine magna vexatione exercitus poterant. Iuga
 montium praealtae silvae rupesque inviae sepiunt; ea,
 quae plana sunt, novo munimenti genere impedierant
 14 barbari. Arbores densae sunt de⁴ industria consitae,
 quarum teneros adhuc ramos manu flectunt, quos in-
 tortos rursus inserunt terrae: inde velut ex alia radi-
 15 ce laetiores virent trunci. Hos, qua natura fert, ado-
 lescere non sinunt: quippe alium alii quasi nexu con-
 serunt; qui ubi multa fronde vestiti sunt, operiunt
 terram. Itaque occulti⁵ ramorum velut laquei per-
 16 petua sepe iter cludunt. Una ratio erat caedendo
 aperire saltum, sed hoc quoque magni operis. Cre-
 bri namque nodi duraverant stipites, et in se impli-
 cati arborum rami, suspensis circulis similes, lento vi-
 17 mine frustrabantur ictus. Incolae autem, ritu fera-
 rum virgulta subire soliti, tum quoque intraverant
 saltum, occultisque telis hostem lacescebant.

Ille venantium inodo latibula scrutatus, plerosque¹⁷
 confodit: ad ultimum circumire saltum milites iubet,
 18 ut si qua pateret, irrumperent. Sed ignotis locis ple-
 rique oberrabant, exceptique⁶ sunt quidam, inter

¹ Sic codd. malim delecta.

— poterat.

⁶ excepti.

² profugiant.

⁴ ex.

³ adire

⁵ adiicitur nexus.

quos equus regis: Bucephalam vocabant: quem Alexander non eodem quo ceteras pecudes animo aestimabat. Namque ¹ ille nec in dorso insidere suo patiebatur alium, et regem, cum vellet ascendere, sponte ² genua summittens excipiebat, credebaturque sentire quem veheret. Maiore ergo, quam decebat, ira ¹⁹ simul ac dolore stimulatus, equum vestigari iubet, et per interpretem pronuntiari, ni reddidissent, neminem esse victurum. Hac denuntiatione territi, cum ceteris donis equum adducunt. Sed ne sic quidem miti- ²⁰ gatus, caedi silvas iubet, aggestaque humo e montibus planitiem ramis impeditam exaggerari. Iam aliquan- ²¹ tum ³ altitudinis opus creverat, cum barbari, desperati ⁴ regionem, quam occupaverant, posse retineri, gentem suam dedidere. Rex, obsidibus acceptis, Phradati parere ⁵ eos iussit.

18 Inde quinto die in stativa revertitur. Artabazum ²² deinde, geminato honore, quem Dareus habuerat ei, remittit domum. Iam ad urbem Hyrcaniae, in qua regia Darei fuit, ventum erat. Ibi Nabarzanes accepta fide occurrit, dona ingentia ferens. Inter quae ²³ Bagoas erat, specie singulari spado, atque in ipso flore pueritiae, cui et Dareus assuetus fuerat, ⁶ et mox Alexander assuevit: eiusque maxime precibus motus Nabarzani ignovit.

19 Erat, ut supra dictum est, Hyrcaniae finitima gens ²⁴ Amazonum, circa Thermodonta ⁷ amnem Themiscyrae incolentium campos. Reginam habebant Thalestrim, ²⁵ omnibus inter Caucasum montem et Phasin ⁸ amnem imperitantem. Haec cupidine visendi regis accensa

¹ nam. ² sponte sua. ³ aliquantulum. ⁴ Vulgo
ex emend. legitur desperato. ⁵ tradere. ⁶ fuerat
adsuetus. ⁷ Thermodoonta. ⁸ Phasim.

finibus regni sui excessit, et cum haud procul abesset, praemisit indicantes, venisse reginam adeundi eius
 26 cognoscendique avidam. Protinus facta potestate veniendi, ceteris iussis subsistere, trecentis feminarum comitata processit. Atque ut primum rex in conspectu fuit, equo ipsa desiluit¹ duas lanceas dextera²
 27 praeferens. Vestis non toto Amazonum corpori³ obducitur: nam laeva pars ad pectus est nuda, cetera deinde velantur. Nec tamen sinus vestis, quem nodo
 28 colligunt, infra genua descendit. Altera papilla intacta servatur, qua muliebris sexus liberos alant, aduritur dextera, ut arcus facilius intendant, et tela vibrent.
 29 Interrito vultu regem Thalestris intuebatur, habitum eius haudquaquam rerum famae parem oculis perlustrans. Quippe omnibus⁴ barbaris in corporum maiestate veneratio est, magnorumque operum non alios capaces putant, quam quos eximia specie donare natura dignata est. Ceterum interrogata, num aliquid
 30 petere vellet, haud dubitavit fateri, ad communicandos cum rege liberos se venisse: dignam, ex qua ipse regni generaret heredes. Feminini sexus se retenturam,
 31 marem reddituram patri. Alexander, an cum ipso militare vellet, interrogat: et illa, causata sine custode regnum reliquisse, petere perseverabat, ne se irritam
 32 spei abire pateretur.⁵ Acrior ad Venerem feminae cupido, quam regis, ut paucos dies subsisteret, perpulit. XIII dies in obsequium desiderii eius absumpti sunt. Tum illa regnum suum, rex Parthienen petiverunt.

VI. Hic vero palam cupiditates suas solvit, continentiamque et moderationem, in altissima quaque fortu-

¹ desiliit.⁴ hominibus.² dextera, *item postea.*⁵ pateretur abire.³ corpore.

na eminentia bona, in superbiam ac lasciviam vertit. Patrios mores disciplinamque Macedonum regum salubriter temperatam et civilem habitum velut leviora magnitudine sua ducens, Persicae regiae par deorum potentiae fastigium aemulabatur. Tacere humi venerabundos ipsum,¹ paulatimque servilibus ministeriis tot victores gentium imbuere et captivis pares facere expetebat. Itaque purpureum diadema distinctum albo, quale Dareus habuerat, capiti circumdedit, vestemque Persicam sumpsit, ne omen quidem veritus, quod a victoris insignibus in divicti transiret habitum. Et ille se quidem spolia Persarum² gestare dicebat: sed cum illis quoque mores induerat, superbiamque habitus animi insolentia sequebatur. Litteras quoque, quas in Europam mitteret, veteris anuli gemma obsignabat, his,³ quas in Asiam scriberet, Darei anulus imprimebatur; ut appareret, unum animum duorum non capere fortunam. Amicos vero et equites, (hi namque⁴ principes militum,) aspernantes quidem sed recusare non ausos, Persicis ornaverat vestibus. Pellices CCC et LX, totidem quot Darei fuerant, regiam inplebant, quas spadonum greges, et ipsi muliebria pati assueti, sequebantur.

21 Haec luxu et peregrinis infecta moribus veteres Philippippi milites, rudis natio ad voluptates, palam aversabantur, totisque castris unus omnium sensus ac sermo erat, plus amissum victoria, quam bello esse quaesitum.⁵ Tum maxime vinci ipsos, dedique alienis moribus et externis: tantae morae pretium,⁶ domos quasi in captivo habitu reversuros. Pudere iam sui.

¹ pati coepit. ² Pers. spolia. ³ iis. ⁴ cumque his.

⁵ quaesitum esse. ⁶ Sic editur de coniectura.

Codd. et externis quoque (quo) tantae morae domos cet.

Regem, victis quam victoribus similiorē, ex Macedo-
 11 niae imperatore Darei satrapen factum. Ille non
 ignarus, et principes amicorum, et exercitum graviter
 offendi, gratiam liberalitate donisque reparare ¹ tempta-
 bat. Sed, opinor, liberis pretium servitutis ingratum
 12 est. Igitur ne in seditionem res verteretur, otium in-
 terpellandum erat bello, cuius materia opportune ale-
 13 batur. Namque Bessus, veste regia sumpta, Artaxer-
 xen appellari se iusserat, Scythiasque et ceteros Tanais
 accolas contrahebat. Haec Satibarzanes nuntiabat,
 quem receptum in fidem regioni, quam antea obti-
 14 nuerat, praefecit. Et cum grave spoliis apparatuque
 luxuriae agmen vix moveretur, suas primum, deinde
 totius exercitus sarcinas, exceptis admodum necessa-
 15 riis, conferri iussit in medium. Planities spatiosa erat,
 in quam vehicula onusta perduxerant. Expectantibus
 cunctis, quid deinde esset imperaturus, iumenta iussit
 abduci, suisque primum sarcinis face subdita, ceteras
 16 incendi praecepit. Flagrabant exurentibus dominis,
 quae ut intacta ex urbibus hostium raperent, saepe
 flammās restinxerant, nullo sanguinis pretium audente
 17 deflare, cum regias opes idem ignis exureret. Brevis
 deinde oratio mitigavit dolorem, habilesque militiae
 et ad omnia parati laetabantur, sarcinarum potius,
 18 quam disciplinae, fecisse iacturam. Igitur Bactrianam
 regionem petebant.

Sed Nicanor, Parmenionis filius, subita morte cor- 22
 19 reptus, magno desiderio sui affecerat cunctos. Rex,
 ante omnes maestus, cupiebat quidem subsistere fu-
 neri affuturus, sed penuria com meatuum festinare
 cogebat. Itaque Philotas cum duobus milibus et de
 relictus, ut iusta fratri persolveret: ipse contendit ad
 Bessum.

¹ recuperare.

Iter facienti ei litterae¹ afferuntur a finitimis Sa-
 traparum, e quibus cognoscit, Bessum quidem hostili
 animo occurrere cum exercitu, ceterum Satibarza-
 nem, quem satrapam² Ariorum ipse praefecisset,
 defecisse ab eo. Itaque quamquam Besso immine-²¹
 bat, tamen ad³ Satibarzanem opprimendum praeverti
 optimum ratus, levem armaturam et equestres copias
 educit, totaque nocte itinere strenue facto,⁴ impro-
 visus hosti supervenit. Cuius cognito adventu Sati-²²
 barzanes cum II milibus equitum (nec⁵ plures subito
 contrahi poterant) Bactra perfugit, ceteri proximos
 montes occupaverunt. Praerupta rupes est,⁶ qua spe-²³
 etat Occidentem: eadem qua vergit ad Orientem le-
 niore summissa fastigio, multis arboribus obsita, per-
 ennem habet fontem, ex quo large⁷ aquae manant.
 Circuitus⁸ eius XXX et II stadia comprehendit. In²⁴
 vertice herbidus campus. In hoc multitudinem im-
 bellem considerare iubent: ipsi, qua rupes * erat,⁹ arbo-
 rum truncos et saxa obmoliuntur. XIII milia armata
 erant. In quorum¹¹ obsidione Cratero relicto, ipse²⁵
 Satibarzanem sequi festinat.

23 Et quia longius abesse eum¹⁰ cognoverat, ad ex-
 pugnandos eos, qui edita montium occupaverant, re-
 dit. Ac primo repurgari iubet, quicquid ingredi pos-²⁶
 sent: deinde, ut occurrebant inviae cotes praeruptae-
 que rupes, irritus labor videbatur obstante natura.
 Ille, ut erat animi semper obluctantis difficultatibus,²⁷
 cum et progredi arduum, et reverti periculosum esset, :
 versabat se ad omnes cogitationes, aliud atque aliud,
 ita ut fieri solet, ubi prima quaeque damnamus, sub-

¹ litterae ei.² satrapem.³ non est in libris mss.⁴ strenue facto itinere. ⁵ nec enim. ⁶ erat. ⁷ largae.⁸ circumitus. ⁹ sine stellula indicatura videri vocem
aliquam excidisse.¹⁰ horum.¹¹ eum abesse.

iiciente animo. Haesitanti, quod ratio non potuit,
 28 fortuna consilium subministravit. Vehemens Favonius
 erat, et multam materiam ceciderat miles, aditum per
 saxa molitus. Haec vapore torrida iam¹ inarserat.²
 29 Ergo aggeri alias arbores iubet, et igni dari alimenta.
 celeriterque stipitibus cumulatis fastigium montis ac-
 30 quatum est. Tunc undique ignis iniectus cuncta com-
 prehendit. Flammam in ora hostium ventus ferebat,
 fumus ingens velut quadam nube absconderat coelum.
 31 Sonabant incendio silvae, atque ea quoque, quae non
 incenderat miles, concepto igne, proxima quaeque
 adurebantur.³ Barbari suppliciorum ultimum, si qua
 intermoreretur ignis, effugere temptabant, sed qua flam-
 32 ma dederat locum, hostis obstabat. Varia igitur caede
 consumpti sunt: alii in medio igni;⁴ alii petris⁵ prae-
 cipitavere se; quidam manibus hostium obtulerunt,⁶
 pauci semiustulati venire in potestatem.
 33 Hinc ad Craterum, qui Artacacna obsidebat, redit. 24
 Ille, omnibus praeparatis, regis expectabat adventum,
 34 captae urbis titulo, sicut par erat, cedens. Igitur Ale-
 xander tures admoveri iubet: ipsoque aspectu bar-
 bari territi,⁷ e muris supinas manus tendentes, orare
 coeperunt, iram in Satibarzanem defectionis auctorem
 reservaret, supplicibus semet dudentibus parceret. Rex,
 data venia, non obsidionem modo solvit, sed omnia
 sua incolis reddidit.
 35 Ab hac urbe digresso supplementum novorum mi-
 litum occurrit. Zoilus D equites ex Graecia adduxe-
 rat: III milia ex Illyrico Antipater miserat: Thessali
 equites C et XXX cum Philippo erant: ex Lydia II mi-

¹ abest. ² inarserat. ³ adurebant. ⁴ in medios
 ignes. *Codd.* in medio ignis. ⁵ in petras. ⁶ se
 obtulerunt. ⁷ territi barbari.

lia et DC, peregrinus miles, advenerant: CCC equites gentis eiusdem sequebantur. Hac manu adiecta Dran-30 gas [pervenit.]¹ Bellicosa natio est. Satrapes erat Barzaentes, sceleris in regem suum particeps Besso. Is suppliciorum, quae meruerat, metu profugit in Indiam.

25 Iam nonum diem stativa erant, cum externa vivit non tutus² modo rex, sed invictus, intestino facinore petebatur. Dimnus,³ modicae apud regem auctoritatis et gratiae, exoleti, cui Nicomacho erat nomen, amore flagrabat, obsequio uni sibi dediti corporis victus.⁴ Is, quod ex vultu quoque perspicui poterat, similis attonito, remotis arbitris cum iuvene secessit in templum, arcanâ se et silenda afferre praefatus, suspensumque expectatione per mutuam caritatem et pignora utriusque animi rogat, ut affirmet iureiurando, quae commisisset, silentio esse tecturum. Et ille ratus, nihil, quod etiam cum periurio detegendum foret, indicaturum, per praesentes deos iurat. Tum Dimnus aperit, in tertium diem regi insidias comparatas,⁵ seque eius consilii fortibus viris et illustribus esse participem. Quibus iuvenis auditis, se vero fidem in parricidio dedisse constanter abnuit, nec ulla religione, ut scelus tegat, posse constringi. Dimnus, et amore et metu amens, dexteram⁶ exoleti complexus, et lacrimans, orare primum, ut particeps consilii operisque fieret: si id sustinere non posset, attamen ne proderet se, cuius erga ipsum benivolentiae praeter alia hoc quoque haberet fortissimum pignus, quod caput suum permisisset fidei adhuc inexpertae. Ad ultimum

¹ *Sine cancellis, vocem in codd. non inveniri indicantibus.*

² *interritus.*

³ *Dymnus, et sic porro.*

⁴ *victus.*

⁵ *insidias regi comparatas.*

⁶ *dexteram.*

mum aversari scelus perseverantem mortis metu ter-
 ret: ab illo capite coniuratos pulcherrimum facinus
 11 inchoaturos. Alias deinde effeminatum et muliebri-
 ter timidum, alias proditorem amatoris appellans,
 nunc ingentiae promittens, interdumque regnum quo-
 que, versabat animum tanto facinore procul abhor-
 12 rentem. Strictum deinde gladium modo illius, modo
 suo admovens iugulo, supplex idem et infestus expres-
 sit tandem, ut non solum silentium, sed etiam ope-
 13 ram polliceretur. Namque abunde constantis animi,
 et dignus qui pudicus esset, nihil ex pristina volun-
 tate mutaverat, sed captus¹ Dimni amore simulabat
 14 nihil recusare. Sciscitari inde pergit, cum quibus tan-
 tae rei societatem inisset: plurimum referre, quales
 viri tam memorabili operi adnoturi manus essent.
 15 Ille, et amore et scelere male sanus, simul gratias
 agit, simul gratulatur, quod fortissimus iuvenum non
 dubitasset se adiungere² Demetrio, corporis custodi,
 Peucolao, Nicanori. Adiicit his Aphoebetum, Ioc-
 cum,³ Dioxenum, Archepolim et Amyntam.
 16 Ab hoc sermone dimissus Nicomachus ad fratrem, 26
 Cebalino erat nomen, quae acceperat desert. Placet,
 ipsum subsistere in tabernaculo, ne, si regiam intras-
 set, non assuetus adire regem, coniurati proditos se
 17 esse resciscerent. Ipse Cebalinus ante vestibulum re-
 giae, neque enim propius aditus ei patebat, consistit,
 opperiens aliquem amicorum ex prima cohorte,⁴ quo
 18 introduceretur ad regem. Forte ceteris dimissis, unus
 Philotas, Parmenionis filius, incertum quam ob cau-
 sam, substiterat in regia. Huic Cebalinus, ore con-
 fusio magnae perturbationis notas prae se ferens, ape-

¹ Sed se captum.
Loceum.

² iungere.

³ Codd. Ioceum, cdd.

⁴ ex prima cohorte amicorum.

rit quae ex fratre compererat, et sine dilatione¹ nuntiari regi iubet. Philotas, collaudato² eo, protinus¹⁹ intrat ad Alexandrum, multoque invicem de aliis rebus sermone consumpto,³ nihil eorum, quae ex Cebalino cognoverat, nuntiat. Sub vesperam eum prodeuntem in vestibulo regiae excipit iuvenis, an mandatum executus foret requirens. Ille, non vacasse sermoni suo regem causatus, discessit. Postero die Cebalinus venienti in regiam praesto est, intrantemque admonet pridie communicatae cum ipso rei. Ille curae sibi esse respondet:⁴ ac ne tum quidem regi quae audierat aperit. Coeperat Cebalino esse suspectus. Itaque non ultra interpellandum ratus, nobili iuveni,²² Metron erat ei nomen, super armamentarium posito, quod scelus pararetur indicat. Ille Cebalino in armamentario abscondito, protinus regi, corpus forte curanti, quid ei index detulisset, ostendit.

27 Rex, ad comprehendendum Dimnum missis satellitibus, armamentarium intrat. Ibi Cebalinus gaudio elatus, *Habeo te*, inquit, *incolumem ex impiorum manibus ereptum*. Percontatus deinde Alexander quae noscenda erant, ordine cuncta cognoscit. Rursusque institit quaerere, quotus dies esset, ex quo Nicomachus ad eum detulisset indicium. Atque illo satente, iam tertium esse, existimans, haud incorrupta fide tanto post deferre quae audierat, vinciri eum iusserat.⁵ Ille clamitare coepit, eodem temporis momento, quo audisset, ad Philotan⁶ decurrisse: ab eo percontaretur. Rex item quaerens, an Philotan adisset, an institisset ei, ut pervenirent⁷ ad se, perseverante eo affirmare quae dixerat, manus ad coelum tendens, manantibus

¹ cunctatione.² laudato.³ consumito sermone.⁴ respondit.⁵ iussit.⁶ Philotam et sic

aliquot locis postea.

⁷ perveniret.

lacrimis, hanc sibi a carissimo quondam amicorum
 29 relatum gratiam querebatur. Inter haec Dimnus, haud
 ignarus quam ob causam accerseretur a rege, gladio,
 quo forte erat cinctus, graviter se vulnerat, occursum
 30 que satellitum inhibitus, perfertur in regiam. Quem
 intuens rex, *Quod, inquit, in te, Dimne, tantum co-*
gitavi nefas, ut tibi Macedonum regno dignior Philo-
tas me quoque ipso videretur? Illum iam defecerat
 vox. Itaque edito gemitu, vultuque a conspectu regis
 averso, subinde collapsus extinguitur.

31 Rex, Philota venire in regiam iusso, *Cebalinus, in-* 28
quit, ultimum supplicium meritis, si in caput meum
praeparatas insidias biduo texit, huius criminis Phi-
lotam reum¹ substituit, ad quem protinus indicium de-
tulisse se affirmat. Quo propiore gradu amicitiae
me contingis, hoc maius est dissimulationis tuae fa-
 32 *cinus, et ego Cebalino magis quam Philotae id con-*
venire fateor. Faventem habes iudicem, si, quod ad-
 33 *mitti non oportuit, saltem negari potest. Ad haec²*
 Philotas haud sane trepidus, si animus vultu aestima-
 retur, Cebalinum quidem scorti sermonem ad se de-
 tulisse, sed ipsum tam levi auctori nihil credidisse, re-
 spondit, veritum, ne iurgium inter amatorem et exo-
 34 letum non sine risu aliorum detulisset: cum Dimnus in-
 teremerit semet,³ qualiacunque erant, non fuisse re-
 ticenda. Complexusque regem orare coepit, ut prae-
 teritam vitam potius, quam culpam, silentii tamen,
 35 non facti ullius, intueretur. Haud facile dixerim, cre-
 dideritne ei rex, an altius iram suppresserit: dextram
 reconciliatae gratiae pignus obtulit, et contemptum
 magis, quam celatum indicium esse, videri sibi dixit.

¹ reum Philotam.² hoc.³ se ipsum.

29 Advocato tum¹ consilio amicorum, cui tamen² VII Philotas adhibitus non est, Nicomachum introduci iubet. Is eadem, quae detulerat ad regem, ordine ex-² posuit. Erat Craterus regi carus in paucis, et eo Philotae ob aemulationem dignitatis adversus; neque igno-³ rabat, saepe Alexandri auribus nimia iactatione virtutis atque operae gravem fuisse, et ob ea non quidem sceleris, sed contumaciae tamen esse³ suspectum. Non aliam premendi inimici occasionem aptiorem⁴ futuram ratus, odio suo pietatis praeferens speciem, *Utinam, inquit, in principio quoque huius rei nobiscum deliberasses. Suavissemus, si Philotae velles ignoscere, 5 patereris potius ignorare eum, quantum deberet tibi, quam usque ad mortis metum adductum cogeres saepius⁴ de periculo suo, quam de tuo cogitare beneficio. Ille enim semper insidiari tibi poterit, tu non semper Philotae poteris ignoscere. Nec est quod existimes, 6 eum, qui tantum⁵ ausus est, venia posse mutari. Scit, eos, qui misericordiam consumpserunt, amplius sperare non posse. At ego, etiamsi ipse vel poenitentia vel beneficio tuo victus quiescere volet, patrem eius Parmenionem, tanti ducem exercitus, et inveterata apud milites tuos auctoritate haud multum infra magnitudinis tuae fastigium positum, scio non aequo animo salutem filii sui debiturum tibi. Quaedam beneficia 7 odimus. Meruisse mortem confiteri pudet. Superest, ut malit videri iniuriam accepisse, quam vitam. Proinde scito⁶ tibi cum illis de salute esse pugnandum. Satis hostium superest, ad quos persequendos ituri sumus: latus a domesticis hostibus muni. Hos si summoves, nihil metuo ab externo.*

¹ tamen.² tum.³ abest.⁴ potius.⁵ tantum facinus.⁶ De coniectura: codd. scio.

10 Haec Craterus. Nec ceteri dubitabant, quin con-30
 iurationis indicium suppressurus non fuisset, nisi au-
 ctor aut particeps. Quem enim piuni et bonae men-
 tis, non amicū modo, sed ex ultima plebe, auditis
 quae ad eum delata erant, non protinus ad regem
 11 fuisse cursurum? ne Cebalini quidem exemplo, qui
 ex fratre comperta ipsi nuntiasset, Parmenionis filium,
 praefectum equitatus, omnium arcanorum regis arbi-
 trum? simulasse etiam, non vacasse sermoni suo re-
 12 gem, ne index alium internuntium quaereret. Nico-
 machum, religione quoque deum astrictum, conscien-
 tiam suam exonerare properasse: Philotam, consumpto
 per ludum iocumque paene toto die, gravatum esse
 pauca verba, pertinentia ad caput regis,¹ tam longo
 13 et forsitan supervacuo inserere sermoni. At enim se²
 non credidisse talia deferentibus pueris! Cur igitur
 extraxisset biduum, tanquam indicio haberet fidem?
 dimittendum fuisse Cebalinum, si delationem eius da-
 4 mnabat. In suo quemque periculo magnum animum
 habere, cum de salute regis timeretur, credulos esse
 5 debere, vana quoque deferentes admittere. Omnes
 igitur quaestionem de eo, ut participes sceleris indi-
 care cogeretur, habendam esse decernunt. Rex, ad-
 monitos, uti³ consilium silentio premerent, dimittit.

Pronuntiari deinde iter in posterum⁴ iubet, ne qua³¹
 6 novi initi consilii daretur nota. Invitatus est etiam
 Philotas ad ultimas ipsi epulas, et rex⁵ non coenare
 modo, sed etiam familiariter colloqui cum eo, quem
 7 damnaverat, sustinuit. Secunda deinde vigilia, lumi-
 nibus extinctis, cum paucis in regiam coeunt Hephac-
 stion et Craterus et Coenus et Erigyus, hi ex amicis,

¹ ad caput regis pertinentia.² abest.³ ut.⁴ adiicitur diem.⁵ abest.

ex armigeris autem Perdiccas et Leonnatus. Per hos imperatum, ut qui ad praetorium excubabant, armati vigilarent. Iam ad omnes aditus dispositi erant¹ equi-¹⁸ tes, itinera quoque² obsidere iussi, ne quis ad Parmenionem, qui tum Mediae magnisque copiis praeerat, occultus evaderet. Atharrias³ autem cum trecen-¹⁹ tis armatis intraverat regiam: huic decem satellites traduntur, quorum singulos deni armigeri sequebantur. Hi ad alios coniuratos comprehendendos distributi²⁰ sunt: Atharrias, cum trecentis ad Philotam missus clausum aditum domus moliebatur, quinquaginta iuvenum promptissimis stipatus; nam ceteros cingere undique domum iusserat, ne occulto aditu Philotas posset elabi. Illum, sive securitate animi, sive fatigatione reso-²¹ lutum, somnus oppresserat; quem Atharrias torpentem adhuc occupat. Tandem ei sopore discusso cum in-²² iicerentur catenae, *Vicit, inquit, bonitatem tuam, rex, inimicorum meorum⁴ acerbitas*. Nec plura elocutum⁵ capite velato in regiam adducunt.

32 Postero die rex edixit, omnes armati coirent. Sex²³ milia fere militum venerant; praeterea turba lixarum calonumque impleverant regiam. Philotam armigeri²⁴ agmine suo tegebant, ne ante conspici posset a vulgo, quam rex allocutus milites esset. De capitalibus re-²⁵ bus vetusto Macedonum modo inquirebat exercitus, in pace erat vulgi; et⁶ nihil potestas regum valebat, nisi prius valuisset auctoritas. Igitur Dimni primum⁷ cadaver infertur, plerisque, quid parasset,⁸ quoque casu extinctus esset, ignaris. Rex deinde in concionem^{IX} procedit, vultu praeferens dolorem animi. Amicorum quoque moestitia expectationem haud parvae⁹ rei fe-

¹ milites. ² equites quoque itinera. ³ Atarras. ⁴ *abest.*
⁵ locutum. ⁶ *abest.* ⁷ primum Dimni. ⁸ patras-
 set de coniect. ⁹ parvam.

- 2 cerat. Diu rex demisso in terram vultu attonito stupentique similis stetit. Tandem recepto animo, *Paene*, inquit, *militēs, hominū*¹ *scelere vobis ereptus sum: deum providentia et misericordia vivo. Conspectusque vestri venerabilis coëgit*,² *ut vehementius parricidis irascerer, quoniam praecipuus*,³ *immo unus vitae meae fructus est, tot fortissimis viris et de me optime*
 3 *meritis referre adhuc gratiam posse*. Interrupit orationem militum gemitus, obortaeque sunt omnibus lacrimae. Tum rex, *Quanto*, inquit, *maiores in animis vestris motum excitabo, cum tanti sceleris auctores ostendero! quorum mentionem adhuc reformido, et*
 4 *tanquam salvi esse possint, nominibus abstineo. Sed vincenda est memoria pristinae caritatis, et coniunctio impiorum civium detegenda. Quomodo autem tantum nefas sileam? Parmenio, illa aetate, tot meis, tot parentis mei meritis devinctus, omnium nobis amicorum vetustissimus, ducem se sceleri tanto*⁴ *praebuit.*
 5 *Minister eius Philotas Peucolaum et Demetrium et hunc Dinnum, cuius corpus aspicitis, ceterosque eiusdem*⁵ *amentiae, in caput meum subornavit.*
 6 Fremitus undique indignantium querentiumque tota contione obstrepebat, qualis solet esse multitudinis, et maxime militaris, ubi aut studio agitur, aut ira.
 7 Nicomachus deinde et Metron et Cebalinus producti, quae quisque detulerat exponunt. Nullius eorum indicio Philotas particeps sceleris destinabatur. Itaque, indignatione pressa, vox indicum silentio excepta est.
 8 Tum rex, *Qualis*, inquit, *ergo animi vobis videtur, qui huius rei delatum indicium ad ipsum suppressit?*
 9 *Quod non fuisse vanum, Dinni exitus declarat. In-*

¹ paucorum hominum.
 4 tanto sceleri se.

² cogit.
 5 eius.

³ spiritus.

certam rem deferens tormenta non timuit Cebalinus, Meletrou ne momentum quidem temporis distulit exonerare se, ut eo, ubi lavabar, irrumperet: Philotas solus 10 nihil tinnit, nihil credidit. O magni animi virum! Iste regis periculo commoveretur! vultum mutaret! indicem tantae rei sollicitus audiret! 1 Subest nimirum 11 silentio facinus, et avida spes regni praecipitem animum ad ultimum nefas impulit. Pater Mediae praest. Ipse apud multos copiarum duces meis praepotens viribus, maiora, quam capit, spirat. Orbitas quo- 12 que mea, quod sine liberis sum, spernitur. Sed errat Philotas. In vobis liberos, parentes, consanguineos habeo: vobis salvis, orbus esse non possum.

- 34 Epistolam deinde Parmenionis interceptam, quam 13 ad filios Nicanorem et Philotam scripserat, recitat, haud sane indicium gravioris consilii praefferentem. Namque summa eius haec erat: *Primum vestri curam 14 agite, deinde vestrorum: sic enim quae destinavimus efficiemus. Adiecitque rex, sic esse scriptam, ut sive 15 ad filios pervenisset, a consociis posset intelligi, sive intercepta esset, falleret ignaros. At enim Dimnus, cum 16 ceteros participes sceleris indicaret, Philotam non nominavit! Hoc quidem illius non innocentiae, sed potentiae indicium est, quod sic ab iis timetur etiam, a quibus prodi potest, ut, cum de se fateantur, illum tamen celent. Ceterum Philotam ipsius indicat vita. 17 Hic Amyntae, qui mihi consobrinus fuit et in Macedonia capiti meo impias comparavit insidias, socium se et consocium adiunxit. Hic Attalo, quo graviozem inimicum non habui, sororem suam in matrimonium*

¹ *Locus vulgo sic exhibetur: Iste, si regis periculo commoveretur, vultum non mutaret? indicem tantae rei sollicitus non audiret?*

¹⁹ *dedit. Hic, cum scripsissem ei pro iure tam familiaris usus atque amicitiae, qualis sors edita esset Iovis Hammonis oraculo, sustinuit rescribere mihi, se quidem gratulari, quod in numerum deorum receptus essem, ceterum misereri eorum, quibus vivendum esset*
²⁰ *sub eo, qui modum hominis excederet. Haec sunt etiam pridem animi¹ alienati a me et invidentis gloriae meae indicia: quae equidem,² milites, quamdiu licuit, in animo meo pressi. Videbar enim mihi partem viscerum meorum abrumpere, si, in quos tam magna contuleram, viliores mihi facerem. Sed iam non verba punienda sunt: linguae temeritas pervenit ad gladios.*
²¹ *Hos, si mihi creditis, Philotas in me acuit. Id si ipse admisit, quo me conferam, milites? cui caput meum credam? Equitatu, optimae exercitus parti, principibus nobilissimae inventutis, unum praefeci: salutem, spem, victoriam meam fidei eius tutelaeque*
²² *commisi. Patrem in idem fastigium, in quo me ipsi posuistis, admovi: Mediam, qua nulla opulentior regio est, et³ tot civium sociorumque milia imperio eius dicionique subieci. Unde praesidium petieram, periculum extitit. Quam feliciter in acie occidissem, potius hostis praeda, quam civis victima! Nunc servatus ex periculis, quae sola tinnui, in haec incidi, quae*
²³ *timere non debui. Soletis identidem a me, milites, petere, ut saluti meae parcam. Ipsi mihi praestare potestis, quod suadetis ut faciam. Ad vestras manus, ad vestra arma confugio: invitis vobis salvus esse nolo: volentibus, non possum, nisi vindicor.*
²⁴ *Tum Philotam, religatis post tergum manibus, ob-*
²⁵ *soleto amiculo velatum iussit induci. Facile appare-*

¹ animi pridem.² quidem.³ abest.

bat, motos esse tam miserabili habitu non sine invidia paulo ante conspecti. Ducem equitatus pridie viderant; sciebant, regis interfuisse convivio. Repente reum quidem,¹ sed etiam damnatum, immo vinctum, intuebantur. Subibat animos Parmenionis quoque,²⁷ tanti ducis, tam clari civis, fortuna, qui modo duobus filiis, Hectore ac² Nicanore, orbatus, cum eo, quem reliquum calamitas fecerat, absens diceret causam. Itaque Amyntas, regius³ praetor, inclinatam ad misericordiam contionem rursus aspera in Philotam oratione commovit: proditos eos esse barbaris: neminem ad coniugem suam, in patriam,⁴ et ad parentes fuisse rediturum: velut truncum corpus dempto capite, sine spiritu, sine nomine, aliena terra, ludibrium hostis futuros. Haudquaquam pro spe ipsius Amyntae oratio grata regi fuit, quod coniugum, quod patriae admonitos pigriores ad cetera munia exequenda fecisset.

36 Tunc Coenus, quamquam Philotae sororem matrimonio secum coniunxerat, tamen acrius quam quisquam in Philotam invectus est, parricidam esse regis, patriae, exercitus, clamitans: saxumque, quod forte ante pedes iacebat, arripuit,⁵ emissurus in eum; ut plerique credidere, tormentis subtrahere cupiens. Sed rex manum eius inhibuit, dicendi prius causam debere fieri potestatem reo, nec aliter iudicari passurum se, affirmans. Tum dicere orsus⁶ Philotas, sive conscientia sceleris, sive periculi magnitudine, amens et attonitus, non attollere oculos, non hiscere audebat. Lacrimis deinde manantibus, linquente animo, in eum, a quo tenebatur, incubuit: abstersisque amiculo eius oculis, paulatim recipiens spiritum ac vocem, dictu-

¹ non reum modo.
in patriam.

² et.
⁵ eripuit.

³ regis.

⁴ neminem

⁶ iussus.

34 rus videbatur. Iamque rex, intuens eum, *Macedones*
 inquit, *de te indicaturi sunt: quaero, an patrio ser-*
 35 *mone sis apud eos usus.* Tum Philotas, *Præter*
Macedonas, inquit, *plerique adsunt, quos facilius*
quæ dicam percepturos arbitror, si eadem lingua
fuero usus, qua tu egisti, non ob aliud, credo, quam
 36 *ut oratio tua intelligi posset a pluribus.* Tum rex,
Ecquid videtis, adeo etiam sermonis patrii Philotam
taedere? solus quippe fastidit eum discere.¹ Sed di-
cat sane, utcunque ei² cordi est, dum memineritis, æ-
que illum a nostro more, quam a³ sermone abhorrere.
 Atque ita contione excessit.

x. Tum Philotas, *Verba,* inquit, *innocenti reperire fa-* 37
 2 *cile est, modum verborum misero tenere difficile. Ita-*
que inter optimam conscientiam et iniquissimam for-
fortunam destitutus, ignoro quomodo et animo meo, et
 3 *tempori paream. Abest quidem optimus causæ meæ*
iudex: qui cur me ipse audire noluerit, non mehercule
excogito, cum illi utrimque cognita causa tam da-
mnare me liceat, quam absolvere, non cognita vero li-
 4 *berari ab absente non possum, qui a præsentē da-*
mnatus sum. Sed quamquam victi hominis non super-
vacua solum, sed etiam invisā defensio est, quia⁴ iu-
dicem non docere videtur, sed arguere: tamen, utcun-
que licet me⁵ dicere, memet ipse non deseram, nec
committam, ut damnatus etiam mea sententia videar.
 5 *Equidem cuius criminis reus sim, non video. Inter*
coniuratos nemo me nominat; de me Nicomachus ni-
hil dixit; Cebalinus plus quam audierat scire non po-
 6 *tuit. Atqui coniurationis caput me fuisse credit rex!*
Potuit ergo Dinmus eum præterire, quem sequebatur?

¹ dicere.² abest.³ more atque sermone.⁴ Sic e coni. Codd. qui, edd. quæ.⁵ abest.

praesertim cum quaerenti socios vel falso fuerim nominandus, quo facilius qui temptabatur ¹ posset impelli. Non enim detecto facinore nomen meum praeteriit, ut ⁷ posset videri socio pepercisse: Nicomachus, ² quem taciturnum arcana de semetipso credebat, confessus, aliis nominatis, me unum subtrahebat. Quaeso, commilito- ⁸ nes, si Cebalinus me non adisset, nihil me de coniuratis scire voluisset, num hodie dicerem causam, nullo me nominante? Diminus sane et viveret ³ adhuc, et ve- ⁹ lut mihi parceret: ⁴ quid ceteri? qui de se confitebuntur, me videlicet subtrahent! Maligna est calamitas, et fere noxius, cum suo supplicio crucietur, acquiescit alieno. Tot conscii ne ⁵ in equuleum quidem impositi ¹⁰ verum fatebuntur? Atqui nemo parcit morituro, nec cuiquam moriturus, ut opinor.

38 Ad verum crimen et ad unum revertendum mihi ¹¹ est: cur rem delatam ad te tacuisti? cur tam securus audisti? Hoc quaecumque est, confesso mihi, ubicumque es, Alexander, remisisti: dexteram ⁶ tuam amplexus, reconciliati pignus animi, convivio quoque interfui. Si credidisti mihi, absolutus sum, si pepercisti, ¹² dimissus: vel iudicium tuum conserva. Quid hac proxima nocte, qua digressus sum a mensa tua, feci? quod novum facinus delatum ad te nuntavit animum tuum? Gravi sopore acquiescebam cum me malis indormientem meis inimici vinciendo excitaverunt. ⁷ Unde et parri- ¹³ cidiae et proditori tam alta quies somni? Scelerati ¹⁴ conscientia obstrepente cum dormire non possunt, ⁸ agitant eos furiae, non cogitato modo, sed etiam ⁹ consummato parricidio. At mihi securitatem primum in-

¹ verebatur.

parcere.

⁸ possint.² sed Nicomacho.⁵ Codd. nec.⁹ et.³ vivat.⁶ dextram.⁴ velit mihi⁷ excitaverunt.

nocentia mea, deinde tua dextera¹ obtulerant: non
 timui, ne plus alienae crudelitati apud te liceret, quam
 15 clementiae tuae. Sed ne te mihi credidisse poeniteat,
 res ad me deferrebatur a puero, qui non testem, non
 pignus indicii exhibere poterat, impleturus omnes me-
 16 tu, si coepisset audiri. Amatoris et scorti iurgio in-
 terponi aures meas credidi infelix, et fidem eius su-
 spectam habui, quod non ipse deferret, sed fratrem po-
 tius subornaret. Timui, ne negaret mandasse sese²
 Cebalino, et ego viderer multis amicorum regis fuisse
 17 periculi causa. Sic quoque cum laeserim neminem in-
 18 veni, qui mallet perire me, quam incolumem esse: quid
 inimicitiarum creditis excepturum fuisse, si insontes
 laccessissem? At enim Dimnus se occidit! Num igitur
 19 facturum eum divinare potui? Minime. Ita quod so-
 lum indicio fidem fecit, id me, cum a Cebalino inter-
 pellatus sum, movere non poterat.
 20 At hercule, si conscius Dimno tanti sceleris fuis-39
 sem, biduo illo proditos esse nos, dissimulare non de-
 bui: Cebalinus ipse tolli de medio nulloque³ negotio
 21 potuit. Denique⁴ post delatum indicium, quo peritu-
 rus eram, cubiculum regis solus intravi, ferro quidem
 cinctus. Cur distuli facinus? An sine Dimno non sum
 22 ausus? Ille igitur princeps coniurationis fuit! sub il-
 lius umbra Philotas latebam, qui regnum Macedonum
 affecto! Ecquis⁵ e vobis corruptus est donis? quem
 ducem, quem praefectum impensius colui? Mihi qui-
 dem obiicitur, quod societatem patrii sermonis asper-
 ner, quod Macedonum mores fastidiam. Sic ergo in-
 23 perio, quod dedignor, immineo! Iam pridem natus
 ille sermo commercio aliarum gentium exolevit: tam

¹ dextera tua.² se.³ nullo.⁴ deinde.⁵ Et quis.

victoribus, quam victis, peregrina lingua discenda est. Non meliorenle ista me magis laedunt, quam quod²⁴ Amyntas, Perdiccae filius, insidiatus est regi; cum quo quod amicitia fuerit mihi, non recuso defendere, si fratrem regis non oportuit diligere a nobis. Sin autem in²⁵ illo fortunae gradu positum etiam venerari necesse erat: utrum, quaeso, quod non divinavi, reus sum, an impiorum amicis insontibus quoque moriendum est? Quod si aequum est, cur tamdiu vivo? si iniustum, cur nunc demum occidor? At enim scripsi, misereri²⁶ me eorum, quibus vivendum esset sub eo, qui se Iovis filium crederet. Fides amicitiae, veri consilii periculosa libertas, vos me decepistis! vos, quae sentiebam, ne reticerem, impulistis! Scripsisse me haec fateor re-²⁷ gi, non de rege scripsisse. Non enim faciebam invidiam, sed pro eo timebam. Dignior mihi Alexander videbatur, qui Iovis stirpem tacitus agnosceret, quam qui praedicatione iactaret. Sed quoniam oraculi fides²⁸ certa est, sit deus causae meae testis. Retinete me in vinculis, dum consulitur Ammon arcanum¹ et occultum scelus. Interim, qui regem nostrum dignatus est filium, neminem eorum, qui stirpi suae insidiati sunt, latere patietur. Si certiora oraculis creditis esse²⁹ tormenta, ne hanc quidem exhibendae veritatis fidem deprecor.

40 Solent rei capitis adhibere vobis parentes. Duos³⁰ fratres ego nuper amisi; patrem nec ostendere possum, nec invocare audeo, cum et ipse tanti criminis reus sit. Parum est enim, tot modo liberum² paren-³¹ tem, in unico filio acquiescentem, eo quoque orbari, nisi³ ipse in rogam meum imponitur. Ergo, carissi-³² me pater, et propter me morieris, et mecum. Ego ti-

¹ in arcanum.² liberorum.³ ni.

bi vitam adimo, ego senectutem tuam extinguo! Quid enim me procreabas infelicem adversantibus diis? an
 33 *ut hos ex me fructus perciperes, qui te manent? Nescio, adolescentia mea miserior sit, an senectus tua: ego in ipso robore aetatis eripior: tibi carnifex spiritum*
 34 *adimet, quem si fortuna expectare voluisset, natura poscebat.*¹ *Admonuit me patris mei mentio, quam timide et cunctanter, quae Cebalinus detulerat ad me, indicare debuerim. Parmenio enim, cum audisset, venenum a Philippo medico regi parari, detertere eum voluit epistola scripta, quo minus medicamentum biberet, quod medicus dare constitueret.*² *Num creditum est patri meo? num ullam auctoritatem eius*
 35 *litterae habuerunt? Ego ipse, quotiens quae audieram detuli, cum ludibrio credulitatis repulsus sum. Si et cum indicamus, invisi, et cum tacemus, suspecti su-*
 36 *mus, quid facere nos oportet? Cumque unus e circumstantium turba exclamasset, Bene meritis non insidiari: Philotas, Recte, inquit, quisquis es, dicis. Itaque si insidiatus sum, poenam non deprecor, et finem facio dicendi, quoniam ultima verba gravia sunt visa auribus.*³ *Abducitur deinde ab his,*⁴ *qui custodiebant eum.*

xI. *Erat inter duces manu strenuus Bolon*⁵ *quidam,*⁴¹ *pacis artium et civilis habitus rudis, vetus miles, ab humili ordine ad eum gradum, in quo tunc erat, pro-*
 2 *motus: qui tacentibus ceteris, stolidi audacia ferox, admonere eos coepit, quotiens suis*⁶ *quisque diverso-*
 3 *riis, quae occupassent, proturbatus esset, ut purgamenta servorum Philotae reciperentur eo, unde com-*
mitones expulisset. Auro argentoque vehicula eius

¹ reposebat.

4 iis.

² constituerat.

5 Belon.

³ auribus vestris.⁶ abest.

onusta totis vicis stetisse, ac ne in viciniam¹ quidem
 diversorii quemquam commilitonum receptum esse,
 sed per dispositos, quos supra² somnum habebat,
 omnes procul relegatos, ne femina illa murmurantium
 inter se silentio verius, quam sono, excitaretur. Lu- 4
 dibrio ei fuisse rusticos homines, Phrygasque et Pa-
 phlagonas appellatos: qui non erubesceret, Macedo
 natus, homines linguae suae per interpretem audire.
 Nunc³ cur Ammonem consuli vellet? eundem Iovis 5
 arguisse mendacium, Alexandrum filium agnoscentis,
 scilicet veritum, ne invidiosum esset, quod dii offer-
 rent. Cum insidiaretur capiti regis et amici, non con- 6
 sultuisse eum Iovem: nunc ad oraculum mittere, dum
 pater eius sollicitetur,⁴ qui praesit in Media et pe-
 cunia, cuius custodia commissa sit, perditos homines
 ad societatem sceleris impellat. Ipsos missuros ad 7
 oraculum, non qui Iovem interrogent, quod ex rege
 cognoverint, sed qui gratias agant, qui vota pro incol-
 unitate regis optimi persolvant. Tum vero universa 8
 contio accensa est, et a corporis custodibus initium
 factum, clamantibus, discernendum esse parricidam
 manibus eorum. Id quidem Philotas, qui graviora
 supplicia metueret, haud sane iniquo animo audiebat.

42 Rex in contionem reversus, sive ut in custodia 9
 quoque torqueret, sive ut diligentius cuncta cognosce-
 ret, concilium in posterum diem distulit: et quam-
 quam in vesperam inclinabat dies, tamen amicos con-
 vocari iubet. Et ceteris quidem placebat, Macedo-
 num more obrui saxis, Hephaestion autem et Crate- 10
 rus et Coenus tormentis veritatem exprinendam esse
 dixerunt, et illi quoque, qui aliud suaserant, in horum

sen-

¹ vicina.
 abest.

² ad.
⁴ sollicitaretur.

³ De coniect. Codd. ne, vulgo

sententiam transeunt. Consilio ergo dimisso, Hephaestion cum Cratero et Coeno ad quaestionem de Philota habendam consurgunt. Rex Cratero accersito, et sermone habito, cuius summa non edita est, in intimam diversorii partem secessit, et remotis arbitris in multam noctem quaestionis expectavit eventum. Tortores in conspectum¹ Philotae omnia crudelitatis instrumenta proponunt. Et ille ultro, *Quid cessatis*, inquit, *regis inimicum, interfectorem, confitentem occidere? quid quaestione opus est? cogitavi, volui.*

Craterus exigere, ut, quae confiteretur, in tormentis quoque diceret; et² dum corripitur, dum obligantur oculi, dum vestis exuitur, deos patrios, gentium iura nequicquam apud surdas aures invocabat. Per ultimos deinde cruciatus, utpote et³ damnatus, et inimicis in gratiam regis torquentibus, laceratur. Ac primo quamquam hinc ignis, illinc verbera, iam non ad quaestionem, sed ad poenam ingerebantur, non vocem modo, sed etiam gemitus habuit in potestate; sed postquam intumescens corpus ulceribus flagellorum ictus nudis ossibus incussos ferre non poterat, si tormentis adhibitori modum essent, dicturum se, quae scire expeterent, pollicetur. Sed finem quaestioni fore, iurare eos per Alexandri salutem volebat, removerique tortores. Et utroque impetrato, *Cratere*,⁴ inquit, *dic quid me velis dicere.* Illo indignante, ludificari eum, rursusque revocante tortores, tempus petere coepit, dum reciperet spiritum, cuncta quae sciret indicaturus.

Interim equites, nobilissimus quisque, et ii maxime, qui Parmenionem propinqua cognatione contingebant, postquam Philotam torqueri fama vulgaverat, legem

conspectu. 2 *abest.* 3 *abest.* 4 *Ex emend. Cratero.*

Macedonum veriti, qua cautum erat, ut propinqui eorum, qui regi insidiati essent,¹ cum ipsis necarentur, alii se interficiunt, alii in devios montes vastasque solitudines fugiunt; ingenti per tota castra terrore diffuso, donec rex, tumultu cognito, legem de supplicio coniunctorum insontibus remittere² edixit.

- 43 Philotas verone an mendacio liberare se a cruciatu voluerit, anceps coniectura est, quoniam et vera confessis et falsa dicentibus idem doloris finis ostenditur: ceterum, *Pater, inquit, meus Hegelochus quam familiariter usus sit, non ignoratis: illum dico Hegelochum, qui in acie cecidit: omnium malorum nobis fuit causa.*³ Nam cum primum Iovis filium se salutari iussit rex, id indigne ferens ille, hunc igitur regem agnoscimus, inquit, qui Philippum dedignatur patrem? actum est de nobis, si ista perpeti possumus. Non homines solum, sed etiam deos despicit, qui postulat deus credi. Amisimus Alexandrum, amisimus regem; incidimus in superbiam, nec diis, quibus se exaequat, nec hominibus, quibus se eximit, tolerabilem. Nostrone sanguine deum fecimus, qui nos fastidiat? quoniam gravetur mortalium adire concilium? Credite mihi, et nos, si viri sumus, a diis adoptabimur. Quis proavum huius Alexandrum, quis deinde Archelaum, qui Perdiccam occisos ultus est? hic quidem interfectoribus patris ignovit. Hacc Hegelochus dixit supra coenam: et postero⁴ die prima luce a patre accersor. Tristis erat, et me maestum videbat. Audieramus enim quae sollicitudinem incuterent. Itaque ut experiremus utrumne vino gravatus effudisset illa, an altiore concepta consilio, accersi eum placuit. Venit: eodemque

¹ erant. ² legem se supplicio coniunctis sontium remittere

³ ille — causa fuit.

⁴ postera.

sermone ultro repetito adiecit, se, sive auderemus duces esse, proximas a nobis partes vindicaturum, sive ²² deesset animus, consilium silentio esse tecturum. Parmenioni, vivo adhuc Dareo intempestiva res videbatur: non enim sibi, sed hosti, esse occisuros Alexandrum: Dareo vero sublato, praemium regis occisi Asiam et totum Orientem interfectoribus esse cessura.¹ Approbatoque consilio, in haec fides et ² data ³ est et accepta. Quod ad Dimnum pertinet, nihil scio, et haec confessus intelligo non prodesse mihi, ⁴ quod proximi ⁵ sceleris expers sum. Illi rursus tormentis admotis, cum ipsis ⁶ quoque hastis os oculosque eius everberarent, expressere, ⁷ ut hoc quoque ⁸ crimen confiteretur. Exigentibus deinde, ut ordinem cogitati sceleris exponeret, cum diu Bactra retentura regem viderentur, timuisse respondit: ne pater LXX natus annos, tanti exercitus dux, tantae pecuniae custos, interim extingueretur, ipsique, spoliato tantis viribus, occidendi regis causa non esset. Festinasse ergo se, dum praemium in manibus haberet, ⁹ repraesentare consilium, cuius patrem expertem fuisse ¹⁰ nisi crederent, tormenta, quamquam iam ¹¹ tolerare non posset, tamen non recusare.¹² Illi collo-
cuti satis quaesitum videri, ad regem revertuntur.

Qui postero die et quae confessus erat Philotas ¹³ recitari, et ipsum, quia ingredi non poterat, iussit afferi. Omnia agnoscente eo, ¹⁴ Demetrius, qui proximi sceleris particeps esse arguebatur, producit: multa affirmatione, animique pariter constantia et vultus ¹⁵ abnuens, quicquam sibi in regem cogitatum esse,

¹ cessurum. ² abest. ³ prorsus. ⁴ ipsi. ⁵ hoc verbum vulgo post confiteretur positum. ⁶ haberet in manibus. ⁷ cuius patrem fuisse auctorem. ⁸ abest. ⁹ Ec emend. recusaret. ¹⁰ eodem. ¹¹ vultu.

tormenta etiam deposcebat in semetipsum. Cum Phi-36
 lotas circumlatis oculis incideret in Calin quemdam,
 haud procul stantem, propius eum iussit accedere.
 Illo perturbato, et recusante transire ad eum, *Patieris,*
 inquit, *Demetrium mentiri, rursusque me excruciar?*
 Calin vox sanguisque defecerant: et Macedones Phi-37
 lotam inquinare innoxios velle suspicabantur, quia nec
 a Nicomacho, nec ab ipso Philota, cum torqueretur,
 nominatus esset adolescens. Qui ut praefectos regis
 circumstantes se vidit, Demetrium et semetipsum id
 facinus cogitasse confessus est. Omn ergo a Nico-38
 macho nominati, more patrio, dato signo, saxis obruti
 sunt.¹ Magno non salutis,² sed etiam invidiae³ pe-39
 riculo liberatus erat Alexander, quippe Parmenio et
 Philotas, principes amicorum, nisi palam sontes, sine
 indignatione totius exercitus non potuissent damnari.
 Itaque anceps quaestio fuit: dum infitatus est facinus,^{4c}
 crudeliter torqueri videbatur, post confessionem Phi-
 lotas ne amicorum quidem misericordiam meruit.

¹ nominatos — obruerunt.

² non modo salutis.

³ de coniectura. Codd. et edd. vulg. vitae.

Q. CURTII RUFI
DE
GESTIS
ALEXANDRI MAGNI
REGIS MACEDONUM

LIBER VII.

ARGUMENTUM.

(1) Quaestionibus semel institutis, rex etiam Alexandrum, Aëropi filium, Lyncesten, quem ante triennium sibi insidiatum Antipatri soceri precibus condonaverat, e carcere protractum in contione causam dicere iussit. Quod cum non posset, supplicio affectus est. (2) Tum producuntur Amyntas et Simmias fratres, regi suspecti propter amicitiam cum Philota et alia indicia animi alieni novarumque rerum cupidi. (3) Sed Amyntas vinculis solutus fortiter se defendit, et primum vocum temere iactarum insolentiam excusat, (4) deinde amicitiam Philotae se ceterorum exemplo et ipsius regis quasi iussu expetivisse defendit, (5) tum crimina regii scribae refutat, et veram causam ostendit, cur Olympias, regis mater, ipsum filio per litteras invisum reddiderit. (6) Dum haec agit Amyntas, frater eius Polemon ex fuga retractus adducitur, qui cum semet accusaret, fratres innocentes esse testantur, ceterorum animis motis, ab uno Amynta graviter increpatur. Tum rex a tota contione exoratus, tres fratres multo cum honore verborum absolvit.

(7) Alexander ad interficiendum Parmenionem, tum in Media cum parte exercitus versantem, Polydamanta mittit. (8) Qui cum brevissimo tempore eo pervenisset, deliberata re cum praefectis regiis, Parmenionem domi suae opprimit. (9)

Tumultuantur milites, sed recitatis regis litteris quiescunt. De moribus Parmenionis et culpa dubia disseritur. (10) Milites necem veteris ducis libere conquesti et continuum laborem aegre ferentes, in unam cohortem a cetero exercitu segregantur.

(11) Alexander a Drangis in regionem Arimasporum sive Euergetarum pervenit, inde Carano et Erigyio cum parte exercitus adversus Satibarzanem Arios denuo concitantem dimissis, ad Arachosios perrexit. (12. 13. 14.) Hinc per regionem Parapamisadarum, asperam et alta nive contactam, summo cum labore ad Caucasum processit, cuius in radicibus (*ad meridiem versus, si fides Arriano IV, 22, 5. habenda*) urbem Alexandriam condi iussit, superatoque eo monte ad fines Bactrianæ pervenit.

(15) Interim Bessus consilium expedit, longius trans Oxum (*hodie Gihon*) recedendi et contractis accolentium barbarorum auxiliis in Sogdiana bellum gerendi: (16) nec ab ea ratione Cobaris cuiusdam oratione deterretur, ut semetipse Alexandro dedat suadentis.

(17) Et ille quidem Oxum transit, desertus a Bactrianis equitibus: Macedonum exercitus, priusquam culta loca Bactrianæ attingeret, per deserta proficiscens inopia omnium rerum premitur. (18) Varia natura illius terræ describitur. (19) Bactris stativa habenti nuntius regi affertur de rebus prospere apud Arios gestis. Victus enim fuit Satibarzanes, rebellionis auctor, et singulari certamine ab Erigyio occisus.

(20) Bessum priusquam Scytharum auxilia advenissent occupaturus, Alexander, Artabazo satrapa instituto, Bactris proficiscitur, sed priusquam ad Oxum amnem perveniret exercitus, per Sogdianæ deserta iter faciens, aestu et aquae penuria vehementer laborat, (21) rege quidem insignem animi magnitudinem exhibente. Singulari ratione Oxum superat. (22) Mox cognoscit, Bessum a Spitamene, Sogdianorum equitum praefecto, vinctum teneri et ad se adduci. (23) Interim, dimissis veteranis, ad urbem Brauchidarum venerat, quod proditorum olim Graeciae receptaculum diruit. (24) Iter Tanaïm versus facienti a Spitamene adducitur Bessus, quem propinquis Darii tradi iussit supplicio afficiendum eo loco, ubi regem suum interfecerat. (25) Latrones barbaros obsidens Alexander vulneratur, sed illi admiratione eius capti se-

met dedunt. Rex lectica fertur a militibus de muneris illius functione certantibus. (26) Maracanda venit: legatos Abiorum Scytharum audit, Penidam ad alios Scythas trans Tanaim colentes mittit, ne amnem illum transeant interdicens. Cetera consilia differre cogit Sogdianorum defectio, ad quam coercendam Spitamenes evocatus, quod sibi metueret, etiam Bactrianos equites ad rebellionem concitat. (27) Itaque rex divisis copiis Cyropolim et urbem Memacenorum expugnatas diruit; (28) Menedemum Maracanda mittit, ut Spitamenem inde expelleret, ipse ad Tanaim Alexandriam urbem, propugnaculum adversus Scythas brevissimo tempore condit. (29) Quod aegre ferens rex Scytharum (*quos falso Europaeos vocat auctor, duplici Tanai, quorum alter hodie Don, alter Sihun vocatur, sicut ipsi Graeci, deceptus*) equitum magnam manum ad eam evertendam mittit, dolente Alexandro, quod valetudine impeditus neque oratione, neque exemplo suo Macedones ad pugnam fortiter ingrediendam excitare posset. (30) Itaque amicis primum in consilium advocatis persuadere studet, quantopere rebus suis expediat Tanaim transire Scytharumque insolentiam frangere. (31) Sed eam rem omnes dissuadent, Erigyius etiam male litatum esse admonens. Ira commotus rex Aristandrum vatem increpat, nec de sententia decedit. (32) Interim Spitamenes, assumptis Daharum auxiliis, Menedemum cum eius manu circumvenerat et fortiter dinicantem cum maiore parte militum occiderat. Sed eam cladem sollerter tegit Alexander, (33) nec eo secius quae ad Tanaim transeundum necessaria fuerunt, comparat, tum primum post vulnus apud Memacenos acceptum in conspectum militum prodiens. Legati Scytharum in castra veniunt, (34) et oratione habita regis aviditatem pauperibus aequae ac divitibus gentibus imperandi reprehendunt, (35) periculi imminentis admonent, suam amicitiam aequis conditionibus offerunt. (36) Quibus dimissis Alexander exercitum sanequam perite flumen traiecit, (37) Scythas facto impetu propellit et longe persequitur.

(38) Qua victoria barbarorum animi fracti, regis clementia conciliantur. Inde Maracanda reversus rebelles Sogdianos omni clade ulciscitur, (39) neque tamen non etiam clementiae aliquid tribuit, cuiusvis virtutis in hoste admirator. (40) Relicto praesidio Bactra redit, (*incipiente hieme anni a Chr.*

nat. 329. creuntis,) nec vero diu ibi constitit, sed supplemento militum auctus, Oxo denuo superato, arma circumferens, quaecunque defectione turbata erant componit, novas etiam rex urbes condit circa Marganiam. (41) Supererat petra, quam Arimazes Sogdianus obtinebat, regis minas eludens. Itaque Alexander 300 iuvenes delectos maximis promissis oneratos in summum montis verticem averso itinere evadere iubet. (42) Qui per aspera et abrupta enisi tandem eo perveniunt, signumque, de quo convenerat, edunt. (43) Quo monstrato Arimazes perterritus regi sese dedit, sed superbiae causa supplicio afficitur.

¹ **P**HILOTAN¹ sicut recentibus sceleris eius vestigiis ¹. iure affectum supplicio censuerant milites, ita, postquam desierat esse quem odissent, invidia in misericordiam vertit. Moverat et claritas iuvenis, et patris ² eius senectus atque orbitas. Primus Asiam aperuerat ³ regi, omnium periculorum eius particeps, semper alterum in acie cornu defenderat, Philippo quoque ante omnes amicus, et ipsi Alexandro tam fidus, ut occidendi Attalum non alio ministro uti mallet. Horum ⁴ cogitatio subibat exercitum, seditiosaeque voces referebantur ad regem. Quis ille haud sane motus, satisque prudens, otii vitia negotio discuti, edicit, ut omnes in vestibulo regiae praesto sint.² Quos ubi frequentes ⁵ adesse cognovit, in contionem processit. Haud dubie ex composito Apharias postulare coepit, ut Lyncestes Alexander, qui multo ante quam Philotas regem voluisset occidere, exhiberetur. A duobus indicibus, si ⁶ cut supra diximus, delatus, tertium iam annum custodiebatur in vinculis. Eundem in Philippi quoque caedem coniurasse cum Pausania, pro comperto fuit; sed quia primus Alexandrum regem salutaverat, supplicio magis quam crimini fuerat exemptus. Tunc ³ ⁷

¹ Philotam.

² afforent.

³ tum.

quoque Antipatri soceri eius preces iustam regis iram morabantur. Ceterum recrudit soporatus dolor: quippe veteris periculi memoriam praesentis cura renovabat. Igitur Alexander ex custodia educitur, iussusque dicere, quamquam¹ toto triennio meditatus erat defensionem, tamen² haesitans et trepidus pauca ex his,³ quae composuerat, protulit, ad ultimum non memoria solum, sed etiam mens eum destituit.

9 Nulli erat dubium, quin trepidatio conscientiae indicium esset, non memoriae vitium. Itaque ex his, qui proximi⁴ adstiterant, obluctantem adhuc oblivioni lanceis confoderunt.

10 Cuius corpore ablato,⁵ rex introduci iussit Amyntam et Simmiam: nam Polemon, minimus ex fratribus, cum Philotam torqueri comperisset, profugerat.

11 Omnium Philotae amicorum hi carissimi fuerant, ad magna et honorata ministeria illius maxime suffragatione producti; memineratque rex, summo studio ab eo conciliatos sibi, nec dubitabat, huius quoque ultimi consilii fuisse participes. Igitur, olim sibi esse⁶ suspectos matris suae litteris, quibus esset admonitus, ut ab his salutem suam tueretur. Ceterum se invitum deteriora credentem, nunc manifestis indiciis victum,⁷ iussisse vinciri. Nam pridie quam detegeretur Philotae scelus, quin secreto⁷ cum eo⁸ fuissent, non posse dubitari. Fratrem vero, qui profugerit, cum

14 de Philota quaereretur,⁹ aperuisse fugae causam. Nuper praeter consuetudinem, officii specie, amotis longius ceteris, admovisse semetipsos lateri suo, nulla probabili causa: seque mirantem, quod non vice sua tali fungerentur officio, et ipsa trepidatione eorum

¹ quam. ² abest. ³ iis, item paulo post. ⁴ proxime.
⁵ sublato. ⁶ esse sibi. ⁷ in secreto. ⁸ ipso.
⁹ cum Philotas torqueretur.

perterritum, strenue ad armigeros, qui proxime¹ sequebantur, recessisse. Ad hoc accedere, quod cum¹⁵ Antiphanes, scriba equitum, Amyntae denuntiasset, pridie quam Philotae scelus deprehensum esset, ut ex suis equis more solito daret his² qui amisissent,³ superbe respondisse, nisi incepto desisteret, brevi scit¹⁶urum quis ipse esset. Iam linguae violentiam temeritatemque verborum, quae in semetipsum iacularentur, nihil aliud esse, quam scelesti animi indicem ac testem. Quae si vera essent, idem meruisse eos, quod Philotam, si falsa, exigere ipsum, ut refellant. Pro¹⁷ductus deinde Antiphanes, de equis non traditis et adiectis etiam superbe minis indicat.

- 3 Tum Amyntas, facta dicendi potestate, *Si nihil*,¹⁸ inquit, *interest regis, peto, ut, dum dico, vinculis liberer.* Rex solvi utrumque iubet: desiderantique Amyntae, ut habitus quoque redderetur armigeri, lanceam dari iussit. Quam ut laeva comprehendit, evitato eo¹⁹ loco, in quo Alexandri corpus paulo ante iacuerat, *Qualiscunque*, inquit, *exitus nos manet, rex, confitemur, prosperum*⁴ *tibi debituros, tristiores fortunae impeturos.* *Sine praeiudicio dicimus causam, liberis*²⁰ *corporibus animisque.* *Habitu etiam, in*⁵ *quo te comitari solemus, reddidisti* *Causam non possumus, fortunam timere desinemus.* *Te quaeso, permittas mi*²¹ *hi id primum defendere, quod a te ultimum obiectum est.* *Nos, rex, sermonis adversus maiestatem tuam habiti nullius conseii sumus nobis.* *Dicerem iampridem vicisse te invidiam, nisi periculum esset, ne alia malignius*⁶ *dicta crederes blanda oratione purgari.* *Ceterum etiamsi militis tui vel in agmine defi*²²

¹ proximi.
eventum.

² iis.

³ adiicitur suos.
⁵ abest.

⁴ prosperum

⁶ maligne.

cientis et fatigati, vel in acie periclitantis, vel in tabernaculo aegri et vulnera curantis, aliqua vox asperior esset accepta, merneramus sortibus factis, ut mal-
23 les ea tempori nostro imputare, quam animo. Cui
quid accidit tristius, omnes rei sunt: corporibus nostris, quae utique non odimus, infestas admovemus manus: parentes liberis si occurrant, et ingrati et invisi sunt. Contra¹ cum donis honoramur, cum praemiis onusti revertimur, quis ferre nos potest? quis illam
24 animorum alacritatem continere? Militantium nec indignatio, nec laetitia moderata est. Ad omnes affectus impetu rapimur. Vituperamus, laudamus, misc-
remur, irascimur, utcunque praesens movit affectio: modo Indiam adire et Oceanum libet, modo coniugum
25 et liberorum patriaeque memoria occurrit. Sed has cogitationes, has inter se colloquentium voces, signum tuba datum fuit: in suos quisque ordines² currinus, et quicquid irarum in tabernaculo conceptum est in hostium effunditur capita. Utinam Philotas quoque
26 intra verba peccasset! Proinde ad id revertar, propter quod rei sumus.

Amicitiam, quae nobis cum Philota fuit, adeo non⁴
eo infitias, ut expetisse quoque nos, magnosque ex eo
27 fructus percepisse³ confitear. An vero Parmenionis, quem tibi proximum esse voluisti, filium, omnes paene
amicos tuos dignatione vincentem, cultum a nobis es-
28 se miraris? Tu hercule, si verum audire vis, rex, huius nobis periculi es causa.⁴ Quis enim alius effecit, ut
ad Philotam decurrerent qui placere vellent tibi? Ab

¹ abest.² ordines quisque.³ Verba haecquoque nos, magnosque ex eo fructus percepisse in edit. Freinsheimiana et illius repetitionibus exciderunt. ⁴ causa es.

illo traditi ad hunc gradum amicitiae tuae ascendimus. Is apud te fuit, cuius gratiam expetere, et iram timere possemus. An non propemodum in tua verba²⁹ tui omnes¹ te praecunte iuravimus, eosdem nos inimicos amicosque habituros esse, quos tu haberes? Hoc sacramento pietatis obstricti aversaremur scilicet, quem tu omnibus praeferebas! Igitur, si hoc crimen est,³⁰ paucos² innocentes habes: immo hercule neminem. Omnes enim Philotae amici esse voluerunt, sed totidem, quot volebant esse, non poterant. Ita, si a consociis amicos non dividis, ne³ ab amicis quidem separabis illos, qui idem esse voluerunt. Quod igitur conscientiae affertur indicium? Ut opinor, quia pridie familiariter et sine arbitris locutus est nobiscum! At ego purgare non possem, si pridie quicquam ex vetere vita ac more mutassem. Nunc vero, si, ut omnibus diebus, illo quoque, qui suspectus est, fecimus, consuetudo diluet crimen.

5 Sed equos Antiphani non dedimus! et pridie quam³¹ Philotas detectus est, haec mihi cum Antiphane res erat! qui si nos suspectos facere vult, quod illo die equos non dederimus, semetipsum, quod eos desideraverit, purgare non poterit. Anceps enim crimen est³ inter retinentem et exigentem; nisi quod melior est causa suum non tradentis, quam poscentis alienum. Ceterum, rex, equos decem habui, e quis Antiphanes³ octo iam distribuerat his,⁴ qui amiserant suos. Omnino duos ipse habebam: quos cum vellet abducere homo superbissimus, certe iniquissimus, nisi pedes militare vellem, retinere cogebar. Nec infitias eo, liberi²

¹ de coniectura. Codd. si non propemodum tuo, verberatu ei omnes. ² adiicitur tu paucos. ³ nec.

⁴ iis

hominis animo locutum esse me cum ignavissimo, et hoc unum militiae suae usurpante, ut alienos equos pugnaturis distribuat. Huc enim malorum ventum est, ut verba mea eodem tempore et Alexandro excussem, et Antiphani.

36 *At hercule mater de nobis inimicis tuis scripsit! Utinam prudentius esset sollicita pro filio, et non inanes quoque species anxio animo figuraret. Quare enim non adscribit metus sui causam? denique non ostendit auctorem? Quo facto dictove nostro mota tam*
 37 *trepidat tibi litteras scripsit? O miseram conditionem meam, quia¹ forsitan non periculosius est tacere, quam dicere! Sed utcumque cessura res est, malo tibi defensionem meam displicere, quam causam. Agnosces autem quae dicturus sum; quippe meministi, cum me ad perducendos ex Macedonia milites mitteres, dixisse te, multos integros iuvenes in domo tuae matris abs-*
 38 *condi. Praecepisti igitur mihi, ne quem praeter te intuerer, sed detrectantes militiam perducerem ad te. Quod equidem feci, et liberius, quam expediebat mihi, executus sum tuum imperium.² Gorgiam,³ Hecateum et Gorgatan, quorum bona opera uteris, inde perduxi.*
 39 *Quid igitur iniquius est, quam me, qui, si tibi non paruissem, iure daturus fui poenas, nunc perire quia parui? Neque enim ulla alia matri tuae persequendi nos causa est, quam quod utilitatem tuam muliebri*
 40 *praeposuimus gratiae. Sex milia Macedonum peditem et DC equites adduxi, quorum pars secutura me non erat, si militiam detrectantibus indulgere voluissem. Sequitur ergo, ut, quia illa propter hanc causam irascitur nobis, tu mitiges matrem, qui irae eius nos obtulisti.*

¹ cui.² imperium tuum.³ Gorgian.

6 Dum haec Amyntas agit, forte supervenerunt, qui
 fratrem eius Polemonem, de quo ante est dictum¹
 fugientem consecuti vinctum reducebant. Infesta con-
 tio vix inhiberi potuit, quin protinus suo more saxa
 in eum iaceret. Atque ille sane interritus, *Nihil, in-* 2
quit, pro me deprecor, modo ne fratrum innocentiae
fuga imputetur mea. Haec si defendi non potest,
meum crimen sit. Horum ob id ipsum melior est
causa, quod ego, qui profugi, suspectus sum. At haec
 elocuto universa contio assensa est: lacrimae deinde 3
 omnibus manare coeperunt, adeo in contrarium re-
 pente mutatis, ut solum pro eo esset, quod maxime
 laeserat. Iuvenis erat primo aetatis flore pubescens, 4
 quem inter equites tormentis Philotae conturbatos alien-
 nus terror abstulerat: desertum eum a comitibus, et
 haesitantem inter revertendi fugiendique consilium,
 qui secuti erant occupaverunt. Is tum flere coepit 5
 et os suum converberare, in aestus non suam vicem, sed
 propter ipsum periclitantium fratrum. Moveratque iam 6
 regem quoque,² non contionem modo, sed unus erat
 implacabilis frater, qui terribili vultu intuens eum,
Tum, ait, demens, lacrimare debueras, cum equo calca-
ria subderes, fratrum desertor et desertorum comes.
Miser, quo et unde fugiebas? Effecisti, ut reus capi-
tis accusatoris uterer verbis. Ille, peccasse se, sed 7
 gravius in satres, quam in semetipsum, fatebatur. Tum
 vero neque lacrimis, neque acclamationibus, quibus
 studia sua multitudo profitetur, temperaverunt. Una
 vox erat pari emissa consensu, ut insontibus et fortibus
 viris parceret. Amici quoque, data misericordiae oc-
 casione, consurgunt, flentesque regem deprecantur.

¹ dictum est.² abest.

8 Ille silentio facto, *Et ipse, inquit, Amyntam mea sen-*
tentia fratresque eius absolvo. Vos autem, iuvenes,
malo beneficii mei oblivisci, quam periculi vestri me-
minisse. Eadem fide redite in gratiam mecum, qua
9 *ipse vobiscum revertor. Nisi quae delata essent ex-*
cussissem, valde dissimulatio mea suspecta esse¹ po-
tuisset. Sed satius est purgatos esse, quam suspector.
Cogitate, neminem absolvi posse, nisi qui dixerit cau-
10 *sam. Tu, Amynta, ignosce fratri tuo. Erit hoc sim-*
pliciter etiam mihi reconcilati animi tui pignus.

11 Contione deinde dimissa, Polydamanta vocari iu- 7
bet. Longe acceptissimus Parmenioni erat, proximus
12 lateri in acie stare solitus. Et quamquam conscien-
tia fretus in regiam venerat, tamen, ut iussus est fra-
tres suos exhibere, admodum iuvenes et regi ignotos
ob aetatem, fiducia in sollicitudinem versa, trepidare
coepit, saepius quae nocere possent, quam quibus elu-
13 deret, reputans. Iam armigeri, quibus imperatum
erat, produxerant eos, cum exsanguem metu Polyda-
manta propius accedere iubet: submotisque omnibus,
Scelere, inquit, Parmenionis omnes pariter appetiti
14 *sumus, maxime ego ac tu, quos amicitiae specie fefel-*
lit. Ad quem persequendum puniendumque (vide quan-
15 *tum fidei tuae credam) te ministro uti statui. Obsi-*
des, dum hoc peragis, erunt fratres tui. Proficiscere
in Mediam, et ad praefectos meos litteras scriptas
manu mea perfer. Velocitate opus est, qua celerita-
tem [famae]² antecedas. Noctu pervenire illuc te vo-
16 *lo, postero die, quae scripta erunt, exequi. Ad Par-*
menionem quoque epistolas feres, unam a me, alteram
Philotae nomine scriptam. Signum anuli eius in mea

¹ Sic vulgo de coniect. Codd. superare. Fortasse sperari.

² Sine cancellis, indicaturis fidem eius vocis esse suspectam.

potestate est. Si pater credet¹ a filio impressum, cum te viderit, nihil metuet.

8 Polydamas, tanto liberatus metu, impensius etiam, 17
quam exigebatur, promittit operam. Collaudatusque
et promissis oneratus, deposita veste, quam habe-
bat, Arabica induitur. Duo Arabes, quorum interim 18
coniuges ac liberi, vinculum fidei, obsides apud re-
gem erant, dati comites. Per deserta etiam ob siccita-
tatem loca camelis, undecima die, quo destinaverat,
perveniunt. Et prius quam ipsius nuntiaretur adven- 19
tus, rursus Polydamas vestem Macedonicam sumit, et
in tabernaculum Cleandri (praetor hic regius erat)
quarta vigilia pervenit. Redditis deinde litteris, con- 20
stituerunt prima luce ad Parmenionem coire. Nam-
que ceteris quoque litteras regis attulerat. Iam ad
eum venturi erant, cum Parmenioni Polydamanta ve-
nisse nuntiaverunt. Qui dum laetatur adventu amici, 21
simulque noscendi, quae rex ageret, avidus, (quippe
longo intervallo nullam ab eo epistolam acceperat,)
Polydamanta requiri iubet. Diversoria regionis illius 22
magnos recessus habent, amoenosque nemoribus ina-
nu consitis; ea praecipue regum satraparumque volu-
ptas erat. Spatiabatur in nemore Parmenion medius 23
inter duces, quibus erat imperatum litteris regis, ut
occiderent. Agendae autem rei constituerant tempus,
cum Parmenion a Polydamante litteras traditas legere
coepisset. Polydamas procul veniens, ut a Parme- 24
nionem inspectus est,² vultu laetitiae speciem prae-
ferente, ad complectendum eum cucurrit; mutuaeque
gratulatione functi, Polydamas epistolam a³ rege scri-
ptam ei tradidit. Parmenion vinculum epistolae sol- 25
vens, quidnam rex ageret? requirebat. Ille ex ipsis
litte-

¹ sic pater credens. *Codd.* credit. ² *abest verbum* est. ³ ab.

litteris cogniturum esse respondit. Quibus Parmenion lectis, *Rex, inquit, expeditionem parat in Arachosios. Strenuum hominem et nunquam cessantem! Sed tem-*
pus saluti suae, tanta iam parva gloria, parcere. Alteram deinde epistolam, Philotae nomine scriptam lactus, quod ex vultu notari poterat, legebat. Tum eius latus gladio haurit Cleander, deinde iugulum ferit; ceteri exanimi¹ quoque confodiunt.

Et armigeri, qui ad aditum nemoris astiterant, 9 cognita caede, cuius causa ignorabatur, in castra perveniunt, et tumultuoso nuntio milites concitant. Illi armati ad nemus, in quo perpetrata caedes erat, coeunt: et, ni Polydamas, ceterique eiusdem noxae participes dedantur, murum circumdatum nemori ever-
 suros denuntiant, omniumque sanguine duci parenta-
 oturos. Cleander primores eorum intromitti iubet, literasque regis scriptas ad milites recitat, quibus insidiae Parmenionis in regem, precesque, ut ipsum vindicarent, continebantur. Igitur cognita regis voluntate non quidem indignatio, sed tamen seditio compressa est. Dilapsis pluribus pauci remanserunt, qui, saltem ut corpus ipsius sepelire permitterent, precabantur. Diu id negatum est, Cleandri metu, ne offenderet regem. Pertinacius deinde precantibus, materiem consternationis subtrahendam ratus, capite deciso truncum humare permisit. Ad regem caput missum est.

Hic exitus Parmenionis fuit, militiae domique clari viri. Multa sine rege prospere, rex sine illo nihil magnae rei gesserat. Felicissimo regi, et omnia ad fortunae suae exigenti modum, satisfecit. LXX natus annos, iuvenis ducis et saepe etiam gregarii militis mu-

¹ exanimem.

nia explevit: acer consilio, manu strenuus, carus principibus, vulgo militum acceptior. Haec impulerint illum ad regni cupiditatem, an tantum suspectum fecerint, ambigi potest, quia Philotas ultimis cruciatibus victus verane dixerit, quae facta probari non poterant, an falsis tormentorum petierit finem, re quoque recenti, cum magis posset liquere, dubitatum est.

- 10 Alexander, quos libere ¹ mortem Parmenionis con-³⁵ questos esse compererat, separandos a cetero exercitu ratus, in unam cohortem secrevit, ducemque his Leonidam dedit, et ipsum Parmenioni quondam intima familiaritate coniunctum. Fere iidem erant, quos alio-³⁶ quin ² rex habuerat invisos. Nam cum experiri vellet militum animos, admonuit, qui litteras in Macedoniam ad suos scripsisset, his, quos ipse mittebat, perlaturis cum fide, traderet. Simpliciter ad necessarios suos quisque scripserat, quae sentiebat: aliis gravis erat, plerisque non ingrata militia. Ita et agentium ³⁷ gratias et querentium litterae exceptae sunt. Et qui forte taedium laboris per litteras erant questi, hanc seorsus ³ cohortem a ceteris tendere ignominiae causa iubet, fortitudine usurus in bello, libertatem linguae ab auribus credulis remoturus. Et consilium, temerarium forsitan, (quippe fortissimi iuvenes contumeliis irritati erant,) sicut omnia alia felicitas regis cepit. Nihil illis ad bella promptius fuit. Incitabat ³⁸ virtutem et ignominiae demendae cupido, et quia fortia ⁴ facta in paucis latere non poterant.

- 11 His ita compositis, Alexander, Arianorum satrapem constituto, iter pronuntiari iubet in Arimaspos, ⁵ quos iam tunc mutato nomine Euergetas appellabant, ex

¹ abest.

² alioqui.

³ seorsum.

⁴ fortiora.

⁵ Codd. armatos.

quo frigore victusque penuria Cyri exercitum affectum,
 2 tectis et commeatibus iuverant. Quintus dies erat,
 ut in eam regionem pervenerat. Cognoscit, Satibar-
 zanem, qui ad Bessum defecerat, cum equitum manu
 irrupisse rursus in Arios. Illaque Caranum et Eri-
 gyium cum Artabazo et Andronico et sex milibus
 3 Graecorum peditum de equites sequebantur. Ipse
 ix diebus gentem Euergetarum ordinavit, magna pe-
 cunia ob egrégiam in Cyrum fidem donata.

4 Relicto deinde, qui iis praecesset, Amedine¹ (scri-
 ba is Darei fuerat,) Arachosios, quorum regio ad Pon-
 ticum mare pertinet, subegit. Ibi exercitum, qui sub
 5 Parmenione fuerat, occupavit. Sex milia Macedonum
 erant et cc nobiles et quinque milia Graecorum cum
 equitibus de,² haud dubie robur omnium virium re-
 6 gis. Arachosiis datus Menon praetor, iv milibus pe-
 ditum et de equitibus in praesidium relictis.

Ipse rex nationem, ne finitimis quidem satis no-
 12 tam, quippe nullo commercio volentem mutuos usus,
 6 cum exercitu intravit. Parapamisadae appellantur,
 agreste hominum genus, et inter barbaros maxime
 inconditum. Locorum asperitas hominum quoque
 7 ingenia duraverat. Gelidissimum Septentrionis axem
 ex magna parte spectant; Bactrianis ad Occidentem
 coniuncti sunt; meridiana regio ad mare Indicum
 8 vergit. Tuguria latere primo struunt, et quia sterilis
 est terra materia,³ in nudo etiam montis dorso, us-
 que ad summun aedificiorum fastigium eodem later-
 culo utuntur. Ceterum structura latior ab imo pau-
 latin incremento operis in artius cogitur, ad ultimum
 in carinae maxime modum coit. Ibi foramine relicto

¹ Amenide.² ducentis.³ materiae.

superne lumen admittunt¹. Vites et arbores, si quae¹⁰ in tanto terrae rigore durare potuerunt, obruunt: penitus hieme defossae latent: cum nix discussa aperire humum coepit,² coelo solique redduntur. Ceterum¹¹ adeo altae nives premunt terram, gelu et perpetuo paene rigore constrictae, ut ne avium quidem feraeve ullius vestigium extet. Obscura coeli verius umbra quam lux, nocti similis premit terram, vix ut quae prope sunt conspici possint.

- 13 In hac tamen omnis humani cultus solitudine de-¹² stitutus exercitus, quicquid malorum tolerari potest pertulit, inopiam, frigus, lassitudinem, desperationem. Multos exanimavit rigor insolitus nivis; multorum¹³ adussit pedes; plurimorum oculis praecipue pernicialis fuit. Fatigati quippe in ipso gelu deficientia corpora sternebant: quae cum moveri desissent, vis frigoris ita adstringebat, ut rursus ad surgendum con-
niti non possent. A commilitonibus torpentes exci-¹⁴ tabantur: neque aliud remedium erat, quam ut ingredi cogerentur. Tum demum vitali calore moto, membris aliquis redibat vigor. * Si qui tuguria bar-¹⁵ barorum adire potuerunt, celeriter refecti sunt. Sed tanta caligo erat, ut aedificia nulla alia res quam fumus ostenderet. Illi nunquam ante in terris suis ad-¹⁶ vena viso, cum armatos repente conspicerent, exanimati metu, quicquid in tuguriis erat afferebant, ut corporibus ipsorum parceretur orantes. Rex agmen¹⁷ circumibat pedes, iacentes quosdam erigens, et alios, cum aegre sequerentur, adiniculo corporis sui excipiens. Nunc ad prima signa, nunc in medium, nunc in ultimo agmine, itineris multiplicato labore aderat. Tandem ad loca cultiora perventum³ est, comineatuque¹⁸

¹ *de coniectura. Vulgo accipiunt ad medium.* ² Cum nive discussa aperiri humus coepit. ³ ad cultiora perventum loca.

largo recreatus exercitus: simul et qui consequi non potuerant, in illa castra venerunt.

19 Inde agmen processit ad Caucasum montem, cu-14
 ius dorsum Asiam perpetuo iugo dividit: hinc simul
 mare, quod Ciliciani subit, illinc Caspium fretum et
 amnem Araxem aliaque regionis Scythiae deserta
 20 spectat. Taurus, secundae magnitudinis mons, com-
 mittitur Caucaso, a Cappadocia se attollens Ciliciam
 21 praeterit, Armeniaeque montibus iungitur. Sic inter
 se iuga¹ velut serie cohaerentia perpetuum habent
 dorsum, ex quo Asiae omnia fere flumina, alia in
 Rubrum, alia in Caspium mare, alia in Hyrcanium²
 22 et Ponticum decidunt. xvii dierum spatio Caucasum
 superavit exercitus. Rupes in eo x in circuitu³ sta-
 dia complectitur, quattuor in altitudinem excedit, in
 23 qua vinctum Promethea fuisse antiquitas tradit. Con-
 dendae in radicibus montis urbi sedes electa est. vii
 milibus seniorum Macedonum et praeterea militibus,
 quorum opera uti desisset, permissum in novam ur-
 bem considerare. Hanc quoque Alexandrianam incolae
 appellaverunt.

iv. At Bessus, Alexandri celeritate perterritus, diis pa-15
 triis sacrificio rite facto, sicut illis gentibus mos est,
 cum amicis ducibusque copiarum inter epulas de bello
 2 consultabat. Graves mero suas vires extollere, hostium
 nunc temeritatem, nunc paucitatem spernere inci-
 3 piunt.⁴ Praecipue Bessus, ferox verbis, et parto per
 scelus regno superbus, ac vix potens mentis, dicere
 4 orditur,⁵ socordia Darei crevisse hostium famam. Oc-
 currisse enim in Ciliciae angustissimis faucibus, cum
 retrocedendo posset perducere incautos in loca natu-

¹ tot iuga.

² Hyrcanum.

³ circumitu.

⁴ abest.

⁵ abest.

rae situ invia, tot fluminibus obiectis, tot montium latebris, inter quas deprehensus hostis, ne fugae quidem, nedum resistendi occasionem fuerit habiturus. Sibi placere in Sogdianos recedere, Oxum amnem velut murum obiecturum hosti, dum ex finitimis gentibus valida auxilia concurrerent. Venturos autem Chorasmos et Dahas Sacasque et Indos et ultra Tanaim amnem colentes Scythas, quorum neminem adeo humilem esse, ut humeri eius non possent Macedonis militis verticem aequare. Conclamant temulenti, unam hanc sententiam salubrem esse: et Bessus circumferri merum largius iubet, debellaturus super mensam Alexandrum.

16 Erat in eo convivio Cobares, natione Medus, sed 8
magicae artis (si modo ars est, non vanissimi cuiusque ludibrium) magis professione, quam scientia celebrer, alioqui¹ moderatus et probus. Is cum prae- 9
fatus esset, scire servo utilius esse² parere dicto, quam afferre consilium, cum illos, qui pareant, idem quod ceteros maneat, qui vero suadeant, proprium sibi³ periculum: poculum etiam,⁴ quod habebat in manu, tradidit. Quo accepto Cobares, *Natura*, in- 10
quit, *mortalium hoc quoque nomine prava et sinistra dici potest. quod in suo quisque negotio hebetior est, quam in alieno. Turbida sunt consilia eorum, qui sibi* 11
*suadent. Obstat metus, aliis cupiditas, nonnunquam naturalis eorum, quae excogitaveris,*⁵ *amor. Nam in te superbia non cadit. Expertus es, unumquemque, quod ipse repperit, aut solum aut optimum ducere. Magnum onus sustines capite, regum*⁶ *insigne. Hoc* 12
aut moderate perferendum est, aut, quod abominor, in

¹ alioquin.² abest.³ abest.⁴ ei.⁵ cogitaveris.⁶ regium.

13 *te ruct. Consilio, non impetu, opus est. Adicit de-*
 inde, quod apud Bactrianos vulgo usurpabant, canem
 timidum vehementius latrare, quam mordere, altissi-
 ma quaeque flumina minimo sono labi. Quae inse-
 rui, ut qualiscunque inter barbaros potuit esse pru-
 14 dentia, traderetur. His audientium expectationem
 suspenderat.¹ Tum consilium aperit, utilius Besso,
 quam gratus. *In vestibulo, inquit, regiae tuae velo-*
cissimus consistit rex. Ante ille agmen, quam tu men-
 15 *sam istam movebis. Nunc ab Tanai exercitum accer-*
ses, et armis flumina oppones. Scilicet qua tu fugi-
turus es, hostis sequi non potest! Iter utrique commu-
ne est, victori tutius. Licet strenuum metum putes
 16 *esse, velocior tamen spes est. Quin validioris occu-*
pas gratiam, dedisque te? utcunque cesserit, meliorem
 17 *fortunam deditus quam hostis habiturus. Alienum ha-*
bes regnum, quo facilius eo careas. Incipies forsitan
iustus esse rex, cum ipse fecerit, qui tibi et dare po-
 18 *test regnum et eripere. Consilium habes fidele, quod*
diutius exequi supervacuum est. Nobilis equus umbra
quoque virgae regitur; ignavus ne calcari quidem
 19 *concitari potest. Bessus, et ingenio et multo mero*
 ferox, adeo exarsit, ut vix ab amicis, quo minus oc-
 cideret eum, (nam strinxerat quoque acinacem,) con-
 tineretur. Certe convivio² prosiluit³ haudquaquam
 potens mentis. Cobares inter tumultum elapsus, ad
 Alexandrum transfugit.

VIII milia Bactrianorum habebat armata Bessus, 17
 quae, quamdiu propter coeli intemperiem Indiam po-
 tius Macedonas petituos crediderant, obedienter im-

¹ *Ex emend. Codd. in his audientium expectationem sui spem*
dederat. Vulgo in his audientium suspensam dederat ex-
pectationem sui.

² *et convivio.*

³ *prosilivit.*

perata fecerunt; postquam adventare Alexandrum compertum est, in suos quisque vicos dilapsi, Bessum reliquerunt. Ille cum clientium manu, qui non mutaverant fidem, Oxo amne superato, exustisque navigiis, quibus transierat, ne iisdem hostis uteretur, novas copias in Sogdianis contrahēbat.

Alexander Caucasum quidem, ut supra dictum est, transierat, sed inopia frumenti prope ad famem ventum erat. Succo ex sesama expresso laud secus quam oleo artus perungebant. Sed huius succi ducenis quadragenis denariis amphorae singulae, mellis denariis trecentis nonagenis, trecentis vini aestimabantur; tritici nihil, aut admodum exiguum reperiebatur. Siros vocabant barbari, quos ita sollerter abscondunt, ut, nisi qui defoderunt, invenire non possint: in his conditae fruges erant. In quarum penuria milites fluviali pisce et herbis sustinebantur. Iamque haec ipsa alimenta defecerant; cum iumenta, quibus onera portabant, caedere iussi sunt: horum carne, dum in Bactrianos perventum, traxere vitam.

18 Bactrianae terrae multiplex et varia natura est. Alibi multa arbor et vitis largos mitesque fructus alit: solum pingue crebri fontes rigant; quae mitiora sunt frumento conseruntur, cetera armentorum pabulo cedunt. Magnam deinde partem eiusdem terrae steriles arenae tenent: squalida siccitate regio non hominem, non frugem alit: cum vero venti a Pontico mari spirant, quicquid sabuli in campis iacet converrunt. Quod ubi cumulatum est, magnorum collium procul species est, omniaque pristini itineris vestigia intereunt. Itaque qui transeunt campos navigantium modo, noctu sidera observant, ad quorum cursum iter dirigunt, et propemodum clarior est noctis umbra, quam lux. Ergo interdum invia est regio, quia nec ve-

stigium, quod sequantur, inveniunt, et nitor siderum caligine absconditur. Ceterum si quos ille ventus, qui
 30 a mari exoritur, deprehendit, arena obruit. Sed quamitior terra est, ingens hominum equorumque multitudo gignitur. Itaque Bactriani equites xxx milia ex-
 31 plexerant. Ipsa Bactra, regionis eius caput, sita sunt sub monte Parapamiso. Bactrus amnis praeterit moenia. Is urbi et regioni dedit nomen.

32 Hic regi stativa habenti nuntiatur ex Graecia Peloponnesiorum¹ Laconumque defectio. Nondum enim victi erant, cum proficiscerentur tumultus eius principia nuntiaturi. Et alius praesens terror affertur, Scythas, qui ultra Tanaim amnem colunt, adventare, Besso ferentes opem. Eodem tempore, quae in gente Ariorum Caranus et Erigyus gesserant, perferuntur.
 33 Commissum erat proelium inter Macedones Ariosque. Transfuga Satibarzanes barbaris praeerat: qui cum pugnam segnem utrimque aequis viribus stare vidisset, in primos ordines adequitavit, demptaque galea, inhibitis qui tela iaciebant, si quis viritim dimicare vellet, provocavit ad pugnam, nudum se caput
 34 in certamine habiturum. Non tulit ferociam barbari ducis Erigyus,² gravis quidem aetate, sed et animi et corporis robore nulli iuvenum postferendus. Is galea dempta canitiem ostentans, *Venit, inquit, dies, quo aut victoria, aut morte honestissima, quales ami-*
 35 *cos et milites Alexander habeat, ostendam.* Nec plura elocutus equum in hostem egit. Crederes imperatum, ut acies utraeque tela cohiberent. Protinus certe recesserunt, dato libero spatio, intenti in eventum, non duorum modo, sed etiam suae sortis, quip-
 36 pe alienum discrimen secuturi. Prior barbarus emisit

¹ Peloponnensium.

² De coniectura: Codices dux illius exercitus gravis. Vulgo item de coniect. dux exercitus Erigyus.

hastam, quam Erigyius modica capitis declinatione vitavit, atque¹ ipse infestam sarissam, equo calcari-
bus concito, in medio barbari gutture ita fixit, ut per
cervicem emineret. Praecipitatus ex equo barbarus³⁷
adhuc tamen repugnabat. Sed ille extractam e² vul-
nere hastam rursus in os dirigit. Satibarzanes³ manu
complexus, quo maturius interiret, ictum hostis ad-
iuvit. Et barbari, duce amisso, quem magis necessi-³⁸
tate quam sponte secuti erant, tunc haud immemo-
res meritorum Alexandri, arma Erigyio tradunt. Rex³⁹
his quidem laetus, de Spartanis haudquaquam securus,
magno tamen animo defectum⁴ eorum tulit, dicens,
non ante ausos consilia nudare, quam ipsum ad fines
Indiae pervenisse cognovissent. Ipse Bessum perse-⁴⁰
quens copias movit: cui Erigyius barbari caput, opi-
mum⁵ belli decus, praefereus occurrit.

20 Igitur Bactrianorum regione Artabazo tradita, sar-^{v.}
cinas et impedimenta ibi cum praesidio reliquit. Ipse
cum expedito agmine loca deserta Sogdianorum⁶ in-
trat, nocturno itinere exercitum ducens. Aquarum, ²
ut ante dictum est, penuria prius desperatione, quam
desiderio libendi sitim accendit. Per cccc stadia ne
modicus quidem humor existit. Arenas vapor aestivi ³
solis accendit: quae ubi flagrare coeperunt, haud se-
cus quam continenti incendio cuncta torrentur. Cali- ⁴
go deinde, immodico terrae fervore excitata, lucem
tegit: camporumque non alia quam vasti et profundi
aequoris species est. Nocturnum iter tolerabile vide- ⁵
batur, quia rore et matutino frigore corpora levaban-
tur. Ceterum cum ipsa luce aestus oritur, omnem-

¹ at. ² ex. ³ *adiicitur* hastam. ⁴ defectionem *vulgo*
ex emend. ⁵ *Dè coniectura: Codd. optt.* cui Eri-
gyus barbarici optimum. *Vulgo* cui Erig. spolia barbari
ceu optimum. ⁶ *Codd. Susitanorum.*

que naturalem absorbet humorem siccitas; ora visceraque
 1 penitus uruntur. Itaque primum animi, deinde corpora
 deficere coeperunt. Pigebat et consistere et progredi.
 Pauci a peritis regionis admoniti praepararant aquam.
 Haec paulisper repressit sitim: deinde crescente aestu
 rursus¹ desiderium humoris accensum est. Ergo
 quicquid vini oleique erat oribus² ingerebatur, tan-
 taque dulcedo bibendi fuit, ut in posterum sitis non
 3 timeretur. Graves deinde avide hausto humore non susti-
 nere arma, non ingredi poterant; et feliciores vide-
 bantur, quos aqua defecerat, cum ipsi sine modo in-
 5 fusam vomitu cogerentur egerere. Anxium regem
 tantis malis circumfusi amici, ut meminisset sui, ora-
 bant; animi sui magnitudinem unicum remedium de-
 10 ficientis exercitus esse: cum ex his,³ qui praecesse-
 rant ad capiendum locum castris, duo occurrunt utri-
 bus aquam gestantes, ut filiis suis, quos in eodem
 agmine esse, et aegre pati sitim non ignorabant, oc-
 11 currerent. Qui cum in regem incidissent, alter ex
 his, utre resoluto, vas, quod simul ferebat, implet,
 porrigens regi. Ille accipit; percontatus quibus aquam
 12 portarent, filiis ferre cognoscit. Tunc poculo pleno,
 sicut oblatum est, reddito, *Nec solus, inquit, bibere*
sustineo, nec tam exiguum dividere omnibus possum.
Vos currite, et liberis vestris, quod propter illos at-
tulistis, date.

13 Tandem ad flumen Oxum ipse pervenit prima fere 21
 vespera. Sed exercitus magna pars non potuerat
 consequi: in edito monte ignes iubet fieri, ut hi,⁴ qui
 aegre sequebantur, haud procul castris ipsos⁵ abesse
 14 cognoscerent. Eos autem, qui primi agminis erant,

¹ rursum. ² de coniect. Vulgo hominibus.
 paulo post. ⁴ ii.

³ iis, item

⁵ se.

mature cibo ac potione firmatos, implere alios utres, alios vasa, quibuscunque aqua portari posset,¹ iussit, ac suis opem ferre. Sed qui intemperantius hauserant, intercluso spiritu extincti sunt: multoque maior horum numerus fuit, quam ullo amiserat proelio. At ille thoracem adhuc indutus, nec aut cibo refectus aut potu, qua veniebat exercitus, constitit: nec ante ad curandum corpus recessit, quam praeterierat agmen:² totamque eam noctem cum magno animi motu perpetuis vigiliis egit. Nec postero die laetior erat, quia nec navigia habebat, nec pons erigi poterat, circum amnem nudo solo, et materia maxime sterili. Consilium igitur, quod unum necessitas subiecerat, init. Utres quamplurimos stramentis refertos dividit. His incubantes transnavigare amnem: quique primi transierant in statione erant, dum traicerent ceteri. Hoc modo sexto demum die in ulteriore ripa totum exercitum exposuit.

22 Iamque ad persequendum Bessum statuerat progredi, cum ea, quae in Sogdianis³ erant, cognoscit. Spitamenes erat inter omnes amicos praecipuo honore cultus a Besso. Sed nullis meritis perfidia mitigari potest: quae tamen minus in eo invisae esse poterat, quia nihil ulli nefastum in Bessum, interfectorem regis sui, videbatur. Titulus facinorosi⁴ speciosus praeferebatur, vindicta Darei: sed fortunam, non scelus oderat⁵ Bessi. Namque⁶ ut Alexandrum flumen Oxum superasse cognovit, Dataphernem et Catenem, quibus a Besso maxima fides habebatur, in societatem cogitatae⁷ rei asciscit. Illi promptius adeunt, quam

¹ possit portari.

² praeterierant qui agmen sequebantur.

³ *Codd.* Susianis.

⁴ *Ex emend. vulg.* facinoris.

⁵ *item*

ex emend. vulg. oderant.

⁶ nam.

⁷ *abest.*

rogabantur; assumptisque octo fortissimis iuvenibus,
 22 talem dolum intendunt. Spitamenes pergit ad Bessum,
 et remotis arbitris, comperisse ait se, insidiari ei Da-
 taphernem et Catenem, ut vivum Alexandro traderent
 agitantes; a semet occupatos esse et vinctos teneri.
 23 Bessus tanto merito, ut credebat, obligatus, partim
 gratias agit, partim avidus explendi supplicij adduci eos
 24 bet. Illi manibus sua sponte religatis, a participibus
 consilii trahebantur: quos Bessus truci vultu intuens
 consurgit, manibus non temperaturus. Atque¹ illi si-
 mulatione omissa circumstant eum, et frustra re-
 pugnantem vinciunt, direpto ex capite regio² insigni,
 lacerataque veste, quam e³ spoliis occisi regis induc-
 25 rat. Ille deos sui sceleris ultores adesse confessus, ad-
 iccit, non Dareo iniquos fuisse, quem sic ulcisceren-
 tur, sed Alexandro propitios, cuius victoriam semper
 26 etiam hostis adiuvisset. Multitudo an vindicatura Bes-
 sum fuerit, incertum est, nisi illi, qui vinxerant, iussu
 Alexandri fecisse ipsos ementiti, dubios adhuc animi
 terruissent. In equum impositum Alexandro tradituri
 ducunt.

27 Inter haec rex, quibus matura erat missio, electis²³
 pccccc fere, bina talenta equiti⁴ dedit, pediti terna de-
 narium milia; monitosque ut liberos generarent, re-
 misit domum. Ceteris gratiae actae, quod ad reliqua
 28 belli navaturos operam pollicebantur. [Tum Bessus
 perducitur.] Perventum erat in parvulum oppidum:
 Branchidae eius incolae erant. Mileto quondam iussu
 Xerxis, cum e Graecia rediret, transierant, et in ea
 sede constiterant, quia templum, quod Didymeon ap-
 29 pellatur, in gratiam Xerxis violaverant. Mores patrii

¹ At. ² Ex emend. Fulgo regni. ³ abest praepositio.
⁴ equiti bina talenta.

nondum exoleverant, sed iam bilingues erant, paulatim a domestico externo¹ sermone degeneres. Magno igitur gaudio regem excipiunt, urbem seque dedentes. Ille Milesios, qui apud ipsum militarent, convocari iubet. Vetus odium Milesii gerebant in Branchidarum gentem. Proditis ergo, sive iniuriae, sive originis meminisse mallent, liberum de Branchidis permittit arbitrium. Variantibus deinde sententiis, se ipsum consideraturum quod optimum factu esset, ostendit. Postero die occurrentibus, Branchidas secum procedere iubet. Cumque ad urbem ventum esset, ipse cum expedita manu portam intrat. Phalanx moenia oppidi circumire iussa, et dato signo diripere urbem, proditorum receptaculum, ipsosque ad unum cadere. Illi inermes passim trucidantur, nec aut commercio linguae, aut supplicum velamentis precibusque inhiberi crudelitas potest. Tandem, ut delicerent, fundamenta murorum ab imo moliantur, ne quod urbis vestigium extaret. Nemora quoque et lucos sacros² non caedunt modo, sed etiam extirpant, ut vasta solitudo et sterilis humus, excussis etiam radicibus, linqueretur. Quae si in ipsos proditoris auctores excogitata essent, iusta ultio esse, non crudelitas videretur: nunc culpam maiorum posteri luere, qui ne viderant quidem Miletum, ideo et Xerxi³ non potuerant prodere.

24 Inde processit ad Tanaim amnem. Quo perductus est Bessus non vinctus modo, sed etiam omni velamento corporis spoliatus. Spitamenes eum tenebat collo inserta catena, tam barbaris, quam Macedonibus gratum spectaculum. Tum Spitamenes, *Et te*,

¹ externoque.² De coniectura. Libri mss. nec mora quoque lucos sacros, editi nec mora: lucos quoque sacros.³ adeo Xerxi.

inquit, *et Dareum, reges meos, ultus, interfectorem domini sui adduxi, eo modo captum, cuius ipse fecit exemplum. Aperiat ad hoc spectaculum oculos Dareus. Existat ab inferis, qui illo supplicio indignus fuit, et*
 38 *hoc solatio dignus est.* Alexander, multum collaudato Spitamene, conversus ad Bessum, *Cuius, inquit, ferarum rabies occupavit animum tuum, cum regem de te optime meritum prius vincere, deinde occidere sustinuisti? Sed huius parricidii mercedem falso regis*
 39 *nomine persolvisti.* Ibi ille facinus purgare non ausus, regis titulum se usurpare dixit, ut gentem suam tradere ipsi possit: quisi cessasset, alium fuisse regnum
 40 occupaturum. Et¹ Alexander Oxathren,² fratrem Darei, quem inter corporis custodes habebat, propius iussit accedere, tradique Bessum ei, ut cruci affixum mutilatis auribus naribusque sagittis configerent barbari, asservarentque corpus, ut ne aves quidem con-
 41 tingerent. Oxathres cetera sibi curae fore pollicetur: aves non ab alio, quam a Catene, posse prohiberi adiecit, eximiam eius artem cupiens ostendere: namque adeo certo ictu destinata feriebat, ut aves quo-
 42 que exciperet. Nam si³ forsitan sagittandi⁴ tam celebri usu minus admirabilis videri ars haec⁵ possit, tamen⁶ ingens visentibus miraculum, magnoque ho-
 43 nori Cateni fuit. Dona deinde omnibus, qui Bessum adduxerant, data sunt. Ceterum supplicium eius distulit, ut eo loco, in quo Dareum ipse occiderat, necaretur.

VI. Interea Macedones, ad petendum pabulum incom-25
 posito agmine egressi, a barbaris, qui de proximis montibus decurrerunt, opprimuntur, pluresque capti sunt

¹ At. ² Oxathrem. ³ etsi. ⁴ ex emend. Codd. sagittis.
⁵ haec ars. ⁶ Codd. tum.

quam occisi: barbari autem, captivos prae se agentes, 2
 rursus in montem recesserunt. xx milia latronum
 erant. Fundis sagittisque pugnam invadunt. Quos 3
 dum obsidet rex, inter promptissimos dimicans sagitta
 ictus est, quae in medio crure fixa reliquerat spicu-
 lum. Illum quidem maesti et attoniti Macedones in 4
 castra referebant: sed nec barbaros fefellit subductus
 ex acie: ¹ quippe ex edito monte cuncta prospexerant.
 Itaque postero die misere legatos ad regem, quos ille 5
 protinus iussit admitti, solutisque fasciis magnitudi-
 nem vulneris dissimulans, crus barbaris ostendit. Illi 6
 iussi considerare affirmant, non Macedones, ² quam ipsos
 tristiores fuisse ³ cognito vulnere ipsius: cuius si au-
 ctorem repperissent, dedituros fuisse, cum diis enim 7
 pugnare sacrilegos tantum. Ceterum se gentem in
 fidem dedere, superatos virtute illius. Rex, fide data
 et captivis receptis, gentem in deditionem ac-
 cepit. Castris inde motis lectica militari ferebatur, 8
 quam pro se quisque eques pedesque subire certa-
 bant. Equites, cum quibus rex proelia inire solitus
 erat, sui muneris id esse censebant: pedites contra,
 cum saucios commilitones ipsi gestare assuevissent,
 eripi sibi proprium officium tum potissimum, cum
 rex gestandus esset, querebantur. Rex, in tanto utrius- 9
 que partis certamine, et sibi difficilem, et praeteritis
 gravem electionem futuram ratus, invicem subire eos
 iussit.

26 Hinc quarto die ad urbem Maracanda perventum 10
 est. LXX stadia murus urbis amplectitur; arx alio ⁴
 cingitur muro. Ac ⁵ praesidio urbi relicto, proximos 11
 vicos depopulatur atque urit.

Legati.

¹ additur rex.

² Macedonas.

³ fuisse tristiores.

⁴ De coniectura. Libri mss. et olim editi illius, nunc
 vulg. nullo.

⁵ abest.

Legati deinde Abiorum Scytharum superveniunt, liberi, ex quo decesserat Cyrus, tum imperata facturi. Iustissimos barbarorum constabat: armis abstinebant, nisi lacesiti: libertatis modico et aequali usu principibus humiliores pares fecerant.¹ Hos benigne allocutus, ad eos Scythas, qui Europam incolunt, Penidam quendam misit ex amicis, qui denuntiaret his, ne Tanaim amnem regionis iniussu regis transirent. Eidem mandatum, ut contemplaretur locorum situm, et illos quoque Scythas, qui super Bosporon colunt,² videret. Condendae urbi³ sedem super ripam Tanais elegerat, claustrum et iam perdomitorum, et quos deinde adire decreverat. Sed consilium distulit Sogdianorum nuntiata defectio, quae Bactrianos quoque⁴ traxit. VII milia equitum erant, quorum auctoritatem ceteri sequebantur. Alexander Spitamenem et Catenem, a quibus ei traditus erat Bessus, haud dubius quin eorum opera redigi possent in potestatem,⁴ qui novaverant res, iussit accersi.⁵ At illi, defectionis, ad quam coercendam evocabantur, auctores, vulgaverant famam, Bactrianos equites a rege omnes ut occiderentur accersi: idque imperatum ipsis, non sustinuisse tamen exequi, ne inexpressibile in populares facinus admitterent. Non magis Alexandri saevitiam, quam Bessi parricidium ferre potuisse. Itaque sua sponte iam motos metu poenae haud difficulter concitaverunt ad arma.

6 Alexander, transfugarum defectione comperta, Craterum obsidere Cyropolim iubet: ipse aliam urbem regionis eiusdem corona capit; signoque, ut puberes interficerentur, dato, reliqui in praedam cessere vi-

¹ fecerunt. ² *Ex emend. Vulg.* Bosporo incolunt. ³ urbis.

⁴ *Eieciimus de coniect.* quod vulgo hic additur coercendo eos.

⁵ accersiri, item paulo post.

ctoris: urbs diruta est, ut ceteri cladis eius¹ exemplo continerentur. Memaceni, valida gens, obsidionem¹⁷ non ut honestiorem modo, sed etiam ut tutiorem, ferre decreverant. Ad quorum pertinaciam mitigandam rex L equites praemisit, qui clementiam ipsius in deditos, simulque inexorabilem animum in devictos ostenderent. Illi nec de fide, nec de potentia regis¹⁸ ipsos dubitare respondent, equitesque tendere extra munimenta urbis iubent: hospitaliter deinde exceptos gravesque epulis et somno intempesta nocte adorti interfecerunt. Alexander haud secus, quam par erat,¹⁹ motus, urbem corona circumdedit, munitiorem, quam ut primo impetu capi posset. Itaque Meleagrum et Perdiccam in obsidionem iungit, Cyropolim, ut ante dictum est, obsidentes. Statuerat autem parcere urbi²⁰ conditae a Cyro, quippe non alium gentium illarum magis admiratus est, quam hunc regem et Semiramim, quos et magnitudine animi et claritate² rerum longe emicuisse credebat. Ceterum pertinacia oppi-²¹danorum iram eius³ accendit. Itaque captam urbem diripi iussit et deleri. Tum Memacenis haud iniuria infestus ad⁴ Meleagrum et Perdiccam redit. Sed²² non alia urbs fortius obsidionem tulit: quippe et militum promptissimi cecidere, et ipse rex ad ultimum periculum venit. Namque cervix eius saxo ita iecta est, ut oculis caligine offusa collaberetur, ne mentis quidem compos; exercitus certe velut erepto eo ingemuit. Sed invictus adversus ea, quae ceteros ter-²³rent, nondum percurato vulnere, acrius obsidioni in-

¹ *abest.*

² in quis et magnitudinem animi et claritatem.

³ eius iram.

⁴ *De coniectura.* Fulgo diripere iussit delectos Macedones haud iniuria infestos, et ad cet. *Codd.* diripi iussit delectae (delete) Macedones haud iniuria infestos ad.

stitit, naturalem celeritatem ira concitante. Cuniculo ergo suffossa moenia ingens nudavere spatium, per quod irrupit, victorque urbem dirui iussit.

24 Hinc Menedemum cum III milibus peditum et DCCC²⁵ equitibus ad urbem Maracanda misit. Spitamenes transfuga praesidio Macedonum inde deiecto, muris urbis eius incluserat se, haud oppidanis consilium defectionis approbantibus. Sequi tamen videbantur,
25 quia prohibere non poterant. Interim Alexander ad Tanaim amnem redit, et quantum soli occupaverant castris, muro circumdedit. LX stadiorum urbis murus fuit: hanc quoque urbem Alexandriam appellari ius-
26 sit. Opus tanta celeritate perfectum est, ut decimo septimo die, quam¹ munimenta excitata erant, tecta quoque urbis absolverentur. Ingens militum certamen inter ipsos fuerat, ut suum quisque munus (nam divi-
27 sum erat) primus ostenderet. Incolae novae urbi dati captivi, quos reddito pretio dominis liberavit, quorum posterius nunc quoque non apud eos tam longa aetate propter memoriam Alexandri exoleverunt.

VII. At² rex Scytharum, cuius tum ultra Tanaim im-²⁹ perium erat, ratus eam urbem, quam in ripa amnis Macedones condiderant, suis impositam esse cervicibus, fratrem Carthasim nomine cum magna equitum manu inisit ad diruendam eam, proculque amne sub-
2 movendas Macedonum copias. Bactrianos Tanais ab Scythiis, quos Europaeos vocant, dividit. Idem Asiam
3 et Europam finis interfuit. Ceterum Scytharum gens haud procul Thracia sita ab Oriente ad Septentrio-
nem se vertit, Sarmatarumque, ut quidam credidere,
4 non finitima, sed pars est. Rectam³ deinde regionem aliam ultra Istrum iacentem colit: ultima Asiae, quae

¹ qua.² abest.³ Rectam. *Codd. optt.* recta

deinde regione aliam.

Bactra sunt, stringit. Habitant¹ quae Septentrioni propiora² sunt; profundae inde silvae, vastaeque solitudines excipiunt: rursus quae et³ Tanaim et Bactra spectant humano cultu haud disparia sunt. Prius⁵ cum hac gente non provisum bellum Alexander gesturus, cum in conspectu eius obequitaret hostis, adhuc aeger ex vulnere, praecipue voce deficiens, quam et modicus cibus et cervicis extenuabat dolor, amicos in consilium advocari iubet. Terrebat eum non⁶ hostis, sed iniquitas temporis. Bactriani defecerant: Scythae etiam lacescebant: ipse non insistere in terra, non equo vehi, non docere, non hortari suos poterat. Ancipiti periculo implicitus, deos quoque incusans,⁷ querebatur, se iacere segnem, cuius velocitatem nemo antea valuisset effugere: vix suos credere non simulari valetudinem.

30 Ita⁴ qui post Dareum victum ariolos et vates⁸ consulere desierat, rursus ad superstitionem, humanarum mentium ludibria, revolutus, Aristandrum, cui credulitatem suam addixerat, explorare eventum rerum sacrificiis iubet. Mos erat aruspibus exta sine rege, spectare, et quae portenderentur, referre. Inter haec⁹ rex, dum fibris pecudum explorantur eventus latentium rerum, propius ipsum considerare amicos iubet, ne contentione vocis cicatricem infirmam adhuc rumperet. Hephaestio,⁵ Craterus et Erigyus erant cum custodibus in tabernaculum admissi. *Discrimen, in-*¹⁰
quit, me occupavit meliore hostium, quam meo tem-
pore. Sed necessitas ante rationem est, maxime in
*bello, quo raro permittitur tempora legere.*⁶ *Defe-*¹¹
cere Bactriani, in quorum cervicibus stamus, et quan-

¹ abest.

3 ad.

² de coniectura. Codd. propia: vulgo proxima.

4 itaque.

⁵ Hephaestion.⁶ eligere.

- tum in nobis animi sit, alieno Marte experiuntur. Haud dubia fortuna,¹ si omiserimus Scythas ultro arma inferentes, contempti ad illos, qui defecerunt, revertemur: si vero Tanaim transierimus, et ubique invictos esse nos Scytharum pernicie ac sanguine ostenderimus, quis dubitabit parere² etiam Europae³ victoribus?
- ¹³ Fallitur, qui terminos gloriae nostrae metitur spatio, quod transituri sumus. Unus annis interfuit, quem¹⁴ si traicimus, in Europam arma proferimus. Et quanti aestimandum est, dum Asiam subigimus, in alio quodammodo orbe tropaea statuere, et quae tam longo intervallo natura videtur diremisse, una victoria subito¹⁵ committere? At hercule si paululum cessaverimus, in tergis nostris Scythae haerebunt. An soli sumus, qui flumina transnare possumus? Multa in nosmetipsos re-¹⁶ cident, quibus adhuc vicinus. Fortuna belli artem victos quoque docet. Utribus annum traiciendi exemplum fecimus nuper: hoc, ut Scythae imitari nesciant,¹⁷ Bactriani docebunt. Praeterea unus gentis huius exercitus adhuc⁴ venit, ceteri expectantur. Ita bellum vitando alemus, et quod inferre possumus,⁵ accipere¹⁸ cogemur. Manifesta est consilii mei ratio. Sed an permissuri sint mihi⁶ Macedones animo uti meo, dubito; quia ex quo hoc vulnus accepi, non equo vectus¹⁹ sum, non pedibus ingressus. Sed si me sequi vultis, valeo, amici. Satis virium est ad toleranda ista; aut si iam adest vitae meae finis, in quo tandem opere melius extinguar?
- ²⁰ Haec quassa adhuc voce subdeficiens, vix proximis³¹ exaudientibus, dixerat: cum omnes a tam praecipiti

¹ vulgo de coniect. haud dubie, si.² patere.³ de

coniect. Codd. Europen: vulgo Europam.

⁴ adhuc

exercitus.

⁵ possemus.⁶ abest.

consilio regem detertere coeperunt, Erigyus maxime,²¹ qui haud sane auctoritate proficiens apud obstinatum animum, superstitionem, cuius potens non erat rex, incutere temptavit, dicendo, deos quoque obstare consilio, magnumque periculum, si flumen transisset, ostendi. Intranti Erigyio tabernaculum regis Aristander occur-²² rerat, tristia exta fuisse significans: haec ex vate comperta Erigyus nuntiabat. Quo inhibito, Alexander,²³ non ira solum, sed etiam pudore confusus, quod superstitio, quam celaverat, detegebatur, Aristandrum vocari iubet. Qui ut venit, intuens eum, *Non rex,*²⁴ inquit, *sed privatus sum. Sacrificium ut faceres, mandavi; quid eo portenderetur, cur apud alium, quam apud me professus es? Erigyus arcana mea et secreta, te prodente, cognovit. Quem certum mehercule habeo extorum interprete uti metu suo. Tibi autem*²⁵ *quietius,*¹ *quam potest, demutatio, ipsi*² *mihi indices, quid extis*³ *cognoveris, ne possis infitiri dixisse, quae dixeris.* Ille exsanguis attonitoque similis sta-²⁶ bat, per metum etiam voce suppressa: tandemque eodem metu stimulante, ne regis expectationem moraretur, *Magni, inquit, laboris, non irriti, discrimen instare praedixi: nec me ars mea*⁴ *quam benivolentia*²⁷ *perturbat. Infirmi-
tatem valetudinis tuae video, et quantum in uno te sit scio. Vereor, ne praesenti
fortunae tuae sufficere non*⁵ *possis.* Rex iussu con-²⁸ fidere felicitati suae remisit. Sibi enim ad alia gloriam⁶ concedere deos. Consultanti inde⁷ eum iisdem,²⁹ quonam modo flumen transirent, supervenit Aristander, non alias laetiora exta vidisse se affirmans, uti-

¹ De coniectura. Codd. qui sepius. Fulgo abest. ² ipse.

³ ex extis. ⁴ nec mea ars — me perturbat. ⁵ vulgo haec vocula post ne ponitur. ⁶ Sic vulgo de coniect.

Codd. suae ad alia sibi ad gloriam concedere. ⁷ deinde.

que prioribus longe diversa; tum sollicitudinis causas apparuisse, nunc prorsus egregie litatum esse.

30 Ceterum quae subinde nuntiata sunt regi, conti-32
nuae felicitati rerum eius imposuerant labem. Me-
31 nedemum, ut supra dictum est, miserat ad obsiden-
dum Spitamenem, Bactrianae defectionis auctorem.
Qui, comperto hostis adventu, ne muris urbis include-
retur, simul fretus excipi posse, qua venturum scie-
32 bat, consedit occultus. Silvestre iter aptum insidiis
tegendis erat: ibi Dahas condidit. Equi binos arma-
tos vehunt, quorum invicem singuli repente desiliunt:
33 equestris pugnae ordinem turbant. Equorum veloci-
tati par¹ hominum pernecitas. Hos Spitamenes sal-
tum circumire iussos pariter et a lateribus, et a fronte,
34 et a tergo hosti ostendit. Menedemus undique inclu-
sus, ne numero quidem par, diu tamen resistit,² cla-
mitans, nihil aliud superesse locorum fraude deceptis,
quam honestae mortis solatium ex hostium caede.
35 Ipsum praevalens equus vehebat, quo saepius in cu-
neos barbarorum effusis habenis evectus magna strage
36 eos fuderat. Sed cum unum omnes peterent, multis
vulneribus exsanguis Hypsidem quendam ex amicis
hortatus est, ut in equum suum ascenderet, et se fu-
ga eriperet. Haec agentem anima defecit, corpusque
37 ex equo defluxit in terram. Hypsides poterat quidem
effugere, sed amisso amico mori statuit. Una erat
cura, ne inultus occideret. Itaque subditis calcaribus
equo, in medios hostes se immisit, et memorabili edi-
38 ta pugna obrutus telis est. Quod ubi videre qui caedi
supererant, tumultum paulo quam cetera editiorem ca-
piunt; quos Spitamenes fame in deditionem subactu-
39 rus obsedit. Cecidere eo proelio peditum II milia,

¹ *adiicitur* est.

² *restitit*.

ccc equites. Quam cladem Alexander sollerti consilio texit, morte denuntiata his,¹ qui ex proelio advennerant,² si acta vulgassent.

33 Ceterum cum animo disparem vultum diutius ferre non posset, in tabernaculum super ripam fluminis de industria locatum secessit. Ibi sine arbitris singula animi consulta pensando, noctem vigiliis extraxit, saepe pellibus tabernaculi allevatis, ut conspiceret hostium ignes, e quibus coniectare poterat, quanta hominum multitudo esset. Iamque lux appetebat,³ cum thoracem indutus procedit ad milites, tum primum post vulnus proxime acceptum. Tanta erat apud eos veneratio regis, ut facile periculi, quod horrebant, cogitationem praesentia eius excuteret. Lacti ergo et manantibus gaudio⁴ lacrimis, consalutanteum, et quod ante recusaverant bellum, feroces deposcunt. Ille seratis equitem phalangemque transportaturum esse pronuntiat; super utres iubet nare levius armatos. Plura nec dici res desideravit, nec rex dicere per valetudinem potuit. Ceterum tanta alacritate militum rates iunctae sunt, ut in triduum ad xii milia effectae sint. Iamque ad transeundum omnia aptaverant, cum legati Scytharum xx, more gentis per castra equis vecti, nuntiare⁵ iubent regi, velle ipsos ad eum mandata perferre. Admissi in tabernaculum iussique considere in vultu regis defixerant oculos; credo quis,⁶ magnitudine corporis animum aestimantibus, modicus habitus⁷ haudquaquam famae par videbatur. Scythiis autem non, ut ceteris barbaris, rudis et inconditus sensus est: quidam eorum sapientiam capere di-

¹ iis.² venerant.³ apparebat.⁴ prae gaudio.⁵ nuntiari.⁶ quia.⁷ de coniectura. Codd. animus: vulgo abiectum.

cuntur, quantamcunque gens capit semper armata.
 11 Sicque locutos esse apud regem memoriae proditum
 est: abhorrent forsitan moribus nostris, et tempora
 et ingenia cultiora sortitis: sed ut possit oratio eo-
 rum sperni, tamen fides nostra non debet: quae, ut-
 12 cunque sunt tradita,¹ incorrupta perferemus. Igitur
 unum ex his maximum natu locutum² accepimus:

*Si dii habitum corporis tui aviditati animi parem*³⁴
esse voluissent, orbis te non caperet; altera manu
Orientem, altera Occidentem contingeres, et hoc asse-
cutus scire velles, ubi tanti numinis fulgor condere-
 13 *tur. Sic quoque concupiscis, quae non capis. Ab*
Europa petis Asiam: ex Asia transis in Europam;
deinde si humanum genus omne superaveris, cum sil-
vis et nivibus et fluminibus ferisque bestiis gesturus
 14 *es bellum. Quid? tu ignoras arbores magnas diu cre-*
scere, una hora extirpari? Stultus est, qui fructus ea-
rum spectat, altitudinem non metitur. Vide, ne dum
ad cadumen pervenire contendis, cum ipsis ramis, quos
 15 *comprehenderis, decidas. Leo quoque aliquando mi-*
nimarum avium pabulum fuit; et ferrum rubigo con-
sumit. Nihil tam firmum est, cui periculum non sit
 16 *etiam ab invalido. Quid nobis tecum est? Nunquam*
terram tuam attigimus. Qui sis, unde venias licetue
ignorare in vastis silvis viventibus? Nec servire ulli
 17 *possumus, nec imperare desideramus. Dona nobis da-*
ta sunt, ne Scytharum gentem ignores, iugum,³ ara-
trum, hasta, sagitta,⁴ patera. His utimur et cum ami-
 18 *cis et adversus inimicos. Fruges amicis damus boum*
labore quaesitas; patera cum his vinum diis libamus;
inimicos sagitta eminus, hasta cominus petimus. Sic

¹ tradita sunt.² ita locutum.³ adiicitur boum.⁴ et sagitta et patera, ut absit hasta.

Syriae regem et postea Persarum Medorumque superavimus, patuitque nobis iter usque in Aegyptum. At tu, qui te gloriaris ad latrones persequendos venire, 19 omnium gentium, quas adisti, latro es. Lydiam cepisti; Syriam occupasti; Persidem tenes; Bactrianos habes in potestate; Indos petisti; iam etiam ad pecora nostra avaras et insatiabiles¹ manus porrigis. Quid tibi divitiis opus est, quae esurire² cogunt? Primus omnium satietate parasti famem; ut quo plu- 20 ta haberes, acrius, quae non habes, cuperes. Non suc- 21 currit tibi, quamdiu circum Bactra haereas? dum illos subigis Sogdiani bellare coeperunt. Bellum tibi ex victoria nascitur. Nam ut maior fortiorque sis quam quisquam, tamen alienigenam dominum pati nemo vult.

35 *Transi modo Tanaim: scies, quam late pateant; 22 nunquam tamen consequeris Scythas. Paupertas nostrae velocior erit, quam exercitus tuus, qui praedam tot nationum vehit. Rursus cum procul abesse nos 23 credes, videbis in tuis castris. Eadem enim³ velocitate et sequimur, et fugimus. Scytharum solitudines Graecis etiam proverbii audio eludi. At nos deserta 24 et humano cultu vacua magis quam urbes et opulentos agros sequimur. Proinde fortunam tuam pressis manibus tene. Lubrica est, nec invita teneri potest. Salubre consilium sequens quam praesens tempus ostendit melius. Impone felicitati tuae frenos: facilius illam reges. Nostri sine pedibus dicunt esse fortunam, 25 quae manus et pinnae⁴ tantum habet; cum manus porrigit, pinnae quoque comprehendere non sinit. Deni- 26 que si deus es, tribuere mortalibus beneficia debes,*

¹ de coniectura: vulgo instabiles.

² te esurire.

³ abest.

⁴ pennas, etiam paulo post.

non sua eripere; sin autem homo es, id quod es, semper esse te cogita. Stultum est eorum meminisse, propter quae tui oblivisceris. Quibus bellum non intuleris, bonis amicis poteris uti. Nam et firmissima est inter pares amicitia, et videntur pares, qui non fecerunt inter se periculum virium. Quos viceris, amicos tibi esse cave credas: inter dominum et servum nulla amicitia est: etiam in pace belli tamen iura servantur. Iurando gratiam Scythas sancire ne credideris: colendo fidem, iurant. Graecorum ista cautio est, qui pacta¹ consignant, et deos invocant: nos religionem in ipsa fide novimus. Qui non reverentur homines, fallunt deos. Nec tibi amico opus est, de cuius benivolentia dubites. Ceterum nos et Asiae et Europae custodes habebis: Bactra, nisi dividat Tanais, contingimus: ultra Tanaim usque ad Thraciam colimus: Thraciae Macedoniam coniunctam esse fama est. Utrique imperio tuo finitimos, hostes an amicos velis esse, considera.

Haec barbarus. Contra rex fortuna sua et consiliis eorum² se usurum esse respondet. Nam et fortunam, cui confidat, et consilium suadentium, ne quid temere et audacter faciat, secuturum. Dimissisque legatis, in praeparatas rates exercitum imposuit. In proris clipeatos locaverat, iussos in genua subsidere, quo tutiores essent adversus ictus sagittarum. Post hos qui tormenta intenderent stabant, et ab utroque latere, et a fronte circumdati armatis. Reliqui, qui post tormenta constiterant, remigem lorica³ indutum scutorum testudine armati protegebant. Idem ordo in illis quoque ratibus, quae equitem vehebant, servatus est. Maior pars a puppe nantes equos lo-

¹ acta.² suorum.³ lorica.

ris trahebat. At illos, quos utres stramento repleti
 vehebant, obiectae rates tuebantur. Ipse rex cum
 delectis primus ratem solvit, et in ripam dirigi iussit.
 Cui Scythae admotos ordines equitum in primo ripae
 margine opponunt, ut ne applicari quidem terrae
 rates possent. Ceterum praeter hanc speciem ripis
 praesidentis exercitus, ingens navigantes terror inva-
 serat: namque cursum gubernatores, cum obliquo
 flumine impellerentur, regere non poterant, vacillan-
 tesque milites, et ne excuterentur solliciti, nautarum
 ministeria turbaverant. Ne tela quidem conati nisu
 vibrare poterant, cum prior standi sine periculo, quam
 hostem incessendi cura esset. Tormenta saluti fue-
 runt, quibus in confertos ac temere se offerentes haud
 frustra excussa sunt tela. Barbari quoque ingentem
 vim sagittarum infudere ratibus. Vixque ullum fuit
 scutum, quod non pluribus simul spiculis perforaretur.

37 Iamque terrae rates applicabantur, cum acies cli-
 peata consurgit, et hastas certo ictu, utpote libero
 nisu, mittit e ratibus. Et ut territos recipientesque
 equos videre, alacres mutuâ adhortatione in terram
 desiluere.² Turbatis acriter pedem inferre coeperunt.
 Equitum deinde turmae, quae frenatos habebant equos,
 perfregere barbarorum aciem. Interim ceteri agmine
 dimicantium tecti aptavere se pugnae. Ipse rex, quod
 vigoris aegro adhuc corpori³ deerat, animi firmitate
 supplebat. Vox adhortantis non poterat audiri, non-
 dum bene obducta cicatrice cervicis, sed dimicantem
 cuncti videbant. Itaque ipsi⁴ ducum fungebantur of-
 ficio, aliusque alium adhortati, in hostem salutis im-

¹ nixu, item postea.

³ corpore.

quod.

² Ex emend. Vulgo desiliere.

⁴ additur quidem, quod est in codd.

memores ruere coeperunt. Tum vero non ora, non arma, non clamorem hostium barbari tolerare potuerunt, omnesque effusis habenis (namque equestres acies erat) capessunt fugam. Quos rex, quamquam vexationem invalidi corporis pati non poterat, per LXXX tamen stadia insequi perseveravit. Iamque linquente animo suis praecepit, ut donec lucis aliquid superesset, fugientium tergis inhaerent: ipse exhaustis etiam animi viribus, in castra se recepit, reliquum substitit.

Transierant iam Liberi Patris terminos; quorum monumenta lapides erant crebris intervallis dispositi, arboresque procerae, quarum stipites hedera contexerat. Sed Macedonas ira longius provexit: quippe media fere nocte redierunt,¹ multis interfectis, pluribus captis, equosque M et² DCCC abegere. Ceciderunt autem Macedonum equites LX, pedites c fere, mille saucii fuerunt.

Haec expeditio deficientem magna ex parte Asiam³⁸ fama tam opportuna victoriae domuit. Invictos Scythas esse crediderant; quibus fractis nullam gentem Macedonum armis parem fore confitebantur. Itaque Sacae misere legatos, qui pollicerentur, gentem imperata³ facturam. Moverat eos regis non virtus magis, quam clementia in devictos Scythas: quippe captivos omnes sine pretio remiserat, ut fidem faceret, sibi cum ferocissimis gentium de fortitudine, non de ira fuisse certamen. Benigne igitur exceptis Sacarum legatis, comitem Excipinon⁴ dedit, adhuc⁵ admodum iuvenem aetatis flore conciliatum sibi, qui cum specie corporis aequaret Hephaestionem, ei⁶ lepore haud

¹ in castra redierunt.² abest.³ mandata.⁴ Excipinum.⁵ abest.⁶ abest.

sane virili¹ par non² erat. Ipse, Cratero cum maiore parte exercitus modicis itineribus sequi iusso, ad Maracanda urbem pervenit, ex qua Spitamenes, comperto³ eius adventu, Bactra perfugerat. Itaque quadriduo rex longum itineris spatium emensus, pervenerat in eum locum, in quo, Menedemo duce, II milia peditum et CCC equites amiserat. Horum ossa tumulo contegi iussit, et inferias more patrio dedit. Iam Craterus, cum phalange subsequi iussus, ad regem pervenerat. Itaque ut omnes, qui defecerant, pariter belli clade premerentur, copias dividit, urique agros, et interfici puberes iussit.

- 39 Sogdiana regio maiore⁴ ex parte deserta est: octingenta fere stadia in latitudinem vastae solitudines tenent. Ingens spatium rectae regionis est, per quam amnis, Polytimetum vocant incolae, fertur torrens. Eum ripae in tenuem alveum cogunt; deinde caverna accipit, et sub terram rapit. Cursus absconditi indicium est aquae meantis sonus, cum ipsum solum, sub quo tantus amnis fluit, ne modico quidem resudet humore. Ex captivis Sogdianorum ad regem XXX nobilissimi, corporum robore eximio, perducti erant: qui ut per interpretem cognoverunt, iussu regis ipsos ad supplicium trahi, carmen laetantium modo⁵ canere, tripudiisque et lasciviori corporis motu gaudium quoddam animi ostentare coeperunt. Admiratus rex, tanta magnitudine animi oppetere mortem; revocari eos iussit, causam tam effusae laetitiae, cum supplicium ante oculos haberent, requires. Illi, si ab alio occiderentur, tristes morituros fuisse respondent; nunc a tanto rege, victore omnium gentium,

¹ illi.² abest.³ cognito.⁴ maiori.⁵ more.

maioribus suis redditos, honestam mortem, quam fortes viri voto quoque expeterent, carminibus sui moris laetitiaque celebrare. Tum rex, *Quaero itaque, an vivere velitis non inimici mihi, cuius beneficio victuri estis?* Illi, nunquam se inimicos hosti¹ fuisse respondent. Si quis ipsos beneficio, quam iniuria experiri maluisset, certaturos fuisse, ne vincerentur officio. Interrogatique,² quo pignore fidem obligaturi essent? vitam, quam acciperent, pignori futuram esse dixerunt: reddituros, quandoque repetisset. Nec promissum fefellerunt. Nam qui remissi domos ierant, fide³ continuere populares; quattuor, inter custodes corporis retenti, nulli Macedonum in regem caritate cesserunt.

In Sogdianis Peucolao cum tribus milibus peditem (neque enim maiori praesidio indigebat) relicto, Bactra pervenit. Inde Bessum Ecbatana duci iussit, interfecto Dareo poenas capite persoluturum. Iisdem fere diebus Ptolemaeus et Menidas peditem tria milia et equites mille adduxerunt, mercede militaturos. Alexander quoque ex Lycia cum pari numero peditem et equitibus venit. Totidem ex⁴ Syria Asclepiodorum sequebantur: Antipater Graecorum VIII milia, in quis DC⁵ equites erant, miserat. Itaque exercitu aucto, ad ea, quae defectione turbata erant, componenda processit, interfectisque consternationis auctoribus, quarto die ad flumen Oxum perventum est. Hic, quia limum velit, turbidus semper, insalubris est potui.⁶ Itaque puteos miles coeperat fodere. Nec tamen humo alte egesta existebat humor; cum

¹ inimicos ei, sed bello laccessitos hostes.
gantique.

³ in fide.

⁴ e.

⁵ D.

⁶ et insalubris est potu.

in ipso tabernaculo regis conspectus est fons, quem quia tarde notaverant, subito extitisse sinxerunt. Rexque ipse credi voluit, deorum donum¹ id fuisse. Superatis deinde amnibus Ocho et Oxo, ad urbem¹⁵ Marginiam pervenit. Circa eam vi oppidis condendis electa sedes est: duo ad Meridiem versa, quatuor spectantia Orientem, modicis inter se spatiis distabant, ne procul repetendum esset mutuum auxilium. Haec omnia sita sunt in editis collibus, tum¹⁶ velut freni domitarum gentium, nunc originis suae oblita serviunt, quibus imperaverunt.

- 41 Et cetera quidem pacaverat rex. Una erat petra,^{xl.} quam Arimazes Sogdianus cum xxx milibus armatorum obtinebat, alimentis ante congestis, quae tantae multitudini vel per biennium suppeterent. Petra² in altitudinem xxx eminet stadia, circuitu c et l complectitur. Undique abscisa² et abrupta semita perangusta aditur. In medio altitudinis spatio habet³ specum, cuius os artum et obscurum est; paulatim deinde ulteriora panduntur; ultima etiam altos recessus habent. Fontes per totum fere spatium³ manant, e quibus collatae aquae per prona montis flumen emittunt. Rex, loci difficultate spectata, statue-⁴ rat inde abire; cupido deinde incessit animo, naturam quoque fatigandi. Prius tamen quam fortunam⁵ obsidionis experiretur, Cophen⁴ (Artabazi hic filius erat) misit ad barbaros, qui suaderet, ut dederent rupem. Arimazes loco fretus superbe multa respondit, ad ultimum, an Alexander volare posset?⁵ interrogat. Quae nuntiata regi sic accendere animum, ut⁶ adhi-

¹ donum dei.

² abscissa.

³ specum.

⁴ Cophan,

item aliquanto post.

⁵ possit.

adhibitis, cum quibus consultare erat solitus, indicaret insolentiam barbari, eludentis ipsos, quia pin-
 nas¹ non haberent. Se autem proxima nocte effe-
 7 cturum, ut crederet Macedones etiam volare. Tre-
 centos, inquit, perniciosissimos iuvenes ex suis quisque
 copiiis perducite ad me, qui per calles et paene invias
 8 rupes domi pecora agere consueverant.² Illi prae-
 stantes et levitate corporum et ardore animorum
 strenue adducunt, quos intuens rex, *Vobiscum*, inquit,
o iuvenes, et mei aequales, urbium invictarum ante
munimenta superavi, montium iuga perenni nive ob-
ruta emensus sum, angustias Ciliciae intravi, Indiae
sine lassitudine vim frigoris sum perpessus. Et mei
 9 *documenta vobis dedi, et vestra³ habeo. Petra,*
quam videtis, unum aditum habet, quem barbari ob-
sident, cetera negligunt; nullae vigiliae sunt, nisi
 0 *quae castra nostra spectant. Invenietis viam, si sol-*
lenter rimati fueritis aditus ferentes ad cacumen. Ni-
hil tam alte natura constituit, quo virtus non possit
eniti. Experiendo quae ceteri desperaverunt, Asiam
 1 *habemus in potestate. Evadite in cacumen, quod cum*
ceperitis, candidis velis signum mihi dabitis: ego co-
 2 *piis admotis hostem in nos a vobis convertam. Prae-*
mium erit ei, qui primus occupaverit verticem, ta-
lenta x, uno minus accipiet, qui proximus ei venerit,
eademque ad decem homines servabitur portio. Cer-
tum autem habeo, vos non tam liberalitatem intueri
meam, quam voluntatem.

His animis regem audierunt, ut iam cepisse ver-42
 ticem viderentur. Dimissique ferreos cuneos, quos
 inter saxa defigerent, validosque funes parabant. Rex.

¹ pennas.² consueverint.³ vestri.

circumvectus petram, qua minime asper ac praeruptus aditus videbatur, secunda vigilia, quod bene verteret, ingredi iubet. Illi, alimentis in biduum sumptis, gladiis modo atque hastis armati subire coeperunt. Ac primo pedibus ingressi sunt: deinde ut in praerupta perventum est, alii manibus eminentia saxa complexi levare¹ semet; alii adiectis funium laqueis evasere, cum cuneos inter saxa defigerent, gradus subinde quis² insisterent. Diem inter metum laboremque consumpserunt. Per aspera nisis³ duriora restabant, et crescere altitudo petrae videbatur. Illa vero miserabilis erat facies, cum ii, quos instabilis gradus fefellerat, ex praecipiti devolverentur. Mox eadem in se patienda alieni casus ostendebat exemplum. Per has tamen difficultates enituntur in verticem montis, omnes fatigatione continuati laboris affecti, quidam muleati⁴ parte membrorum; pariterque eos et nox et somnus oppressit. Stratis passim corporibus in inviis et in asperis saxorum, periculi instantis obliti in lucem quieverunt: tandemque velut ex alto sopore excitati, occultas subiectasque ipsis valles rimantes, ignari in qua parte petrae tanta vis hostium condita esset, fumum specus infra se ipsos evolutum notaverunt. Ex quo intellectum,⁵ illam hostium latebram esse. Itaque hastis imposuere quod convenerat signum; totoque e numero duos et xxx in ascensu interisse agnoscunt.⁶

- 43 Rex non cupidine magis potiundi loci, quam vice⁷ eorum, quos ad tam manifestum periculum miserat, sollicitus, toto die cacumina montis intuens restitit.

¹ levare.

⁴ multati.

cognoscunt.

² quis gradus subinde.

⁵ intellectum est.

⁷ vicem.

³ enixis.

⁶ interiisse

Noctu demum, cum obscuritas conspectum oculorum
 21 ademisset, ad curandum corpus recessit. Postero
 die nondum satis clara luce primus vela, signum
 capti verticis, conspexit. Sed ne falleretur acies, du-
 bitare cogebat varietas coeli, nunc internitente lucis
 fulgore, nunc condito. Verum ut liquidior lux ap-
 22 paruit coelo, dubitatio exempta est; vocatumque Co-
 phen, per quem barbarorum animos temptaverat,
 mittit ad eos, qui moneret, nunc saltem salubrius
 consilium inirent: sin autem fiducia loci persevera-
 rent, ostendi a tergo iussit, qui ceperant verticem.
 3 Cophes admissus suadere coepit Arimazi petram tra-
 dere, gratiam regis inituro, si tantas res molientem
 in unius rupis obsidione haerere non coëgisset. Ille,
 ferocius superbisque quam antea locutus, abire Co-
 4 phen iubet. At is presum¹ manu barbarum rogat,
 ut secum extra specum prodeat: quo impetrato, iu-
 venes in cacumine ostendit, eiusque superbiae haud
 immerito illudens, pinnas habere ait² milites Alexan-
 5 dri. Iamque e Macedonum castris signorum concen-
 tus et totius exercitus clamor audiebatur. Ea res,
 sicut pleraque belli vana et inania, barbaros ad dedi-
 tionem traxit. Quippe occupati metu paucitatem
 eorum, qui a tergo erant, aestimare non poterant.
 6 Itaque Cophen (nam trepidantes reliquerat) strenue
 revocant, et cum eo xxx principes mittunt, qui pe-
 tram tradant, et ut incolumibus abire liceat, paciscan-
 tur. Ille quamquam verebatur, ne conspecta iuve-
 num paucitate deturbarent eos barbari, tamen et for-
 tunae suae confisus, et Arimazi superbiae infensus,
 nullam se condicionem deditionis accipere respondit.
 7 Arimazes, desperatis magis quam perditis rebus, cum

¹ prehensum.² pennas ait habere.

propinquis nobilissimisque gentis suae descendit in castra: quos omnes verberibus affectos sub ipsis radicibus petrae crucibus iussit affigi. Multitudo dediticio-²⁹rum incolis novarum urbium cum pecunia capta dono data est: Artabazus in petrae regionisque, quae appositae esset ei, tutela relictus.

Q. CURTII RUFI
DE
GESTIS
ALEXANDRI MAGNI
REGIS MACEDONUM
LIBER VIII.

ARGUMENTUM.

(1) **A**lexander divisis copiis rebelles persequitur: Spitamenes cum exulibus Bactrianis, assumptis in auxilium Dahis et Massagetis, Attinam praefectum Macedonum in insidias perductum interficiunt, sed a Cratero adventante opprimuntur. Alexander Maracanda redit, ibique legationes Scytharum audit, Phrataphernem regem Chorasmiorum in fidem accipit. Inde Bazaira proficiscitur, (2) ubi in maximis vivariis cum toto exercitu venatur, et leonem ipse solus occidit, quod ne posthac facere possit, decreto Macedonum sancitur. (3) Maracanda reversus Clitum Artabazi iam senioris loco provinciae Bactrianae praefuturum, priusquam dimitteret, sollemni convivio adhibet. Ibi multa de se gloriatus Philippi rerum gestarum gloriam elevat. (4) Qua re irritatus Clitus non modo defendere Philippum, sed ipsius etiam Alexandri actis illudere coepit, (5) nec dum abstrahitur a convivis linguae parcit, quin etiam aperta convicia iacit. Exiit Alexander raptaque lancea, frustra retinentibus amicis, in vestibulum procurrit et egredientem Clitum transfixit. (6) Subita poenitentia percitus semetipso interimere conatur, prohibitus per triduum inclusus et ad moriendum obstinatus iacet, donec milites vi irrupentes ut vivere velit precibus cogunt. (7) Dimisso Hephæstione ad commeatum parandum, et sa-

trapa in locum Cliti constituto Amynta, ipse Xenippa profiscitur. Bactriani exules pugna cum Amynta facta pelluntur, veniam tamen defectionis impetrant. (8) Alexander in regionem, quae Nautaca appellatur, pervenit, cuius aditum Sysimithres praefectus muniverat. Perrupit tamen rex, sed cum voragines superandae etiam essent, (9) Oxarten misit, qui Sysimithri persuaderet, ut petram traderet. Diu cunctatus Sysimithres regis potestati sese permisit, et imperium recepit. (10) Inde ceteros rebelles cum equitibus tanta celeritate persecutus est, ut plerique pueri nobiles deficerent: unus Philippus pedibus cursum regis aequavit pugnavitque fortiter, sed fusis hostibus propter nimiam contentionem virium illico collapsus extinctus est. Item Erigyus, vetus dux, morbo decessit. (11) Priusquam rex Dahas, apud quos versari Spitamenem compererat, peteret, ille ab uxore sua perpetuam fugam aegra ferente interficitur. (12) Cuius caput asserens mulier spe praemiorum ab Alexandro accipiendorum excidit. (13) Dahae Artaphernem tradunt, sequae ipsi regis potestati submitunt. Satraparum in suis cuiusque provinciis iniuriae vindicantur. (14. 15.) Exeunte hieme (*post initium a. a. Chr. nat.* 328.) Alexander regionem, quae Gabaza appellatur, aditurus a tam atroci tempestate opprimitur ac frigore, ut mille homines interierint, exercitus tamen a Sysimithre opportune adiuvatur. Sagorum (*ignotae nationis*) regio vastatur. (16) Inde ad eam regionem venit, cui Oxyartes praeerat, qui cum regis fidei sese permisisset, convivium apparat, in quo Alexander Roxanes, illius filiae, amore ita capitur, ut iustis nuptiis eam sibi adiungat uxorem.

(17) Totâ provincia pacata, (*Bactra reversus*) cum cogitationes ad bellum Indicum vertisset, triginta milia militum a Persia conscribi iussit, ipse etiam Persarum more non a barbaris solum, sed a Macedonibus adorari voluit. (18) Itaque in sollemnibus epulis, cum rex discessisset, ex composito Cleo Siculus convivas hortari coepit, ut Alexandrum divinis honoribus colerent. (19) Respondet illi pro ceteris Callisthenes Olynthius gravi ac salsa oratione, (20) qua consensu plurimum approbata, rex aegre ferens ab incepto desistit, ceterum Polypercontem (*Leonnatum tradit Arrianus 4, 12*) quos barbaros humi procumbentes irrisit, graviter castigat. (21) Puerorum regionum (*Pages Galli et nostri Gallorum imita*

tores appellant) coniuratio fit, cuius initium ex eo, quod rex Hermolaum verberibus affici iusserat. Huic iniuriam conquerenti persuadet Sostratus ut de rege occidendo coniurent. Assumptis septem aliis (*quattuor Arriano auctore*) rem callide instituunt, (22) sed cum in eo essent, ut facinus perpetrarent, admonitione cuiusdam anus fatidicae Alexander eorum insidiis subtrahitur. (23) Et illi quidem rem differunt, sed Epimenes, unus ex coniuratis, repente mutatus Eurylocho fratri quid pararetur indicat, qui eadem nocte cum illo in regiam accurrit remque defert ad Alexandrum. Coniurati comprehensi vinciuntur. (24) Advocato consilio, producti sine mora consentunt, et Hermolaus, cur facinus suscepisset dicere iussus, regis crudelitatem accusat, (25) superbiam etiam et studium morum peregrinorum exprobrat. (26. 27. 28.) Defendit se rex, et primum crudelitatis, deinde avaritiae ac superbiae crimen refellit, ostenditque quantopere rebus ipsorum conducatur, Iovis se filium a barbaris credi, metu denique supplicii propinquos reorum liberat. (29) Poena irrogatur damnatis, sumitur etiam de Callisthene, quod pueros regis odio implesse dicebatur.

(30) *Vere exeunte a. a. Chr. nat.* 328. Bactris movet in Indiam. Eius terrae situs, amnes, coelum describuntur, (31) fructus recensentur, de hominum moribus, (32) imprimis de regum luxurie exponitur, (33) singulares opiniones sapientum ceteraque instituta gentis traduntur. (34) Indorum cis Indum reguli occurrunt sese dedentes, quibus in fidem receptis, rex, Hephaestione cum parte copiarum recto itinere ad Indum pontemque in eo faciendum praemisso, ipse praeter Choen amnem (*hodie Cabul*) proficiscens gentes imperium detrectantes aggreditur, et primam quidem urbem vi captam diruit. (35) Mox ad Nysam urbem venit noctu: incolae post brevem obsidionem sese dedunt, deo apud ipsos nato confidentes. (36) Rex cum toto exercitu per nemora dissoluto in honorem Liberi Patris plures dies festos agit. (37) Inde ad regionem Daedala et urbem Acadira (*Arriano non memoratas*) pervenit, ab incolis desertas; divisis copiis multae urbes expugnantur: Coeno in obsidione urbis Beirae (*apud Arrianum τὰ Βέριγα vocatur*) relicto, Alexander Mazagas venit, urbem altissima fossa muroque munitam. Quae munimenta dum perlustrat vulneratus dolorem magno animo fert. (38)

Repletis fossis, cum machinae admoventur, Cleophris regina urbem seque dedit et veniam impetrat.

(39) Mox Polypercon Noram capit (τὰ Ὀρα apud Arrianum) Alexander Aornia petram, hinc Indo flumine, hinc altis voraginibus circumdatam, oppugnare statuit. Voragines explentur, (40) ipse rex cum leviter armatis per rupes amni impendentes in verticem nititur, sed incepto desistere cogitur. (41) Veruntamen pertinacia eius victi barbari petram noctu deserunt effusa fuga. Inde Alexander, pulsus qui itinera obsidebant Indis, Echolimia venit, (42) hinc ad eum locum, ubi pons in Indo flumine praeparatus erat. Omphlis, rex inter Indum et Hydaspem amnes, Alexandro occurrit, se suaeque fidei eius permittens. (43) Alexander eum et restituit in regnum et regium nomen Taxilen sumere iubet, dona etiam, quae ipsi obtulerat, multiplicata reddit, murmurantibus quibusdam Macedonum. (44) Abisares, ultra Hydaspem regulus, (*Arrianus montanorum Indorum dicit*) legatis missis, sese dedit. Barzaentes et Gamaxus rebelles victi adducuntur. Porus autem clarissimus in ea regione rex, sprete deditione, in ulteriore Hydaspis ripa cum exercitu consederat, Macedones transitu prohibiturus. (45) Et amnis profundus et armati ripae praesidentes terrent Macedones, quorum iuvenes nonnulli, blandiente successu temerarii facti, ab Indis opprimuntur. (46) Nihilo minus Alexander tempestate adiutus clam hostibus amnem traiecit. (47) Quo comperto Porus primum equites et quadrigas agmini appropinquantibus obicit, sed curruum auxilium irritum fit. (48) Tum elephantos peditesque inducit. Alexander cum ducibus copiarum quid fieri vellet imperasset, ipse primus cum equitatu rem gerit. (49) Indi turbati ac disiecti pugnant, maximum certamen circa Porum ipsum et elephantos consistit. (50) Ceteris elephantis in fugam aversis, Porus destitutus pertinaciter tamen de suo dimicat, donec et ipse fugere coactus, acceptis multis vulneribus, in terram delapsus capitur. (51) Cuius animi magnitudinem Alexander admiratus eum inter amicos recipit, et ampliore etiam regno, quam habuerat, donat.

1 **A**LEXANDER maiore fama quam gloria in dicionem redacta petra, cum propter vagum hostem spargen-

dae manus essent, in tres partes divisit exercitum.
 Hephaestionem uni, Coenon alteri duces dederat:
 2 ipse ceteris praeerat. Sed non eadem mens omni-
 bus barbaris fuit. Armis quidam subacti; plures ante
 certamen imperata fecerunt, quibus eorum, qui in
 defectione perseveraverant, urbes agrosque iussit at-
 3 tribui. At exules Bactriani cum DCCC Massagetarum
 equitibus¹ proximos vicos vastaverunt. Ad quos coer-
 cendos Attinas, regionis eius praefectus, CCC equites,
 4 insidiarum, quae parabantur, ignarus, eduxit. Nam-
 que hostis in silvis, quae erant forte campo iunctae,
 armatum militem condidit, paucis propellentibus pe-
 cora, ut improvidum ad insidias praeda perduceret.
 5 Itaque in composito agmine solutisque ordinibus Atti-
 nas praedabundus sequebatur; quem praetergressum
 silvam, qui in ea consederant, ex improvise adorti,
 6 cum omnibus interemerunt. Celeriter ad Craterum
 huius cladis fama perlata est; qui cum omni equi-
 tatu supervenit: et Massagetae quidem iam refugerant,
 Dahae mille oppressi sunt: quorum clade totius re-
 7 gionis finitima defectio est.² Alexander quoque, Sogdia-
 nis rursus subactis, Maracanda repetit. Ibi Berdes,
 quem ad Scythas super Bosporum colentes miserat,
 8 cum legatis gentis occurrit. Phrataphernes quoque,
 qui Chorasmiis³ praeerat, Massagetis et Dahis regio-
 num confinio adiunctus, miserat, qui facturum impe-
 9 rata pollicerentur. Scythae petebant, ut regis sui fi-
 liam matrimonio sibi iungeret: si dedignaretur affi-
 nitatem, principes Macedonum cum primoribus suae
 gentis connubio coire pateretur: ipsum quoque re-
 10 gem venturum ad eum pollicebantur. Utraque lega-
 tionem benigne audita, Hephaestionem et Artabazum

¹ equitibus Massag. ² abest. ³ Ex emend. Codd. choras.

opperiens, stativa habuit: quibus adiunctis, in regionem, quae appellatur Bazaira,¹ pervenit.

- 2 Barbarae opulentiae in illis locis haud ulla sunt ¹¹
 maiora indicia, quam magnis nemoribus saltibusque
 nobilium ferarum, greges clusi.² Spatiosas ad hoc ¹²
 eligunt silvas, crebris perennium aquarum fontibus
 amoenas; muris nemora cinguntur, turresque habent
 venantium receptacula. Quattuor continuis aetatibus ¹³
 intactum saltum fuisse constabat; quem Alexander
 cum toto exercitu ingressus, agitari undique feras
 iussit. Inter quas cum leo magnitudinis rarae ipsum ¹⁴
 regem invasurus incurreret, forte Lysimachus, qui
 postea regnavit, proximus Alexandro, venabulum ob-
 icere ferae coeperat. Quo rex repulso et abire ius-
 so, adiecit, tam a semet uno quam a Lysimacho leo-
 nem interfici posse. Lysimachus enim quondam cum ¹⁵
 venaretur in Syria, occiderat quidem³ eximiae magni-
 tudinis feram solus, sed laevo humero usque ad ossa
 laceratus ad ultimum periculi pervenerat. Id ipsum ¹⁶
 exprobrans ei rex, fortius, quam locutus est, fecit.
 Nam feram non excepit modo, sed etiam uno vulnere
 occidit. Fabulam, quae obiectum leoni a rege Lysi- ¹⁷
 machum temere vulgavit, ab eo casu, quem supra di-
 ximus, ortam esse crediderim. Ceterum Macedones, ¹⁸
 quamquam prospero eventu defunctus erat Alexander,
 tamen scivere gentis suae more, ne pedes venaretur,
 aut sine delectis principum atque amicorum.⁴ Ille, ¹⁹
 14 milibus ferarum deiectis, in eodem saltu cum toto
 exercitu epulatus est.

- 3 Inde Maracanda reditum est: acceptaque aetatis
 excusatione ab Artabazo, provinciam eius destinat

¹ Bazaria.

² clausi.

³ abest.

⁴ amicorumque.

- 20 Clito. Illic erat, qui apud Granicum amnem nudo capite regem dimicantem clipeo suo textit, et Rhosacis manum capiti regis imminentem gladio amputavit: vetus Philippi miles, multisque bellicis operibus clarus.
- 21 Hellanice, quae Alexandrum educaverat, soror eius, haud secus quam mater a rege diligebatur. Ob has causas validissimam imperii partem fidei eius tutelaque commisit. Iamque iter parare in posterum iussus, sollemni et tempestivo adhibetur convivio. In quo rex cum multo incaluisset mero, immodicus aestimator sui, celebrare quae gesserat coepit, gravis etiam eorum auribus, qui sentiebant vera memorari.
- 22 Silentium tamen habuere seniores, donec Philippi res orsus obterere, nobilem apud Chaeroneam victoriam sui operis fuisse iactavit, ademptamque sibi malignitate et invidia patris tantae rei gloriam. Illum quidem, seditione inter Macedones milites et Graecos mercenarios orta, debilitatum vulnere, quod in ea consternatione acceperat, iacuisse, non alias quam simulatione mortis tutiorem: se corpus eius protexisse clipeo suo, ruentesque in illum sua manu occisos. Quae patrem nunquam aequo animo esse confessum, invitum filio debentem salutem suam. Itaque post expeditionem, quam sine eo fecisset ipse in Illyrios, victorem scripsisse se patri, fusos fugatosque hostes, nec
- 25 affuisse usquam¹ Philippum. Laude dignos esse, non qui Samothracum initia viserent, cum Asiam uri vastarique oporteret, sed eos, qui magnitudine rerum fidem antecessissent.
- 27 Haec et his similia laeti audiere iuvenes, ingrata senioribus erant, maxime propter Philippum, sub quo
- 28 diutius vixerant: cum Clitus, ne ipse quidem satis so-

¹ unquam.

brius, ad eos, qui infra ipsum cubabant, conversus, Euripidis rettulit carmen, ita ut sonus magis, quam sermo exaudiri posset a rege, quo significabatur, male 29 instituisse Graecos, quod tropaeis regum dumtaxat nomina inscriberent:¹ alieno enim sanguine partam gloriam intercipi. Itaque rex, cum suspicaretur malignius habitum esse sermonem, percontari proximos coepit, quid ex Clito audissent. Et illis ad silendum² 30 obstinatis, Clitus paulatim maiore voce Philippi acta bellaque in Graecia gesta commemorat, omnia praesentibus praeferens. Hinc inter iuniores senesque or- 31 ta contentio est; et rex, velut patienter audiret, quis Clitus obterebat laudes eius, ingentem iram conceperat. Ceterum cum animo videretur imperaturus, 32 si finem procaciter orto sermoni Clitus imponeret, nihil eorum omittente,³ magis exasperabatur. Iam- 33 que Clitus etiam Parmenionem defendere audebat, et Philippi de Atheniensibus victoriam Thebarum praeferebat excidio, non vino modo, sed etiam animi prava contentione provectus. Ad ultimum, *Si mo-* 34 *riendum, inquit, est pro te, Clitus est primus: at cum victoriae arbitrium agis, praecipuum ferunt praenium, qui procacissime patris tui memoriae illudunt. Sogdia-* 35 *nam regionem mihi attribuis, totiens rebellem, et non modo indomitam, sed quae ne subigi quidem possit. Mittor ad feras bestias, praecipitia ingenia sortitas. Sed quae ad me pertinent transeo. Philippi milites* 36 *spernis, oblitus, nisi hic Atharrias⁴ senex iuniores pugnam detrectantes revocasset, adhuc nos circa Hali-* *carnassum haesuros fuisse. Quomodo igitur⁵ Asiam* 37 *etiam cum istis iunioribus subiecisti? Verum est, ut*

¹ inscriberentur.² silentium.³ eo remittente.⁴ Atharrias.⁵ ergo.

opinor, quod avunculum tuum in Italia dixisse constat, ipsum in viros incidisse, te in feminas.

39 Nihil ex omnibus inconsulte ac temere iactis re- 5
gem magis moverat, quam Parmenionis cum honore
mentio illata. Dolorem tamen rex pressit, contentus
39 iussisse ut convivio excederet. Nec quicquam aliud
adiiecit, quam forsitan eum, si diutius locutus foret,
exprobraturum sibi fuisse vitam a semetipso datam;
40 hoc enim superbe saepe iactasse. Atque illum cun-
ctantem adhuc surgere, qui proximi ei cubuerant, in-
iectis manibus, iurgantes monentesque conabantur ab-
41 ducere. Clitus cum abstraheretur, ad pristinam vio-
lentiam ira quoque adiecta, suo pectore tergum il-
lius esse defensum; nunc, postquam tanti meriti prae-
terierit¹ tempus, etiam memoriam invisam esse pro-
42 clamat. Attali quoque caedem obiiciebat, et ad ulti-
mum Iovis, quem patrem sibi Alexander assereret,
oraculum eludens, veriora se regi, quam patrem eius,
43 respondisse dicebat. Iam tantum irae conceperat rex,
quantum vix sobrius ferre potuisset. Enimvero olim
44 mero sensibus victis, ex lecto repente prosiluit. At-
toniti amici, ne positis quidem, sed abiectis poculis,
consurgunt, in eventum rei, quam tanto impetu actu-
45 rus esset, intenti. Alexander, rapta lancea ex mani-
bus armigeri, Clitum adhuc eadem linguae intempe-
rantia furentem percutere conatus, a Ptolemaeo et
46 Perdicca inhibetur. Medium complexi et obluctari
perseverantem morabantur; Lysimachus et Leonnatus
47 etiam lanceam abstulerant. Ille militum fidem im-
plorans, comprehendi se a proximis amicorum, quod
Dareo nuper accidisset, exclamat, signumque tuba
48 dari, ut ad regiam armati coirent, iubet. Tum vero

¹ praeteriit.

Ptolemaeus et Perdiccas genibus advoluti orant, ne in tam praecipiti ira perseveret, spatiumque potius animo det: omnia postero die iustius executurum. Sed clausae erant aures, obstrepente ira. Itaque im-⁴⁹ potens animi procurrit ¹ in regiae vestibulum, et vigili excubanti hasta ablata, constitit in aditu, quo necesse erat his, ² qui simul coenaverant, egredi. Abierant ⁵⁰ ceteri. Clitus ultimus sine lumine exibat. Quem rex, quisnam esset? interrogat. Eminebat etiam in voce sceleris, quod parabat, atrocitas. Et ille iam non suae, ⁵¹ sed regis irae memor, Clitum esse, et de convivio exire respondit. Haec dicentis latus hasta transfixit: ⁵² morientisque sanguine aspersus, *I nunc, inquit, ad Philippum et Parmenionem et Attalum.*

6 Male humanis ingeniis natura consuluit, quod ple-¹¹ runque non futura, sed transacta perpendimus. Quippe rex, postquam ira mente decesserat, etiam ebrietate discussa, magnitudinem facinoris sera aestimatione perspexit. Videbat tunc immodica libertate ab-² usum, sed alioquin ³ egregium bello virum, et nisi erubesceret fateri, servatorem sui, occisum. Detestabile carnificis ministerium occupaverat rex, verborum licentiam, quae vino poterat imputari, nefanda caede ultus. Manabat toto vestibulo cruor paulo ante con-³ vivae: vigiles attoniti et stupentibus similes procul stabant, liberio-remque poenitentiam solitudo excipiebat. ⁴ Ergo hastam ex corpore iacentis evolsam re-⁴ torsit in semet; iamque admoverat pectori cum advolant vigiles, et repugnanti e manibus extorquent, allevatun-⁵ que in tabernaculum deferunt. Ille humi pro-⁵ straverat corpus, gemitu eiulatuque miserabili totam personans regiam. ⁵ Laniare deinde os unguibus, et

¹ percurrit.² iis.³ alioqui.⁴ exciebat.⁵ tota personante regia.

circumstantes rogare, ne se tanto dedecori supersti-
 6 tem esse paterentur. Inter¹ has preces tota nox ex-
 tracta² est. Scrutantemque, num ira deorum ad tan-
 tum nefas actus esset, subit anniversarium sacrificium
 Libero Patri non esse redditum statuto tempore.
 Itaque inter vinum et epulas caede commissa, iram
 7 dei fuisse manifestam. Ceterum magis eo movebatur,
 quod omnium amicorum animos videbat attonitos:
 neminem cum ipso sociare sermonem postea ausu-
 rum: vivendum esse in solitudine velut ferae bestiae,
 8 terrenti alias, alias timenti. Prima deinde luce taber-
 naculo corpus, sicut adhuc cruentum erat, iussit in-
 ferri. Quo posito ante ipsum, lacrimis obortis, *Hanc,*
inquit, nutrici meae gratiam rettuli, cuius duo filii
apud Miletum pro mea gloria occubuerunt mortem, hic
frater, unicum orbitatis solatium, a me inter epulas
 9 *occisus est. Quo nunc se conferet misera? Omnibus*
eius unus supersum, quem solum aequis oculis videre
non poterit. Et ego servatorum meorum latro, rever-
tar in patriam, ut ne dextram quidem nutrici sine
 10 *memoria calamitatis eius offerre possim?* Et cum finis
 lacrimis querelisque non fieret, iussu amicorum cor-
 11 pus ablatum est. Rex triduum iacuit inclusus. Quem
 ut armigeri corporisque custodes ad moriendum ob-
 stinatum esse cognoverunt, universi in tabernaculum
 irrumpunt, diuque precibus ipsorum reluctatum aegre
 12 vicerunt, ut cibum caperet. Quoque minus caedis
 puderet, iure interfectum Clitum Macedones decer-
 nunt, sepultura quoque prohibitori, ni rex humari
 iussisset.

13 Igitur decem diebus maxime ad confirmandum 7
 pudorem apud Maracanda consumptis, cum parte

¹ in.² exacta.

exercitus Hephaestionem in regionem Bactrianam misit, commeatus in hiemem paraturum. Quam Clito autem destinaverat provinciam, Amyntae dedit: ipse Xenippa pervenit. Scythiae confinis est regio, habitaturque pluribus ac frequentibus vicis, quia ubertas terrae non indigenas modo detinet, sed etiam advenas invitat. Bactrianorum exulum, qui ab Alexandro defecerant, receptaculum fuerat. Sed postquam regem adventare compertum est, pulsus ab incolis 11 milia fere et quingenti¹ congregantur. Omnes equites erant, 16 etiam in pace latrociniis assueti: tum feroçia ingenia non bellum modo, sed etiam veniae desperatio effraverat. Itaque ex improvise adorti Amyntam, praetorem Alexandri, diu anceps proelium fecerant: ad 17 ultimum 200 suorum amissis, quorum 300 hostis cepit, dedere terga victoribus, haud sane inulti, quippe 400 Macedonum interfecerunt, praeterque eos 300 et 12 saucii facti sunt. Veniam tamen etiam post alteram 18 defectionem impetraverunt.

8 Illis in fidem acceptis, in regionem, quam Nauta-19 ca² appellant, rex cum toto exercitu venit. Satrapes erat Sysimithres, duobus ex sua matre filiis genitis; quippe apud eos parentibus stupro coire cum liberis fas est. Is³ armatis popularibus, fauces regionis, quae 20 in artissimum cogitur, valido munimento sepserat.⁴ Praeterfluebat torrens amnis; tergo⁵ petra claudebat: hanc manu perviam incolae fecerant. Sed aditus 21 specus accipit lucem, interiora, nisi illato lumine, obscura sunt. Perpetuus cuniculus iter praebet in campos, ignotum nisi indigenis. At Alexander, quam 22 quam angustias naturali situ munitas valida⁶ manu
bar-

¹ ducenti.² De coniectura. Codd. Nauta; vulgo Naura.³ 11 milibus.⁴ Ex emendatione: sepserant.⁵ a tergo.⁶ ac validas.

barbari tuebantur, tamen arietibus admotis munimenta, quae manu adiuncta erant, concussit, fundisque et sagittis propugnantium plerosque deiecit: quos ubi dispersos fugavit, ruinas munimentorum supergressus
 23 ad petram admovit exercitum. Ceterum interveniebat fluvius, coëuntibus aquis ex superiore fastigio in vallem; magnique operis videbatur tam vastam voraginem explere. Caedi tamen arbores et saxa congeri iussit: ingensque barbaros pavor, rudes ad talia opera, concusserat, excitatam molem subito cernentes.
 24 Itaque rex ad deditionem metu posse compelli 9 ratus, Oxarten misit nationis eiusdem, sed dicionis
 25 suae, qui suaderet duci, ut traderet petram. Interim ad augendam formidinem et turres admovebantur, et excussa tormentis tela micabant.¹ Itaque verticem petrae, omni alio praesidio damnato, petiverunt.
 26 At Oxartes trepidum diffidentemque rebus suis Sysimithrem coëpit hortari, ut fidem, quam vim Macedonum mallet experiri, neu moraretur festinationem victoris exercitus in Indiam tendentis: cui quisquis semet offerret, in suum caput alienam cladem esse
 27 versurum. Et ipse quidem Sysimithres deditionem annuebat: ceterum mater eademque coniunx morituram se ante denuntians, quam in illius veniret potestatem, barbari animum ad honestiora quam tutiora converterat, pudebatque, libertatis maius esse
 28 apud feminas, quam apud viros pretium. Itaque dimisso internuntio pacis, obsidionem ferre decreverat. Sed cum hostis vires suasque pensaret, rursus muliebris consilii, quod praeceptis magis quam necessarium
 29 esse credebat, poenitere eum coepit: revocatoque strenue Oxarte, futurum se in regis potestate respondit,

¹ emicabant.

unum precatus, ne voluntatem et consilium matris suae proderet, quo facilius venia illi quoque impetraretur. Praemissum igitur Oxarten¹ cum matre liberisque et totius cognationis grege sequebatur, ne expectato quidem fidei pignore, quod Oxartes promiserat. Rex, equite praemisso, qui reverti eos iuberet, opperiri-³¹ que praesentiam ipsius, supervenit; et victimis Minervae ac Victoriae caesis, imperium Sysimithri restituit, spe maioris etiam provinciae facta, si cum fide amicitiam ipsius coluisset. Duos illi iuvenes³² patre tradente, secum militaturos sequi iussit.

10 Relicta deinde phalange, ad subigendos, qui defecerant, cum equite processit. Arduum et impeditum³⁴ saxis iter primo utcunque tolerabant. Mox equorum non ungulis modo attritis, sed corporibus etiam fatigatis, sequi plerique non poterant, et rarius subinde agmen fiebat, pudorem, ut fere fit, immodico labore vincente. Rex tamen, subinde equos mutans,³⁵ sine intermissione fugientes insequabatur. Nobiles iuvenes comitari eum soliti defecerant praeter Philippum. Lysimachi erat frater, tum primum adultus, et, quod facile appareret, indolis rarae. Is pedes, incredibile dictu, per D stadia vectum regem comitatus est, saepe equum suum offerente Lysimacho, nec tamen ut digrederetur a rege effici potuit, cum lorica indutus arma gestaret. Idem, cum perventum esset³⁷ in saltum, in quo se barbari abdiderant, nobilem edidit pugnam, regemque cominus cum hoste dimicantem protexit. Sed postquam barbari in fugam ef-³⁸ fusi deseruere silvas, animus, qui in ardore pugnae corpus sustentaverat, liquit; subitoque ex omnibus membris profuso sudore, arboris proximae stipiti se

¹ Oxartem.

39 applicuit. Deinde ne illo quidem adminiculo sustinente, manibus regis exceptus est, inter quas collapsus extinguitur. Maestum regem alius haud levis dolor
40 excepit. Erigyius inter claros duces fuerat; quem extinctum esse, paulo antequam reverteretur in castra cognovit. Utriusque funus omni apparatu atque honore celebratum est.

II. Dahas deinde statuerat petere: ibi namque Spita-11
menen¹ esse cognoverat. Sed hanc quoque expeditionem, ut pleraque alia, fortuna indulgendo ei nunquam fatigata, pro absente transegit. Spitamenes uxoris immodico amore flagrabat; quam aegre fugam et nova subinde exilia tolerantem, in omne discrimen
2 comitem trahebat. Illa malis fatigata identidem muliebres adhibere blanditias, ut tandem fugam sisteret, victorisque Alexandri clementiam expertus, placaret
3 quem effugere non posset. Tres adulti erant liberi ex eo geniti: quos cum pectori patris admovisset, ut saltem eorum misereri vellet, orabat; et quo efficaciores essent preces, haud procul erat Alexander.
4 Ille se prodi, non moneri ratus, et formae profecto fiducia cupere eam quamprimum dedi Alexandro, acinacem strinxit, percussurus uxorem, nisi prohibitus esset fratrum eius occurso. Ceterum abire conspectu iubet, addito metu mortis, si se oculis eius obtulisset; et ad desiderium levandum noctes agere inter
5 pellices² coepit. Sed penitus haerens amor fastidio praesentium accensus est. Itaque rursus uni ei deditus, orare non destitit, ut tali consilio abstineret, patereturque sortem, quamcunque iis fortuna fecisset:
6 sibi mortem deditioe esse leviolem. At illa purgare se, quod quae utilia esse censebat muliebriter forsi-

¹ Spitamenem.

² noctes inter pellices agere.

tan, sed fida tamen mente suasisset: de cetero futuram in viri potestate. Spitamenes, simulato captus 8 obsequio, de die convivium apparari iubet; vinoque et epulis gravis, semisomnus in cubiculum fertur. Quem ut alto et gravi somno sopitum esse sensit 9 uxor, gladium, quem veste occultaverat, stringit, caputque eius abscisum,¹ cruore respersa, servo suo 12 conscio facinoris tradit. Eodem comitante, sicuti² 10 erat, cruenta veste, in Macedonum castra pervenit, nuntiarique Alexandro iubet, esse, quae ex ipsa deberet agnoscere.³ Ille protinus barbaram iussit ad- 11 mitti. Quam ut respersam⁴ cruore conspexit, ratus ad deplorandam contumeliam venisse, dicere quae vellet iubet. At illa servum, quem in vestibulo sta- 12 re⁵ iusserat, introduci desideravit. Qui quia caput Spitamenis veste tectum habebat, suspectus scrutantibus quid occuleret ostendit. Confuderat oris exsanguis notas pallor, nec quis esset nosci satis poterat. Ergo rex certior factus, humanum caput afferre eum, tabernaculo excessit, percontatusque quid rei sit, illo profitente cognoscit. Variæ hinc cogitationes in- 14 cem animum diversa agitantem commoverant. Meritum ingens in semet esse credebat, quod transfuga et proditor, tantis rebus, si vixisset, iniecturus moram, interfectus esset: contra facinus ingens aversabatur, cum optime meritum de ipsa, communium parentem liberum,⁶ per insidias interemisisset. Vicit 11 tamen gratiam meriti sceleris atrocitas, denuntiarique iussit, ut excederet castris, neu licentiae barbarae exemplar in Graecorum mores et mitia ingenia transferret.

¹ abscisum.² sicut.³ cognoscere.⁴ adpersam.⁵ stare in vestibulo.⁶ liberorum.

16 Dahae, Spitamenis caede comperta, Dataphernem, 13
 defectionis eius participem, vinctum Alexandro seque
 dedunt. Ille, maxima praesentium curarum parte li-
 beratus, convertit animum ad vindicandas iniurias eo-
 rum, quibus a praetoribus suis avare ac superbe im-
 17 perabatur. Ergo Phratapherni Hyrcaniam et Mardos
 cum Tapyris¹ tradidit, mandavitque, ut Phradaten,²
 cui succedebat, ad se in custodiam mitteret. Arsa-
 mi, Drangarum³ praefecto, substitutus est Stasanor;
 Arsaces in Mediam missus, ut Oxydates inde disce-
 deret. Babylonia, demortuo⁴ Mazaeo, Stameni⁵ sub-
 iecta est.

IV. His compositis tertio mense ex hibernis movit¹⁴
 exercitum, regionem, quae Gabaza appellatur, aditu-
 2 rus. Primus dies quietum iter praebuit: proximus ei
 nondum quidem procellosus et tristis, obscurior ta-
 men pristino, non sine⁶ crescentis mali damno⁷ praec-
 3 teriit. Tertio ab omni parte coeli emicare fulgura,
 et nunc internitente luce, nunc condita, non oculos
 modo meantis exercitus, sed etiam animos terrere
 4 coeperunt. Erat prope continuus coeli fragor, et
 passim cadentium fulminum species visebatur. Atto-
 nitisque auribus stupens agmen nec progredi, nec
 5 consistere audebat. Tum repente imber grandinem
 incutiens torrentis modo effunditur. Ac primo qui-
 dem armis suis tecti exceperant, sed iam nec reti-
 nere arma lubricae et rigentes manus poterant, nec
 ipsi destinare, in quam regionem obverterent corpo-
 ra, cum undique tempestatis violentia maior, quam
 6 vitabatur, occurreret. Ergo ordinibus solutis per to-

¹ Tapyris.² Phradatem.³ Arsani Drangarum.⁴ mortuo.⁵ Deditameni.⁶ sine minis crescentis.⁷ abest.

tum saltum errabundum agmen ferebatur; multique prius metu, quam labore defatigati, prostraverant humi corpora, quamquam imbrem vis frigoris concreto gelu astrinxerat. Alii se stipitibus arborum admove- 7 rant: id plurimis et adminiculum et suffugium erat. Nec fallebat ipsos morti locum eligere, cum immobili- 8 les vitalis calor linqueret: sed grata erat pigritia corporum fatigatis, nec recusabant extinguere quiescendo. Quippe non vehemens modo, sed etiam pertinax vis mali insistebat; lucemque, naturale solatium, praeter tempestatem haud disparem nocti, silvarum quoque umbra suppresserat. Rex unus tanti mali patiens 9 circumire milites, contrahere dispersos, allevare prostratos, ostendere procul evolutum ex tuguriis fumum, hortarique ut proxima quaeque suffugia occuparent. Nec ulla res magis saluti fuit, quam quod multipli- 10 cato labore sufficientem malis, quibus ipsi cesserant, regem deserere erubescabant.

15 Ceterum efficacior in adversis necessitas, quam 11 ratio, frigoris remedium invenit. Dolabris enim silvas sternere aggressi, passim acervos struesque accenderunt. Continenti incendio ardere crederes saltum, 12 et vix inter flammam agminibus relictum locum. Hic calor stupentia membra commovit, paulatimque spiritus, quem continuerat rigor, meare libere coepit. Excepere alios tecta barbarorum, quae in ultimo sal- 13 tu abdita necessitas investigaverat: alios castra, quae in humido quidem, sed iam coeli mitescente saevitia, locaverunt. Duo milia¹ militum atque lixarum calonumque pestis illa consumpsit. Memoriae prodi- 14 tum est, quosdam applicatos arborum truncis, et non solum viventibus, sed etiam² inter se colloquentibus similes, esse conspectos, durante adhuc habitu, in

¹ mille.² et.

15 quo mors quemque deprehenderat. Forte Macedo
gregarius miles seque et arma sustentans, tandem
in castra pervenerat. Quo viso rex, quamquam ipse
tummaxime¹ admoto igne refovebat artus, ex sella
16 sua exiluit, torpentemque militem et vix compotem
mentis, demptis armis, in sua sede iussit considerare.
Ille diu nec ubi requiesceret, nec a quo esset exce-
17 ptus agnovit. Tandem recepto calore vitali, ut re-
giam sedem regemque vidit, territus surgit. Quem
intuens Alexander, *Ecquid intelligis, miles, inquit,*
quanto meliore sorte, quam Persae, sub rege vivatis?
Illis enim in sella regis consedissee capital² foret, tibi
18 *saluti fuit.* Postero die convocatis amicis copiarumque
ducibus, pronuntiari iussit, ipsum omnia, quae amis-
sa essent, redditurum. Et promisso fides extitit.
19 Nam Sysimithres multa iumenta et camelorum duo
milia adduxit, pecoraque et armenta; quae distributa
20 pariter militem et damno et fame liberaverunt. Rex,
gratiam sibi relatam a Sysimithre praefatus, sex die-
rum cocta cibaria ferre milites iussit, Sagos³ petens.
Totam hanc regionem depopulatus, xxx milia peco-
rum ex praeda Sysimithri dono dat.

21 Inde pervenit in regionem, cui Oxyartes,⁴ satra-16
pes nobilis, praeerat, qui se regis potestati fideique
permisit. Ille imperio ei reddito, haud amplius, quam
22 ut duo ex tribus filiis secum militarent, exegit. Sa-
trapes etiam eum, qui penes ipsum relinquebatur, tra-
dit. Barbara opulentia convivium, quo regem acci-
23 piebat, instruxerat. Id cum multa comitate celebra-
ret, introduci xxx nobiles virgines iussit. Inter quas
erat filia ipsius Roxane nomine, eximia corporis spe-

¹ tunc maxime. ² capitale. ³ Sacas. ⁴ De coniectura.
Libri mss. Cohortandus, editi vulgo Cohortanus.

cie et decore habitus in barbaris raro. Quae quam-²⁴
 quam inter electas processerat, omnium tamen ocu-
 los convertit in se, maxime regis, minus iam cupidi-
 tatibus suis imperantis inter obsequia fortunae, con-
 tra quam non satis cauta mortalitas est. Itaque ille,²⁵
 qui uxorem Darei, qui duas filias virgines, quibus for-
 ma praeter Roxanen comparari nulla poterat, haud
 alio animo, quam parentis, aspexerat, tunc in amo-
 rem virgunculae, si regiae stirpi compararetur,¹ igno-
 bilis, ita effusus est, ut diceret ad stabiliendum regnum
 pertinere, Persas et Macedones connubio iungi: hoc
 uno modo et pudorem victis, et superbiam victoribus
 detrahi posse. Achillem quoque, a quo genus ipse²⁶
 deduceret, cum captiva coisse: ne inferri nefas arbi-
 trarentur, ita² matrimonii iure velle iungi. Insperato²⁷
 gaudio laetus pater sermonem eius excipit:³ et rex
 in⁴ medio cupiditatis ardore iussit afferri patrio mo-
 re panem. Hoc erat apud Macedones sanctissimum
 coëuntium pignus, quem divisum gladio uterque liba-
 bat. Credo eos, qui gentis mores condiderunt, parco²⁸
 et parabili victu ostendere voluisse iungentibus opes,
 quantulo contenti esse deberent. Hoc modo rex²⁹
 Asiae et Europae introductam inter convivales ludos
 matrimonio sibi adiunxit, e captiva geniturus, qui vi-
 ctoribus imperaret. Pudebat amicos, super vinum et³⁰
 epulas socerum ex deditis esse delectum:⁵ sed post
 Cliti caedem libertate sublata, vultu, qui maxime ser-
 vit, assentiebantur.

- 17 Ceterum Indiam et inde Oceanum petiturus, ne v.
 quid a tergo, quod destinata impedire posset, move-
 retur, ex omnibus provinciis xxx milia iuniorum legi

¹ comparetur.

+ abest praepositio.

² Fortasse rite.

⁵ electum.

³ exceptit.

2 iussit et ad se armata perducī, obsides simul habi-
 turus et milites. Craterum ¹ ad persequendos Hausta-
 nem et Catenem, qui ab ipso defecerant, misit: quo-
 rum Haustanes captus est, Catenes in proelio occisus.
 Polypercon quoque regionem, quae Bubacene appel-
 3 latur, in dicionem redegit. Itaque, omnibus compo-
 sitis, cogitationes in bellum Indicum vertit. Dives
 regio habebatur non auro modo, sed gemmis quoque
 margaritisque, ad luxum magis quam ad magnificen-
 4 tiam exulta. Periti ² militares auro et ebore fulgere
 dicebant: itaque, necubi vinceretur, cum ceteris prae-
 staret, scutis argenteas laminas, equis frenos aureos
 addidit, loricas quoque alias auro, alias argento ad-
 ornavit. cxx milia armatorum erant, quae regem ad
 5 id bellum sequebantur. Iamque omnibus praeparatis,
 quod olim prava mente conceperat, tunc esse matu-
 rum [ratus], ³ quonam modo coelestes honores usur-
 paret, coepit agitare. Iovis filium non dici tantum
 se, sed etiam credi volebat, tanquam perinde animis
 6 imperare posset ac linguis, itaque more Persarum
 Macedonas venerabundos ipsum salutare prosternen-
 tes humi corpora. Non deerat talia concupiscenti
 pernicioſa adulatio, perpetuum malum regum, quo-
 7 rum opes saepius assentatio, quam hostis evertit. Nec
 Macedonum haec erat culpa, nemo enim illorum
 quicquam ex patrio more labare sustinuit, sed Grae-
 corum, qui professionem honestarum artium malis
 8 corruperant moribus. Agis quidam Argivus, pessimo-
 rum carminum post Choerilum conditor, et ex Sici-
 lia Cleo, hic quidem non ingenii solum, sed etiam

¹ adicitur autem.
 postea dicebantur.
 coniectura.

² clypei vulgo de coniectura,
³ Adiectum verbum est de

nationis vitio adulator, et cetera urbium suarum purgamenta, quae propinquis etiam maximorumque exercituum ducibus a rege praeferebantur. Hi tum coelum illi aperiebant, Herculemque et Patrem Liberum et cum Polluce Castorem novo numini cessuros esse iactabant.

18 Igitur festo die omni opulentia convivium exornari iubet, cui non Macedones modo et Graeci, principes amicorum, sed etiam nobiles¹ adhiberentur. Cum quibus cum discubisset rex, paulisper epulatus convivio egreditur. Cleo, sicut praeparatum erat,² sermonem cum admiratione laudum eius instituit. Merita deinde percensuit, quibus uno modo referri gratiam posse,³ si, quem intelligerent deum esse, confiterentur, exigua thuris impensa tanta beneficia pensaturi. Persas quidem non pie solum, sed etiam prudenter reges suos inter deos colere: maiestatem enim imperii salutis esse tutelam. Ne⁴ Herculem quidem et Patrem Liberum prius dicatos deos, quam vicissent secum viventium invidiam: tantundem quoque posteros credere, quantum praesens aetas spondisset. Quodsi ceteri dubitent, semetipsum, cum¹² rex inisset convivium, prostraturum humi corpus. Debere idem facere ceteros, et inprimis sapientia praeditos: ab illis enim cultus in regem exemplum esse prodendum.⁵ Haud perplexe in Callisthenem⁶¹³ dirigebatur oratio. Gravitas viri et prompta libertas invisae erat regi, quasi solus Macedonas paratos ad tale obsequium moraretur.

19 Is tum silentio facto, unum illum intuentibus ceteris, *Si rex, inquit, sermoni tuo affuisset, nullius*

¹ *Excidit fortasse vox barbari.*

² sicut praeparaverat.

³ gratia posset. ⁴ nec. ⁵ esse prodendum exemplum.

⁶ Callisthenem, *item postea.*

*profecto vox responsuri tibi desideraretur: ipse enim peteret, ne in peregrinos externosque¹ ritus degenerare se cogeres, neu rebus felicissime gestis invidiam
 15 tali adulatione contraheres. Sed quoniam abest, ego tibi pro illo respondeo, nullum esse eundem et diuturnum et praecoquem fructum, coelestesque honores non dare te regi, sed auferre. Intervallo enim opus est, ut credatur deus, semperque hanc gratiam magnis
 16 viris posteri reddunt. Ego autem seram immortalitatem precor regi, ut et² vita diuturna sit, et aeterna maiestas. Hominem consequitur aliquando, nun-
 17 quam comitatur divinitas. Herculem modo et Patrem Liberum consecratae immortalitatis exempla referebas. Credisne illos unius convivii decreto deos factos? Prius ab oculis mortalium amolita natura est,
 18 quam in coelum fama perveheret. Scilicet ego et tu, Cleo, deos facimus! a nobis divinitatis suae auctoritatem accepturus est rex! potentiam tuam experiri libet: fac aliquem regem, si deum potes facere. Fa-
 19 cilius est coelum³ dare, quam imperium.⁴ Dii propitii sine invidia, quae Cleo dixit, audierint, eodemque cursu, quo fluxere adhuc⁵ res, ire patiantur. Nostris moribus velint nos esse contentos. Non pudet patriae, ne desidero, ad quem modum rex mihi colendus sit, discere. Quos equidem victores esse confiteor, si ab illis leges, quis vivamus, accipimus.
 20 Aequis auribus Callisthenes veluti vindex publicae libertatis audiebatur. Expresserat non assensionem modo, sed etiam vocem, seniorum praecipue, quibus
 21 gravis erat inveterati moris externa mutatio. Nec quicquam eorum, quae invicem iactata erant, rex*

¹ abest.² abest.³ imperium.⁴ coelum.⁵ abest.

ignorabat, cum post aulaea, ¹ quae lectis ² obduxerat, staret. Igitur ad Agin et Cleonem misit, ut sermone finito barbaros tantum, cum intrasset, procumbere suo more paterentur: et paulo post, quasi potiora quaedam egisset, convivium repetit. Quem veneran-²² tibus Persis, Polypercon, qui cubabat super regem, unum ex his ³ mento contingentem humum per ludibrium coepit hortari, ut vehementius id quateret ad terram, elicuitque iram Alexandri, quam olim animo capere non poterat. Itaque rex, *Tu autem,* in-²³ quit, *non veneraberis me? An tibi uni digni videmur esse ludibrio?* Ille, nec regem ludibrio, nec se contemptu dignum esse, respondit. Tum detractum cum ²⁴ lecto rex praecipitat in terram. Et cum is pronus corruisset, *Videsne,* inquit, *idem te fecisse, quod in alio paulo ante ridebas?* Et tradi eo in custodiam iusso, convivium solvit. Polyperconti quidem postea, castigato diu, ignovit: in Callisthenen olim contuma-^{vi} ciae suspectum pervicacioris irae fuit. Cuius explendae matura obvenit occasio.

- 21 Mos erat, ut supra dictum est, principibus Mace-² donum, adultos liberos regibus tradere, ad munia haud multum servilibus ministeriis abhorrentia. Excu-³ babant servatis noctium vicibus proximi foribus eius ⁴ aedis, in qua rex acquiescebat. Per hos pellices introducebantur alio aditu, quam quem armati obsidebant. Iidem acceptos ab agasonibus equos, cum rex ⁴ ascensurus esset, admovebant, comitabanturque et venantem, et in proeliis, omnibus artibus studiorum liberalium exulti. Praecipuus honor habebatur, quod ⁵ licebat sedentibus vesci cum rege. Castigandi eos verberibus ⁵ nullius potestas praeter ipsum erat. Haec ⁶

¹ aulaeam. ² lectos. ³ iis. ⁴ abest. ⁵ verberibus eos.

cohors velut seminarium ducum praefectorumque apud Macedonas fuit: hinc habuere posteri reges, quorum stirpibus¹ post multas aetates Romani opes ademerunt.

7 Igitur Hermolaus, puer nobilis ex regia cohorte, cum aprum telo occupasset, quem rex ferire destinaverat, iussu eius verberibus affectus est. Quam ignominiam aegre ferens deflare apud Sostratum coepit. Ex eadem cohorte erat Sostratus, amore eius
8 ardens. Qui cum laceratum corpus, in quo deperibat, intueretur, forsitan olim ob aliam quoque causam regi infestus, iuvenem sua sponte iam motum, data fide acceptaque perpulit, ut occidendi regem consilium
9 secum iniret. Nec puerili impetu rem executi sunt: quippe sollerter legerunt, quos in societatem sceleris asciscerent. Nicostratum, Antipatrum Asclepiodorumque et Philotam placuit assumi: per hos adiecti sunt
10 Anticles, Elaptonius et Epimenes. Ceterum agenda rei haud sane facilis patebat via. Opus erat eadem omnes coniuratos nocte excubare, ne ab expertibus consilii impedirentur; forte autem alius alia nocte
11 excubabat. Itaque in permutandis stationum vicibus ceteroque apparatu exequendae rei triginta et duo dies absumpti sunt.

12 Aderat nox, qua coniurati excubare debebant, 22
mutua fide laeti, cuius documentum tot dies fuerant. Neminem metus spesve mutaverat: tanta omnibus
13 vel in regem ira, vel fides inter ipsos fuit. Stabant igitur ad fores aedis eius, in qua rex vescebatur, ut
14 convivio egressum in cubiculum deducerent. Sed fortuna ipsius simulque epulantium comitas provexit omnes ad largius vinum; ludi etiam convivales extra-

¹ stirpi.

xere tempus, nunc laetantibus¹ coniuratis, quod sopitum aggressuri essent, nunc sollicitis, ne in lucem convivium extraheret.² Quippe alios in stationem¹⁵ oportebat prima luce succedere, ipsorum post septimum diem³ reditura vice: nec sperare poterant, in illud tempus omnibus duraturam fidem. Ceterum¹⁶ cum iam lux appeteret, et convivium solvitur, et coniurati exceperunt regem, laeti occasionem exequendi sceleris admotam; cum mulier attonitae, ut creditum est, mentis, conversari in regia solita, quia instinctu videbatur futura praedicere, non occurrit modo abeunti, sed etiam semet obiecit, vultuque et oculis motum praeferens animi, ut rediret in convivium monuit: et ille per ludum, bene deos suadere, respon-¹⁷ dit, revocatisque amicis in horam diei ferme secundam convivii tempus extraxit. Iam alii ex cohorte¹⁸ in stationem successerant, ante cubiculi fores excubaturi, adhuc tamen coniurati stabant vice officii sui expleta; adeo pertinax spes est, quam humanae mentes devoraverunt.⁴ Rex benignius quam alias allocu-¹⁹ tus, discedere eos ad curanda corpora, quoniam tota nocte perstitissent, iubet. Data⁵ singulis quinquaginta sestertia, collaudatis,⁶ quod etiam aliis tradita vice, tamen excubare perseverassent.

23 Illi tanta spe destituti domos abeunt. Et ceteri²⁰ quidem expectabant stationis suae noctem: Epimenes, sive comitate regis, qua ipsum inter coniuratos exceperat, repente mutatus, sive quia coeptis deos obstare credebat, fratri suo Eurylocho, quem antea expertem esse consilii voluerat, quid pararetur, aperit.

¹ laetis.

² extraheretur.

³ post vii dies.

⁴ mentes,

quam ingentes concupiscentiae devoverunt.

⁵ data

sunt singulis.

⁶ collaudatisque.

21 Omnibus Philotae supplicium in oculis erat. Itaque
 protinus iniicit fratri manum, et in regiam pervenit,
 excitatisque custodibus corporis, ad salutem regis per-
 22 tinere, quae afferret, affirmat. Et tempus, quo vene-
 rant, et vultus haud sane securi animi index, et mae-
 stitia e duobus alterius, Ptolemaeum ac Leonnatum
 excubantes ad cubiculi limen excitaverunt. Itaque
 apertis foribus, et lumine illato, sopitum mero ac
 somno excitant regem. Ille paulatim mente collecta,
 23 quid afferrent, interrogat. Nec cunctatus Eurylochus,
 non ex toto domum suam aversari deos dixit, quia
 frater ipsius, quamquam impium facinus ausus foret,
 tamen et poenitentiam eius ageret, et per se potissi-
 mum profiteretur indicium. In eam ipsam noctem,
 quae decederet, insidias comparatas fuisse, auctores
 24 scelesti consilii esse, quos minime crederet rex. Tum
 Epimenes cuncta ordine, consciorumque nomina ex-
 ponit. Callisthenen non ut participem facinoris no-
 minatum esse constabat, sed solitum puerorum ser-
 monibus vituperantium criminantiumque regem faciles
 25 aures praebere. Quidam adiiciunt, cum Hermolaus
 apud eum quoque verberatum se a rege quereretur,
 dixisse Callisthenen, meminisse debere eos iam viros
 esse: idque ¹ ad consolandam patientiam verberum,
 an ad incitandum iuvenum dolorem dictum esset, in
 ambiguo fuisse.
 26 Rex, animi corporisque sopore discusso, cum tanti
 periculi, quo ² evaserat, imago oculis oberraret, Eu-
 rylochum ³ talentis et cuiusdam Tyridatis opulentis ⁴
 bonis protinus donat, ⁴ fratremque, antequam pro sa-
 27 lute eius precaretur, restituit. Sceleris autem aucto-

¹ Idque an ad.
protinus.

² quod.

³ opulenti.

⁴ donat

res, interque eos Callisthenen, vinctos asservari iubet: quibus in regiam adductis, toto die et nocte proxima, mero ac vigiliis gravis, acquievit.

24 Postero autem frequens consilium adhibuit, cui²³ patres propinquire eorum, de quibus agebatur, intererant, ne de sua quidem salute securi: quippe Macedonum more perire debebant, omnium devotis capitibus, qui sanguine contigissent eos. Rex introduci²⁹ coniuratos praeter Callisthenen iussit: atque quae agitaverant, sine cunctatione confessi sunt. Increpan-³⁰ tibus deinde universis eos, ipse rex, quo suo merito tantum in semet cogitassent facinus? interrogat. Stu-^{vii.} pentibus ceteris, Hermolaus, *Nos vero, inquit, quoniam, quasi nescias, quaeris, occidendi te consilium inivimus, quia non ut ingenuis imperare coepisti, sed quasi in mancipia dominaris.* Primus ex omnibus² pater ipsius Sopolis, parricidam etiam parentis sui clamitans esse, consurgit, et ad os manu obiecta, scelere et malis insanientem ultra negat audiendum. Rex inhibito patre dicere Hermolaum iubet, quae ex³ magistro didicisset Callisthene. Et Hermolaus, *Utor, inquit, beneficio tuo, et dico, quae nostris malis didici. Quota pars Macedonum saevitiae tuae superest? quo-*⁴
tus quidem¹ non e vilissimo sanguine? Attalus et Philotas et Parmenio et Lyncestes Alexander et Clitus, quantum ad hostes pertinet, vivunt, stant in acie, te clipeis suis protegunt, et pro gloria tua, pro victoria vulnera accipiunt: quibus tu egregiam gratiam rettulisti. Alius mensam tuam sanguine suo aspersit, alius⁵ ne simplici quidem morte defunctus est. Duces exercituum tuorum in equuleum impositi, Persis, quos vicerant, suere spectaculo. Parmenio indicta causa tru-
ci-

¹ quotusquisque.

6 *cidatus est, per quem Attalum occideras. Invicem*
enim miserorum uteris manibus ad expetenda suppli-
cia, et quos paulo ante ministros caedis habuisti, su-
 7 *bito ab aliis iubes trucidari.. Obstreunt subinde cun-*
cti Hermolao, pater supremum strinxerat ferrum, per-
cussurus laud dubie, ni inhibitus esset a rege: quip-
pe Hermolaum dicere iussit, petiitque, ut causas sup-
plicii augentem patienter audirent.

8 *Aegre ergo coërcitis, rursus Hermolaus: Quam li- 25*
beraliter, inquit, pueris rudibus ad dicendum agere
permittis! at Callisthenis vox carcere inclusa est, quia
 9 *solus potest dicere. Cur enim non producitur, cum*
etiam confessi audiuntur? nempe quia liberam vocem
innocentis audire metuis, ac ne vultum quidem pate-
 10 *ris. Atqui nihil eum fecisse contendo. Sunt hic, qui*
mecum rem pulcherrimam cogitaverunt: nemo est, qui
conscium fuisse nobis Callisthenem dicat, cum morti
olim destinatus sit a iustissimo et patientissimo
 11 *rege. Haec ergo sunt Macedonum praemia, quorum*
ut supervacuo et sordido abuteris sanguine! At tibi
xxx milia mulorum captivum aurum vehunt, cum mi-
lites nihil domum praeter gratuitas cicatrices relatu-
turi sint. Quae tamen omnia tolerare potuimus, an-
tequam nos barbaris dederes, et novo more victores
 12 *sub iugum mitteres. Persarum te vestis et disciplina*
delectat, patrios mores exosus es. Persarum ergo,
non Macedonum, regem occidere volumus, et te trans-
 13 *fugam belli iure persequimur. Tu Macedonas voluisti*
genua tibi ponere, venerarique te ut deum: tu Phi-
lippum patrem aversaris, et si quis deorum ante Io-
 14 *vem haberetur, fastidires etiam Iovem. Miraris, si*
liberi homines superbiam tuam ferre non possumus?
Quid speramus ex te, quibus aut insontibus morien-

dum est, aut, quod ¹tristius morte est, in servitute vivendum? Tu quidem, si emendari potes, multum mihi ¹⁵debes. Ex me enim scire coepisti, quid ¹ingenui homines ferre non possint. ²De cetero parce, quorum orbam senectutem suppliciis ne oneraveris: nos iube duci, ut, quod ex tua morte petieramus, consequamur ex nostra. Haec Hermolaus.

- 26 At rex: Quam falsa sint, inquit, quae iste tradita ^{VII}a magistro suo dixit, patientia mea ostendit. ³Confessum enim ultimum facinus, tamen non solum [audivi, sed ut] ipsi audiretis, ⁴expressi, non imprudens, cum permissem latroni huic ⁵dicere, usurum eum rabie, qua compulsus est, ut me, quem parentis loco colere deberet, ⁶vellet occidere. Nuper cum procacius ³se in venatione gessisset, more patrio, et ab antiquissimis Macedoniae regum ⁷usurato, castigari eum ⁸iussi. Hoc et oportet fieri, et ut a tutoribus pupilli, a maritis uxores, servis quoque pueros huius aetatis verberare concedimus. Haec est saevitia in ipsum mea, quam impia caede voluit ulcisci. Nam in ceteros, qui mihi permittunt uti ingenio meo, quam mitis sim, non ignoratis, et commemorare supervacuum est. Hermolao parricidarum supplicia non probari, cum eadem ipse meruerit, minime hercule admiror. Nam cum Parmenionem et Philotam laudat, suae servit causae. Lyncesten vero Alexandrum bis insidiatum capiti meo a duobus indicibus liberavi, rursus convictum per biennium tamen distuli; donec vos postularetis, ut tandem debito supplicio scelus lucret. Attā-

¹ quod. ² possunt. ³ ostendet. ⁴ Codd. tamen non solum ipsi audiretis. Edd. vulg. tamen ut vos quoque, non solum ipse, audiretis. ⁵ huic latroni. ⁶ debet. ⁷ regibus. ⁸ eum castigari.

lūm, antequam rex essem, hostem meo capiti fuisse meministis. Clitus utinam non coëgisset me sibi irasci. Cuius temerariam linguam probra dicentis¹ mihi et vobis diutius tuli, quam ille eadem me dicentem tulisset. Regum ducumque clementia non in ipsorum modo, sed etiam in illorum, qui parent, ingeniis sita est. Obsequio mitigantur imperia: ubi vero reverentia excessit animis, et summa imis confundimus, vi opus est, ut vim repellamus.

9 Sed quid ego mirer, istum crudelitatem mihi obie-27
cisse, qui avaritiam exprobrare ausus sit? Nolo singulos vestrum excitare, ne invisam liberalitatem meam faciam, si pudori vestro gravem fecero. Totum exercitum aspiciate: qui paulo ante nihil praeter arma habebat, nunc argenteis cubat lectis; mensas auro onerant, servorum greges ducunt, spolia de hostibus sustinere non possunt. At enim Persae, quos vicimus, in magno honore sunt apud me! Equidem moderatioris meae certissimum indicium est, quod ne victis quidem superbe impero. Veni enim in Asiam, non ut funditus everterem gentes, nec ut dimidia parte³ terrarum solitudinem facerem, sed ut illos,⁴ quos bello subegissem, victoriae meae non poeniteret. Itaque militant vobiscum, pro imperio vestro sanguinem fundunt, qui superbe habiti rebellassent. Non est diuturna possessio, in quam gladio inducimur: beneficiorum gratia sempiterna est. Si habere Asiam, non transire volumus, cum his communicanda est nostra clementia; horum fides stabile et aeternum faciet imperium. Et sane plus habemus, quam capimus. Insatiabilis autem avaritiae est, adhuc implere velle,

¹ dicentem.² greges servorum.³ dimidiam partem.⁴ illos quoque.

quod iam circumfluit. Veruntamen eorum mores in¹³ Macedonas transfundo! In multis enim gentibus esse video, quæ non erubescamus imitari; nec aliter tantum imperium apte regi potest, quam ut quædam et tradamus illis, et ab iisdem discamus.

28 Illud paene dignum risu fuit, quod Hermolaus po-¹⁴ stulabat a me, ut adversarer Iovem, cuius oraculo agnoscor. An etiam quid dii respondeant, in mea¹⁵ potestate est? Obtulit nomen filii mihi, recipere ipsis rebus, quas agimus, haud alienum fuit. Utinam Indi quoque deum esse me credant! Fama enim bella constant, et saepe etiam quod falso creditum est veri vicem obtinuit. An me luxuriæ indulgentem putatis¹⁶ arma vestra auro argentoque adornasse? Assuetis nihil vilius hac videri¹ materia vqlui ostendere, Macedonas invictos ceteris ne² auro quidem vinci. Ocu-¹⁷ los ergo primum eorum sordida omnia et humilia spectantium capiam, et docebo, nos non auri aut argenti cupidos, sed orbem terrarum subacturos venire.³ Quam gloriam tu, parricida, intercipere voluisti, et Macedonas, rege adempto, devictis gentibus dedere. At nunc mones me, ut vestris parentibus parcam!¹⁸ Non oportebat quidem vos scire, quid de his statuissim, quo tristiores periretis, si qua vobis parentum memoria et cura est: sed olim istum morem occidendi cum scelestis insontes propinquos parentesque solvi, et profiteor, in eodem honore futuros omnes eos, in quo fuerunt. Nam tuum Callisthenen, cui uni vir vi-¹⁹ deris, quia latro es, scio, cur produci velis: ut coram his probra, quæ in me modo⁴ iecisti, modo audisti, illius quoque ore referantur. Quem, si Macedo esset

¹ videre.² nec.³ venisse.⁴ modo in me.

tecum introduxissem, dignissimum te discipulo magistrum: nunc Olynthio non idem iuris est.

20 Post haec consilium dimisit, tradique damnatos 29
hominibus, qui ex eadem cohorte erant, iussit. Illi,
ut fidem suam saevitia regi approbarent, excruciatos
21 necaverunt. Callisthenes quoque tortus interiit, initi
consilii in caput regis innoxius, sed haudquaquam
22 aulae et assentantium accommodatus ingenio. Itaque
nullius caedes maiorem apud Graccos Alexandro ex-
citavit invidiam, quod praeditum optimis moribus ar-
tibusque, a quo revocatus ad vitam erat, cum inter-
fecto Clito mori perseveraret, non tantum occiderit,
23 sed etiam torserit indicta quidem causa. Quam cru-
delitatem sera poenitentia consecuta est.

ix. Sed ne otium serendis rumoribus natum aleret, in 30
Indiam movit, semper bello quam post victoriam cla-
rior. India tota ferme spectat Orientem, minus in
2 latitudinem, quam recta regione spatiosa. Quae Au-
3 strum accipiunt, in altius terrae fastigium excedunt;
plana sunt cetera, multisque inclitis amnibus Cau-
caso monte ortis placidum per campos iter praebent.
4 Indus gelidior est, quam ceteri: aquas vehit a colore
5 maris haud multum abhorrentes. Ganges omnium
ab Oriente fluvius¹ eximius ad meridianam regio-
nem decurrit, et magnorum montium iuga recto alveo
stringit; inde² eum obiectae rupes inclinant ad Orien-
6 tem. Uterque³ Rubro mari accipitur, findens ripas,
multasque⁴ arbores cum magna soli parte exsorbet,
7 saxis quoque impeditus, quibus⁵ crebro reverberatur;
ubi mollius solum reperit, stagnat, insulasque molitur.
8 Acesines Indum⁶ auget: decursurum⁷ in mare inter-

¹ Ganges amnis ab ortu eximius. ² mss. in. ³ Utque. ⁴ mul-
tas. ⁵ abest. ⁶ Ex emend. Codd. cesin eum. Vulgo
Acesines eum. ⁷ Libri mss. et editi Ganges decur-
surum, item postea quippe Ganges asperum.

·cipit, magnoque motu amnis uterque colliditur: quippe asperum os influenti obiicit, nec repercussae aquae cedunt. Dyardenes minus celebrer auditu est, quia 9 per ultima Indiae currit: ceterum non crocodilos modo, uti Nilus, sed etiam delphinos¹ ignotasque aliis gentibus beluas¹ alit. Ethimantus,² crebris flexibus subinde curvatus, ab accolis rigantibus carpitur: ea causa est, cur tenues reliquias iam sine nomine in mare emittat. Multis praeter hos amnibus tota regio dividitur, sed ignobilibus, quia non adeo interfluunt. Ceterum quae propiora sunt mari aquilones maxime deurant: hi³ cohibiti iugis montium ad interiora non penetrant, ita alendis frugibus mites.⁴ Sed adeo in illa plaga mundus statas temporum vices mutat, ut, cum alia fervore solis exaestuant, Indiam nives obruant, rursusque, ubi cetera rigent, illic intolerandus aestus existat. Nec aperuit natura causam.⁵ Mare certe, quo alluitur, ne colore quidem abhorret a ceteris. Ab Erythro⁶ rege inditum est nomen: propter quod ignari rubere aquas credunt.

31 Terra lini ferax: inde plerisque sunt vestes. Libri arborum teneri haud secus quam chartae, litterarum notas capiunt. Aves ad imitandum humanae vocis sonum dociles sunt. Animalia inusitata ceteris gentibus, nisi invecta. Eadem terra⁷ rhinocerotas alit, non generat. Elephantorum maior est vis, quam quos in Africa domitant; et viribus magnitudo respondet. Aurum flumina vehunt, quae leni modicoque lapsu segnes aquas ducunt. Gemmas margaritasque mare

¹ delphines.² Erymanthus.³ ii.⁴ mitia.

Sed totus locus in mss. sic legitur: aquiloni — decurrunt his cohibitus — penetrat — mitis.

5 De coniectura: Codd. nec cur ubi se natura causa. Vulgo nec cur, ulli se naturae causa ingressit.

⁶ Erythra. ⁷ adicitur et.

litoribus infundit. Neque alia illis maior opulentiae causa est, utique postquam vitiorum commercium vulgavere in exterarum gentes: quippe aestimantur purgamenta exaestuantis¹ freti pretio, quod libido constituit. Ingenia hominum, sicut ubique, apud illos locorum quoque situs format. Corpora usque pedes carbaso velant, soleis pedes, capita linteis vinciunt; lapilli ex auribus pendent; brachia quoque et laceratos auro colunt, quibus inter populares aut nobilitas aut opes eminent. Capillum pectunt saepius, quam tondent; mentum semper intonsum est; reliquam oris cutem ad speciem levitatis exaequant.

Regum tamen luxuria, quam ipsi magnificentiam³² appellant, super² omnium gentium vitia. Cum rex sese³ in publico conspici patitur thuribula argentea ministri ferunt, totumque iter, per quod ferri destinavit, odoribus complent. Aurea lectica, margaritis circumpendentibus, recubat: distincta sunt auro et purpura carbasa, quae indutus est: lecticam sequuntur armati corporisque custodes, inter quos ramis aves pendent, quas cantu seriis rebus obstrepere docuerunt. Regia auratas columnas habet: totas eas vitis auro caelata percurrit, aviumque, quarum visu maxime gaudent, argenteae effigies opera distinguunt. Regia adeuntibus patet, cum capillum pectit atque ornat: tunc responsa legationibus, tunc iura popularibus reddit. Dempstis soleis, odoribus illinuntur pedes.

Venatus maximus labor est inclusa vivario animalia inter vota cantusque pellicum figere. Binum cubitorum sagittae sunt, quas emittunt maiore nisu⁴ quam effectu. Quippe telum, cuius in levitate vis omnis est, inhabili pondere oneratur. Breviora itinera equo

¹ aestuantis.² supra.³ De coni. sane.⁴ mixu

conficit; longior ubi expeditio est, elephanti vehunt currum, et tantarum beluarum corpora tota contegunt auro. Ac ne quid perditis moribus desit, lecticis aureis pellicum longus ordo sequitur: separatum a reginae ordine agmen est, aequatque luxuriam.¹ Feminae epulas parant. Ab iisdem vinum ministra-³⁰ tur, cuius omnibus Indis largus est usus. Regem merito somnoque sopitum in cubiculum pellices referunt, patrio carmine noctium invocantes deos.

33 Quis credat inter haec vitia curam esse sapientiae? ³¹ Unum agreste et horridum genus est, quod² sapientes vocant. Apud hos occupare fati diem pulchrum, et vivos se cremari iubent, quibus aut segnibus aetas ³² aut incommoda valetudo est: expectatam mortem pro dedecore vitae habent. Nec ullus corporibus, quae senectus solvit, honos redditur: inquinari putant ignem, nisi qui spirantes recipit. Illi, qui in urbibus ³³ publicis moribus degunt, siderum motus scite spectare dicuntur et futura praedicere. Nec quemquam admove-
re leti diem credunt, cui expectare interrito liceat. Deos putant quicquid colere coeperunt, arbo-³⁴ res maxime, quas violare capital³ est. Menses in qui-³⁵ nos denos descripserunt dies, anni plena spatia servantur.⁴ Lunae cursu notant tempora, non, ut pleri-³⁶ que, cum orbem sidus implevit, sed cum se curvare coepit in cornua, et idcirco breviores habent menses, qui spatium eorum ad hunc lunae modum dirigunt. Multa et alia traduntur, quibus morari ordinem re-³⁷ rum haud sane operae videbatur.

34 Igitur Alexandro fines Indiae ingresso gentium suarum reguli occurrerunt, imperata facturi, illum tertium Iove genitum ad ipsos pervenisse memorantes:

¹ luxuria.² quos.³ capitale.⁴ servant.

Patrem Liberum atque Herculem fama cognitos esse,
 2 ipsum coram adesse cernique. Rex benigne exceptos
 sequi iussit, iisdem itinerum ducibus usus. Cete-
 rum cum amplius nemo occurreret, Hephaestionem
 et Perdiccam cum copiarum parte praemisit ad subi-
 gendos, qui aversarentur imperium: iussitque ad flu-
 men Indum procedere, et navigia facere, quis in ul-
 3 teriora transportari posset exercitus. Illi, quia plura
 flumina superanda erant, sic iunxere naves, ut solu-
 4 tae plaustri vehi possent, rursusque coniungi. Post
 se Cratero cum phalange iusso sequi, equitatum ac
 levem armaturam eduxit, eosque, qui occurrerant, le-
 5 vi proelio in urbem proximam compulit. Iam su-
 pervenerat Craterus. Itaque ut principio terrorem
 incuteret genti nondum arma Macedonum exper-
 tae, praecipit, ne cui parceretur, munimentis urbis,
 6 quam obsidebat, incensis. Ceterum dum obequi-
 tat¹ moenibus, sagitta ictus est. Cepit tamen op-
 pidum, et omnibus incolis eius trucidatis, etiam in
 tecta saevitum est.

7 Inde domita ignobili gente, ad Nysam urbem per-35
 venit. Forte castris ante ipsa moenia² in silvestri
 loco positis, nocturnum frigus vehementius quam
 alias horrore corpora affecit, opportunumque reme-
 8 dium ignis oblatum est. Caesis quippe silvis flammam
 excitaverunt, quae, igni alito,³ oppidanorum sepulcra
 comprehendit. Vetusta cedro erant facta,⁴ conce-
 ptumque ignem late fudere, donec omnia solo ae-
 9 quata sunt. Et ex urbe primum canum latratus, de-
 inde etiam hominum fremitus auditus est. Tum et
 oppidani hostem, et Macedones ad urbem ipsos⁵ ve-

¹ obequitabat. ² moenia ipsa. ³ De coniectura; alita.

⁴ facta erant. ⁵ ipsos ad urbem.

nisse cognoscunt. Iamque rex eduxerat copias, et 10
moenia obsidebat, cum hostium qui discrimen tem-
ptaverant obruti telis sunt. Aliis ergo deditionem, aliis
pugnam experiri placebat: quorum dubitatione com-
perta, circumsideri tantum eos, et abstineri caedibus
iussit. Tandemque obsidionis malis fatigati dedidere
se. A Libero Patre conditos se esse dicebant; et ve- 11
ra haec origo erat. Sita est sub radicibus montis, 12
quem Meron incolae appellant. Inde Graeci men-
tiendi traxere licentiam, Iovis femine Liberum Patrem
esse celatum.

36 Rex, situ montis cognito ex incolis, cum toto exer- 13
citu, praemissis comineatibus, verticem eius ascendit.
Multa hедера vitisque toto gignitur monte; multae
perennes aquae manant. Pomorum quoque varii sa- 14
lubresque succi sunt, sua sponte fortuitorum seminum
fruges humo nutriente. Lauri baccharisque¹ multa in
illis rupibus agrestis est silva. Credo equidem, non 15
divino instinctu, sed lascivia esse provectos, ut pas-
sim hederæ ac vitium folia decerperent, redimitique
fronde toto nemore similes bacchantibus vagarentur.
Vocibus ergo tot milium, praesidem nemoris eius 16
deum adorantium, iuga montis collesque resonabant,
cum orta licentia a paucis, ut fere fit, in omnes se
repente vulgasset. Quippe velut in media pace, per 17
herbas aggestamque² frondem prostravere³ corpora.
Et rex fortuitam laetitiam⁴ non aversatus, large ad
epulas omnibus praebitis, per decem dies Libero Pa-
tri operatum habuit exercitum. Quis neget, eximiam 18
quoque gloriam saepius fortunæ, quam virtutis, esse
beneficium? quippe ne epulantes quidem et sopitos

¹ Lauri baccaeque et multa.
verant.

² congestamque.

³ prostra-

⁴ licentiam.

mero aggredi ausus est hostis, haud secus bacchan-
tium ululantiumque fremitu perterritus, quam si proe-
liantium clamor esset auditus. Eadem felicitas ab
Oceano revertentes temulentos comissantesque inter
ora hostium texit.

¹⁹ Hinc ad regionem, quae Daedala vocatur, perven-³⁷
tum est. Deseruerant incolae sedes, et in avios sil-
vestresque montes confugerant. Ergo Acadira¹ trans-
²⁰ it, aequae vasta et destituta incolentium fuga. Itaque
rationem belli necessitas mutavit. Divisis enim co-
piis, pluribus simul locis arma ostendit, oppressique
ubi non² expectaverant hostem, omni clade perdomiti
²¹ sunt. Ptolemaeus plurimas urbes, Alexander maxi-
mas cepit: rursusque, quas distribuerat, copias iunxit.
²² Superato deinde Choaspe amne, Coenon in obsidione
urbis opulentae, (Beiram³ incolae vocant) reliquit:
ipse ad Mazagas venit. Nuper Assacano, cuius regnum
fuerat, demortuo, regioni urbique praeerat mater eius
²³ Cleophis.⁴ xxxviii milia⁵ peditum tuebantur urbem,
non situ solum, sed etiam opere munitam. Nam qua
spectat Orientem, cingitur amne torrenti, qui prae-
²⁴ ruptis utrimque ripis aditum ad urbem impedit. Ad
Occidentem et a Meridie velut de industria rupes
praealtas admolita natura est, infra quas cavernae et
voragines longa vetustate in altum cavatae iacent,
quaque desinunt, fossa ingentis operis obiecta est.
²⁵ xxxv stadium⁶ murus urbem complectitur, cuius infe-
riora saxo, superiora crudo latere sunt structa. La-
teri vinculum lapides sunt, quos interposuere, ut du-
riori materiae fragilis incumberet, simulque terra hu-
²⁶ more diluta. Ne tamen universa consideret, imposi-

¹ Acadera.² De coniectura. Libri mss. urbi non, edd.

fere oppressique, et qui.

³ Beziram.⁴ Cleophes.⁵ Triginta millia.⁶ stadia.

tae erant trabes validae quibus iniecta tabulata muros et tegebant, et pervios fecerant. Haec munimen-²⁷ ta contemplantem Alexandrum, consiliiue incertum, quia nec cavernas nisi aggere poterat implere, nec tormenta aliter muris admovere, quidam e muro sagitta percussit. Tum forte in suram incidit telum:²⁸ cuius spiculo evolso, admoveri equum iussit; quo vectus, ne obligato quidem vulnere, haud segnius destinata exequebatur. Ceterum cum crus saucium pen-²⁹ deret, et cruore siccato frigescens vulnus aggravaret dolorem, dixisse fertur, se quidem Iovis filium dici, sed corporis aegri vitia sentire. Non tamen ante se³⁰ recepit in castra, quam cuncta perspexit,¹ et quae fieri vellet edixit.

38 Ergo, sicut imperatum erat, alii extra urbem tecta moliebantur,² ingentemque vim materiae faciendo aggeri detrahebant: alii magnarum arborum stipites cunulis³ ac moles saxorum in cavernas deiciebant. Iamque agger aequaverat summam fastigium terrae:³¹ itaque turres erigebant,⁴ quae opera ingenti militum ardore intra nonum diem absoluta sunt. Ad ea visenda rex, nondum obducta vulneri cicatrice, processit, laudatisque militibus, admoveri machinas iussit, e quibus ingens vis telorum in propugnatores effusa est. Praecipue rudes talium operum terrebant mobiles³² turres, tantasque moles nulla ope quae cerneretur adductas, deorum numine agi credebant: pila quoque muralia et excussas tormentis praegraves hastas negabant convenire mortalibus. Itaque desperata urbis³³ tutela concessere in arcem. Inde, quia nihil obsessis praeter deditionem placebat, legati ad regem descenderunt veniam petitori. Qua impetrata, regina ve-³⁴

¹ prospexit.² demoliebantur.³ Fort. cum ramis.⁴ erigebantur.

nit¹ cum magno nobilium feminarum grege aureis
 35 pateris vina libantium.² Ipsa genibus regis parvo
 filio admoto, non veniam modo, sed etiam pristinae
 fortunae impetravit decus. Quippe appellata regina
 est; et credidere quidam, plus formae, quam misera-
 36 tioni datum. Puero quoque certe postea ex ea ut-
 cunque genito Alexandro fuit nomen.

XI. Hinc Polypercon ad urbem Noram³ cum exercitu 39
 missus, inconditos oppidanos proelio vicit: intra mu-
 nimenta compulsos secutus, urbem in dicionem re-
 2^a degit. Multa ignobilia oppida deserta a suis venerunt
 in regis potestatem. Quorum incolae armati petram
 Aornin⁴ nomine occupaverunt. Hanc ab Hercule
 frustra obsessam esse, terraeque motu coactum absi-
 3^a stere, fama vulgaverat. Inopem consilii Alexandrum,
 quia undique praeceps et abrupta rupes erat, senior
 quidam peritus locorum cum duobus filiis adit, si pre-
 tium operi esset, aditum se monstraturum esse pro-
 4^a mittens. LXXX talenta constituit daturum Alexander;
 et altero ex iuvenibus obside retento, ipsum ad exe-
 5^a quenda, quae obtulerat, dimisit. Leviter armatis dux
 datus est Mullinus, scriba regis. Hos enim circuitu
 qui fallerent hostem, in summum iugum placebat
 6^a evadere. Petra non, ut pleraeque, modicis ac molli-
 bus clivis in sublime fastigium crescit, sed in metae
 maxime modum erecta est, cuius ima spatiosiora
 sunt, altiora in artius coeunt, summa in acutum ca-
 7^a cumen exsurgunt. Radices eius Indus amnis subit,
 praealtus, utrimque asperis ripis: ab altera parte vo-
 ragines eluviesque praeruptae sunt. Nec alia expu-
 8^a gnandi patebat via, quam ut replerentur. Ad manum
 silva erat, quam rex ita caedi iussit, ut nudi stipites

¹ abest.² adiicitur processit.³ Oram.⁴ Aornon.

iacerentur: quippe rami fronde vestiti impedissent ferentes. Ipse primus truncam arborem iecit; clamorque exercitus, index alacritatis, secutus est, nullo detrectante munus, quod rex occupavisset.¹

40 Intra septimum diem cavernas expleverant, cum 9 rex sagittarios et Agrianos iubet per ardua niti. Iuvenesque promptissimos ex sua cohorte xxx delegit. Duces his dati sunt Charus et Alexander, quem rex nominis, quod sibi cum eo commune esset, admonuit. Ac primo, quia tam manifestum periculum erat, ipsum regem discrimen subire non placuit: sed ut signum 11 tuba datum est, vir audaciae promptae conversus ad corporis custodes sequi se iubet, primusque invadit in rupem. Nec deinde quisquam Macedonum substitit, relictisque stationibus sua sponte regem sequebantur. Multorum miserabilis fuit casus, quos ex praerupta rupe lapsos amnis praeterfluens hausit, triste 12 spectaculum etiam non periclitantibus; cum vero alieno exitio, quid ipsis timendum foret, admonerentur, in metum misericordia versa, non extinctos, sed semetipsos deslebant. Et iam eo perventum erat, unde 13 sine perniciē nisi victores redire non possent, ingentia saxa in subeuntes provolventibus barbaris, quis perculsi instabili et lubrico gradu praecipites recidebant. Evaserant tamen Alexander et Charus, quos 14 cum xxx delectis praemiserat rex, et iam pugnare cominus coeperant; sed cum superne tela barbari ingererent, saepius ipsi feriebantur, quam vulnerabant. Ergo Alexander, et nominis sui et promissi memor, 15 dum acrius quam cautius dimicat, confossus undique obruitur. Quem ut Charus iacentem conspexit, ruere 16 in hostem, omnium praeter ultionem immemor, coe-

¹ occupasset.

pit, multosque hasta, quosdam gladio interemit; sed cum tot unum incesserent manus, super amici corpus procubuit exanimis. Haud secus, quam par erat, promptissimorum iuvenum ceterorumque militum interitu commotus rex signum receptui dedit. Saluti fuit, quod sensim et intrepidi se receperunt; et barbari, hostem depulisse contenti, non institere cedentibus.

19 Ceterum Alexander cum statuisset desistere incepto, (quippe nulla spes potiundae petrae offerebatur,) tamen speciem ostendit in obsidione perseverantis. Nam et itinera obsideri iussit, et turres admoveri, et 20 fatigatis alios succedere. Cuius pertinacia cognita, Indi per biduum quidem ac duas noctes, cum ostentatione non fiducia modo, sed etiam victoriae, epulati 21 sunt, tympana suo more pulsantes. Tertia vero nocte tympanorum quidem strepitus desierat audiri; ceterum ex tota petra faces refulgebant, quas accenderant barbari, ut tutior esset ipsis fuga, obscura nocte 22 per invia saxa cursuris. Rex, Balacro, qui specularetur, praemisso, cognoscit petram fuga Indorum esse desertam. Tum dato signo, ut universi conclamarent, 23 incomposite fugientibus metum incussit. Multique, tanquam adesset hostis, per lubrica saxa, perque invias cotes praecipitati occiderunt; plures aliqua membrorum parte mulcati, ¹ ab integris deserti sunt. Rex locorum magis quam hostium victor, tamen magnam victoriam ² sacrificiis et cultu deum fecit. ³ Arae in 25 petra locatae sunt Minervae Victoriaeque. Ducibus itineris, quos subire iusserat leviter armatos, etsi promissis minora praestiterant, pretium cum fide redditum est. Petrae regionisque ei adiunctae Sisocosto tutela permissa.

¹ mulcati.

² magnae victoriae.

³ diis satisfecit.

Inde processit Ecbolima: et cum angustias itineris^{xii.} obsideri xx milibus armatorum ab Erice¹ quodam comperisset, gravius agmen exercitus Coeno ducendum modicis itineribus tradidit. Ipse praegressus cum² funditore ac sagittario, deturbatis qui obsederant saltum, sequentibus se copiis viam fecit. Indi, sive odio³ ducis, sive gratiam victoris² inituri, Ericen fugientem adorti interemerunt, caputque eius atque arma ad Alexandrum detulerunt. Ille facto impunitatem dedit, honorem denegavit exemplo.

42 Hinc ad flumen Indum sextisdecumis castris per-⁴ venit, omniaque, ut praeceperat, ad traiciendum praeparata ab Hephaestione repperit. Regnabat in ea regione Omphis, qui patri quoque fuerat auctor dedendi regnum Alexandro. Et post mortem parentis⁵ legatos miserat, qui consulerent eum, regnare se interim vellet, an privatum opperiri eius adventum. Permissusque³ ut regnaret, non tamen ius datum⁶ usurpare sustinuit. Is benigne quidem exceperat Hephaestionem, gratuitum frumentum copiis eius admensus, non tamen ei occurrerat, ne fidem ullius nisi regis experiretur. Itaque venienti obviam cum armato exercitu egressus est; elephanti quoque per modica intervalla militum agnini immixti, procul castellorum fecerant speciem. Ac primo Alexander non⁸ socium, sed hostem adventare credebat. Iamque et ipse arma milites capere, et equites discedere in cornua iusserat, paratus⁴ ad pugnam. At Indus, cognito Macedonum errore, iussis subsistere ceteris, ipse concitat equum, quo vehabatur: idem Alexander quoque fecit, sive hostis, sive amicus occurreret, vel sua vir-
tute,

¹ Eryce, et postea Erycem. ² victoris regis. ³ permissoque.

⁴ paratos.

9 tute, vel illius fide titus. Coivere, quod ex utriusque
vultu posset intelligi, amicis animis: ceterum sine in-
terprete non poterat conseri sermo. Itaque adhibito
eo, barbarus occurrisset se dixit cum exercitu, totas
imperii vires protinus traditurum, nec expectasse, dum
10 per nuntios daretur fides. Corpus suum et regnum
permittere illi, quem sciret gloriae militantem, nihil
magis quam famam timere perfidiae.

Laetus simplicitate barbari rex et dexteram¹ fidei⁴³
11 suae pignus dedit, et regnum restituit. LVI elephanti
erant, quos tradidit Alexandro, multaue pecora exi-
miae magnitudinis, tauros ad III milia, pretiosum in
ea regione acceptumque animis regnantium armen-
12 tum. Quaerenti Alexandro, plures agricultores habe-
ret an milites? cum duobus regibus bellanti sibi ma-
iore militum quam agrestium manu opus esse respon-
13 dit. Abisares et Porus erant, sed in Poro eminebat
auctoritas. Uterque ultra Hydaspem amnem regna-
bat, et belli fortunam, quisquis arma inferret, expe-
14 riri decreverat. Omphis, permittente Alexandro, et
regium insigne sumpsit, et more gentis suae nomen,
quod patris fuerat. Taxilen appellavere populares,
sequente nomine imperium, in quemcunque transiret.
15 Igitur² cum per triduum hospitaliter Alexandrum ac-
cepisset, quarto die et quantum frumenti copiis, quas
Hephaestion duxerat, praebitum a se esset, ostendit,
16 et aureas coronas ipsi amicisque omnibus, praeter
haec signati argenti LXXX talenta dono dedit. Qua
benignitate eius Alexander mire laetus, et quae is de-
derat remisit, et mille talenta ex praeda, quam vehe-
bat, adiecit, multaue convivalia ex auro et argento
vasa, plurimum Persicae vestis, XXX equos ex suis, cum

¹ dextram.² Ergo.

iisdem insignibus, quis assueverant, cum ipsum veherent. Quae liberalitas sicut barbarum obstrinxerat, ita amicos ipsius vehementer offendit. E quibus Meleager, super coenam largiore vino usus, gratulari se Alexandro dixit, quod saltem in India repperisset dignum talentis mille. Rex, haud oblitus quam aegre tulisset, quod Clitum ob linguae temeritatem occidisset, iram quidem tenuit, sed dixit, invidos homines nihil aliud, quam ipsorum esse tormenta.

44 Postero die legati Abisarae adiere regem. Omnia x^dicioni eius, ita ut mandatum erat, permittebant; firmataque invicem fide, remittuntur ad regem. Porum quoque nominis sui fama ratus ad deditionem posse compelli, misit ad eum Cleocharen,¹ qui denuntiaret ei, ut stipendium penderet, et in primo suorum finium² aditu occurreret regi. Porus alterum ex his facturum sese respondit, ut intranti regnum suum praesto esset, sed armatus. Iam Hydaspem Alexander superare decreverat, cum Barzaentes,³ defectionis Arachosiis auctor, vinctus trigintaque elephanti simul capti perducuntur, opportunum adversus Indos auxilium, quippe plus in beluis, quam in exercitu spei ac virium illis erat. Gamaxusque, rex exiguae partis Indorum, qui Barzaenti se coniunxerat, vinctus adductus est. Igitur transfuga et regulo in custodiam, elephantis autem Taxili traditis, ad amnem Hydaspem pervenit, in cuius ulteriore ripa Porus consederat, transitu prohibiturus hostem. LXXX et v⁴ elephantos obiecerat eximio corporum robore, ultraque eos currus ccc, et peditum xxx fere milia, in quis erant sagittarii, sicuti ante dictum est, gravioribus telis, quam ut apte ex-

¹ Cleocharem. ² finium suorum. ³ Barzentes, *item post.*

⁴ LXXXV.

7 cuti possent. Ipsum vehebat elephanti super ceteras
 17 beluas eminens, armaque auro et argento distincta
 corpus raræ magnitudinis honestabant. Par animus
 robori corporis, et quanta inter rudes poterat esse
 sapientia.

8 Macedonas non conspectus hostium solum, sed 45
 etiam fluminis, quod transeundum erat, magnitudo
 terrebat. Quattuor in latitudinem stadia diffusum,
 profundo alveo, et nusquam vada aperiente, speciem
 9 vasti maris fecerat. Nec pro spatio aquarum late
 stagnantium impetum coercebat; sed quasi in artum
 2 coëuntibus ripis, torrens et elisus ferebatur: occulta-
 que saxa inesse ostendebant pluribus locis undae re-
 10 percussæ. Terribilior erat facies ripæ, quam equi
 virique compleverant. Stabant ingentes vastorum
 corporum moles, et de industria irritatæ horrendo
 11 stridore aures¹ fatigabant. Hinc amnis, hinc hostis²
 capacia quidem bonæ spei pectora et sæpe se ex-
 perta improvise tamen pavore percusserant. Quippe
 instabiles rates nec dirigi ad ripam, nec tuto applicari
 12 posse credebant. Erant in medio amne insulæ cre-
 bræ, in quas et Indi et Macedones nantes, levatis su-
 per capita armis, transibant. Ibi levia proelia conse-
 rebantur,³ et uterque rex parvæ rei discrimine sum-
 13 mæ experiebatur eventum. Ceterum in Macedonum
 exercitu temeritate atque audacia insignes fuere Sym-
 machus et Nicanor, nobiles iuvenes, et perpetua par-
 tium felicitate ad spernendum omne periculum ac-
 14 censi. Quis duçibus promptissimi iuvenum lanceis
 modo armati transavere in insulam, quam frequens
 hostis tenebat; multosque Indorum, nulla re melius⁴
 15 quam audacia armati, interemerunt. Abire cum gloria po-

¹ auras. ² hinc hostis, hinc amnis. ³ conserebant. ⁴ magis.

terant, si unquam temeritas felix inveniret modum; sed dum supervenientes contemptim et superbe quoque expectant, circumventi ab his,¹ qui occulti enaverant,² eminus obruti telis sunt. Qui effugerant hostem aut impetu amnis ablati sunt, aut verticibus³ impliciti.

46 Eaque pugna multum Pori fiduciam⁴ erexit, cuncta cernentis e ripa. Alexander, inops consilii,¹⁷ tandem ad fallendum hostem talem dolum intendit. Erat insula in flumine amplior ceteris, silvestris eadem et tegendis insidiis apta. Fossa quoque praealta haud procul ripa, quam tenebat ipse, non pedites modo, sed etiam cum equis viros poterat abscondere. Igitur ut a custodia huius opportunitatis oculos hostium averteret, Ptolemaeum omnibus⁵ turinis obsequitare iussit procul insula,⁶ et subinde Indos clamore terrere, quasi flumen transnaturus foret. Per complures dies Ptolemaeus id fecit, eoque consilio Porum quoque agmen suum ei parti, quam se petere simulabat, coëgit advertere. Iam extra conspectum hostis insula erat. Alexander in diversa parte ripae statui suum tabernaculum iussit, assuetamque comitari ipsum cohortem ante id tabernaculum stare, et omnem apparatus regiae magnificentiae hostium oculis de industria ostendi. Attalum, et aequalem sibi, et haud disparem habitu oris et corporis, utique cum procul viseretur, veste regia exornat, praebiturum speciem ipsum regem illi ripae praesidere, nec agitare de transitu. Huius consilii effectum primo morata tempestas est, mox adjuvit, incommoda quoque ad bonos eventus vertente fortuna. Traicere amnem

¹ iis.² enataverant.³ vorticibus.⁴ fiduciam Pori.⁵ cum omnibus.⁶ procul ab insula.

cum ceteris copiis in regionem insulae, de qua ante dictum est, parabat, averso hoste in eos, qui cum Ptolemaeo inferiorem obsederant ripam; cum procella imbrem vix sub tectis tolerabilem effundit.¹ Obru-
tique milites nimbo in terram refugerunt, navigiis ra-
tibusque desertis. Sed tumultuantium fremitus, ob-
strepentibus ventis,² ab hoste non poterat audiri.

²⁴ Deinde momento temporis repressus est inber, ce-
terum adeo spissae intendere se nubes, ut conderent
lucem, vixque colloquentium inter ipsos facies nosci-
²⁵ taretur. Terruisset alium obducta nox coelo, cum
ignoto anme navigandum esset, forsitan hoste eam
ipsam ripam, quam caeci atque improvidi et ex pe-
riculo gloriam accersentes petebant, occupante. Ob-
scuritatem, quae ceteros terrebat, suam occasionem
²⁶ ratus, dato signo, ut omnes silentio ascenderent, ra-
tem³ eam, qua ipse vehebatur, primam iussit expelli.
²⁷ Vacua erat ab hostibus ripa, quae petebatur; quippe
adhuc Porus Ptolemaeum tantum intuebatur. Una
ergo navi, quam petrae fluctus illiserat, haerente, ce-
terae evadunt; armaque capere milites, et ire in or-
dines iussit.

IV. Iamque agmen in cornua divisum ipse ducebat,⁴⁷
cum Poro nuntiatur, armis virisque ripam obtineri,
et rerum adesse discrimen. Ac primo humani inge-
nii vitio spei suae indulgens, Abisaren⁴ belli socium
² (et ita convenerat) adventare credebat. Mox liqui-
diore luce aperiente hostem, c quadrigas, et III mi-
lia equitum venienti agmini obiecit.⁵ Dux erat co-
piarum, quas praemisit, Hages frater ipsius, summa
³ virium in curribus. Senos viros singuli vehebant,
duos clipeatos, duos sagittarios, ab utroque latere dispo-

¹ effudit.² ripis.³ in rates, eam.⁴ Abisarem.⁵ Porus obiecit.

sitos; aurigae erant ceteri,¹ haud sane inermes, quippe iacula complura, ubi cominus proeliandum erat, omnis-
 sis habenis, in hostem ingerebant. Ceterum vix ul-
 lus usus huius auxilii eo die fuit. Namque, ut supra
 dictum est, imber violentius quam alias fusus campos
 lubricos et inequitabiles fecerat; gravesque et prope-
 modum immobiles currus illuvie ac² voraginibus hae-
 rebant. Contra Alexander expedito ac levi agmine³
 strenue invectus est. Scythae et Dahae primi omnium
 invasere Indos: Perdiccam deinde cum equitibus in
 dextrum cornu hostium emisit. Iam undique pugna
 se moverat; cum hi,³ qui currus agebant, illud ulti-
 mum auxilium suorum rati, effusis habenis in medium
 discrimen ruere coeperunt. Anceps id malum utris-
 que erat: nam et Macedonum pedites primo impetu
 obterebantur, et per lubrica atque invia immissi cur-
 rus excutiebant eos, a quibus regebantur; aliorum
 turbati equi non in voragines modo lacunasque, sed
 etiam in amnem praecipitavere curricula; pauci telis
 hostium exacti⁴ penetravere ad Porum acerrime pu-
 gnam cientem.

48 Is, ut dissipatos tota acie currus vagari sine recto-
 ribus vidit, proximis amicorum distribuit elephantos.
 Post eos posuerat peditem⁵ ac sagittarios tympana
 pulsare solitos. Id pro cantu tubarum Indis erat,
 nec strepitu eorum movebantur, olim ad notum so-
 num auribus mitigatis. Herculis simulacrum agmini
 peditum praeferebatur. Id maximum erat bellanti-
 bus incitamentum, et deseruisse gestantes militare fla-
 gitium habebatur. Capitis etiam sanxerant poenam
 his, qui ex acie non rettulissent, metu, quem ex illo

¹ ceteri aurigae erant.
 hostium tenuis exacti.

² et.

³ ii.

⁵ pedites.

⁴ pauci tamen

hoste quondam conceperant, etiam in religionem ve-
 nationemque converso. Macedonas non beluarum
 modo, sed etiam ipsius regis aspectus parumper in-
 13 hibuit. Beluae dispositae inter armatos speciem tur-
 rium procul fecerant. Ipse Porus humanae magni-
 tudinis propemodum excesserat formam. Magni-
 tudini Pori adicere videbatur belua, qua vehebatur,
 tantum inter ceteras eminens, quanto aliis ipse prae-
 14 stabat. Itaque Alexander, contemplatus et regem et
 agmen Indorum, *Tandem, inquit, par animo meo pe-
 riculum video. Cum bestiis simul et cum egregiis vi-*
 15 *ris res est.* Intuensque Coenon, *Cum ego, inquit, Pto-*
lemaeo Perdiccaque et Hephaestione comitatus in lae-
vum hostium cornu impetum fecero, viderisque me in
medio ardore certaminis, ipse dextrum move, et tur-
batis signa infer. Tu Antigene,¹ et tu Leonnate, et
Tauron, invehimini² in mediam aciem, et urgebitis
 16 *frontem. Hastae nostrae praelongae et validae non*
alias magis quam adversus beluas rectoresque earum
usui esse poterunt: deturbate eos, qui vehuntur, et ipsas
confodite.³ Anceps genus auxilii est, et in suos acrius
furit. In hostem enim imperio, in suos pavore agitur.
 17 Haec elocutus concitat equum primus; iamque, ut
 destinatum erat, invaserat ordines hostium, cum Coe-
 18 nus ingenti vi in laevum cornu invehitur. Phalanx
 quoque mediam Indorum aciem uno impetu perrupit.⁴

At Porus, qua equitem invehī senserat, beluas agi⁴⁹
 iussit: sed tardum et paene immobile animal equorum
 velocitatem aequare non poterat. Ne sagittarum qui-
 19 dem ullus erat barbaris usus. Quippe longae et prae-
 graves, nisi prius in terra statuerent arcum, haud sa-
 tis apte et commode imponuntur:⁵ tum humo lu-

¹ Antigenes.² invehimini.³ confundite.⁴ in

mediam — prorupit.

⁵ imponunt.

brica, et ob id impediēte conatum, molientes ictus,
celeritate hostium occupantur.¹ Ergo spreto regis²⁰
inperio, (quod fere fit, ubi turbatis acrius metus
quam dux imperare coepit,) totidem erant imperato-
res, quot agmina errabant. Alius iungere aciem, alius²¹
dividere, stare quidam, et nonnulli circumvehi terga
hostium iubebant. Nihil in medium consulebatur.
Porus tamen cum paucis, quibus metu potior fuerat²²
pudor, colligere dispersos, obviis hosti ire pergit, ele-
phantosque ante agmen suorum agi iubet. Magnum²³
beluae iniecere terrorem, insolitusque stridor non
equos modo, tam pavidum ad omnia animal, sed vi-
ros quoque ordinesque turbaverat. Iam fugae circum-²⁴
spiciebant locum paulo ante victores; cum Alexander
Agrianos et Thracas leviter armatos, meliorem con-
cursatione quam cominus militem, emisit in beluas.
Ingentem hi² vim telorum iniecere et elephantis et²⁵
regentibus eos. Phalanx quoque instare constanter
territis coepit. Sed quidam avidius persecuti beluas²⁶
in semet irritavere vulneribus. Obtriti ergo pedibus
earum ceteris, ut parcius instarent, fuere documen-
tum. Praecipue terribilis illa facies erat, cum manu²⁷
arma virosque corripere, et super se regentibus tra-
derent. Anceps ergo pugna nunc sequentium, nunc²⁸
fugientium elephantos, in multum dici varium certa-
men extraxit; donec securibus (id namque genus au-
xilii praeparatum erat) pedes amputare coeperunt.
Copidas vocabant³ gladios leviter curvatos falcibus²⁹
similes, quis appetebant beluarum inanus. Nec quic-
quam inexpertum non mortis modo, sed etiam in ipsa
morte novi supplicii timor onittebat.

50 Ergo elephantis vulneribus tandem fatigati suos in-³⁰

¹ occupantur.

² ii.

³ vocant.

petu sternunt, et qui rexerant eos, praecipitati in terram, ab ipsis obterebantur. Itaque pecorum modo magis pavidi, quam infesti, ultra aciem exigebantur; cum Porus, destitutus a pluribus, tela multo ante praeparata in circumfusus ex elephanto suo coepit ingerere, multisque eminus vulneratis, expositus ipse ad ictus undique petebatur. Novem iam vulnera hinc tergo, illinc pectore exceperat, multoque sanguine profuso languidis manibus magis elapsa, quam excussa tela mittebat. Nec segnius belua, instincta rabie, nondum saucia invehabatur ordinibus; donec rector beluae regem conspexit fluentibus membris omissisque armis vix compotem mentis. Tum beluam in fugam concitat, sequente Alexandro: sed equus eius multis vulneribus confossus deficiensque procubuit, posito magis rege, quam effuso. Itaque dum equum mutat, tardius insecutus est. Interim frater Taxilis, regis Indorum, praemissus ab Alexandro, monere coepit Porum, ne ultima experiri perseveraret, dederetque se victori. At ille, quamquam exhaustae erant vires, deficiebatque sanguis, tamen ad notam vocem excitatus *Agnosco, inquit, Taxilis fratrem, imperii regnique sui proditoris:*¹ et telum, quod unum forte non effluserat, contorsit in eum: quod per medium pectus penetra- vit ad tergum. Hoc ultimo virtutis opere edito, fugere acrius coepit: sed elephante quoque, qui multa exceperat tela, deficiebat. Itaque sistit fugam, peditemque sequenti hosti obiecit. Iam Alexander consecutus erat, et, pertinacia Pori cognita, vetabat resistantibus parci. Ergo undique et in pedites et in ipsum Porum tela congesta sunt: quis tandem gravatus labi ex belua coepit. Indus, qui elephantum re-

¹ proditorem.

gebat, descendere cum ratus, more solito elephantum procumbere iussit in genua: qui ut se subinisit, ceteri quoque, ita enim instituti erant, demisere corpora in terram. Ea res et Porum et ceteros victoribus tradidit.

51 Rex spoliari corpus Pori, interemptum esse cre-40
dens, jubet,¹ et qui detraherent loricam vestemque, concurrere; cum belua dominum tueri et spoliantes coepit appetere, levatumque corpus eius rursus dorso suo imponere. Ergo telis undique obruitur, confossoque eo, in vehiculum Porus imponitur. Quem rex⁴¹ ut vidit allevantem oculos, non odio, sed miseratione commotus, *Quae, malum, inquit, amentia te coëgit, rerum mearum cognita fama, belli fortunam experiri; cum Taxilis² esset in deditos clementiae meae tam propinquum tibi exemplum?* At ille, *Quoniam,* inquit,⁴² *percontaris, respondebo ea libertate, quam interrogando fecisti. Neminem me fortiozem esse censebam. Meas enim noveram vires, nondum expertus tuas:*⁴³ *fortiozem esse te, belli docuit eventus. Sed ne sic quidem parum felix sum, secundus tibi.* Rursus interrogatus, quid ipse victorem statuere debere censeret, *Quod hic,* inquit, *dies tibi suadet, quo expertus es, quam caduca felicitas esset.* Plus monendo pro-⁴⁴ fecit, quam si precatus esset. Quippe magnitudinem animi eius interritam, ac ne fortuna quidem infractam, non misericordia modo, sed etiam honore excipere dignatus est. Aegrum curavit haud secus, quam si⁴⁵ pro ipso pugnasset; confirmatum contra spem omnium in amicorum numerum recepit; mox donavit ampliore regno, quam tenuit. Nec sane quicquam in-⁴⁶

¹ iussit.

² Taxiles.

genium eius solidius aut constantius habuit, quam admirationem verae laudis et gloriae: simplicius tamen famam aestimabat in hoste, quam in cive. Quippe a suis credebat magnitudinem suam destrui posse, eandem clariorem fore, quo maiores fuissent, quos ipse vicisset.

Q. CURTII RUFI
DE
GESTIS
ALEXANDRI MAGNI
REGIS MACEDONUM
LIBER IX.

ARGUMENTUM.

(1) **A**lexander (*sub aestivum solstitium a. a. Chr. nat. 327.*) victoria de Poro in ulteriore ripa Hydaspis (*hodie Dschilum*) reportata, milites pro contione laudat donisque ornat, naves in Hydaspes construere iubet, duas urbes in utraque ripa (Nicaeam et Bucephalam) condit. (2) Tum Poro amne superato, (*sive Porus nomen fuit reguli, commune illud quidem cum altero Poro, et amnis Acesines, qui nunc Chinab vocatur*) per silvas ingentes ac deserta ad fluvium Hyarotim sive Hydraoten (*hodie Rawi*) penetrat, eoque trajecto, (3) ad urbem magnam et munitam (Sangala) venit, cuius incolae, cum fortiter adversus Macedones de vehiculis inter se iunctis pugnassent, inde depulsi intra moenia se recipiunt. Verum urbs quoque vi expugnatur. (4) Copiis divisis regio vastatur, Alexander ipse aliam urbem, ab incolis inter se dissidentibus proditam, capit, et obsidibus clementer tractatis, barbaros (*Cathaeos*) permovet, ut cetera oppida dedant. (5) Inde in regnum Sophitis (*Σοπίτης appellat Diodorus*) venit, cuius gentis sapientia excellentis instituta commemorantur. Regulus magnifice ornatus Alexandro occurrit, se gentemque suam dedens et dona offerens, (6) inter quae et canes fuerunt, quorum admirabilis virtus ad venandum describitur. Relicto Sophite ad Hyphasin amnem, ultimum ex iis qui Indum au-

gent, agmen procedit; (*hodie sive Beyah sive Setletsch vocatur, utriuscunque amnis nomen, coniunctis aquis, evincere volueris*) Phegeus regulus victoris fidei sese permittit. (7) Alexander cum et hunc amnem traicere pararet, ex Pliegeo et Poro cognoscit de ingentibus copiis Gangaridarum et Prasiorum, ad quos per solitudines undecim dierum itinere perventurus esset, deque rege illorum Agramme. Itaque perpensis rei difficultatibus, cum dubitaret, num Macedones ipsum secuturi essent, (8) contione advocata, elevare studet, quae ab Indis iactata erant, falsam plerumque famam esse docens, (9) nec si vera illa forent, timenda, quoniam olim et elephantos et peditum equitumque maximas copias facile vice-rint. (10) Orat denique, ut cum ad finem terrae et Oceanum pervenerint, hunc ultimum laborem ne omittant, neve se deserant. (11) Cum milites duces suos intuentes pertinaciter silerent, rexque ira et dolore exardescens, solum igitur se iturum confirmasset, lacrimae omnibus fluere coeperunt, nec ipse rex oculis temperare potuit. (12) Tum Coenus pro exercitu dicit, se paratos quidem esse sequi quocumque voluerit, sed amplitudinem eius consiliorum non capere, exhaustos ipsis victoriis: posse regem ad Oceanum per terras ad Meridiem vergentes penetrare, si illum temptare cupiat. (13) Ceteri et duces et milites Coeno assensi regem precibus urgent, quibus victus de tribunali desiluit, et cum per biduum in regia inclusus dolori se dedisset, tertio die ut ille finis expeditionis Indicae haberetur, aris positus, concessit. Inde ad Acesinem (*eoque superato, si fidem historiae sequi volumus, etiam ad Hydaspem*) et classem in eo constructam revertitur. Supplementis militum domo missorum auctus, Poro et Taxile regibus inter se reconciliatis, urbibusque Nicaea et Bucephala absolutis, cum partem exercitus in naves imposuisset, et reliquum agmen in utraque ripa proficisci iussisset, secundo amne navigare coepit, (*mensē fere Octobri a. a. Chr. nat. 327. exeunte.*)

(14) Circa confluentes Hydaspis et Acesinis in fines Siborum decucurrit, inde ad aliam gentem (*Agalassensium, Diodoro teste*) venit, cuius fugato exercitu urbem, caput regionis, obsedit. Eam ipsi incolae incendio delent, arcis propter situm opportunum Alexander praesidium imponit. (15) In confluentibus trium fluminum, Indi et Hydaspis cum Acesine

iani coniuncti, classis naufragium facit, et ipsius regis navis aegre vorticibus eripitur. (*Verum hoc naufragium Arrianus accidisse tradit in confluentibus Hydaspis et Acesinis, quod si verum est, uti sane videtur, Oxydracarum et Mallorum situs longe alius sit, definiturque omnibus Acesine et Hydrate.*) (16) Inde in Oxydracarum Mallorumque regionem pervenit, quarum gentium coniunctae copiae ingentem exercitum effecerant. Itaque Macedonum animos perturbatos rex oratione habita confirmat. (17) Quo facto cum alacrem exercitum adversus Oxydracas duxisset, barbari non ausi proelium inire fuga disperguntur. (18) Eorum (*sive Mallorum potius*) oppidum, in quod plerique confugerant, Alexander, nequicquam deterritus a vate, adoritur, cumque primus in murum evasisset et insequentium militum impetu scalae fractae essent, (19) admirabili temeritate in urbem desilit, hostesque ingruentes, corpore ad arborem applicato, propellit. (20) Eminus telis petitus et convulneratus in genua procumbens pugnam tamen non omittit. (21) Eo temporis momento pauci ex armigeris subsidio veniunt, sed aegre se regemque tuentur, donec exercitus fama regis occisi efferatus in urbem irrumpit, hostesque ad internecionem caedit. (22) Alexander cum magno et ipsius periculo et militum maerore curatur. (23) Nondum percurato vulnere lento cursu navigare pergit. (24) Craterus ad eum preces amicorum defert, ut saluti suae parcere neu vitam in pugnis ignobilibus prodere velit. (25) Respondet ei rex longa et accurata oratione, se pietatem quidem illorum et agnoscere et laudare, sed suam vitam non diuturnitate sed gloria aestimare: pro ea nullum sibi laborem recusandum esse: illi praestarent modo, ut ab intestino scelere tutus esset. (27) Interim Graeci milites, in colonias circa Bactra deducti, duce Bicone quodam, defecerunt, et in patriam reverti coeperunt. (28) Oxydracae Mallique missis legatis sese dedunt, et imperata faciunt. Qua re laetus rex celebre convivium instituit, (29) in quo cum Dioxippus pugil Atheniensis ab Horrata Macedone (*alii Κόρρατον vocant*) eluderetur, singulari certamine constituto vicit pugil, sed non multo post ab inimicis falso crimine petitus et infamia notatus semet ipse interemit. (30) Inde exercitus et navibus vectus et pedibus incedens per Mallos ad Sabarcas (*Diodorus Sambastas vocat*) venit, quae gens ingenti Macedonum appa-

ratu perculsa sese dedidit. (31) Etiam ad quam deinceps venerunt gentem fidei victoris se permisit, in cuius finibus Alexandria condita est Musicani (*sive gens, quae Musicano regulo parebat,*) in dicionem rediguntur, relicto in eorum urbe praesidio. Praestorum rex Porticanus, expugnata urbe, in qua se incluserat, occiditur. (32) Sambī regnum ingressus Alexander, multas urbes partim deditas in fidem accipit, partim expugnat, Musicanos, qui defecerant, per Pithonem subigit. Oppidi alicuius, quod ad regnum Sambī pertinebat, incolae, cum excursionem fecissent, facile quidem repelluntur, (33) sed quia gladios veneno tinxerant, Macedonum multi in pugna vulnerati moriuntur, quod idem cum metueretur ne Ptolemaeo, Lagi filio, regis familiarissimo, accideret, et ipse rex et Macedones, quantopere omnibus carus esset, luculenta dederunt argumenta, donec Alexander divinitus, ut ferebatur, remedium morbi repperit. (34) Inde ad gentem Pataliam et insulam medio amne sitam (*ubi nunc urbs Hydrabad?*) delatum agmen, diutius ibi substitit. Ducibus tandem repertis, per triduum iam Oceano appropinquantēs strenue navigant, et ad aliam insulam prope os fluminis applicant. (35) Incidunt ibi in casum incognitum et improvisum, aestum maris, longe illud quidem vehementiorem in Oceano. quam in mari medio sive mediterraneo; (36) graviore etiam damno navigia afficiuntur, cum mare reciprocari coepit. (37) Sed et regis cura et iterato aestu omnia restituuntur, et Alexander, cognita maris natura, in ipsum Oceanum evehitur, tandem voti compos. (38) Reversus ad insulam (Patala) urbem et navalia condit, Leonnatum cum parte copiarum praemittit ad iter terrestre praeparandum, Nearchum et Onesicritum idoneo tempore classe litora circumvehi, et per os Euphratis ad se redire iubet.

(39) Ipse (*Iunio fere mense a. a. Chr. nat. 326.*) cum ceteris copiis profectus per regionem Arabitarum ad Horitas venit. Gentem diviso exercitu populatus urbem condidit, quam Arachosiis incolendam dedit. (40) Inde exercitus regionem Indorum maritimarum (*quos alii ichthyophagos appellant*) sive desertam Cedrosiae partem, loca omni cultu carentia, (60 diebus) peragrans, in summam omnium rerum inopiam incidit, tantamque cladem quantam nusquam alibi accipit. (41) Tandem in fines Cedrosiae cultioris perveniunt. Ibi lit-

teras a Leonnato apud Horitas relicto, et a Cratero per Arachosiam et Drangianam cum parte exercitus proficiscente accipit. Ipse in Carmaniam processit, cuius gentis Satrapam Aspastem, dum audit delatores, in honore habuit. (42) Restitutis detrimentis, quae exercitus improspero per Cedrosiam itinere fecerat, Carmaniam peragrat luxurioso agmine, Bacchi triumphum victis Indiae gentibus imitans. Interim tamen Aspastes supplicio afficitur.

1 **A**LEXANDER, tam memorabili victoria laetus, quae¹ sibi Orientis fines apertos esse censebat, Soli victimis caesis, milites quoque, quo promptioribus animis reliqua belli¹ obirent, pro contione laudatos docuit, quicquid Indis virium fuisset, illa dimicatione prostratum; ceteram² optimam praedam fore, celebratasque² opes in ea regione eminere, quam peterent. Proinde iam vilia et obsoleta esse spolia de Persis: gemmis margaritisque et auro atque ebore Macedoniam Graeciamque, non suas tantum domos, repletum ire.³ Avidi milites et pecuniae et gloriae, simul quia nunquam eos⁴ affirmatio eius fefellerat, pollicentur operam: dimissisque cum bona spe, navigia exaedificari⁵ iubet, ut, cum totam Asiam percurrisset,⁶ finem terrarum mare inviseret. Multa materia navalis in proximis montibus erat: quam caedere aggressi, magnitudinis inusitatae repperere serpentes. Rhinocerotes quoque, rarum alibi animal, in iisdem montibus erant. Ceterum hoc nomen beluis⁷ inditum a Graecis: sermonis eius ignari aliud lingua sua usurpant. Rex, 6 duabus urbibus conditis in utraque fluminis, quod superaverat, ripa, copiarum duces coronis et mille aureis

¹ reliqua belli munia.

² ceterum.

³ repleturum.

⁴ nunquam affirmatio eius fefellerat eos.

⁵ aedificari.

⁶ percussissent.

⁷ beluis iis.

reis singulos donat: ceteris quoque pro portione aut gradus, quem in amicitia¹ obtinebant, aut navatae
 7 operae, honos habitus est. Abisares, qui prius quam cum Poro dimicaretur legatos ad Alexandrum miserat, rursus alios misit, pollicentes, omnia facturum, quae imperasset, modo ne cogeretur corpus suum dedere: neque enim aut sine regio imperio victurum,
 8 aut regnaturum esse captivum. Cui Alexander nuntiari iussit, si gravaretur ad se venire, ipsum ad eum esse venturum.

Hinc, Poro amne² superato, ad interiora Indiae 2
 9 processit. Silvae erant prope in immensum spatium diffusae, procerisque et in eximiam altitudinem editis
 10 arboribus umbrosae. Plerique rami instar ingentium stipitum flexi in humum, rursus qua se curvaverant erigebantur, adeo ut species esset non rami resurgenti-
 11 tis, sed arboris ex sua radice generatae. Coeli temperies salubris; quippe et vim solis umbrae levant, et
 12 aquae largae manant e fontibus. Ceterum hic quoque serpentium magna vis erat, squâmis fulgorem auri reddentibus. Virus haud ullum magis noxium est, quippe morsum praesens mors sequebatur; donec
 13 ab incolis remedium oblatum est. Hinc per deserta ventum est ad flumen Hyarotim.³ Iunctum erat flumini nemus, opacum arboribus alibi inusitatis, agrestiumque pavonum multitudine frequens. Castris inde
 14 motis, oppidum haud procul positum corona capit, obsidibusque acceptis stipendium imponit.

Ad magnam deinde, ut in ea regione, urbem per- 3
 venit, non muro solum, sed etiam palude munitam.
 15 Ceterum barbari vehiculis inter se iunctis dimicaturi occurrerunt: tela⁴ aliis hastae, aliis secures erant;

¹ militia.² amneque.³ Hydraoten.⁴ aliis tela.

transiliebantque in vehicula strenuo saltu, cum succurrere laborantibus suis vellent. Ac primo insolitum ¹⁶ genus pugnae Macedonas terruit, cum eminus vulnerarentur: deinde spreto tam incondito auxilio, ab utroque latere vehiculis circumfusi repugnantes fodere coeperunt. Et vincula, quis conserta erant, iussit in- ¹⁷ cidi, quo facilius singula circumvenirentur. Itaque, viii milibus suorum amissis, in oppidum refugerunt. Postero die scalis undique admotis muri occupantur; ¹⁸ paucis pernicitas saluti fuit. Qui, cognito urbis excidio, paludem transnavere in vicina ¹ oppida ingentem intulere terrorem, invictum exercitum, et deorum profecto, advenisse memorantes.

- 4 Alexander, ad vastandam eam regionem Perdicca ¹⁹ cum expedita manu misso, partem copiarum Eumeni tradidit, ² ut is quoque barbaros ad deditionem compelleret: ipse ceteros ad urbem validam, in quam aliarum quoque confugerant incolae, duxit. Oppidani, ²⁰ missis qui regem deprecarentur, nihilominus bellum parabant. Quippe orta seditio in diversa consilia duxerat vulgum: alii omnia deditione potiora, quidam nullam opem in ipsis esse ducebant. Sed dum nihil ²¹ in commune consulitur, qui deditioni imminebant, apertis portis, hostem recipiunt. Alexander, quam- ²² quam belli auctoribus iure poterat irasci, tamen omnibus venia data, et obsidibus acceptis, ad proximam deinde urbem castra movit. Obsides ducebantur ante agmen. Quos cum ex ³ muris agnovissent, utpote ²³ gentis eiusdem, in colloquium convocaverunt. Illi, clementiam regis simulque vim commemorando, ad deditionem eos compulere: ceterasque urbes simili modo deditas in fidem accepit.

¹ et in vicina.

² tradit.

³ e.

24 Hinc in regnum Sophitis perventum est. Gens, 5
 ut barbari credunt,¹ sapientia excellit, bonisque mo-
 25 ribus regitur. Genitos liberos non parentum arbitrio
 tollunt aluntque, sed eorum, quibus spectandi infan-
 tium habitum cura mandata est. Si quos insignes
 aut aliqua parte membrorum² inutiles notaverunt,
 26 necari iubent. Nuptiis coëunt non genere ac nobi-
 litate coniuncti,³ sed electa corporum specie, quia
 27 eadem aestimatur in liberis. Huius gentis oppidum,
 cui Alexander admoverat copias, ab ipso Sophite ob-
 tinebatur. Clausae erant portae, sed nulli in muris
 turribusque se armati ostendebant, dubitabantque Ma-
 cedones, deseruissent⁴ urbem incolae, an fraude se
 28 occulerent; cum, subito patefacta porta, rex Indus
 cum duobus adultis filiis occurrit, multum inter omnes
 29 barbaros eminens corporis specie. Vestis erat auro
 purpuraque distincta, quae etiam crura velabat; au-
 reis soleis inseruerat gemmas; lacerti quoque et bra-
 30 chia margaritis ornata erant. Pendebant ex auribus
 insignes candore et magnitudine lapilli. Baculum au-
 reum berylli distinguebant: quo tradito precatus,
 ut sospes acciperet, se liberosque et gentem suam
 dedidit.

31 Nobiles ad venandum canes in ea regione sunt: 6
 latratu abstinere dicuntur, cum viderunt⁵ feram, leo-
 32 nibus maxime infesti. Horum vim ut ostenderet Ale-
 xandro, in conspectu leonem eximiae magnitudinis
 iussit emitti, et iv omnino admoveri canes, qui cele-
 riter feram occupaverunt.⁶ Tum⁷ ex his, qui assue-
 verant talibus ministeriis, unus canis leoni cum aliis
 inhaerentis crus avellere, et, quia non sequebatur, fer-

¹ *abest.* ² membrorum parte. ³ *de coniectura:* coniunctis.

⁴ deseruissentne. ⁵ videre. ⁶ occupaverunt feram. ⁷ cum

ro amputare coepit: ne¹ sic quidem pertinacia victa,³² rursus aliam partem secare institit, et deinde non segnius inhaerentem ferro subinde caedebat. Ille in vulnere ferae dentes moribundus quoque infixerat: tantam in illis animalibus ad venandum cupiditatem ingenerasse naturam memoriae proditum est. Equi-³⁴ dem plura transcribo, quam credo: nam nec affirmare sustineo, de quibus dubito, nec subducere, quae accepi. Relicto igitur Sophite in suo regno, ad flu-³⁵ vium Hyphasin² processit, Hephæstione, qui diversam regionem subegerat, coniuncto. Phegeus³ erat gentis³⁶ proximae rex: qui, popularibus suis colere agros, ut assueverant, iussis, Alexandro cum donis occurrit, nihil quod imperaret detrectans.

- 7 Biduum apud eum substitit rex: tertio die annemur, superare decreverat, transitu difficilem non spatio solum aquarum, sed etiam saxis impeditum. Percontatus igitur Phegea,⁴ quae noscenda erant, xi dierum ultra flumen per vastas solitudines iter esse cognoscit; excipere deinde Gangen, maximum totius Indiae fluminum: ulteriorem ripam colere gentes Gangaridas et Prasios,⁵ eorumque regem esse Aggrammem, xx milibus equitum ducentisque peditum obsidentem vias. Ad hoc⁶ quadrigarum duo milia trahere, et praecipuum terrorem elephantos, quos trium milium numerum explere dicebat. Incredibilia regi omnia videbantur. Igitur Porum (nam cum eo erat) percontatur, an vera essent, quae dicerentur? Ille, vires quidem gentis et regni haud falso iactari, affirmat: ceterum qui regnaret non modo ignobilem esse, sed etiam ultimae sortis; quippe patrem eius tonsorem,

¹ nec.² Hypasin.³ Phegelas.⁴ Phegelam.⁵ Ex emend. Vulgo Pharrasios.⁶ ad haec.

vix diurno quaestu propulsantem famem, propter habitum haud indecorum cordi fuisse reginae. Ab ea in propiorem eius, qui tum regnasset, amicitiae locum adnotum, interfecto eo per insidias, sub specie tutelae liberum eius invasisse regnum, necatisque pueris hunc, qui nunc regnat, generasse, invisum vilemque popularibus, magis paternae fortunae, quam suae, memorem. Afirmatio Pori multiplicem animo regis iniecerat curam. Hostem beluasque spernebat, situm locorum et vim fluminum extimescebat; relegatos in ultimum paene rerum humanarum persequi terminum et eruere arduum videbatur. Rursus avaritia gloriae et insatiabilis cupido famae nihil invium, nihil remotum videri sinebat. Et interdum dubitabat, an Macedones, tot emensi spatia terrarum, in acie et in castris senes facti, per obiecta flumina, per tot naturae obstantes difficultates secuturi essent: abundantes onustosque praeda magis parta frui velle, quam acquirenda fatigari. Non idem sibi et militibus animi esse: se totius orbis imperium mente complexum, adhuc in operum suorum primordio stare: militem, labore defatigatum, proximum quemque fructum finito tandem periculo expetere.

Vicit ergo cupido rationem, et ad contionem vocatis militibus, ad hunc maxime modum disseruit: *Non ignoro, milites, multa, quae terrere vos possent, ab incolis Indiae per hos dies de industria esse iactata: sed non est improvisa vobis mentientium vanitas. Sic Ciliciae fauces, sic Mesopotamiae campos, Tigrim et Euphraten, quorum alterum vado transivimus, alterum ponte, terribilem fecerant Persae. Nunquam ad liquidum fama perducitur: omnia, illa tradente, maiora sunt vero. Nostra quoque gloria, cum sit ex solido, plus tamen habet nominis, quam operis.*

Modo quis beluas offerentes moenium speciem, quis 15
Hydaspen amnem, quis cetera auditu maiora, quam
vero, sustinere posse credebat? Olim hercule fugisse-
mus ex Asia, si nos fabulae debellare potuissent. Cre-
ditisne elephantorum greges maiores esse, quam us-
quam armentorum sunt? cum et rarum sit animal, nec
facile capiatur, multoque difficilius mitigetur. Atqui 17
eadem vanitas copias peditum equitumque numeravit.
Nam flumen, quo latius fusum est, hoc placidius sta-
gnat: quippe angustis ripis coërcita, et in angustio-
rem alveum elisa, torrentes aquas invehunt; contra
spatio alvei segnior cursus est. Praeterea in ripa 18
omne periculum est, ubi applicantes navigia hostis
expectat. Ita quantumcunque flumen intervenit, idem
futurum discrimen est evadentium in terram.

9 *Sed omnia ista vera esse fingamus. Utrumne vos 19*
magnitudo beluarum, an multitudo hostium terret?
Quod pertinet ad elephantos, praesens habemus exem-
plum: in suos vehementius, quam in nos incurrerunt;
tam vasta corpora securibus falcibusque mutilata sunt.
Quid autem interest, totidem sint, quos Porus habuit, 20
an tria milia? cum uno aut altero vulneratis ceteros
in fugam declinari¹ videamus. Deinde paucos quoque
incommode regunt: congregata vero tot milia ipsa se 21
elidunt, ubi nec stare, nec fugere potuerint inhabiles
vastorum corporum moles. Equidem sic animalia ista
contempsit, ut cum haberem, ipse non opposuerim, sa-
tis guarus, plus suis, quam hostibus periculi inferre.
At enim equitum peditumque multitudo vos commo- 22
vet! Cum paucis enim pugnare soliti estis, et nunc
primum inconditam sustinebitis turbam. Testis ad- 23
versus multitudinem invicti Macedonum roboris Gra-

¹ declinare.

nicus amnis, et Cilicia inundata cruore Persarum, et Arbela, cuius campi devictorum a nobis ossibus strati
24 sunt. Sero hostium legiones numerare coepistis, postquam solitudinem in Asia vincendo fecistis. Cum per Hellespontum navigaremus, de paucitate nostra cogitandum fuit: nunc nos Scythae sequuntur, Bactriana auxilia praesto sunt, Dahae Sogdianique inter nos militant.

25 Nec tamen illi turbae confido. Vestras manus in-10 tueor, vestram virtutem rerum, quas gesturus sum, vadem praedemque habeo. Quamdiu vobiscum in acie stabo, nec mei¹ nec hostium exercitus numero:² vos modo animos mihi plenos alacritatis ac fiduciae ad-
26 hibete. Non in limine operum laborumque nostrorum, sed in exitu stamus: pervenimus ad solis ortum et Oceanum, nisi obstat ignavia: inde victores, perdomito fine terrarum, revertemur in patriam. Nolite, quod pigri agricolae faciunt, maturos fructus per iner-
27 tiam amittere e manibus. Maiora sunt periculis praemia: dives eadem et imbellis est regio. Itaque non tam ad gloriam vos duco, quam ad praedam. Digni estis, qui opes, quas illud mare litoribus invehit, re-
28 hil metu omissum relinquatis. Per vos gloriamque vestram, qua humanum fastigium exceditis, perque et mea in vos et in me vestra merita, quibus invicti contendimus, oro quaesoque, ne humanarum rerum terminos adeuntem alumnus commilitonemque vestrum,
29 ne dicam regem, deseratis. Cetera vobis imperavi; hoc unum debiturus sum. Et is vos rogo, qui nihil unquam vobis praecepi, quin primus me periculis obtulerim, qui saepe aciem clipeo meo texi, ne infrege-

¹ meos de coniectura.

² numeravero item de coniectura.

*ritis in manibus meis palmam, qua Herculem Liberum-
que Patrem, si invidia abfuerit, aequabo. Date hoc* 30
*precibus meis, et tandem obstinatum silentium rum-
pite. Ubi est ille clamor, alacritatis vestrae index?*
ubi ille meorum Macedonum vultus? Non agnosco
vos, milites, nec agnosci videor a vobis. Surdas iam-
dudum aures pulso: aversos animos et infractos ex-
citare conor.

11 *Cumque illi in terram demissis capitibus tacere* 31
*perseverarent, Nescio quid, inquit, in vos imprudens*¹
deliqui, quod me ne intueri quidem vultis. In solitu-
dine mihi videor esse. Nemo respondet, nemo saltem
negat. Quos alloquor? quid autem postulo? Vestram 32
gloriam et magnitudinem vindicamus. Ubi sunt illi,
quorum certamen paulo ante vidi contenditum, qui
potissimum vulnerati regis corpus exciperent? Deser-
tus, destitutus sum, hostibus deditus. Sed solus quo- 33
que ire perseverabo. Obiicite me fluminibus et beluis
et illis gentibus, quarum nomina horretis. Inveniam,
qui desertum a vobis sequantur: Scythae Bactriani-
que erunt mecum, hostes paulo ante, nunc milites no-
stri. Mori praestat, quam precario imperatorem esse. 34
Ite reduces domos; ite deserto rege ovantes. Ego
hic a vobis desperatae victoriae aut honestae morti
locum inveniam. Ne sic quidem ulli militum vox ex- III.
primi potuit. Expectabant, ut duces principesque ad
regem perferrent, vulneribus et continuo labore mili-
tiae fatigatos non detrectare munia, sed sustinere non
posse. Ceterum illi metu attoniti in terram ora de-
*fixerant. Igitur*² *primo fremitus sua sponte, deinde* 2
gemitus quoque oritur; paulatimque liberius dolor
erigi coepit, manantibus lacrimis, adeo ut rex, ira in

¹ imprudens in vos.

² Ergo.

misericordiam versa, ne ipse quidem, quamquam cuperet, temperare oculis potuerit.

3 Tandem universa contione effusius flente, Coenus¹²
 ausus est, cunctantibus ceteris, propius tribunal acce-
 4 dere, significans se loqui velle. Quem ut videre mili-
 tes detrahentem galeam capiti, (ita enim regem allo-
 qui mos est,) hortari coeperunt, ut causam exercitus
 5 ageret. Tum Coenus, *Dii prohibeant, inquit, a nobis*
impias mentes; et profecto prohibent. Idem animus
est tuis, qui fuit semper, ire quo iusseris, pugnare,
periclitari, sanguine nostro commendare posteritati
tuum nomen. Proinde si perseveras, inermes quoque
et nudi et exsanguis, utcumque tibi cordi est, se-
 6 *quimur, vel antecedinus. Sed si audire vis non*
fictas tuorum militum voces, verum necessitate ultima
expressas, praebe, quaeso, propitias aures imperium
atque auspicium tuum constantissime secutis, et quo-
 7 *cunque pergis secuturis. Vicisti, rex, magnitudine*
rerum non hostes modo, sed etiam milites. Quicquid
mortalitas capere poterat, implevimus. Emensis ma-
ria terrasque melius nobis, quam incolis, omnia nota
 8 *sunt. Paene in ultimo mundi fine consistimus. In*
alium orbem paras ire, et Indiam quaeris Indis quo-
que ignotam: inter feras serpentesque degentes cruere
ex latebris et cubilibus suis expetis, ut plura, quam
 9 *sol videt, victoria lustres. Digna prorsus cogitatio*
animo tuo, sed altior nostro. Virtus enim tua sem-
*per in incremento erit, nostra vis iam in fine*¹
 10 *est. Intuere corpora exsanguia, tot perfossa vulneri-*
bus, tot cicatricibus putria. Iam tela hebetia sunt:
iam arma deficiunt. Vestem Persicam induimus, quia
domestica subvehi non potest. In externum degene-

¹ in fine iam.

ravinus cultum. Quoto cuique lorica est? quis equum ¹¹ habet? inbe quaeri, quam multos servi ipsorum persecuti sint,¹ quid cuique supersit ex praeda. Omnium victores omnium inopes sumus. Nec luxuria laboramus, sed bello instrumenta belli consumpsimus. Hunc ¹² tu pulcherrimum exercitum nudum obicies beluis? quarum ut multitudinem augeant de industria barbari, magnum tamen esse numerum etiam ex mendacio intelligo. Quodsi adhuc penetrare in Indiam certum ¹³ est, regio a Meridie minus vasta est; qua subacta licebit decurrere in illud mare, quod rebus humanis terminum voluit esse natura. Cur circuitu petis gloriam, quae ad manum posita est? hic quoque occurrit Oceanus. Nisi mavis errare, pervenimus, quo tua fortuna ducit. Haec tecum, quam sine te cum his, ¹⁵ loqui malui, non uti inirem circumstantis exercitus gratiam, sed ut vocem loquentium potius, quam gemitum² murmurantium audires.

- 13 Ut finem orationi Coenus imposuit, clamor undi-¹⁶ que cum ploratu oritur, regem, patrem, dominum, confusis appellantium vocibus. Iamque et alii duces, ¹⁷ praecipueque seniores, quis ob aetatem et excusatio honestior erat, et auctoritas maior, eadem precabantur. Ille nec castigare obstinatos, nec mitigare pote-¹⁸ rat iratos. Itaque inops consilii desiluit e tribunali, claudique regiam iussit, omnibus praeter assuetos adire prohibitis. Biduum irae datum est: tertio die ¹⁹ processit, erigique xii aras ex quadrato saxo, monumentum expeditionis suae, munimenta quoque castrorum iussit extendi, cubiliaque amplioris formae, quam pro corporum habitu, relinqui, ut speciem omnium augetet, posteritati fallax miraculum praeparans.

¹ Ex emend. vulgo sunt.

² quam ut gemitum.

20 Hinc repetens quae emensus erat, ad flumen Acesinem locat castra. Ibi forte Coenus morbo extinctus est. Cuius morte ingemuit quidem rex,¹ adiecit tamen, propter paucos dies longam orationem eum exorsum, tanquam solus Macedoniam visurus esset.

21 Iam in aqua classis, quam aedificari iusserat, stabat. Inter haec Memnon ex Thracia in supplementum equitum v² milia, praeter eos ab Harpalo peditum septem milia adduxerat, armaque xxv milia auro et argento caelata pertulerat, quis distributis vetera cre-

22 mari iussit. Mille navigiis aditurus Oceanum, discordesque³ et vetera odia retractantes Porum et Taxilem,⁴ Indiae reges, firmatae per affinitatem gratiae⁵ relinquit⁶ in suis regnis, summo in aedificanda classe

23 amborum studio usus. Oppida quoque duo condidit, quorum alterum Nicaeam appellavit, alterum Bucephalam,⁷ equi, quem amiserat, memoriae ac nomini

24 dedicans urbem. Elephantis deinde et impedimentis terra sequi iussis, secundo amne defluxit, quadraginta ferme stadia singulis diebus procedens, ut opportunis locis exponi subinde copiae possent.

IV. Perventum erat in regionem, in qua Hydaspes¹⁴

2 amnis Acesini committitur. Hinc decurrit in fines Siborum.⁸ Hi de exercitu Herculis maiores suos esse memorant:⁹ aegros relictos esse, cepisse sedem, quam

3 ipsi obtinebant. Pelles ferarum pro veste, clavae tela¹⁰ erant; multaque, etiam cum Graeci mores ex-

4 levisent, stirpis ostendebant vestigia. Hinc excensione facta, cc et l stadia processit, depopulatusque regio-

¹ rex quidem.

2 sex.

3 discordes.

4 Taxilem.

5 firmata per affinitatem gratia.

6 reliquit.

7 Bu-

cephalan.

8 *De connect. Codd. mss.* Soborum, *edd.*

Sobiorum.

9 commemorant.

10 pro telo.

nem, oppidum, caput eius, corona cepit. XL peditum 5
 milia gens¹ in ripa fluminum opposuerat: quae²
 anne superato in fugam compulit, inclusosque moe-
 nibus expugnat. Puberes interfecti sunt, ceteri venie-
 runt. Alteram deinde urbem expugnare adortus, ma- 6
 gnaque vi defendentium pulsus, multos Macedonum
 amisit. Sed cum in obsidione perseverasset, oppidani,
 desperata salute, ignem subiecere tectis, se quoque
 ac liberos coniugesque incendio cremant. Quod cum 7
 ipsi augerent, hostes extinguerent, nova forma pugnae
 erat. Delebant incolae urbem; hostes defendebant:
 adeo etiam naturae iura bellum in contrarium mutat.
 Arx erat oppidi intacta, in qua praesidium dereliquit: 8
 ipse navigio circumvectus est arcem.

15 Quippe III flumina tota India praeter Gangem ma-
 xima munimento arcis applicant undas. A Septen-
 trione Indus alluit, a Meridie Acesines Hydaspis con-
 funditur. Ceterum amnium coetus³ maritimis simi- 9
 les fluctus movet;⁴ multoque ac turbido limo, quod
 aquarum concursu subinde turbatur, iter, qua meant
 navigia, in tenuem alveum cogitur. Itaque cum cre- 10
 bri fluctus se invelherent, et navium hinc proras, hinc
 latera pulsarent, subducere nautae vela⁵ coeperunt.
 Sed ministeria eorum hinc metu,⁶ hinc praerapida
 celeritate fluminum occupantur. In oculis [omnium]⁷ 11
 duo maiora navigia submersa sunt; leviora, cum et
 ipsa nequirent regi, in ripam tamen innoxia expulsa
 sunt. Ipse rex in rapidissimos vertices⁸ incidit: qui-
 bus intorta navis obliqua et gubernaculi impatiens
 agebatur. Iam vestem detraxerat corpori, proiectu- 12

¹ alia gens.² quam.³ coitus.⁴ movent.⁵ abest.⁶ Sic vulgo de coniect. Libri mss. cetu.

Fort. vento.

⁷ Vocis fidem incertam indicant

cancelli. Vulgo post maiora ponitur.

⁸ vortices.

rus semet in flumen, amique, ut exciperent eum, haud procul nabant, apparebatque anceps periculum
 13 tam nataturi, quam navigare perseverantis. Ergo ingenti certamine concitant remos, quantaque vis humana esse poterat admota est, ut fluctus, qui se invehebant,
 14 everberarentur. Finde crederes undas, et retro gurgites cedere. Quibus tandem navis erepta, non tamen ripae applicatur,¹ sed in proximum vadum illiditur. Cum amni² bellum fuisse crederes. Ergo aris pro numero fluminum positus, sacrificioque facto, xxx stadia processit.

15 Inde ventum est in regionem Oxydracorum³ Mal-16
 lorumque, quos alias bellare inter se solitos tunc periculi societas iunxerat. Nonaginta milia iuniorum peditum in armis erant, praeter hos equitum x milia,
 16 nongentaeque quadrigae. At Macedones, qui omni discrimine iam defunctos se esse crediderant, postquam integrum bellum cum ferocissimis Indiae gentibus superesse cognoverunt, improvise metu territi, rursus seditiosis vocibus regem increpare coeperunt:
 17 Gangem⁴ amnem, et quae ultra essent, coactum⁵ transmittere, non tamen finisse, sed mutasse bellum. Indomitae gentibus se obiectos, ut sanguine suo aperirent ei Oceanum. Trahi extra sidera et solem, co-
 18 gique adire, quae mortalium oculis natura subduxerit. Novis identidem armis novos hostes existere. Quos ut omnes fundant fugentque, quod praemium ipsos manere? caliginem ac tenebras et perpetuam noctem profundo incubantem mari,⁶ repletum immanium beluarum gregibus fretum, immobiles undas, in quibus emoriens natura defecerit.

¹ applicabatur.² amne.³ De coniect. Codd.

Sudracarum, item posthac.

⁴ Gangem, item postea.⁵ De coniect. vulgo coactos.⁶ abest.

Rex non sua, sed militum sollicitudine anxius, 19
 contione advocata, docet, imbelles esse, quos metuant.
 Nihil deinde praeter has gentes obstare, quominus
 terrarum spatia emensi ad finem simul mundi labo-
 rumque perveniant. Cessisse illis metuentibus Gan- 20
 gen et multitudinem nationum, quae ultra amnem
 essent: declinasse iter eo, ubi par gloria, minus peri-
 culum esset. Iam prospicere se Oceanum, iam per- 21
 flare ad ipsos auram maris: ne inviderent sibi laudem,
 quam peteret. Herculis et Liberi Patris terminos
 transituros illos, regi suo, parvo impendio, immorta-
 litatem famae duros. Paterentur se ex India redi-
 re, non fugere.

- 17 Omnis multitudo, et maxime militaris, mobili im- 22
 petu fertur. Ita seditionis non remedia quam princi-
 pia maiora sunt. Non alias tam alacer clamor ab ex- 23
 ercitu est redditus, iubentium, duceret diis secundis,
 aequaretque gloria, quos aemularetur. Lactus his ac-
 clamationsibus ad hostes protinus castra movet. Va- 24
 lidissimae Indorum gentes erant, et bellum impigre
 parabant; ducemque ex natione Oxydracarum specta-
 tae virtutis elegerant, qui sub radicibus montis castra
 posuit, lateque ignes, ut speciem multitudinis augeret,
 ostendit, clamore quoque ac sui moris ululatu identi-
 dem acquiescentes Macedonas frustra terrere conatus.
 Iam lux appetebat, 2 cum rex fiducia ac spei plenus 25
 alacres milites arma capere, et exire in aciem iubet.
 Sed, haud traditur 3 metune, an oborta seditione 4
 inter ipsos, subito profugerunt barbari; certe avios
 montes et impeditos occupaverunt: quorum agmen 26
 rex frustra persecutus, impedimenta cepit.

¹ aequaret.

² apparebat.

³ *absunt haec duo verba.*

⁴ seditione oborta.

Perventum deinde est ad oppidum Oxydracorum, in¹⁸
 quod plerique confugerant, haud maiore fiducia moe-
 27 nium, quam armorum. Iam admovebat rex, cum
 vates monere cum coepit, ne committeret, aut certe
 differret obsidionem: vitae eius periculum ostendi.
 29 Rex Demophontem¹ (is namque vates erat) intuens,
Si quis, inquit, te arti tuae intentum et extra spectan-
tem sic interpellet, non dubitem, quin incommodus ac
 29 *molestus videri tibi possit.* Et cum ille ita prorsus
 futurum respondisset, *Censesne, inquit, tantas res, non*
pecudum fibras ante oculos habenti, ullum esse maius
impedimentum, quam vatem superstitione captum?
 30 Nec diutius quam respondit moratus, admoveri iubet
 scalas, cunctantibusque ceteris evadit in murum. An-
 gusta muri corona erat: non pinnae sicut alibi fasti-
 gium eius distinxerant, sed perpetua lorica obducta
 31 transitum sepserat. Itaque rex haerebat magis, quam
 stabat in margine, clipeo undique incidentia tela, pro-
 pulsans; nam ubique eminus ex turribus petebatur.
 32 Nec subire milites poterant, quia superne vi telorum
 obruebantur. Tandem magnitudinem periculi pudor
 vicit: quippe cernebant, cunctatione sua dedi hosti-
 33 bus regem. Sed festinando morabantur auxilia. Nam
 dum pro se quisque certat evadere, oneravere scalas;
 quis non sufficientibus devoluti unicam spem regis
 fefellerunt. Stabat enim in conspectu tanti exerci-
 tus, velut in solitudine destitutus.

v. Iamque laevam, qua clipeum ad ictus circumfere-¹⁹
 bat, lassaverat, clamantibus amicis, ut ad ipsos desili-
 ret, stabantque excepturi; cum ille rem ausus est²
 incredibilem atque inauditam, multoque magis ad sa-
 2 mam temeritatis, quam gloriae, insignem. Namque

¹ Demophoonta.² abest haec vocula.

in urbem hostium plenam praecipiti saltu semetipse
 inimisit, cum vix sperare posset, dimicantem certe
 et non inultum esse moriturum: quippe antequam as-
 surgeret, opprimi poterat et capi vivus. Sed forte 3
 ita libraverat corpus, ut se pedibus exciperet. Itaque
 stans init pugnam; et ne circumiri posset, fortuna
 providerat. Vetusta arbor, haud procul muro, ramos 4
 multa fronde vestitos, velut de industria regem pro-
 tegentes, obiecerat; huius spatioso stipiti corpus, ne
 circumiri posset, applicuit, clipeo tela, quae ex ad-
 verso ingerebantur, excipiens. Nam cum unum pro- 5
 cul tot manus peterent, nemo tamen audebat pro-
 prius accedere; missilia ramis plura, quam clipeo in-
 cidebant. Pugnat pro rege primum celebrati no- 6
 minis fama, deinde desperatio, magnum ad honeste
 moriendum incitamentum. Sed cum subinde hostis 7
 afflueret, iam ingentem vim telorum exceperat clipeo,
 iam galeam saxa perfregerant, iam continuo labore
 gravia genua succiderant. Itaque contemptim et in- 8
 caute, qui proximi steterant, incurrerunt: e quibus
 duos gladio ita excepit, ut ante ipsum exanimis pro-
 cumberent. Nec cuiquam deinde propius incessendi
 eum animus fuit: procul iacula sagittasque mittebant.

- 20 Ille ad omnes ictus expositus, aegre iam exceptum 9
 poplitibus corpus tuebatur; donec Indus duorum cu-
 bitorum sagittam (namque Indis, ut antea diximus,
 huius magnitudinis sagittae erant) ita excussit, ut per
 thoracem paulum super latus dextrum infingeret.¹
 Quo vulnere afflictus, magna vi sanguinis emicante,¹⁰
 remisit arma moribundo similis, adeoque resolutus,
 ut ne ad vellendum quidem telum sufficeret dextera.²
 Itaque ad expoliandum corpus, qui vulneraverat ala-¹¹

cer

¹ infingeretur.² dextera, item post paulo.

cer gaudio accurrit. Quem ut iniicere corpori suo manus sensit, credo, ultimi dedecoris indignitate commotus, linquentem revocavit animum, et nudum ho-
 12 stis latus subiecto mucrone hausit. Iacebant circa regem tria corpora, procul stupentibus ceteris: ille ut, antequam ultimus spiritus deficeret, dimicans iam
 13 extingueretur, clipeo se allevare conatus est, et postquam ad connitendum nihil supererat virium, dextera impendentes ramos complexus temptabat assurgere. Sed ne sic quidem potens corporis, rursus in genua procumbit, manu provocans hostes, si quis congredi auderet.

14 Tandem Peucestes¹ per aliam oppidi partem, de-21 turbatis propugnatoribus, muri vestigia persequens regi supervenit. Quo conspecto Alexander, iam non vitae suae, sed mortis solatium supervenisse ratus, clipeo fatigatum corpus excepit. Subit inde Timaeus, et paulo post Leonnatus, huic Aristonus supervenit.
 16 Indi quoque, cum intra moenia regem esse comperissent, omissis ceteris, illuc concurrerunt, urgebantque protegentes. Ex quibus Timaeus, multis adverso corpore vulneribus acceptis, egregiaque edita pugna,
 17 cecidit; Peucestes quoque tribus iaculis confossus non se tamen scuto, sed regem tuebatur; Leonnatus, dum avidae ruentes barbaros summovet, cervice graviter
 18 icta semianimis procubuit ante regis pedes. Iam et Peucestes vulneribus fatigatus summisserat clipeum: in Aristono spes ultima haerebat. Hic quoque graviter saucius tantam vim hostium ultra sustinere non
 19 poterat. Inter haec ad Macedonas regem cecidisse fama perlata est. Terruisset alios, quod illos incitavit. Namque periculi omnis immemores dolabris

¹ Peucestas, et sic postea.

perfregere murum, et qua moliti erant aditum, irrupere in urbem, Indosque plures fugientes, quam congregi ausos, ceciderunt. Non senibus, non feminis, 20 non infantibus parcitur: quisquis occurrerat, ab illo vulneratum regem esse credebant. Tandemque internecione hostium iustae irae parentatum est. Pto- 21 lemaeum, qui postea regnavit, huic pugnae affuisse, auctor est Clitarchus et Timagenes. Sed ipse, scilicet gloriae suae non refragatus, afuisse, missum in expeditionem, memoriae tradidit. Tanta componentium vetusta rerum monumenta vel securitas, vel par huic vitium, credulitas fuit!

- 22 Rege in tabernaculum relato, medici lignum sagittae¹ corpori infixum, ita ne spiculum moveretur, abscidunt.² Corpore deinde nudato, animadvertunt 23 hamos inesse telo, nec aliter id sine pernicie corporis extrahi posse, quam ut secando vulnus augerent. Ceterum ne secantes profluvium sanguinis occuparet, 24 verebantur; quippe ingens telum adactum erat, et penetrasse in viscera videbatur. Critobulus, inter medicos artis eximiae, sed in tanto periculo territus, [manus]³ admoveere metuebat, ne in ipsius caput parum prosperae curationis recideret eventus. Lacri- 26 mantem eum ac metuentem et sollicitudine propemodum exsanguem rex conspexerat. *Quid, inquit, quodve tempus expectas, et non quamprimum hoc dolore me saltem moriturum liberas? An times, ne reus sis, cum insanabile vulnus acceperim?* At Critobulus tan- 27 dem vel finito, vel dissimulato metu, hortari eum coepit, ut se continendum praeberet, dum spiculum evelleret; etiam levem corporis motum noxium fore.

¹ hastae. ² abscindunt.
in libris mss.

³ Desideratur haec vox

28 Rex cum affirmasset, nihil opus esse his, qui se-
met continerent, sicut praeceptum erat, sine motu
praebuit corpus. Igitur patefacto latius vulnere, et
spiculo evolso, ingens vis sanguinis manare coepit,
linquique animo rex, et caligine oculis offusa, veluti
29 moribundus extendi. Cumque profluvium medica-
mentis frustra inhiherent, clamor simul atque plora-
tus amicorum oritur, regem expirasse credentium.
Tandem constitit sanguis, paulatimque animum rece-
30 pit, et circumstantes coepit agnoscere. Toto eo die
ac nocte, quae secuta est, armatus exercitus regiam
obsedit, confessus omnes unius spiritu vivere. Nec
prius recesserunt, quam compertum est, somno pau-
lisper acquiescere. Hinc certiores spem salutis eius
in castra rettulerunt.

VI. Rex septem diebus curato vulnere, necdum ob-23
ducta cicatrice, cum audisset, convaluisse apud bar-
baros famam mortis suae, duobus navigiis iunctis,
statui in medium undique conspicuum tabernaculum
iussit, ex quo se ostenderet perisse credentibus. Con-
spectusque ab incolis spem hostium falso nuntio con-
2 ceptam inhibuit. Secundo deinde amne defluxit, ali-
quantum intervalli a cetera classe praeciens, ne
quies corpori invalido adhuc necessaria pulsu remo-
rum impediretur.

3 Quarto, postquam navigare coeperat, die pervenit
in regionem desertam quidem ab incolis, sed frumen-
to et pecoribus abundantem. Placuit is locus et ad
4 suam, et ad militum requiem. Mos erat principibus ami-
corum et custodibus corporis, excubare ante praetorium,
quotiens adversa regi¹ valetudo incidisset. Hoc tum
quoque more² servato, universi cubiculum eius in-

¹ regi adversa.² more quoque.

trant. Ille sollicitus, ne quid novi afferrent, quia simul venerant, percontatur, num hostium recens nuntiaretur adventus.

24 At Craterus, cui mandatum erat, ut amicorum o preces perferret ad eum, *Credisne*, inquit, *adventu magis hostium, ut iam in vallo consisterent, sollicitos esse,*¹ *quam cura salutis tuae, ut nunc est, tibi vilis? Quantalibet vis omnium gentium conspiret in nos,*² *impleat armis virisque totum orbem, classibus maria consternat, inusitatas beluas inducat: tu nos praestabis invictos. Sed quis deorum hoc Macedoniae colu-*³ *men ac sidus diuturnum fore polliceri potest, cum tam avide manifestis periculis offeras corpus, oblitus tot civium animas trahere te in casum? Quis enim*⁴ *tibi superstes aut optat esse, aut potest? Eo pervenimus, auspiciū atque imperiū secuti tuum, unde nisi te reduce nulli ad penates suos iter est. Quod-*⁵ *si*² *adhuc de Persidis regno cum Darco dimicares, etsi nemo vellet, tamen ne admirari quidem posset, tam promptae esse te ad omne discrimen audaciae: nam ubi paria sunt periculum ac praemium, et secundis rebus amplior fructus est, et adversis solatium maius: tuo vero capite ignobilem vicum emi, quis fe-*⁶ *rat, non tuorum modo militum, sed ullius gentis*³ *barbarae civis, qui tuam magnitudinem novit? Hor-*⁷ *ret animus cogitatione rei, quam paulo ante vidimus. Eloqui timeo, invicti corporis spolia inertissimas ma-*⁸ *nus fuisse infecturas,*⁴ *nisi te interceptum misericors in nos fortuna servasset. Totidem proditores, totidem desertores sumus, quot te non potuimus persequi. Uni-*⁹

¹ Haec verba post leguntur sic: vilis, nos esse sollicitos.

² Qui si.

³ ullius etiam gentis.

⁴ spoliis

inertissimos manus fuisse iniecturos.

versos licet milites ignominia notes, nemo recusabit
 luere id, quod ne admitteret praestare non potuit.
 14 Patere nos, quaeso, alio modo esse viles tibi. Quo-
 cunque iusseris, ibimus. Obscura pericula¹ et igno-
 biles pugnas nobis deprecemur: temetipsum ad ea ser-
 va,² quae magnitudinem tuam capiunt. Cito gloria
 obsolescit in sordidis hostibus, nec quicquam indignius
 15 est, quam consumi eam, ubi non possit ostendi. Ea-
 dem fere Ptolemaeus, et similia his³ ceteri. Iamque
 confusis vocibus flentes eum orabant, ut tandem ex-
 satiatæ laudi modum faceret, ac salutis suae, id est
 publicae, parceret.
 16 Grata erat regi pietas amicorum. Itaque singulos²⁵
 familiarius amplexus considerare iubet. Altiusque ser-
 17 mone repetito, *Vobis quidem*, inquit, *o fidissimi piis-*
simumque civium atque amicorum, grates ago habeoque,
non solum eo nomine, quod hodie salutem meam ve-
strae praeponitis, sed quod a primordiis belli nullum
erga me benivolentiae pignus atque indicium onisistis,
adeo ut confitendum sit, nunquam mihi vitam meam
fuisse tam caram, quam esse coepit, ut vobis diu frui
 18 *possim. Ceterum non eadem est cogitatio eorum, qui*
pro me mori optant, et mea: qui quidem hanc beni-
volentiam vestram virtute meruisse me iudico. Vos
enim diuturnum fructum ex me, forsitan etiam per-
petuum, percipere cupitis: ego me metior non aetatis
 19 *spatio, sed gloriae. Licuit paternis opibus contento*
intra Macedoniae terminos per otium corporis expe-
ctare obscuram et ignobilem senectutem: quamquam
ne pigri quidem sibi fata disponunt, sed unicum
bonum diuturnam vitam existimantes⁴ saepe acerba mors

¹ bella.² ad ea serva pericula.³ iis.⁴ aestimantes.

occupat: verum ego, qui non annos meos, sed victorias numero, si munera fortunae bene computo, diu vixi. Orsus a Macedonia imperium Graeciae¹ teneo; 20 Thraciam et Illyrios subegi; Triballis, Maedisque² imperito; Asiam, qua Hellesponto, qua rubro mari subluitur,³ possideo. Iamque haud procul absum fine⁴ mundi, quem egressus aliam naturam, alium orbem aperire mihi statui. Ex Asia in Europae terminos²¹ momento unius horae transivi. Victor utriusque regionis post novum regni mei, post vigesimum atque octavum aetatis annum, videor ne vobis in excolenda 26 gloria, cui me uni devovi, posse cessare? Ego vero non deero, et ubicunque pugnabo, in theatro terrarum orbis esse me credam. Dabo nobilitatem ignobilibus²² locis; aperiam cunctis gentibus terras, quas natura longe summovertat. In his operibus extingui mihi⁵ si fors ita feret, pulchrum est: ea stirpe sum genitus, ut multam prius, quam longam vitam debeam optare. Obsecro vos, cogitate nos pervenisse in terras, quibus²³ feminae ob virtutem celeberrimum nomen est. Quas urbes Semiramis condidit? quas gentes redegit in potestatem? quanta opera molita est? Nondum feminam aequavimus gloria, et iam nos laudis satietas cepit? Dii saveant, maiora adhuc restant. Sed ita nostra erunt²⁴ quae nondum attigimus, si nihil parvum duxerimus, in quo magnae gloriae locus est. Vos modo me ab intestina fraude et domesticorum insidiis praestate securum: belli Martisque discrimen impavidus subibo. Philippus in²⁵ acie tutior, quam in theatro fuit; hostium manus saepe vitavit, suorum effugere non valuit. Aliorum quoque

¹ Graeciam.² Medisque.³ alluitur.⁴ a fine.⁵ me.

*regum exitus si reputaveritis, plures a suis, quam ab
 26 hoste interemptos numerabitis. Ceterum, quoniam
 olim rei agitatae in animo meo nunc promendae occa-
 sio oblata est, mihi maximus laborum atque operum
 meorum erit fructus, si Olympias mater immortalitati
 consecretur, quandocunque excesserit vita. Si licuerit,
 ipse praestabo hoc: si me praeceperit fatum, vos man-
 dasse mementote. Ac tum quidem amicos dimisit:
 ceterum per complures dies ibi stativa habuit.*

VII. Haec dum in India geruntur, Graeci milites nu-27
 per in colonias a rege deducti circa Bactra,¹ orta
 inter ipsos seditione, defecerant, non tam Alexandro
 2 infensi, quam metu supplicii. Quippe occisis quibus-
 dam popularium, qui validiores erant arma spectare
 coeperunt, et Bactriana arce, quae casu negligentius
 asservata erat, occupata, barbaros quoque in societa-
 3 tem impulerant. Athenodorus erat princeps eorum,
 qui regis quoque nomen assumpserat, non tam impe-
 rii cupidine, quam in patriam revertendi cum his,
 4 qui auctoritatem ipsius sequebantur. Huic Bico² qui-
 dam nationis eius,³ sed ob aemulationem infestus,
 comparavit insidias, invitatumque ad epulas per Bo-
 5 xum quendam Macerianum in convivio occidit. Po-
 stero die contione advocata Bico ultro insidiatum sibi
 Athenodorum plerisque persuaserat: sed aliis suspecta
 erat fraus⁴ Biconis, et paulatim in plures coepit ma-
 6 nare suspicio. Itaque Graeci milites arma capiunt,
 occisuri Biconem, si daretur occasio: ceterum princi-
 7 pes eorum iram multitudinis mitigaverunt. Praeter
 spem suam Bico praesenti periculo ereptus, paulo
 post insidiatus auctoribus salutis suae est: cuius dolo

¹ De conject. Vulgo deducti Garabactra.

³ eiusdem.

⁴ fraus erat.

² Bicon.

cognito, et ipsum comprehenderunt, et Boxum. Cete- 8
rum Boxum protinus placuit interfici, Biconem etiam per
cruciatum necari. Iamque corpori tormenta admoveban-
tur, cum milites, ¹ incertum ob quam causam, lymphatis
similes ad arma discurrunt. Quorum fremitu exau- 9
dito, qui torquere Biconem iussi erant, omisere, veriti,
ne id facere tumultuantium vociferatione prohiberen-
tur. Ille, sicut nudatus erat, pervenit ad Graecos, et ¹⁰
miserabilis facies supplicio destinati in diversum ani-
mos repente mutavit, dimittingue eum iusserunt. Hoc ¹¹
modo poena bis liberatus, cum ceteris, qui colonias
a rege attributas reliquerunt, revertit in patriam.
Haec circa Bactra et Scytharum terminos gesta.

28 Interim regem duarum gentium, de quibus ante ¹²
dictum est, centum legati adeunt. Omnes curru ve-
hebantur, eximia magnitudine corporum, decore ha-
bitu, lineae vestes intexto ² auro purpuraque distin-
ctae. Ei se dedere ipsos, urbes agrosque, referebant, ¹³
per tot aetates inviolatam libertatem illius primum
fidei dicionique permissuros: deos sibi deditiois au-
ctores, non metum; quippe intactis viribus iugum ex-
cipere. Rex, consilio habito, deditos in fidem acce- ¹⁴
pit, stipendio, quod Arachosiis utraque natio pensita-
bat, imposito. Praeterca ¹¹ milia et ¹⁰ equites impe-
rat; et omnia obedienter a barbaris facta. Invitatis ¹⁵
deinde ad epulas legatis gentium regulisque, exornari
convivium iussit. Centum aurei lecti modicis inter-
vallis positi erant; lectis circumdederat aulaea, pur-
pura auroque fulgentia; quicquid aut apud Persas
vetere luxu, aut apud Macedonas nova immutatione
corruptum erat, confusis utriusque gentis vitiis in illo
convivio ostendens.

¹ Graeci milites.

² intextae.

16 Intererat epulis Dioxippus Atheniensis, pugil nobi-29
lis, et ob eximiam virtutem virium regi pernotus et
gratus. Invidi malignique increpabant per seria et
ludum, saginati corporis sequi inutilem beluam:
cum ipsi proelium inirent, oleo madentem praeparare
17 ventrem epulis. Eadem igitur in convivio Horratas
Macedo iam temulentus exprobrare ei coepit et po-
stulare, ut, si vir esset, postero die secum ferro de-
cerneret: regem tandem vel de sua temeritate, vel de
18 illius ignavia iudicaturum. Et a Dioxippo, contem-
ptim militarem eludente ferociam, accepta conditio
est. Ac postero die rex, cum etiam acrius certamen
exposcerent, quia deterrire non poterat, destinata
19 exequi passus est. Ingens hic militum, inter quos
erant Graeci, qui Dioxippo studebant, convenerat
multitudo. Macedo iusta arma sumpserat, aereum
clipeum, hastam, quam sarissam vocant, laeva tenens,
dextera¹ lanceam, gladioque cinctus, velut cum pluri-
20 bus simul dimicaturus. Dioxippus oleo nitens et co-
ronatus laeva puniceum amiculum, dextra validum
nodosumque stipitem praeferebat. Ea ipsa res omnium
animos expectatione suspenderat: quippe armato con-
21 gredi nudum dementia, non temeritas videbatur. Igi-
tur Macedo, haud dubius eminus interfici posse, lan-
ceam emisit, quam Dioxippus cum exigua corporis
declinatione vitasset, antequam ille hastam transferret
in dextram, assiluit, et stipite mediam eam fregit.
22 Amisso utroque telo, Macedo gladium coeperat strin-
gere: quem occupatum complexu, pedibus repente
subductis, Dioxippus arietavit in terram, ereptoque
gladio, pedem super cervicem iacenti² imposuit, sti-
pitem intentans, elisurusque eo victum, ni prohibitus

¹ dextra.² iacentis.

esset a rege. Tristis spectaculi eventus non Mace-²³
donibus modo, sed etiam Alexandro fuit, maxime
quia barbari affuerant: quippe celebratam Macedo-
num fortitudinem ad ludibrium recidissee verebatur.
Hinc ad criminationem invidorum adapertae sunt au-²⁴
res regis. Et post paucos dies inter epulas aureum
poculum ex composito subducitur, ministrique, quasi
amisissent, quod amoverant, regem adeunt. Saepe²⁵
minus est constantiae in rubore, quam in culpa. Con-
iectum oculorum, quibus ut fur destinabatur, Dioxip-
pus ferre non potuit: et cum excessisset convivio, lit-
teris conscriptis, quae regi redderentur, ferro se in-
teremit. Graviter mortem eius tulit rex, existimans²⁶
indignationis esse, non poenitentiae testem, utique
postquam falso insimulatum eum, nimium invidorum
gaudium ostendit.

30 Indorum legati dimissi domos, paucis post diebus VIII.
cum donis revertuntur. Trecenti erant equites,¹
mille triginta currus, quos quadriiugi equi ducebant,
lineae vestis aliquantum, mille scuta Indica, et ferri
candidi talenta centum, leonesque rarae magnitudinis et²
tigres, utrumque animal ad mansuetudinem domitum,
lacertarum quoque ingentium pelles, et dorsa testu-
dinum. Cratero deinde imperat rex, haud procul³
anne, per quem erat ipse navigaturus, copias duceret:
eos autem, qui comitari eum solebant, imponit in
naves, et in fines Mallorum secundo anne devehitur.

Inde Sabarcas² adiit, validam Indiae gentem, quae⁴
populi, non regum imperio regebatur. Sexaginta mi-
lia peditum habebant, equitum sex milia: has copias
currus quingenti sequebantur. Tres duces spectatos⁵
virtute bellica elegerant. At qui in agris erant pro-

¹ equi.

² Sabracas.

ximi flumini (frequentes autem vicos, inmaxime in ripa habebant) ut videre totum amnem, qua prospici poterat, navigiis constratum, et tot militum¹ arina fulgentia, territi nova facie, deorum exercitum, et alium Liberrum Patrem, celebre in illis gentibus nomen, adventare credebant. Hinc militum clamor, hinc remorum pulsus variaeque nautarum voces hortantium pavidas aures impleverant. Ergo universi ad eos, qui in armis erant, currunt, furere clamitantes, et² cum diis proelium inituros: navigia non posse numerari, quae invictos vivos³ veherent. Tantumque in exercitum suorum intulere terroris, ut legatos mitterent gentem dedituros.

His in fidem acceptis, ad alias deinde gentes quarto die pervenit. Nihilo plus animi his fuit, quam ceteris fuerat. Itaque oppido ibi condito, quod Alexandriam appellari iusserat, fines eorum, qui Musicani appellantur, intravit. Hic de Teriolte satrape, quem Parapamisadis praefecerat, iisdem arguentibus cognovit: multaque avare ac superbe fecisse convictum interficere iussit. Oxyartes,⁴ praetor Bactrianorum, non absolutus modo, sed etiam iure amoris⁵ amplioris imperii donatus est finibus. Musicanis deinde in dicionem redactis, urbi eorum praesidium imposuit.

Inde Praestos, et ipsam Indiae gentem, perventum est. Porticanus⁶ rex erat, qui se munitae urbi cum magna manu popularium incluserat. Hanc Alexander tertio die, quam coeperat obsidere, expugnavit. Et Porticanus, cum in arcem confugisset, legatos de con-

¹ millium.² abest.³ abest.⁴ Oxathires.⁵ abest, interpunctione maiore post verba donatus est posita.⁶ Oxycanus, item post.

ditione deditio misit ad regem: sed antequam adirent eum, duae turres cum ingenti fragore prociderant, per quarum ruinas Macedones evasere in arcem, qua capta Porticanus cum paucis repugnans occiditur.

32 Diruta igitur arce, et omnibus captivis venundatis, Sambis¹ regis fines ingressus est; multisque oppidis in fidem acceptis, validissimam gentis urbem cuniculo cepit. Barbaris simile monstri visum est, rudibus¹⁴ militarium operum, quippe in media ferme urbe armati² terra existebant, nullo suffossi specus ante vestigio facto. Octoginta milia Indorum in ea regione¹⁵ caesa, Clitarchus est auctor, multosque captivos sub corona venisse. Rursus Musicani defecerunt, ad quos¹⁶ opprimendos missus est Pithon, qui captum principem gentis eundemque defectionis auctorem adduxit ad regem. Quo Alexander in crucem sublato, rursus amnem, in quo classem expectare se iusserat, repetit.

Quarto deinde die secundo amne pervenit ad oppidum, quod³ in regnum erat Sambis. Nuper se ille dediderat, sed oppidani detrectabant imperium, et clausurant portas. Quorum paucitate contempta,¹⁸ rex quingentos Agrianos moenia subire iussit,⁴ et sensim recedentes elicere extra muros hostem, secuturum profecto, si fugere eos crederet. Agriani, sicut¹⁹ imperatum erat, lacessito hoste, subito terga vertunt, quos barbari effuse sequentes in alios, inter quos ipse rex erat, incidunt. Renovato ergo proelio, ex tribus milibus barbarorum sexcenti⁵ caesi sunt, mille capti, ceteri moenibus urbis inclusi.

¹ Sabi.

² abest, tum vulgo e terra.

³ qua iter in.

⁴ iusserat

⁵ quingenti.

20 Sed non ut prima specie laeta victoria, ita eventu³³
 quoque fuit: quippe barbari veneno tinxerant gladios.
 Itaque saucii subinde expirabant, nec causa tam stren-
 nuæ mortis excogitari poterat a medicis, cum etiam
 21 leves plagæ insanabiles essent. Barbari autem spera-
 verant incautum et temerarium regi excipi posse.
 Et forte inter promptissimos dimicans intactus evase-
 22 rat. Praecipue Ptolemaeus, laevo humero leviter qui-
 dem saucius, sed maiore periculo quam vulnere af-
 fectus, regis sollicitudinem in se converterat. San-
 guine coniunctus erat, et quidam Philippo genitum
 esse credebant, certe pellice eius ortum constabat.
 23 Idem corporis custos, promptissimusque bellator, et
 pacis artibus quam militiae maior et clarior, modico
 civilique cultu, liberalis in primis, adituque facili,¹
 24 nihil ex fastu regio assumpserat. Ob hæc regi an
 popularibus carior esset, dubitari poterat, tum certe
 primum expertus suorum animos, adeo ut fortunam,
 in quam postea ascendit, in illo periculo Macedones
 25 ominati esse videantur. Quippe non levior illis Pto-
 lemaei fuit cura, quam regis: qui et proelio et solli-
 citudine fatigatus cum Ptolemaeo assideret, lectum
 26 in quo ipse acquiesceret, iussit inferri. In quem ut
 se recepit, protinus altior insecutus est somnus. Ex
 quo excitatus, per quietem vidisse se exponit speciem
 draconis oblatam herbam ferentis ore, quam veneni
 27 remedium esse monstrasset: colorem quoque herbae
 referebat, agniturum, si quis repperisset, affirmans.
 Inventam² deinde, quippe a multis simul³ erat requi-
 sita, vulneri imposuit: protinusque dolore finito, in-
 28 tra breve spatium cicatrix quoque obducta est. Bar-

¹ facilis.² Inventamque.³ abest.

baros ut prima spes fefellerat, se ipsos urbemque dediderunt.

34 Hinc in proximam gentem Pataliam¹ perventum est. Rex erat Moeris, qui urbe deserta in montes profugerat. Itaque Alexander oppido potitur, agros 29
que populatur. Magnae inde praedae actae sunt pecorum armentorumque, magna vis reperta frumenti. Ducibus deinde sumptis amnis peritis, defluxit ad in-30
sulam medio ferme alveo enatam.

Ibi diutius subsistere coactus, quia duces socor-1X.
dius asservati profugerant, misit qui conquirerent alios, nec repertis, pervicax cupido² visendi Oceanum, adeundique terminos mundi, sine regionis peritis, flumini ignoto caput suum, totque fortissimorum virorum salutem permittere * Navigabant ergo omnium 2
per quae ferebantur ignari. Quantum inde abesset mare, quae gentes colerent, quam placidum amnis os, quam patiens longarum navium esset, anceps et caeca aestimatio augurabatur. Unum erat temerita- 3
tis solatium perpetua felicitas. Iam cccc stadia processerant, cum gubernatores agnoscere ipsos auram maris, et haud procul videri sibi Oceanum abesse, indicant regi. Laetus ille hortari nauticos coepit, in- 4
cumberent remis: adesse finem laboris omnibus votis expetitum; iam nihil gloriae deesse, nihil obstare virtuti, sine ullo Martis discrimine, sine sanguine orbem terrae ab illis capi; ne naturam quidem longius posse procedere; brevi incognita nisi immortalibus esse visuros. Paucos tamen navigio emisit in 5
ripam, qui agrestes vagos exciperent, e quibus cer-

¹ Pathaliam.

² additur vulgo de coniectura incessit; equidem in fine excidisse putaverim verbum coëgit, vel simile.

tiora nosci posse sperabat. Illi scrutati omnia tug-
 6 ria, tandem latentes repperere. Qui interrogati, quam
 procul abesset mare? responderunt, nullum ipsos ma-
 re ne fama quidem accepisse: ceterum tertio die per-
 veniri posse ad aquam amaram, quae corrumpet
 7 dulcem. Intellectum est, mare destinari ab ignaris
 naturae eius. Itaque ingenti alacritate nautici remi-
 8 gant, et proximo quoque die, quo propius spes ad-
 movebatur, crescebat ardor animorum. Tertio iam
 die mixtum flumini subibat mare, leni adhuc aestu
 9 confundente dispares undas. Tum aliam insulam
 medio amni sitam evecti paulo lentius, quia cursus
 aestu reverberabatur, applicant classem, et ad com-
 meatus petendos discurrunt, securi casus eius, qui su-
 pervenit ignaris.

9 Tertia ferme hora erat, cum stata vice Oceanus ex-35
 aestuans inveli coepit et retro flumen urgere. Quod
 primo coercitum, deinde vehementius pulsum, maiore
 impetu adversum agebatur, quam torrentia praecipiti
 10 alveo incurrunt. Ignota vulgo freti natura erat, mon-
 straque et irae deum indicia cernere videbantur. Iden-
 titidem intumescens¹ mare et in campos paulo ante
 11 siccos descendere superfusum. Iamque levatis navi-
 giis, et tota classe dispersa, qui expositi erant undi-
 que ad naves trepidi et improvise malo attoniti re-
 12 currunt. Sed in tumultu festinatio quoque tarda est.
 Hi contis navigia appellebant, hi dum remos aptari
 13 prohibebant, consederant. Quidam enavigare prope-
 rantes, sed non expectatis, qui simul esse debebant,
 clauda et inhabilia navigia languide moliebantur: aliae
 navium inconsulte ruentes non receperant; pariterque
 14 et multitudo et paucitas festinantes morabatur. Cla-

¹ intumescere.

mor hinc expectare, hinc ire iubentium, dissonaeque voces nunquam¹ idem atque² unum tendentium non oculorum modo usum, sed etiam aurium abstulerant. Ne in gubernatoribus quidem quicquam opis erat,¹⁵ quorum nec exaudiri vox a tumultuantibus poterat, nec imperium a territis incompositisque servari. Er-¹⁶ go collidi inter se naves, abstergerique invicem remi, et alii aliorum navigia urgere coeperunt. Crederes non unius exercitus classem vehi, sed duorum navale inisse certamen. Incutiebantur puppibus porae; pre-¹⁷ mebantur a sequentibus, qui antecedentes turbaverant; iurgantium ira perveniebat etiam ad manus.

36 Iamque aestus totos circa flumen campos inunda-¹⁸ verat, tumulis dumtaxat eminentibus, velut insulis parvis; in quos plerique trepidi, omissis navigiis, enare properant.³ Dispersa classis partim in praealta aqua¹⁹ stabat, qua subsederant valles; partim in vado haerebat, utcunque inaequale terrae fastigium occupaverant undae: cum subito novus et pristino maior terror incutitur. Reciprocari⁴ coepit mare, magno tra-²⁰ ctu aquis in suum fretum recurrentibus, reddebatque terras paulo ante profundo salo mersas. Igitur destituta navigia alia praecipitantur in proras, alia in latera procumbunt. Strati erant campi sarcinis, armis, avulsarum tabularum remorumque fragmentis. Miles²¹ nec egredi in terram, nec in nave subsistere audebat, identidem praesentibus graviora, quae sequerentur, expectans. Vix quae perpetiebantur videre ipsos credebant, in sicco naufragia, in amni mare. Nec finis²² malorum. Quippe aestum paulo post mare relaturum, quo navigia allevarentur, ignari, famem et ultima sibi met ominabantur. Beluae quoque fluctibus destitutae terribiles vagabantur.

Iam-

¹ nusquam.

² ac.

³ coeperunt.

⁴ reciprocare.

- 23 Iamque nox appetebat, et regem quoque desperatio 37
salutis aegritudine affecerat. Non tamen invictum
animum curae obruunt, quin tota nocte persideret ¹
in speculis, equitesque praemitteret ad os amnis, ut,
cum mare rursus exaestuare sensissent, praecederent. ²
- 24 Navigia quoque et ³ lacerata refici, et eversa flucti-
bus erigi iubet, paratosque esse et intentos, cum rursus
25 mare terras inundasset. Tota ea nocte inter vigilias ad-
hortationesque consumpta, celeriter et equites ingenti
cursu refugere, et secutus est aestus. Qui primo
aquis leni tractu subeuntibus coepit levare navigia,
mox totis campis inundans etiam impulit classem.
- 26 Plaususque militum nauticorumque, insperatam salu-
tem inmodico celebrantium gaudio, litoribus ripis-
que resonabat. Unde tantum redisset subito mare?
quo pridie refugisset? quaenam esset eiusdem elementi
natura, modo discors, modo imperio temporum ob-
27 noxia? mirabundi requirebant. Rex cum ex eo, quod
acciderat, coniectaret, post solis ortum statum tem-
pus esse, media nocte, ut aestum occuparet, cum pau-
cis navigiis secundo amne defluxit. Evectusque os
eius quadringenta stadia processit in mare, tandem
voti sui compos; praesidibusque et ⁴ maris et locorum
diis sacrificio facto, ad classem rediit.
- X. Hinc adversum flumen subit ⁵ classis, et altero die 38
appulsa est haud procul lacu salso, cuius incognita ⁶
natura plerosque decepit temere ingressos aquam.
Quippe scabies corpora invasit, et contagium morbi
etiam in alios vulgatum est. Oleum remedio fuit.
- 2 Leonnato deinde praemisso, ut puteos foderet, qua
terrestri itinere ducturus exercitum videbatur, quippe

¹ praesideret.
⁵ subiit.

² procederent.
⁶ ignota.

³ abest.

⁴ abest.

sicca erat regio, ipse cum copiis substitit, verum tempus expectans. Interim et urbes plerasque condidit. Nearchus atque Onesierito nauticae rei peritis 3 imperavit, ut validissimas navium deducerent in Oceanum, progressique quoad tuto possent, naturam maris noscerent: vel eodem amne, vel Euphrate subire eos posse, cum reverti ad se vellent.

39 Iamque mitigata hieme, et navibus, quae inutiles⁴ videbantur, crematis, terra ducebat exercitum. No- 5 nis castris in regionem Aboriton,¹ inde totidem diebus in Cedrosiorum² perventum est. Liber hic populus concilio habito dedit se, nec quicquam deditis praeter commeatus imperatum est. Quinto hinc 6 die venit ad flumen: Arabum incolae appellant. Regio deserta et aquarum inops excipit: quam emensus in Horitas transit. Ibi maiorem exercitus partem Hephæstioni tradidit, levem armaturam cum Ptolemaeo Leonnatoque partitus est. Tria simul agmina popu- 7 labantur Indos, magnaëque praedae actae sunt: maritimos Ptolemaeus, ceteros ipse rex, et ab alia parte Leonnatus urebant. In hac quoque regione urbem condidit, deductique sunt in eam Arachosii.

40 Hinc pervenit ad maritimos Indos. Desertam va- 8 stamque regionem late tenent, ac ne cum finitimis quidem ullo commercii iure miscentur. Ipsa solitu- 9 do natura quoque immitia efferavit ingenia: prominent ungues nunquam recisi; comae hirsutae et intonsae sunt. Tuguria conchis et ceteris purgamentis 10 maris instruunt. Ferarum pellibus tecti, piscibus sole duratis, et maiorum quoque beluarum, quas fluctus eiecit,³ carne vescuntur. Consumptis igitur alimen- 11 tis, Macedones primo inopiam, deinde ad ultimum

¹ Arabitarum.² Gedrosiorum regionem.³ eiicit.

famem sentire coeperunt, radices palmarum, namque
 21 sola ea arbor gignitur, ubique rimantes. Sed cum
 haec quoque alimenta defecerant, iumenta caedere
 aggressi, ne equis quidem abstinebant; et cum dees-
 sent quae sarcinas veherent, spolia de hostibus, pro-
 pter quae ultima Orientis peragraverant, cremabant
 13 incendio. Famem deinde pestilentia secuta est: quip-
 pe insalubrium ciborum novi succi, ad hoc itineris
 labor et aegritudo animi, vulgaverant morbos, et nec
 manere sine clade, nec progredi poterant: manentes
 14 famēs, progressos acrior pestilentia urgebat. Ergo
 strati erant campi paene pluribus semivivis, quam ca-
 daveribus. Ac ne levius quidem aegri sequi poterant:
 quippe agmen raptim agebatur, tantum singulis ad
 spem salutis ipsos proficere credentibus, quantum
 15 itineris festinando praeciperent.¹ Igitur qui defe-
 cerant notos ignotosque ut allevarentur orabant: sed
 nec iumenta erant, quibus excipi possent, et miles vix
 arma portabat, imminentisque et² ipsis facies mali
 ante oculos erat. Ergo saepius revocati, ne respicere
 quidem suos sustinebant, misericordia in formidinem
 16 versa. Illi relictī deos testes, et³ sacra communia,
 regisque implorabant opem, cumque frustra surdas
 aures fatigarent, in rabiem desperatione versi, parem
 suo exitum, similesque ipsis amicos et contubernales
 precabantur.

17 Rex, dolore simul ac pudore anxius, quia causa 41
 tantae cladis ipse esset, ad Phrataphernen Parthyeno-
 rum⁴ satrapen misit, qui iuberet camelis cocta ciba-
 ria afferre: alios⁵ finitimarum regionum praefectos
 18 certiores necessitatis suae fecit. Nec cessatum est ab

¹ praeriperent.
 Parthorum.

² etiam.

³ abest.

⁴ Phrataphernem

⁵ alios quoque.

his. Itaque fame dumtaxat vindicatus exercitus tandem in Cedrosiae fines perducitur. Omnium rerum sola fertilis regio est, in qua stativa habuit, ut vexatos milites quiete firmaret. Hic Leonnati litteras accepit,¹ conflxisse ipsum cum octo milibus peditum et trecentis² equitibus Horitarum prospero eventu. A Cratero quoque nuntius venit, Ozinen³ et Zariaspem, nobiles Persas, defectionem molientes oppressos a se, in vinculis esse. Praeposito igitur regioni Sibyrtio,²⁰ (namque Menon praefectus eius nuper interierat morbo,) in Carmaniam ipse processit. Aspastes erat satrapes gentis, suspectus res novare voluisse, dum in India rex esset. Quem occurrentem, dis simulata ira²² comiter allocutus, dum exploraret quae delata erant, in eodem honore habuit.

42 Cum inde⁴ praefecti, sicut imperatum erat, equorum iumentorumque iugalium vim ingentem ex omni, quae sub imperio erat, regione misissent, quibus deerant impediimenta, restituit. Arma quoque ad primum²³ refecta sunt cultum: quippe haud procul a Perside aberant, non pacata modo, sed etiam opulenta. Igitur, ut supra dictum est, aemulatus Patris²⁴ Liberi non gloriam solum, quam ex illis gentibus deportaverat, sed etiam famam, sive illud triumphus fuit ab eo primum institutus, sive bacchantium lusus, statuit imitari, animo super humanum fastigium elato. Vicos, per quos iter erat, floribus coronisque sterni²⁵ iubet, liminibus aedium crateras vino repletas⁵ et alia eximiae magnitudinis vasa disponi; vehicula deinde constrata, ut plures capere milites possent, in tabernaculorum modum ornari, alia candidis velis, alia ve-

¹ accipit.² quingentis.³ Ozinem.⁴ Indiae.⁵ repletos.

26ste pretiosa. Primi ibant amici et cohors regia, variis redimita floribus coronisque; alibi tibicinum cantus, alibi lyrae sonus audiebatur: item in vehiculis pro copia cuiusque adornatis commissabundus exercitus, armis, quae maxime decora erant, circumpendentibus. Ipsum convivasque currus vehebat, crateris aureis eiusdemque materiae ingentibus poculis praegravis. Hoc modo per dies septem bacchabundum agmen incessit, parata¹ praeda, si quid victis saltem adversus commissantes animi fuisset: mille hercule, viri modo et sobrii, septem dierum crapula graves in
28 suo triumpho capere potuerunt. Sed fortuna, quae rebus famam pretiumque constituit, hoc² quoque militiae probrum vertit in gloriam. Et praesens aetas et posteritas deinde mirata est, per gentes nondum satis domitas incessisse temulentos, barbaris, quod temeritas erat, fiduciam esse credentibus. Hunc apparatus
29 carnifex sequebatur: quippe satrapes Aspastes, de quo ante dictum est, interfici iussus est. Adeo nec luxuriae quicquam crudelitas, nec crudelitati luxuria obstat.

¹ parata.

² hic.

Q. CURTII RUFI
DE
GESTIS
ALEXANDRI MAGNI
REGIS MACEDONUM
LIBER X.

ARGUMENTUM.

(1) **I**tem Cleander ceterique praefecti copiarum, quae in Media relictæ fuerant, evocati, scelerum et flagitiorum in provincia admissorum poenas dederunt. (2) Nearchus et Onesicritus litora Rubri maris legentes cum in regionem Carmaniae venissent, relictis navibus ad regem ascendunt, et referunt de mirabilibus Oceani. Ille ad classem remissos per sinum Persicum et Euphratis ostia Babylonem penetrare iussit, (3) eodemque tempore longinqua consilia agitans, ut in Euphrate et mari medio ingens classis aedificaretur imperavit.

(4) Cum Persagada venisset, Orsines, satrapa regionis, et regi et regis amicis praeter unum Bagoan maxima dona obtulit. Quam ob causam eum spado apud regem criminatus, (5) cum data occasione etiam crimine spoliati Cyri sepulcri et regni appetiti insinulasset, perfecit, ut supplicio afficeretur, iam ad saevitiam contra pristinum morem inclinante Alexandro.

(6) *Auctor deinceps de Graeciae motibus (et itinere regis usque Susa continuato) et Harpali fuga exposuerat, sed lacuna hoc loco est, a Io. Freinshemio secundum ea, quae Diodorus tradidit, (quod ad Harpalum quidem pertinet) expleta.* (7) Nam cum Alexander ob receptum Harpalum bel-

lum inferre Atheniensibus decrevisset, illum interim Athenis eiectum et a Graecis militibus, quos mercede conduxerat, interfectum cognovit. Itaque bello omisso imperavit tamen, ut exules in civitates suas reciperentur, cui edicto cum ceteri parerent, Athenienses refragabantur. (8) Susis (*vere a. a. Chr. nat. 325.*) cum stativa haberet rex (*nam sic videtur cum Diodoro narrasse Curtius, longe aliter atque Arrianus, qui eandem rem Opi ad Tigrim accidisse tradit*) maiorem partem veteris exercitus dimisit, soluto prius liberalissime militum aere alieno. (9) Sed cum Macedones regem in Asia remanere velle intellexissent, seditione orta, missionem omnes obstinati postulare incipiunt, nec regis admonitione mutantur. (10) Tum ille graviter eos increpat, et deserto rege suo domum redire iubet: Asiaticis se militibus contentum fore. (11) Cumque desiluisset de tribunali, concitatores aliquos manu comprehensos abducit, ceteris admiratione ac dolore torpentibus, nec poenitentia exercitus movetur. (12) Quin etiam Asiaticorum militum contione advocata, eorum se posthac opera usurum dicit, quos ne initio quidem servorum, sed civium loco habuerit. (13) Quo facto Macedonés maerentes totos se regi dedunt puniendos utcunque velit. *Sed maxima hinc lacuna est elegantissimi operis, quam collectis omnibus, quae apud reliquos auctores, imprimis Arrianum, Diodorum, Plutarchum, leguntur, sarcire conatus est idem Freinshemius, docte quidem hercle, sed ita ut facile sentias, quantum inter veterem eloquentiam et nostram eruditionem intersit discrimen.*

(14) Alexander morti proximus a toto exercitu, dum singuli milites, ultimum illum visuri, praetereunt lectum, persalutatur, nec multo post exstinguitur. (*undecimo die mensis Iunii a. a. Chr. nat. 323, cum vixisset annos 32 menses octo, Olymp. 114, 1. extr. Archonte Hegesia*) (15. 16) Summo maerore et Macedones et Persae affliguntur, simul cura, quid deinde sit futurum. (17) Imprimis Sisygambis, Darii mater, casum hunc graviter fert, ac voluntariam mortem obit. (18) Auctor Alexandri virtutes ipsius naturae proprias, vitia fortunae vel aetatis fuisse exponit.

(19) Convocatos duces, affluente etiam multitudine militum, Perdicas (*praefectus equitum amicorum sive Macedonicorum*) consulit, quem interim dum Alexandri speratus

e Roxane filius adoleverit, rebus praeesse velint. (20) Proponuntur diversae sententiae, Nearchi, ut Alexandri e Barsine (*Memnonis Rhodii vidua, apud Damascum capta, vid. Curt. lib. 3. extr.*) filius Hercules rex declaretur, Ptolemaei, ut concilium principum virorum quasi mortui regis nomine rempublicam administret, Aristoni denique, ut ad Perdiccam, quem ipse Alexander anulo tradito successorem sibi destinaverit, imperium deferatur. Illud quidem deprecatur ipse Perdiccas. (21) Meleager autem (*vetus dux agminis peditum Macedonicorum*) reprehensus omnibus, imprimis opus esse censet, ut thesauri regii dividantur, et ipse ad eos diripiendos erumpit. (22) In ea turba unus Macedonum Arrhidaeus, Alexandri fratrem, praetereundum esse negat, ad eamque sententiam, frustra dissuadente Pithone, vulgus Macedonum inclinat. Arrhidaeus a Meleagro adducitur, rexque Philippus salutatur. (23) Verum principes in nomen filii Alexandri e Roxane futuri iurant, tutoresque ei destinant Perdiccam et Leonnatum. Phalanx pro Philippo arma capit, (24) et pugna fit circa corpus regis, aegre in praesens composita. Equitum magna pars ex urbe fugit, (25) ad quos etiam Perdiccas, cuius vitae nomine regis Philippi abusus Meleager insidiatus esset, sese recipit. (26) Milites perturbati, quod ab equitibus commeatu intercludebantur, (27) exprimunt, ut legati de restituenda concordia mittantur. Tandem ita convenit, ut (ambo reges essent, cum Philippo futurus e Roxane filius Alexandri) et tutoribus tertius adderetur Meleager.

(28) Neque tamen diuturna haec fuit consensio, sed cum fata ita ferrent, ut maximum imperium, cui plures praeesse vellent, bellis civilibus dilaberetur, mox Perdiccas consilia de tollendo Meleagro agitare coepit. (29) Eius instinctu in sollemni lustratione exercitus rex trecentos milites, qui cum Meleagro seditionem orsi erant, trucidari iubet: mox ipse Meleager occiditur. (30) Tum de communi consilio provinciae inter principes duces ita distribuuntur, ut summa res penes reges et Perdiccam, eorum tutorem, esset. (31) Corpus Alexandri septimo demum die curatum a Ptolemaeo in Aegyptum, Alexandriae condendum, deducitur. Veneno illum necatum fuisse ab Iolla, Antipatri filio, tum quidem fama percrebuerat, mox propter potentiam illius familiae elanguit.

1. **I**ISDEM fere diebus Cleander et Sitalces et cum Aga- 1
 thone Heracon superveniunt, qui Parmenionem iussu
 regis occiderant, quinque milia peditum cum equi-
 2 tibus mille. Sed et accusatores eos e provincia, cui
 praefuerant, sequebantur; nec tot facinora, quot admi-
 serant, compensare poterant caedis perquam gratae
 3 regi ministerio. Quippe cum omnia profana spoliassent,
 ne sacris quidem abstinuerant, virginesque et
 principes seminarum, stupra perpessae, corporum lu-
 4 dibria deslebant. Invisum Macedonum nomen avaritia
 5 eorum ac libido barbaris fecerat. Inter omnes tamen
 eminebat Cleandri furor, qui nobilem virginem con-
 6 stupratam servo suo pellicem dederat. Plerique ami-
 corum Alexandri non tam criminum, quae palam ob-
 iiciebantur, atrocitatem, quam memoriam occisi per
 illos¹ Parmenionis, quod tacitum prodesse reis apud
 regem poterat, intuebantur, laeti recidissee iram in
 irae ministros, nec ullam potentiam scelere quaesi-
 7 tam cuiquam esse diuturnam. Rex cognita causa
 pronuntiavit, ab accusatoribus unum et id maximum
 crimen esse praeteritum, desperationem salutis suae:
 nunquam enim talia ausuros, qui ipsum ex India so-
 spitem aut optassent reverti, aut credidissent reversu-
 8 rum. Igitur hos quidem vinxit, de autem militum,
 qui saevitiae eorum ministri fuerant, interfici iussit.
 9 Eodem die sumptum est supplicium de iis quoque,
 quos auctores defectionis Persarum Craterus addu-
 xerat.
 10 Haud multo post Nearchus et Onesicritus, quos 2
 longius in Oceanum procedere iusserat, superveniunt.
 11 Nuntiabant autem quaedam audita, alia comperta:
 insulam ostio amnis subiectam auro abundare, inopem

¹ eos.

equorum esse: singulos eos¹ ab iis, qui ex continenti traicere auderent, singulis talentis emi. Plenum esse¹² beluarum mare: aestu secundo eas ferri magnarum navium corpora aequantes, truci cantu deterritas sequi classem, cum magno aequoris strepitu, velut demersa navigia, subisse aquas. Cetera incolis credide-¹³ rant, inter quae, Rubrum mare non a colore undarum, ut plerique crederent, sed ab Erythro² rege appellari: esse haud procul a continenti insulam palnis¹⁴ frequentibus consitam, et in medio fere nemore columnam eminere, Erythri regis monumentum, litteris gentis eius scriptam. Adiciebant, navigia, quae¹⁵ lixas mercatoresque vexissent, famam auri secutis gubernatoribus, in insulam esse transmissa, nec deinde ab his postea visa. Rex, cognoscendi plura cupidine¹⁶ accensus, rursus eos terram legere iubet, donec ad Euphratis ostia³ appellerent classem; inde adverso amne Babylona⁴ subituros.

- 3 Ipse animo infinita complexus statuerat, omni ad¹⁷ Orientem maritima regione perdomita, ex Syria petere Africam, Carthagini infensus: inde Numidiaae solitudinibus peragratiss, cursum Gadis dirigere. Ibi namque columnas⁵ Herculis esse fama vulgaverat. Hispanias deinde, quas Iberiam Graeci a flumine Ibe-¹⁸ ro vocabant, adire; et praeterveli Alpes, Italiaeque oram, unde in Epirum brevis cursus est. Igitur Me-¹⁹ sopotamiae praetoribus imperavit, materia in Libano monte caesa, devectaque ad urbem Syriae Thapsacum, septingentarum⁶ carinas navium ponere: septiremes omnes esse, deducique Babyloniam.⁷ Cyprio-

¹ equos. ² Erythra, et postea Erythrae. ³ ad Euphraten.

⁴ Babylonem.

⁵ columnam.

⁶ De con-

iectura. Codd. fere thapsagas et ingentiarum. Vulgo ingentium.

⁷ Babylonem.

rum regibus imperatum, ut aes stuppamque et vela praebarent.

20 Haec agenti Pori et Taxilis regum litterae traduntur, Abisaren¹ morbo, Philippum, praefectum ipsius, ex vulnere interisse, oppressosque qui vulnerassent
21 eum. Igitur Philippo substituit Eudaemonem. Dux
22 erat Thracum. Abisaris regnum filio eius attribuit.

Ventum est deinde Persagada.² Persica est gens, 4
cuius satrapes Orsines erat, nobilitate ac divitiis inter
23 omnes barbaros eminens. Genus ducebat a Cyro, quondam rege Persarum; opes et a maioribus traditas habebat, et ipse longa imperii possessione cumulaverat.
24 Is regi cum omnis generis donis, non ipsi modo ea, sed etiam amicis eius daturus, occurrit. Equorum domiti greges sequebantur, currusque argento et auro adornati, pretiosa supellex, et nobiles gemmae, aurea magni ponderis vasa, vestesque purpureae, et
25 signati argenti talentum tria³ milia. Ceterum tanta benignitas barbaro causa mortis fuit. Nam cum omnes amicos regis donis super ipsorum vota coluisset, Bagoae spadoni, qui Alexandrum obsequio corporis devinxerat sibi, nullum honorem habuit. Admonitusque a quibusdam, quam Alexandro cordi esset, respondit, amicos regis, non scorta se colere, nec moris esse Persis, mares ducere, qui stupro effeminarentur.
27 His auditis spado potentiam, flagitio et dedecore quaesitam, in caput nobilissimi et insontis exercuit. Namque gentis eiusdem levissimos falsis criminibus adstruxit, monitos tum demum ea deferre,
28 cum ipse iussisset. Interim quotiens sine arbitris erat, credulas regis aures implebat, dissimulans causam
29 irae, quo gravior criminantis auctoritas esset. Non-

¹ Abisarem.

² Persagadas.

³ quatuor.

dum suspectus erat Orsines, iam tamen vilior. Reus enim in secreto agebatur, latentis periculi ignarus: et importunissimum scortum, ne in stupro quidem et dedecoris patientia fraudis oblitum, quotiens amorem regis in se accenderat, Orsinem modo avaritiae, interdum etiam defectionis, arguebat.

5 Iam matura erant in perniciem innocentis mendacia, et fatum, cuius inevitabilis sors est, appetebat. Forte enim sepulcrum Cyri Alexander iussit aperiri, in quo erat conditum eius corpus, cui dare volebat inferias. Auro argentoque repletum esse crediderat, 31 quippe ita fama Persae vulgaverant; sed praeter clipeum eius putrem et arcus duos Scythicos et acinacem nihil repperit. Ceterum corona aurea imposita amiculo, 32 cui assueverat¹ ipse, solium, in quo corpus iacebat, velavit, miratus, tanti nominis regem, tantis praeditum opibus, haud pretiosius sepultum esse, quam si fuisset e plebe. Proximus erat lateri spado, qui regem intuens, *Quid* 33 *mirum, inquit, est, inania sepulcra esse regum, cum satraparum domus aurum inde egestum capere non possint? Quod ad me attinet, ipse hoc bustum ante*² 34 *non videram: sed ex Dareo ita accepi, tria milia talentum condita esse cum Cyro. Hinc illa benignitas in* 35 *te, ut, quod impune habere non poterat Orsines, donando etiam gratiam iniret.* Concitaverat iam animum 36 in iram: cum hi,³ quibus negotium idem dederat, superveniunt. Hinc Bagoas, hinc ab eo subornati, falsis criminibus occupant aures. Antequam accusari se suspicaretur Orsines, in vincula est traditus. Non contentus supplicio insontis spado, ipse morituro manum iniecit. Quem Orsines intuens, *Audieram,* inquit, *in Asia olim regnasse feminas, hoc vero no-*

¹ assueverat.² antea,³ ii.

38 *vum est, regnare castratum!* Illic fuit exitus nobilis-
 39 simi Persarum, nec insontis modo, sed eximiae quo-
 40 que benignitatis in regem. Eodem tempore Phrada-
 tes, regnum affectasse suspectus, occiditur. Cooperat
 esse praeceps ad repraesentanda supplicia, item¹ ad
 41 deteriora credenda. Scilicet res secundae valent com-
 mutare naturam, et raro quisquam erga bona sua sa-
 tis cautus est. Idem enim paulo ante Lyncesten
 Alexandrum delatum a duobus indicibus damnare non
 42 sustinuerat, humiliores quoque reos contra suam vo-
 luntatem, quia ceteris videbantur insontes, passus ab-
 43 solvi; hostibus victis regna reddiderat:² ad ultimum
 tamen ita ab semetipso degeneravit, ut, invictus quon-
 dam³ adversus libidinem animi, arbitrio scorti aliis
 regna daret, aliis adiungeret vitam.

43 Iisdem fere diebus litteras a Coeno accipit⁴ de 6
 rebus in Europa et Asia gestis, dum ipse Indiam sub-
 44 egit.⁵ Zopyrio, Thraciae praepositus, cum⁶ expedi-
 tionem in Getas faceret, tempestatibus procellisque
 45 subito coortis, cum toto exercitu oppressus erat. Qua
 cognita clade, Seuthes Odrysas populares suos ad de-
 fectionem compulerat. Amissa propemodum Thra-
 cia, ne Graecia quidem * *

[tumultibus inconcussa mansit. Nam Alexander, punita sa-
 traparum quorundam insolentia, quam, dum in extremo or-
 be Indorum armis attinetur, per summa scelera atque flagitia
 in provinciales exercuerant, ceterorum metum intenderat: qui
 in paribus delictis idem admissorum praemium expectantes,

¹ idem. ² *De coniect. Codd.* regnare duxerat. ³ *Totum lo-*
cum de coniectura constituimus, cum in libris mss. sic
legeretur: ad ultimum traiectum ab semetipso degenera-
 vit ut in quoddam adversus cel. *in vulgatis autem sic:*
 ad ultimum a semetipso degeneravit usque adeo, ut ad-
 versus. ⁴ accepit. ⁵ subigit. ⁶ dum.

in mercenariorum militum fidem confugiebant, illorum manibus, si ad supplicium poscerentur, salutem suam tutaturi; aut pecunia, quanta poterat, coacta, fugam inibant. Ea re cognita litterae ad omnes Asiae praetores missae sunt, quibus inspectis e vestigio omnes peregrinos milites, qui stipendia sub ipsis facerent, dimittere iuebantur. Erat inter eos Harpalus, quem Alexander, quod ob ipsius amicitiam olim a Philippo eiectus solum vertisset, inter fidissimos habebat, et post Mazaei mortem satrapia Babyloniae donaverat, thesaurorumque custodiae praefecerat. Is igitur cum fiduciam, quam in propensissima regis gratia habere poterat, magnitudine flagitiorum consumpsisset, quinque talentorum milia ex gaza regia rapit, conductaque sex milium mercenariorum manu, in Europam evadit. Iampridem enim luxu et libidinibus in praecipue tractus, desperataque apud regem venia, adversus iram ipsius in alienis opibus subsidium circumspicere coeperat; et Athenienses, quorum non contemnendam potentiam, et apud ceteros Graecos auctoritatem, tum occultum in Macedonas odium norat, sedulo coluerat. Itaque spem suis faciebat, Athenienses adventu suo cognito, copiisque et pecuniis, quas adduceret, coram inspectis, protinus arma consiliaque sociaturos esse. Nam apud populum imperitum et mobilem, per homines improbos et avaritia venales, omnia se muneribus consecuturum existimabat.]

- 7 Igitur triginta navibus Sunium transmittunt. Pro-^{II.}
 montorium est Atticae terrae, unde portum urbis pe-²
 tere decreverant. His cognitis, rex Harpalo Athenien-
 sibusque iuxta infestus classem parari iubet, Athenas
 protinus petiturus. Quod consilium cum clam agitat,¹
 litterae ei redduntur, Harpalum intrasse quidem Athe-³
 nas, pecunia conciliasse sibi principum animos: mox
 concilio plebis habito iussum urbe excedere, ad Grae-
 cos milites pervenisse, quibus in Cretam traiectis, a
 quodam Thimbrone interemptum per insidias.² His⁴

¹ dum agitat clam.

² Totus locus de coniectura fuit restituendus, nam libri mss. quibus interceptum trucidat-

laetus in Europam traiciendi consilium omisit: sed exules, praeter eos, qui civili sanguine aspersi erant, recipi ab omnibus Graecorum civitatibus, quis pulsi
 5 erant, iussit. Et Graeci, haud ausi imperium aspernari, quamquam solvendarum legum id principium esse censebant, bona quoque, quae extarent, restituere
 6 damnatis. Soli Athenienses, non suae modo, sed etiam publicae vindices [liberatis],¹ colluvionem ordinum² hominum quia aegre ferebant, non regio imperio, sed legibus moribusque patriis regi assueti, pro-
 7 hibere finibus, omnia potius toleraturi, quam purgamenta quondam urbis suae, tunc etiam exilii, admitterent.

8 Alexander, senioribus militum in patriam remissis, 8
 tredecim milia peditum et duo milia equitum, quae in Asia retineret, eligi iussit, existimans, modico exercitu continere posse Asiam, quia pluribus locis praesidia disposuisset; nuperque conditas urbes, quas colo-
 9 nis repletset, res novare³ cupientibus obstare credebatur.⁴ Ceterum priusquam secerneret, quos erat retenturus, edixit, ut omnes milites aes alienum profiterentur. Grave plerisque esse compererat, et quamquam ipsorum luxu contractum erat, dissolvere tamen
 10 ipse decreverat. Illi, temptari ipsos rati, quo facilius ab integris sumptuosos discerneret, prolatando aliquantum extraxerant temporis. Et rex satis gnarus, professioni aeris pudorem, non contumaciam obstare, mensas totis castris poni iussit, et decem milia talen-

tum a quodam auctore interemptum per insidias; *vulgati* a quibus interceptum et trucidatum a quodam viatore per insidias. ¹ *Verbum hoc de coniect. adiectum*

codd. ignorant et antea suo et publice habent. ² *Vulg. abest. Codd. ordinem.* ³ *Ex emend. renovare.* ⁴ *abest.*

tum¹ proferri. Tum demum fide facta professi sunt,¹¹ nec amplius ex tanta pecunia quam centum et triginta talenta superfuere. Adeo ille exercitus, tot distissimarum gentium victor, plus tamen victoriae, quam praedae, deportavit ex Asia.

9 Ceterum ut cognitum est, alios remitti domos,² ¹² alios retineri, perpetuam eum regni sedem in Asia habiturum rati, vecordes et disciplinae militaris immemores, seditiosis vocibus castra complent, regemque ferocius quam alias adorti, omnes simul missionem postulare coeperunt, deformia ora cicatricibus canitiemque capitum ostentantes. Nec aut praefectorum¹³ castigatione, aut verecundia regis deterriti, tumultuoso clamore et militari violentia volentem loqui inlibebant, palam professi, nusquam inde, nisi in patriam, vestigium esse moturos. Tandem silentio facto,¹⁴ magis quia motum esse credebant, quam quia ipsi moveri poterant, quidnam acturus esset, expectabant. Ille, *Quid haec, inquit, repens consternatio, et*¹⁵ *tam procax atque effusa licentia denuntiat? Eloqui metuo:*³ *palam certe rupistis imperium, et precario rex sum, cui non alloquendi, non noscendi monendique, aut intuendi vos ius reliquistis. Equidem cum*¹⁶ *alios dimittere in patriam, alios mecum paulo post deportare statuerim, tam illos acclamantes video, qui abituri sunt, quam hos, cum quibus praemissos subsequi statui. Quid hoc est rei? dispari in causa*¹⁷ *idem omnium clamor est! Pervelim scire, utrum qui discedunt, an qui retinentur, de me querantur.* Cre¹⁸ ¹⁹deres uno ore omnes sustulisse clamorem, ita pariter ex tota contione responsum est, omnes queri.

10 Tum ille, *Non hercule, inquit, potest fieri, ut ad-*¹⁹ *ducar*

¹ talentorum.

² mitti domum.

³ timeo.

ducar, querendi simul omnibus hanc causam esse,
 quam ostenditis, in qua maior pars exercitus non est,
 utpote cum plures dimiserim, quam retenturus sum.
 20 Subest nimirum altius malum, quod omnes avertit a
 me. Quando enim regem universus deseruit exerci-
 tus? ¹ Ne servi quidem uno grege profugiunt dominos,
 sed est quidam in illis pudor a ceteris destitutos re-
 21 linquendi. Verum ego tam furiosae consternationis
 oblitus, remedia insanabilibus conor adhibere. Omnem
 hercule spem, quam ex vobis conceperam, damno, nec
 ut cum militibus meis, iam enim esse desistis, ² sed
 22 ut cum ingratis operis agere decrevi. Secundis
 rebus, quae circumfluunt vos, insanire coepistis, obliti
 status eius, quem beneficio exuistis meo, digni hercule,
 qui in eodem consenescat, quoniam facilius est vo-
 23 bis adversam, quam secundam regere fortunam. En
 tandem! Illyriorum paulo ante et Persarum tributa-
 riis Asia et tot gentium spolia fastidio sunt. Modo
 sub Philippo seminudis amicula ex purpura sordent,
 aurum et argentum oculi ferre non possunt: lignea
 enim vasa desiderant, et ex cratibus scuta rubiginem-
 24 que gladiatorum. Hoc cultu nitentes vos accepi, et
 quingenta talenta aeris alieni, cum omnis regia su-
 pellex haud amplius quam sexaginta talentorum es-
 set, meorum operum fundamenta. Quibus tamen (ab-
 sit invidia) imperium maximae terrarum partis im-
 25 posui. Asiaene pertaesum est, quae vos gloria rerum
 gestarum diis pares fecit? In Europam ire propera-
 tis, rege deserto, cum pluribus vestrum defuturum
 viaticum fuerit, ni aes alienum luissem: nempe in
 26 Asiatica praeda. Nec pudet profundo ventre devi-
 ctarum gentium spolia circumferentes, reverti velle

¹ exercitus deseruit.² destitistis.

ad liberos coniugesque, quibus pauci praemia victoriae potestis ostendere. Nam ceterorum, dum etiam spei vestrae obviam istis, arma quoque pignori sunt. Bonis vero militibus cariturus sum, pellicum suarum 27 concubinis: quibus hoc solum ex tantis opibus superest, in¹ quod impenditur. Proinde fugientibus me pateant limites: facessite hinc ocius; ego cum Persis abeuntium terga tutabor. Neminem teneo: liberate oculos meos, ingratisissimi cives. Laeti vos excipient²⁸ parentes liberique sine vestro rege redeuntes! obviam ibunt desertoribus transfugisque! Triumphabo meher- 29 cule de fuga vestra, et ubicunque ero, expetam poenas, hos, cum quibus me relinquitis, colendo praeferendoque vobis. Iam autem sciatis, et quantum sine rege valeat exercitus, et quid opis in me uno sit.

- 11 Desiluit deinde frendens de tribunali, et in me-30 dium armatorum agmen se immisit, notatos quoque, qui ferocissime oblocuti erant, singulos manu corripuit, nec ausos repugnare, tredecim asservandos custodibus corporis tradidit. Quis crederet, saevam^{III} paulo ante contionem obtorpuisse subito metu, et cum ad supplicium videret trahi nihil ausos graviora quam ceteros * *² sive nominis, quod gentes, quae 3 sub regibus sunt, inter deos colunt, sive propria ipsius veneratio, sive fiducia tanta vi exercentis imperium conterrui eos; singulare certe ediderunt patientiae 4 exemplum, adeoque non sunt accensi supplicio corn-

¹ *abest praepositio.* ² *Exciderunt pauca verba, pro quibus vulgo haec leguntur: [tam effusam antea licentiam, atque seditiosam militum violentiam ita compressam, ut non modo nullus ex omnibus irruenti regi restiterit; verum etiam cuncti pavore exanimati, attonitis similes, quid de ipsis quoque rex statuendum censeret, suspensa mente expectarent. Itaque]*

militonum, cum sub noctem interfectos esse cognos-
sent, ¹ ut nihil omiserint, quod singuli magis obedi-
5 ter et ² pie facerent. Nam cum postero die prohi-
biti aditu venissent, Asiaticis modo militibus admis-
sis, lugubrem totis castris edidere clamorem, denun-
tiantes, se protinus esse morituros, si rex persevera-
ret irasci.

6 At ille pervicacis ad omnia, quae agitasset, animi, ¹²
peregrinorum militum contionem advocari iubet, Ma-
cedonibus intra castra cohibitis: et cum frequentes
coissent, adhibito interprete talem orationem habuit:
7 *Cum ex Europa traicerem in Asiam, multas nobiles*
gentes, magnam vim hominum imperio meo me addi-
8 *turum esse sperabam. Nec deceptus sum, quod de*
his credidi famae. Sed ad illa hoc quoque accessit,
9 *quod video fortes viros erga reges suos pietatis in-*
victae. Luxu omnia fluere credideram, et nimia feli-
10 *citate mergi in voluptates. At hercules* ³ *munia mi-*
litiæ hoc animorum corporumque robore aequè impi-
11 *gre toleratis, et cum fortes viri sitis, non fortitudi-*
nem magis, quam fidem colitis. Hoc ego nunc pri-
imum profiteor, sed olim scio. Itaque et delectum e
vobis iuniorum habui, et vos meorum militum corpori
immiscui. Idem habitus, eadem arma sunt vobis; ob-
sequium vero et patientia imperii longe praestantior
12 *est, quam ceteris. Ergo ipse Oxyartis* ⁴ *Persæ*
filiam mecum in matrimonio iunxi, non dedigna-
13 *tus ex captiva liberos tollere. Mox deinde cum stir-*
pem generis mei latius propagare cuperem, uxorem
Darei filiam duxi, proximisque amicorum auctor fui
ex captivis generandi liberos: ut hoc sacro foedere

¹ nossent.² ac.³ hercule.⁴ Oxathris.

*genitos esse vos mihi, non ascitos milites credite. Asiae et Europae unum atque idem regnum est. Macedonum vobis arma do. Inveteravi peregrinam novitatem, et cives mei estis et milites. Omnia eundem ducunt colorem: nec Persis Macedonum morem adumbrare, nec Macedonibus Persas imitari indecorum.¹ Eiusdem iuris esse debent, qui sub eodem rege victuri sunt * * **

[Hac oratione habita, Persis corporis sui custodiam credidit, Persas satellites, Persas apparitores fecit. Per quos cum Macedones, qui huic seditioni occasionem dedissent, vincti ad supplicia traherentur, unum ex iis, auctoritate et aetate gravem, ad regem ita locutum ferunt:]

- 13 *Quousque, inquit, animo tuo etiam per supplicia, IV et quidem externi moris, obsequeris?² Milites tui, cives tui, incognita causa, captivis suis ducentibus, trahuntur ad poenam! Si mortem meruisse iudicas, saltem ministros supplicii muta. Amico animo, si veripatiens fuisset, admonebatur, sed in rabiem ira pervenerat. Itaque rursus (nam parumper quibus imperatum erat dubitaverant,) mergi in amnem, sicut vincti erant, iussit. Nec hoc quidem supplicium seditionem militum movit. Namque copiarum duces atque amicos eius manipuli adeunt petentes, ut si quos adhuc pristina noxa iudicaret esse contactos, iuberet interfici, offerre se corpora irae, trucidaret * * **

[Tandem prae dolore vix mentis compotes universi concurrunt ad regiam, armisque ante fores proiectis, tunicati astantes, nuda et obnoxia poenis corpora admitti flentes orabant. Non se deprecari, quin suppliciis solum expiarentur, quae per contumaciam deliquissent. Regis iracundiam sibi morte tristioresse. Cumque dies noctesque ante regiam persistentes, miserabili clamore habituque poenitentiam suam

¹ additur est.

² Codd. exequeris.

approbarent; biduum tamen adversus humillimas suorum preces iracundia regis duravit. Tercio die victus constantia supplicum processit, incusataque leniter exercitus immodestia, non sine multis utrinque lacrimis, in gratiam se cum ipsis redire professus est. Digna tamen res visa est, quae maioribus hostiis expiaretur. Itaque sacrificio magnifice perpetrato, Macedonum simul Persarumque primores invitavit ad epulas. Novem milia eo convivio excepissee, proditum est memoriae, eosque omnes invitante rege ex eodem cratere libavisse, Graecis barbarisque vatibus tum alia fausta vota praeceuntibus, tum inprimis ut ea utriusque imperii in idem corpus coalita societas perpetua foret. Maturata deinde est missio, et infirmissimus quisque exauctorati. Amicorum quoque seniorum quibusdam commeatum dedit. Ex quis Clitus cognomento Albus Gorgiasque et Polydamas et Antigenes fuere. Abeuntibus non modo praeteriti temporis stipendia cum fide persolvit, verum etiam talentum adiecit in singulos milites, viatici nomine. Filios ex Asiaticis uxoribus susceptos (ad decem milia fuisse traduntur) apud se relinqui iussit, ne in Macedoniam cum parentibus transgressi, et coniugibus liberisque prioribus permixti, familias singulorum contentionibus et discordiis implerent; sibi curae fore pollicitus, ut patrio more instituti militiae artes edocerentur. Ita supra decem veteranorum milia dimissa sunt; additusque est Craterus, qui eos deduceret, ex praecipuis regis amicis. Cui si quid humanitus accidisset, Polyperchonti parere iussi sunt. Litteris etiam ad Antipatrum scriptis, honorem emeritis haberi praecepit, ut quotiens ludi atque certamina ederentur, in primis ordinibus coronati spectarent; utque fato functorum liberi impuberes in paterna stipendia succederent. Craterum Macedoniae continentibusque regionibus cum imperio praeesse placuit, Antipatrum cum supplemento iuniorum Macedonum ad regem pergere. Verebatur enim, ne per discordiam praefecti cum Olympiade gravis aliqua clades acciperetur. Nam multas ad Alexandrum epistolas mater, multas Antipater miserat, vicissimque alter alterum arroganter et acerbe pleraque facere criminabantur, quae ad dedecus aut detrimentum regiae maiestatis pertinerent. Postquam enim rumor occisi regis temere vulgatus in Macedoniam penetravisset, mater eius sororque Cleopatra tumultuatae fuerant, et haec quidem paternum

regnum, Olympias Epirum invaserat. Forte dum eiusmodi litterae redduntur, Hephaestion, assuetus omnium arcanorum se participem haberi, resignatas ab Alexandro simul inspiciebat. Neque vetuit eum rex, sed detractum digito anulum ori legentis admovit, nihil eorum, quae perscripta essent, in alios efferendum significans. Incusasse autem ambos fertur, et matris insolentia permotum exclamasse, eam pro habitatione decem mensium, quam in utero sibi praebuisset, gravem mercedem exigere: Antipatrum vero suspectum habuisse, quasi parta ex Spartanis victoria tollentem animos, et imperio tot iam in annos prorogato supra praefecti modum elatum. Itaque cum eius gravitas atque integritas a quibusdam praedicaretur, subiecit, exterius quidem album videri, sed si penitus introspectiatur, totum esse purpureum. Pressit tamen suspicionem suam, neque ullum manifestius abalienati animi indicium praetulit. Credidere tamen plerique, Antipatrum, evocari se supplicii causa ratum, impiis machinationibus regiae mortis, quae paulo post secuta est, auctorem exitisse.

Interea rex, ut imminuti exercitus detrimenta sarciret, optimum quemque Persarum in Macedonicos ordines allegit: mille etiam praestantissimos segregavit ad propiorem sui corporis custodiam: aliam hastatorum manum, haud pauciores decem milibus, circa regium tabernaculum excubias agere iussit. Haec agenti Peucestes supervenit cum viginti sagittariorum funditorumque milibus, quos ex sua provincia coëgerat. Illis per exercitum distributis, profectus est Susis, et Pasitigri amne transmisso, apud Caras castra metatus est: inde quatri-duo per Sittacenen ductis copiis Sambana processit, ubi per septem dies quietum agmen tenuit. Tridui deinde itinere emenso Celonas perventum est. Oppidum hoc tenent Boeotia profecti, quos Xerxes sedibus suis excitos in Orientem transtulit: servabantque argumentum originis peculiari sermone, ex Graecis plerumque vocibus constante: ceterum ob commerciorum necessitatem finitimorum barbarorum lingua utebantur. Inde Bagistanen ingressus est, regionem opulentam et abundantem arborum amoeno et fecundo foetu, ceterisque ad vitae non usum modo, verum etiam delectationem pertinentibus. Gravis inter haec Eumeni cum Hephaestione simulas inciderat. Nam servos Eumenis diversorio, quod pro hero suo anteceperant, Hephaestio proturbavit, ut Euius tibi-

cen eo reciperetur. Neque multo post, cum iam sopita odia viderentur, nova exorta contentione adeo recruderunt, ut etiam in atrox iurgium et acerba utrinque convicia prorumperent. Sed Alexandri interventu imperioque inimicitiae saltem in speciem abolitae sunt: cum ille quidem Hephaestioni etiam minatus esset, qui in flagrantissima regis gratia positus, quamquam cupidum reconciliationis Eumenem, pertinacius aversabatur.

Perventum deinde est in Mediae campos, ubi maximi equorum greges pascebantur. Nisaeos appellant, magnitudine et specie insignes. Supra quinquaginta milia ibi reperta, cum Alexander eo transiret, a comitibus illius annotatum est: olim triplo plures fuisse, sed inter bellorum turbas maximam eorum partem praedones abegisse. Ad triginta dies ibi substitit rex. Eo Atropates Mediae satrapa centum barbaras mulieres adduxit, equitandi peritas, peltisque et securibus armatas: unde quidam crediderunt, Amāzonum ex gente reliquias fuisse. Septimis deinde castris Ecbatana attigit, Mediae caput. Ibi sollemnia diis sacrificia fecit, ludosque edidit, et in convivia festosque dies laxavit animum, ut mox in novorum operum curam atque ministeria validior intenderetur. Sed ista volventem, velut iniecta manu, fatum alio traxit, vitamque carissimo amicorum eius, neque multo post ipsi quoque regi extorsit. Pueros in stadio certantes spectabat, cum nuntiatur deficere Hephaestionem, qui morbo ex crapula contracto septimum iam diem decumbebat. Exterritus amici periculo statim consurgit, et ad hospitium illius celeriter pergit: neque tamen prius eo pervenit, quam illum mors occupasset. Id regi omnium, quae in vita pertulerat, adversorum luctuosissimum accidisse certum habetur, eumque magnitudine doloris in lacrimas et lamenta victum, multa animi de gradu deiecti argumenta edidisse. Sed ea quidem varie traduntur: illud inter omnes constat, ut quam decentissimas exequias ei duceret, noluisse Ecbatanis sepeliri, sed Babylonem, quo ipse concessurus erat, a Perdicca deferri curasse: ibique funus inaudito antehac exemplo duodecim talentum milibus locavisse. Per universum certe imperium lugeri eum iussit: et ne memoria eius in exercitu exolesceret, equitibus, quis praefuerat, nullum praefecit ducem, sed Hephaestionis alam appellari voluit, et quae ille signa instituisset, ea non immu-

tari. Funebria certamina ludosque, quales nunquam editi fuissent, meditatus, tria artificum milia coëgit: qui non multo post in ipsius exequiis certasse feruntur. Nec amici tam effuso affectu ad conciliandam eius gratiam segniter usi, certatim repperere, per quae memoria defuncti clarior honoratiorque fieret. Igitur Eumenes, cum se ob similitudinem cum Hephaestione, regis indignationem incurrisset, multis auctor fuit, seque et arma sua Hephaestioni consecrandi, pecuniasque ad colonestandum funus large contulit. Hoc exemplum imitati sunt ceteri: eoque mox processit assentationum impudentia, ut regi maerore et desiderio defuncti insanienti persuasum tandem fuerit, deum esse Hephaestionem. Quo quidem tempore ex copiarum ducibus Agathocles Samius ad extremum periculi venit, quod illius tumultum praeteriens illacrimasse visus esset. Ac nisi Perdiccas, venanti sibi Hephaestionem apparuisse ementitus, per deos omnes ipsumque Hephaestionem deierasset, ex ipso se cognovisset, Agathoclem non ut mortuum, et vanae divinitatis titulis frustra ornatum flevisse, verum ob memoriam pristinae sodalitatis lacrimas non tenuisse, vir fortis et de rege bene meritis pietatis in amicum graves poenas innoxio capite pendisset.

Ceterum ut paulisper a luctu avocaret animum, in Cossaeorum gentem expeditionem suscepit. Iuga Mediae vicina Cossaei tenent, asperum et acre genus, et praedando vitam tolerare solitum. Ab his Persarum reges annuo tributo pacem redimere consueverant, ne in subiecta decurrentes infestam latrociniis regionem facerent. Nam vim temptantes Persas facile reppulerant, asperitate locorum defensi, in quae se recipiebant, quotiens armis superabantur. Iidem muneribus quotannis placabantur, ut regi Ecbatanis, ubi aestiva solebat agere, Babylonem remigranti tutus per ea loca transitus esset. Hos igitur Alexander bipartito agmine aggressus, intra quadraginta dies perdomuit. Nam ab ipso rege et Ptolemaeo, qui partem exercitus ducebat, saepe caesi, ut captivos suos reciperent, permisere se victori. Ille validas urbes opportunis locis extrui iussit, ne abducto exercitu fera gens obedientiam exueret. Motis inde castris, ut militem expeditione recenti fessum reficeret, lento agmine Babylonem procedebat. Iamque vix triginta ab urbe stadiis aberat, cum Nearchus occurrit, quem per Oceanum et Euphratis ostia

Babylonem praemisera: orabatque, ne fatalem sibi urbem vellet ingredi. Compertum id sibi ex Chaldaeis, qui multis iam praedictionum eventibus artis suae certitudinem abunde probavissent. Rex, fama eorum hominum constantique asseveratione motus, dimissis in urbem amicorum plerisque, alia via praeter Babylonem ducit, ac ducentis inde stadiis stativa locat. Sed ab Anaxarcho philosopho edoctus, contemptis Chaldaeorum monitis, quorum disciplinam inanem aut supervacuam arbitrabatur, urbem intrat. Legationes eo ex universo ferme orbe confluerant. Quibus per complures dies studiose auditis, deinceps ad Hephæstionis exequias adiecit animum. Quae summo omnium studio ita celebratae sunt, ut nullius ad id tempus regis feralia magnitudine sumptuum apparatusque celebritate non vicerint. Post haec cupido incessit regi per Pallacopam amnem ad Arabum confinia navigandi; quo delatus, urbi condendae commoda sede reperta, Graecorum aetate aut vulneribus invalidos, et si qui sponte remanserant, ibi collocat. Quibus ex sententia perfectis, iam futuri securus Chaldaeos irridebat, quod Babylonem non ingressus tantum esset incolumis, verum etiam excessisset. Enimvero revertenti per paludes, quas Euphrates in Pallacopam effusus efficit, foedum omen oblatum est. Quippe rami desuper impendentes detractum capiti regio diadema proiecerunt in fluctus. Cum deinde alia super alia prodigiosa et minacia nuntiarentur, procurandis iis Graeco simul barbaroque ritu continua sacra facta sunt. Neque tamen expiari praeterquam morte regis potuere. Qui cum Nearchum excessisset convivio, iamque cubitum iturus esset, Medii Larissaei obnixis precibus dedit, ut ad eum commissatum veniret. Ubi postquam tota nocte perpotasset, male habere coepit. Ingravesceus deinde morbus adeo omnes vires intra sextum diem exhaustit, ut ne vocis quidem potestas esset. Interea milites, sollicitudine desiderioque eius anxii, quamquam obtestantibus ducibus, ne valetudinem regis onerarent, expresserunt, ut in conspectum eius admitterentur.]

1. Intuentibus lacrimae abortae praebuere speciem¹⁴ iam non regem, sed funus eius visentis exercitus.
2. Maeror tamen circumstantium lectum eminebat: quos ut rex adspexit, *Invenietis*, inquit, *cum excessero, di-*

gnum talibus viris regem? Incredibile dictu auditu- 3
 que, in eodem habitu corporis, in quem se compo-
 suerat, cum admissurus milites esset, durasse, donec
 a toto exercitu illud¹ ultimum persalutatus est: di-
 missoque vulgo, velut omni vitae debito liberatus, fa-
 tigata membra reiecit. Propiusque adire iussis ami- 4
 cis, (nam et vox deficere iam coeperat,) detractum
 anulum digito, Perdiccae tradidit, adiectis mandatis,
 ut corpus suum ad Hammonem ferri iuberent.² Quae- 5
 rentibus his, cui relinqueret regnum? respondit, ei,
 qui esset optimus; ceterum providere iam se,³ ob
 id certamen magnos funebres ludos parari sibi. Rur- 6
 sus Perdicca interrogante, quando coelestes honores
 haberi sibi vellet? dixit, tum velle, cum ipsi felices
 essent. Suprema haec vox fuit regis, et paulo post
 exinguitur.

15 Ac primo ploratu lamentisque et planctibus tota 7
 regia personabat: mox velut in vasta solitudine omnia
 tristi silentio muta torpébant, ad cogitationes, quid
 deinde futurum esset, dolore converso. Nobiles pueri 8
 custodiae corporis eius assueti nec doloris magnitudi-
 nem capere, nec se ipsos intra vestibulum regiae te-
 nere⁴ potuerunt: vagique et furentibus similes totam
 urbem luctu ac maerore compleverant, nullis questi-
 bus omissis, quos in tali casu dolor suggerit. Ergo 9
 qui extra regiam astiterant Macedones pariter barba-
 rique concurrunt, nec poterant victi a victoribus in
 communi dolore discerni. Persae iustissimum ac mi-
 tissimum dominum, Macedones optimum ac fortissi-
 mum regem invocantes, certamen quoddam maeroris
 edebant. Nec maestorum solum, sed etiam indignan- 10
 tium voces exaudiebantur, tam viridem et in flore

¹ exercitu illo ad ultimum. ² iuberet. ³ *abest* se. ⁴ retinere.

aetatis fortunaeque invidia deum ereptum esse rebus humanis. Vigor eius et vultus educentis in proelium milites, obsidentis urbes, evadentis in muros, fortes
 11 viros pro contione donantis occurrebant oculis. Tum Macedones divinos honores negasse ei poenitebat, impiosque et ingratos fuisse se confitebantur, quod aures eius debita appellatione fraudassent.

Et cum diu nunc in veneratione, nunc in deside- 16
 12 rio regis haesissent, in ipsos versa miseratio est. Macedonia profecti ultra Euphraten in ¹ mediis hostibus novum imperium aspernantibus destitutos se esse cernebant; sine certo regis herede ² publicas vires ad
 13 se quemque tracturum. Bella deinde civilia, quae secuta sunt, mentibus augurabantur: iterum, non de regno Asiae, sed de rege, ipsis sanguinem esse fundendum; novis vulneribus veteres rumpendas cicatri-
 14 ces; senes, debiles, modo petita missione a iusto rege, nunc morituros pro potentia forsitan satellitis alicuius
 15 ignobilis. Has cogitationes volventibus nox supervenit, terroremque auxit. Milites in armis vigilabant; Babylonii alius e muris, alius e ³ culmine sui quisque tecti prospectabant, quasi certiora visuri.
 16 Nec quisquam lumina audebat accendere. Et quia oculorum cessabat usus, fremitus vocesque auribus captabant, ac plerumque vano metu territi per obscuras semitas, alius alii occurrentes, invicem suspecti ac ⁴
 17 solliciti ferebantur. Persae, comis suo more detonsis, in lugubri veste, cum ⁵ coniugibus ac liberis, non ut victorem et modo ⁶ hostem, sed ut gentis suae

¹ *adiecta est praepositio de coniect.*

mss. et editis sine herede regni.

coniect. adiecta est.

pos. a libris mss.

ut: et modo ut hostem.

² *adiicitur in libris*

mss. et editis sine herede regni.

³ *praepos. de*

coniect. adiecta est.

⁴ *et.*

⁵ *abest praepos. a libris mss.*

⁶ *additur in libris mss. vocula*

iustissimum regem vero desiderio lugebant. Assueti sub rege vivere, non alium, qui imperaret ipsis, digniorem fuisse confitebantur.

17 Nec muris urbis luctus continebatur, sed proximi-18
mam regionem ab ea, deinde magnam partem Asiae
eis Euphraten tanti mali fama pervaserat. Ad Darei 19
quoque matrem celeriter perlata est. Abscisa¹ ergo
veste, qua induta erat, lugubrem sumpsit, laceratisque
crinibus humi corpus abiecit. Assidebat ei altera ex 20
neptibus, nuper amissum Hephaestionem, cui nupse-
rat, lugens, propriasque causas doloris in communi
maestitia retractabat.² Sed omnium suorum in ala 21
Sisygambis una capiebat. Illa suam, illa neptium vi-
cem flebat. Recens dolor etiam praeterita revoca-
verat. Crederes modo amissum Dareum, et pariter
miserae duorum filiorum exequias esse ducendas.
Flebat simul mortuos³ vivosque. Quem enim puel- 22
larum acturum esse curam? quem alium futurum
Alexandrum? iterum esse⁴ se captas, iterum excidisse
regno. Qui mortuo Dareo ipsas tueretur, repperisse,
qui post Alexandrum respiceret, utique non repertu-
ras. Subibat inter haec animum, octoginta fratres 23
suos eodem die ab Ocho saevissimo regum trucidat-
os, adiectumque stragi tot filiorum patrem; e septem
liberis, quos genuisset ipsa, unum superesse; ipsum
Dareum floruisse paulisper, ut crudelius posset extin-
gui. Ad ultimum dolori succubuit,⁵ obvolutoque ca- 24
pite accidentes genibus suis neptem nepotemque aver-
sata, cibo pariter abstinuit et luce. Quinto, postquam
mori statuerat, die extincta est.⁶ Magnum profecto 25
Alexandro indulgentiae in eam iustitiaeque in omnes

¹ abscissa.
simul.

² *Libri mss.* retractabant.

⁴ *abest.*

³ mortuos

⁵ succumbit.

⁶ *abest.*

captivos documentum est mors huius; quae cum sustinisset post Dareum vivere, Alexandro esse superstes erubuit.

26 Et hercule, iuste aestimantibus regem liquet, bona 18
 27 naturae eius fuisse, vitia vel fortunae, vel aetatis. Vis
 incredibilis animi; laboris patientia propemodum ni-
 mia; fortitudo non inter reges modo excellens, sed
 inter illos quoque, quorum haec sola virtus fuit; libe-
 28 ralitas saepe maiora tribuentis, quam a diis petuntur;
 clementia in devictos, tot regna aut reddita, quibus
 29 ea dempserat bello, aut dono data; mortis, cuius me-
 tus ceteros exanimat, perpetua contemptio; gloriae
 laudisque ut iusto maior cupido, ita ut iuveni et in
 30 tantis admittenda rebus; iam pietas erga parentes,
 quorum Olympiada immortalitati consecrare decre-
 31 verat, Philippum ultus erat; iam in omnes fere ami-
 cos benignitas, erga milites benivolentia; consilium
 par magnitudini animi, et quantam vix poterat aetas
 32 eius capere, sollertia; modus immodicarum cupidita-
 tum, Veneris intra naturale desiderium usus, nec ulla
 nisi ex permissio voluptas, ingentes profecto dotes
 33 erant. Illa fortunae: diis aequare se, et coelestes ho-
 nores accersere, et talia suadentibus oraculis credere,
 et dedignantibus venerari ipsum vehementius quam
 par esset irasci; in externum habitum mutare corpo-
 ris cultum, imitari divictarum gentium mores, quos
 34 ante victoriam spreverat. Nam iracundiam et cupi-
 dinem vini sicuti iuventa irritaverat, ita senectus mi-
 35 tigare potuisset. Fatendum est tamen, cum pluri-
 mum virtuti debuerit, plus debuisse fortunae, quam
 solus omnium mortalium in potestate habuit. Quo-
 tiens illum a morte, revocavit? quotiens temere in pe-

ricula vectum perpetua felicitate protexit? Vitae quo- 36
que finem eundem illi, quem gloriae statuit. Expe-
ctavere eum fata, dum Oriente perdomito, aditoque
Oceano, quicquid mortalitas capiebat impleteret. Huic 37
regi ducique successor quaerebatur: sed maior moles
erat, quam ut unus subire eam posset. Itaque no-
men quoque eius et fama rerum in totum propemo-
dum orbem reges ac regna diffudit, clarissimique
sunt habiti, qui etiam minimae parti tantae fortunae
adhaeserunt.

19 Ceterum Babylone (inde enim devertit¹ oratio) VI.
corporis eius custodes in regiam principes amicorum
ducesque copiarum advocavere. Secuta est militum
turba, cupientium scire, in quem Alexandri fortuna
esset transitura. Multi duces frequentia militum ex- 2
clusi regiam intrare non poterant, cum praeco, ex-
ceptis, qui nominatim citarentur, adire prohiberet.²
Sed precarium spernebatur imperium. Ac primum 3
eiulatus ingens ploratusque renovatus est: deinde fu-
turi expectatio inhibitis lacrimis silentium fecit. Tum 4
Perdicca, regia sella in conspectum vulgi data, in qua
diadema vestisque Alexandri cum armiserant, anulum
sibi pridie traditum a rege in eadem sede posuit;
quorum aspectu rursus abortae omnibus lacrimae in-
tegravere luctum. Et Perdicca, *Ego quidem*, inquit, 5
anulum, quo ille regni atque imperii vires obsignare
erat solitus, traditum ab ipso mihi, reddo vobis. Ce- 6
terum quamquam nulla clades huic, qua affecti sumus,
par ab iratis diis excogitari potest, tamen magnitu-
dinem rerum, quas egit, intuentibus credere licet, tan-
tum virum deos accommodasse rebus humanis, qua-
rum sorte completa, cito repeterent eum suae stirpi.

¹ divertit.

² prohibuit.

7 Proinde quoniam nihil aliud ex eo superest, quam
 quod semper ab immortalitate seducitur,¹ corpori
 hominique² quam primum iusta solvamus, haud obliti,
 in qua urbe, inter quos simus, quali praeside ac rege³
 8 spoliati. Tractandum est, commilitones, cogitandum-
 que, ut victoriam partam inter hos, de quibus parta
 est, obtinere possimus. Capite opus est. Hocine⁴
 uno, an pluribus, in vestra potestate est. Illud scire
 debetis, militarem sine duce turbam corpus esse sine
 spiritu. Sextus mensis est, ex quo Roxane praegnans
 9 est: optamus, ut marem enitatur, cuius⁵ regnum diis
 approbantibus futurum, quandoque⁶ adoleverit. In-
 terim a quibus regi velitis destinate. Haec Perdicca.
 10 Tum Nearchus, Alexandri modo sanguinem ac 20
 stirpem regiae maiestati convenire, neminem, ait,
 11 posse mirari. Ceterum expectari nondum ortum re-
 gem, et qui iam sit praeteriri, nec animis Macedonum
 convenire, nec tempori rerum. Esse e Barsine filium
 12 regis: huic diadema dandum. Nulli placebat oratio.
 Itaque suo more hastis scuta quatientes obstrepere
 perseverabant. Iamque prope ad⁷ seditionem perve-
 13 nerant, Nearchus pervicacius tuente sententiam. Tum
 Ptolemaeus, *Digna prorsus est soboles, inquit, quae*
Macedonum imperet genti, Roxanes vel Barsinae filius!
cuius nomen quoque Europam dicere pigebit, maiore
 14 *ex parte captivi. Est cur⁸ Persas vicerimus, ut*
stirpi eorum serviamus! quod iusti illi reges Dareus
et Xerxes tot milium agminibus tantisque classibus
 15 *nequicquam petiverunt. Mea sententia haec est, ut*
sede Alexandri in regia posita, qui consiliis eius ad-

¹ subducitur.² Ex emend. Vulgo nominique.³ rege

ac praeside.

⁴ Hocne.⁵ eius.⁶ quando.⁷ abest praepositio.⁸ Cur, sine est.

*hibebantur, coëant, quotiens in commune consulto opus fuerit: eoque, quod maior pars eorum decreverit, stetur, duces praefectique copiarum his pareant. Ptolemaeo quidam, pauciores¹ Perdiccae assentiebantur. Tum Aristonius orsus est dicere, Alexandrum consultum, cui relinqueret regnum, voluisse optimum deligi. Iudicatum autem ab ipso optimum Perdiccam, cui anulum tradidisset. Neque enim unum eum¹⁷ asedis-
sedisse morienti, sed circumferentem oculos ex turba amicorum delegisse, cui traderet. Placere igitur, summam imperii ad Perdiccam deferri. Nec dubitavere,¹⁸ quin vera censeret. Itaque universi procedere in medium Perdiccam et regis anulum tollere iubebant. Haerebat inter cupiditatem pudoremque, et quo modestius quod expectabat appeteret, pervicacius oblaturos esse credebat. Itaque cunctatus, diuque quid¹⁹ ageret incertus, ad ultimum tamen recessit, et post eos, qui sederant proximi, constitit.*

21 *At Meleager, unus e ducibus, confirmato animo,²⁰ quem Perdiccae cunctatio erexerat, Nec dii siverint,² inquit, ut Alexandri fortuna tantique regni fastigium in istos humeros ruat: homines certe non ferent. Nihil dico de nobilioribus, quam hic est, sed de viris tantum, quibus invitis nihil perpeti necesse est. Nec²¹ vero interest, Roxanes filium, quandoque genitus erit, an Perdiccam regem habeatis, cum iste sub tutelae specie regnum occupaturus sit. Itaque nemo ei rex placet, nisi qui nondum natus est, et in tanta omnium festinatione, non iusta modo, sed etiam necessaria, exactos menses solus expectat, et iam divinat marem esse conceptum; quem vos dubitetis³ paratum esse vel subdere. Si medijsfidius Alexander hunc²²*
nobis

¹ potiores, quod erat de coniectura. ² siverint. ³ dubitatis.

*nobis regem pro se reliquisset, id solum ex his,¹
 23 quae imperasset, non faciendum esse censerem. Quin
 igitur ad diripiendos thesauros discurretis? harum
 24 enim opum regiarum utique populus est heres. Haec
 elocutus per medios armatos erupit, et qui abeunti
 viam dederant, ipsum ad pronuntiatam praedam se-
 quebantur.*

VII. Iamque armatorum circa Meleagrum frequens glo-22
 bus erat, in seditionem ac discordiam versa contione;
 cum quidam plerisque Macedonum ignotus ex infima
 2 plebe, *Quid opus est, inquit, armis civilique bello,
 habentibus regem, quem quaeritis? Arrhidaeus,² Phi-
 lippo genitus, Alexandri paulo ante regis frater, sa-
 crorum caerimoniarumque consors modo, nunc solus he-
 res, praeteritur a vobis. Quo merito suo? quidve
 fecit, cur etiam gentium communi iure fraudetur? Si
 Alexandro similem quaeritis, nunquam reperietis; si
 3 proximum, hic solus est. His auditis contio primo
 silentium velut iussa habuit: conclamant deinde pari-
 ter, Arrhidaeum vocandum esse, mortemque meritos,
 4 qui contionem sine eo habuissent. Tum Pithon ple-
 nus lacrimarum orditur dicere, nunc vel maxime mi-
 serabilem esse Alexandrum, qui tam bonorum civium
 militumque fructu et praesentia fraudatus esset. No-
 men enim memoriamque regis sui tantum intuentes,
 5 ad cetera caligare eos. Haud ambigue in iuvenem,
 cui regnum destinabatur, impensa probra magis³
 ipsi odium, quam Arrhidaeo contemptum attulerunt:
 6 quippe dum miserentur, etiam favere coeperunt. Igi-
 tur non alium regem⁴ se, quam eum, qui ad hanc
 spem genitus esset, passuros,⁵ pertinaci acclamatione de-*

¹ iis. ² Aridaeus. ³ Vulgo quae magis; Codd. im-
 pense probra quae obiecerat magis. ⁴ abest.
⁵ regnare passuros.

clarant, vocarique Arrhidaeum iubent. Quem Melea- 7
ger infestus invisusque Perdiccae strenue perducit in
regiam; et milites Philippum consalutatum regem ap-
pellant.

23 Ceterum haec vulgi erat vox, principum alia sen- 8
tentia. E quibus Pithon consilium Perdiccae exequi
coepit, tutoresque destinat filio ex Roxane futuro
Perdiccam et Leonnatum, stirpe regia genitos. Adie- 9
cit, ut in Europa Craterus et Antipater res admini-
strarent. Tum iusiurandum a singulis exactum, futu-
ros in potestate regis geniti Alexandro. Meleager, 10
haud iniuria metu supplicii territus, cum suis seces-
serat. Rursus Philippum trahens secum irrupit re-
giam, clamitans suffragari reipublicae de novo rege
paulo ante concepto: robur aetatis experirentur; mo-
do stirpem Philippi, et filium ac fratrem regum duo-
rum, sibimetipsis potissimum crederent. Nullum pro- 11
fundum mare, nullum vastum fretum et procellosum
tantos ciet fluctus, quantos multitudo motus habet,
utique si nova et brevi duratura libertate luxuriat.
Pauci Perdiccae modo electo, plures Philippo, quem 12
spreverant, ¹ imperium dabant. Nec velle, nec nolle
quicquam diu poterant, poenitebatque modo consilii,
modo poenitentiae ipsius. Ad ultimum tamen in stir-
pem regiam inclinavere studiis. Cesserat ex contio- 13
ne Arrhidaeus, principum auctoritate conterritus; et
abeunte illo conticuerat magis, quam languerat, mili-
taris favor. Itaque revocatus vestem fratris, eam
ipsam, quae in sella posita fuerat, induitur. Et Me- 14
leager thorace sumpto capit arma, novi ² regis satellites.
Sequitur phalanx, hastis clipeos quatiens, expletura ³

¹ *Ex emend. Vulgo quam speraverat.*
punctione post sequitur posita.
in fine adiectum minabatur.

² *novique, inter-*
³ *expleturam se et*

se sanguine illorum, qui affectaverant nihil ad ipsos
 15 pertinens regnum. In eadem domo familiaque imperii vires remansuras esse gaudebant; hereditarium imperium stirpem regiam vindicaturam; assuetos esse ¹ nomen ipsum colere venerarique, nec quemquam id capere, nisi genitum ut regnaret.

16 Igitur Perdicca territus, conclave, in quo Alexan-24 dri corpus iacebat, obserari ² iubet. Sexcenti cum ipso erant, spectatae virtutis: Ptolemaeus quoque se
 17 adiunxerat ei, puerorumque regia cohors. Ceterum haud difficulter a tot milibus armatorum claustra perfracta sunt. Et rex quoque irruperat stipatus satellitum turba, quorum princeps ³ Meleager. Iratusque Perdicca hos, qui Alexandri corpus tueri vellent, se-
 18 vocat: sed qui irruperant eminus tela in ipsum iaciebant. Multisque vulneratis, tandem seniores demptis galeis, quo facilius nosci possent, precari qui cum Perdicca erant coepere, ut absisterent ⁴ bello, regique
 19 et pluribus cederent. Primus Perdicca arma deposuit; ceterique idem fecere. Meleagro deinde suadente, ne a corpore Alexandri discederent, insidiis locum
 20 quaeri rati, diversa regiae parte ad Euphraten fugam intendunt. Equitatus, qui ex nobilissimis iuvenum constabat, Perdiccam et Leonnatum frequens sequebatur; placebatque excedere urbe, et tendere in cam-
 21 pis. ⁵ Sed Perdicca ne pedites quidem secuturos ipsum desperabat: itaque ne abducendo equites abrupisse a cetero exercitu videretur, in urbe subsistit. ⁶

III. At Meleager regem monere non destitit, ius impe-25 rii Perdiccae morte sanciendum esse: ni occupetur impotens animus, res novaturum: meminisse eum

¹ se.² *Ex emend.* Vulgo asservari, *Codd.* observari.³ princeps erat.⁴ abstinerent.⁵ campos.⁶ substitit.

quid de rege meruisset, neminem autem ei satis fidum 2
 esse, quem metuat. Rex patiebatur magis, quam as-
 sentiebatur. Itaque Meleager silentium pro imperio
 habuit, misitque regis nomine, qui Perdiccam accer-
 serent. Iisdem mandatum, ut occiderent, si venire 3
 dubitaret. Perdicca, nuntiato satellitum adventu, sex-
 decim omnino pueris regiae cohortis comitatus in li-
 mine domus suae constitit, castigatosque, et Meleagri
 mancipia identidem appellans, sic animi vultusque
 constantia terruit, ut vix mentis compotes fugerent.
 Perdicca pueros equos iussit conscendere, et cum 4
 paucis amicorum ad Leonnatum pervenit, iam firmio-
 re praesidio vim propulsaturus, si quis inferret. Po- 5
 stera ¹ die indigna res Macedonibus videbatur, Per-
 diccam ad mortis periculum adductum, et Meleagri
 temeritatem armis ultum ire decreverant. Atque ille 6
 seditione provisa, cum regem adisset, interrogare eum
 coepit, an Perdiccam comprehendi ipse iussisset. Ille
 Meleagri instinctu se iussisse respondit: ceterum non
 debere tumultuari eos, Perdiccam enim vivere.

26 Igitur contione dimissa Meleager, equitum maxime 7
 defectione perterritus, inopsque consilii, (quippe in
 ipsum periculum reciderat, quod inimico paulo ante
 intenderat,) triduum fere consumpsit incerta consilia
 volvendo. Et pristina quidem regiae species mane-
 bat: nam et legati gentium regem adibant, et copia- 8
 rum duces aderant, et vestibulum satellites armatique
 compleverant. Sed ingens sua sponte maestitia ulti- 9
 mae desperationis index erat, suspectique invicem non
 adire propius, non colloqui audebant, secretas cogita-
 tiones intra se quoque volvente, ² et ex comparatione
 regis novi desiderium excitabatur amissi. Ubi ille es- 10

¹ postero.

² *Ex emendatione*: volventes.

set, cuius imperium, cuius auspiciū secuti erant, requirebant. Destitutos se inter infestas indomitasque gentes, expetituras tot suarum cladum¹ poenas, quantū docun-¹¹que oblata esset occasio. His cogitationibus animos exedebant, cum annuntiatur, equites, qui sub Perdicca essent, occupatis circa Babylona² campis, frumentum, quod in urbem vehebatur,³ retinuisse. Itaque inopia priinum, deinde fames esse coepit; et qui in urbe erant aut reconciliandam cum Perdicca¹² gratiam,⁴ aut armis certandum esse censebant. Forte ita acciderat, ut qui in agris erant, populationem villarum vicorumque veriti, confugerent in urbem, oppidani, cum ipsos alimenta deficerent, urbe excederent, et utrique generi tutior aliena sedes, quam sua, videretur.

¹⁴ Quorum consternationem Macedones veriti, in re-²⁷giam coeunt, quaeque ipsorum sententia esset, exponunt. Placebat autem legatos ad equites mitti de¹⁵finiēda discordia armisque ponendis. Igitur a rege legatur Padas Thessalus, et Amissus⁵ Megalopolitanus, et Perilaus: qui cum mandata regis edidissent, non aliter posituros arma equites, quam si rex discordiae auctores dedidisset, tulere responsum. His renuntiatis sua sponte arma milites⁶ capiunt. Quorum tumultu e regia Philippus excitus, *Nihil, inquit, seditione est opus. Nam inter se certantium praemia*
¹⁷*qui quieverint occupabunt. Simul mementote rem esse cum civibus, quibus spem gratiae cito abrumpere*
¹⁸*ad bellum civile properantium est. Altera legatione an mitigari possint, experiamur; et credo, nondum*

¹ cladium suarum.² Babylonem.³ invehebatur.⁴ gratiam cum Perdicca.⁵ Amissas.⁶ milites

arma.

regis corpore sepulto, ad praestanda ei iusta omnes esse coituros. Quod ad me attinet, reddere hoc im-¹⁹ perium malo, quam exercere civium sanguine; et si nulla alia concordiae spes est, oro quaesoque, eligite potiore. Obortis deinde lacrimis, diadema detrahit²⁰ capiti, dextram, qua id tenebat, protendens, ut si quis se digniorem profiteretur, acciperet. Ingentem spem²¹ indolis, ante eum diem fratris claritate suppressam, ea moderata excitavit oratio. Itaque cuncti instare coeperunt, ut, quae agitasset, exequi vellet. Eosdem²² rursus legat petituos, ut Meleagrum tertium ducem acciperent. Haud aegre id impetratum est. Nam et abducere Meleagrum Perdicca a rege cupiebat, et unum duobus impari futurum esse censebat. Igi-²³ tur Meleagro cum phalange obviam egresso, Perdicca equitum turmas antecedens occurrit. Utrumque agmen, mutua salutatione facta, coit, in perpetuum, ut arbitrabantur, concordia et pace firmata.

28 Sed iam fatis admovebantur Macedonum genti^{IX}. bella civilia. Nam et insociabile est regnum, et a pluribus expetebatur. Primum ergo collegere vires, ² deinde disperserunt: et cum pluribus corpus, quam capiebat, onerassent, cetera membra deficere coeperunt: quodque imperium sub uno stare potuisset, dum a pluribus sustinetur, ruit. Proinde iure meritoque ³ populus Romanus salutem se principi suo debere profitetur, qui ¹ noctis, quam paene supremam habuimus, novum sidus illuxit. Huius hercule, non solis ⁴ ortus, lucem caliganti reddidit mundo, cum sine suo capite discordia membra trepidarent. Quot ille tum ⁵ extinxit faces! quot condidit gladios! quantam tempestatem subita serenitate discussit! Non ergo revi-

¹ cui.

6 rescit solum, sed etiam floret imperium. Absit mo-
do invidia, excipiet huius seculi tempora eiusdem do-
7 mus utinam perpetua, certe diuturna posteritas. Ce-
terum, ut ad ordinem, a quo me contemplatio pu-
blicae felicitatis averterat, redeam, Perdicca unicam
spem salutis suae in Meleagri morte deponebat: va-
num eundem et infidum, celeriterque res novaturum,
8 et sibi maxime infestum occupandum esse. Sed alta
dissimulatione consilium premebat, ut opprimeret in-
cautum. Ergo clam quosdam ex copiis, quibus prae-
erat, subornavit, ut, quasi ignoraret ipse, conquereren-
9 tur palam, Meleagrum aequatum esse Perdiccae. Quo-
rum sermone Meleagër ad se relato, furens ira Per-
diccae quae comperisset exponit. Ille, velut nova re
exterritus, admirari, queri, dolentisque speciem osten-
tare ei coepit; ad ultimum convenit, ut comprehen-
10 derentur tam seditiosae vocis auctores. Agit Melea-
ger gratias, amplexusque Perdiccam fidem eius in se
11 ac benivolentiam collaudat. Tum communi consilio
rationem opprimendi noxios ineunt. Placet exercitum
patrio more lustrari. Et probabilis causa videbatur
12 praeterita discordia. Macedonum reges ita lustrare
soliti erant milites, ut discissae canis viscera ultimo
in campo, in quem deduceretur exercitus, ab utraque
abiicerent¹ parte, intra id spatium armati omnes sta-
rent, hinc equites, illinc phalanx.

13 Itaque eo die, quem huic sacro destinaverant, rex 29
cum equitibus elephantisque constiterat contra pedi-
14 tes, quis Meleager praeerat. Iam equestre agmen mo-
vebatur, et pedites subita formidine ob recentem dis-
cordiam, haud sane pacati quicquam expectantes,
parumper addubitavere, an in urbem subducerent

¹ abiicerentur.

copias: quippe pro equitibus planities erat. Ceterum veriti, ne temere commilitonum fidem damnarent, substitere, praeparatis ad dimicandum animis, si quis vim inferret. Iam agmina coibant, parvumque intervallum erat, quod aciem utramque divideret. Itaque rex cum una ala obequitare peditibus coepit, discordiae auctores, quos tueri ipse debebat, instinctu Perdiccae ad supplicia deposcens: minabaturque omnes turmas cum elephantis inducturum se in recusantes. Stupebant improviso malo pedites; nec plus in ipso Meleagro erat aut consilii, aut animi. Tutissimum ex praesentibus videbatur, expectare potius, quam movere fortunam. Tum Perdicca, ut torpentes et obnoxios vidit, cecidit fere, qui Meleagrum erumpentem ex contione, quae prima habita est post mortem Alexandri, secuti erant, a ceteris discretos, elephantis in conspectu totius exercitus obicit; omnesque beluarum pedibus obtriti sunt, nec prohibente Philippo, nec auctore: apparebatque, id modo pro suo vindicaturum, quod approbasset eventus. Hoc bellorum civilium Macedonibus et omen et principium fuit. Meleager, sero intellecta fraude Perdiccae, tum quidem, quia ipsius corpori vis non afferebatur, in agmine quietus stetit: at mox, damnata spe salutis, cum eius nomine, quem ipse fecerat regem, in perniciem suam abutentes videret inimicos, confugit in templum: ac ne loci quidem religione defensus, occiditur.

- 30 Perdicca, perducto in urbem exercitu, consilium principum virorum habuit, in quo imperium ita dividi placuit, ut rex quidem summam eius obtineret, satrapes Ptolemaeus Aegypti et Africae gentium quae in ditione erant. Laomedonti Syria cum Phoenice data est; Philotae Cilicia destinata; Lyciam cum Pamphylia et maiore Phrygia obtinere iussus Antigonus;

in Cariam Cassander, Menander in Lydiam missi. Phry-
 3 giam minorem Hellesponto adiunctam Leonnati pro-
 vinciam esse iusserunt. Cappadocia Eumeni cum Pa-
 phlagonia cessit. Praeceptum est, ut regionem eam
 usque ad Trapezunta defenderet, bellum cum Ariara-
 4 the gereret. Solus hic detrectabat imperium. Pithon
 Mediam, Lysimachus Thraciam appositasque Thraciae
 Ponticas gentes obtinere iussi. Qui Indiae, quique
 Bactris et Sogdianis ceterisque aut Oceani aut Rubri
 maris accolis praeerant, quibus quisque finibus habuis-
 set, imperii etiam ius obtinerent,¹ decretum est; Per-
 dicca ut² cum rege esset, copiisque praeesset, quae re-
 5 gem sequebantur. Credidere quidam testamento Ale-
 xandri distributas esse provincias; sed famam eius rei,
 quamquam ab auctoribus tradita est, vanam fuisse com-
 6 perimus. Et quidem suas quisque opes, divisio impe-
 rii partibus, tuebantur: quas ipsi fundaverant, si un-
 quam adversus immodicas cupiditates terminus staret.
 7 Quippe paulo ante regis ministri, specie imperii alieni
 procurandi singuli ingentia invaserant regna, sublati
 certaminum causis, cum et omnes eiusdem gentis es-
 sent, et a ceteris sui quisque imperii regione discreti.
 8 Sed difficile erat eo contentos esse, quod obtulerat
 occasio: quippe sordent prima quaeque, cum maiora
 sperantur. Itaque omnibus expeditius videbatur au-
 gere regna, quam fuisset accipere.

9 Septimus dies erat, ex quo corpus regis iacebat in 31
 solio, curis omnium ad formandum publicum statum
 10 a tam sollemni munere aversis. Et non aliis quam
 Mesopotamiae regione fervidior aestus existit, adeo ut
 pleraque animalia, quae in nudo solo deprehendit,
 extinguat; tantus est vapor solis et coeli, quo cuncta
 11 velut igne torrentur. Fontes aquarum et rari sunt, et

¹ obtineret.² Decretum est ut Perdicca,

incolentium fraude celantur; ipsis usus patet, ignotus est advenis. Ut tandem curare corpus exanimum amicis vacavit, nulla tabe, ne minimo quidem livore corruptum videre qui intraverant. Vigor quoque, qui constat ex spiritu, non destituerat vultum. Itaque Aegyptii¹² Chaldaei¹³que, iussi corpus suo more curare, primo non sunt ausi admoveere velut spiranti manus: deinde precati, ut ius fasque esset mortalibus attrectare eum, purgare corpus; repletumque est odoribus aureum solium, et capiti adiecta fortunae eius insignia. Venero¹⁴ necatum esse credidere plerique; filium Antipatri inter ministros, Iollam nomine, patris iussu dedisse. Saepe certe audita erat vox Alexandri, Antipatrum regium affectare fastigium, maioremque esse praefecti opibus, ac titulo Spartanae victoriae inflatum, omnia a se data asserentem sibi. Credebant etiam, Craterum cum¹⁵ veterum militum manu ad interficiendum eum missum. Vim autem veneni, quod in Macedonia gignitur, talem¹⁶ esse constat, ut ferrum quoque exurat, ungulam iumentumtaxat patientem esse succi.¹ Stygem appellant fontem,¹⁷ ex quo pestiferum virus emanat. Hoc per Cassandrum allatum, traditumque fratri Iollae, et ab eo summae regis potioni inditum. Haec, utcumque sunt credita,¹⁸ eorum, quos rumor asperserat, mox potentia extinxit. Regnum enim Macedoniae Antipater et Graeciam quoque invasit: soboles deinde excepit, interfectis omnibus,¹⁹ quicumque Alexandrum etiam longinqua cognatione contigerant. Ceterum corpus eius a Ptolemaeo,²⁰ cui Aegyptus cesserat, Memphim, et inde paucis post annis Alexandriam translatum est, omnisque memoriae ac nomini honos habetur.

¹ ungulae iumentumtaxat patiens.

² tradita.





23230

Curtius Rufus, Quintus
De gestis Alexandri Magni; ed. by Zumpt.

LL
C9818Z

**University of Toronto
Library**

**DO NOT
REMOVE
THE
CARD
FROM
THIS
POCKET**

Acme Library Card Pocket
LOWE-MARTIN CO. LIMITED

